

Lang.

HISTOIRE
DE
L'ANCIEN TESTAMENT

TRADUITE EN IROQUOIS

Miss. Soc.
Par le Rev. Pere N. V. BURTIN, O.M.I.
Missionnaire de Caughnawaga.

—•—•—•—

Tsini iawenhon tsinahe thaonwentsison ne R.
Tsinihore ahennakerate Jesus.
Roiatonserison Tekarõnhianeken ronwaniha
Kahnawakeronon.



BUREAU
BIBLIOTHEQUE
LIBRAIRIE

9297

MONTREAL
C. O. BEAUCHEMIN & FILS, LIBRAIRES-IMPRIMEURS,
256 et 258, rue Saint-Paul.

—
1890

PM 1884
B9

RÉVÉREND PÈRE BURTIN, O.M.I.

Mon révérend père,

Je vous permets de livrer à l'impression l' " Histoire de l'ANCIEN TESTAMENT traduite en Iroquois." Ce livre, qui reproduit presque entièrement le texte de l'Ancien Testament, me paraît bien propre à faire un grand bien aux fidèles confiés à vos soins, ainsi qu'aux autres Iroquois de ce diocèse.

L. D. A. MARÉCHAL, V.G.,
Administrateur.

Montréal, 29 octobre, 1890.

AVANT-PROPOS.



Ce livre que nous avons entrepris en nous aidant des travaux faits sur l'histoire sainte par un ancien missionnaire des Sauvages (M. de Terlet), répond à un besoin qui se faisait depuis longtemps sentir. Jusqu'ici les Sauvages Iroquois n'ont eu d'autres livres à leur disposition que des livres de prières et de cantiques, ce qui les disposait à accepter des fragments de bibles protestantes qu'on leur offrait. Tout en convenant que la connaissance des faits arrivés sous l'ancien Testament n'est pas nécessaire, comme le prétendent les sectes séparées de l'Eglise, cette connaissance est du moins grandement utile et sert beaucoup à l'intelligence des dogmes du christianisme dont le judaïsme a été l'ébauche et la préparation. Ce livre aura d'ailleurs une circulation relativement assez étendue, devant être lu non seulement par

les Sauvages Iroquois du village du Sault St-Louis, près de Montréal, mais encore par ceux de St-Régis, du Lac des Deux-Montagnes, par les Mohawks disséminés dans la province d'Ontario, aux environs de la baie de Quinty et de la rivière Osweguen, presque tous protestants. Il sera probablement aussi reçu favorablement par les Oneidas du Wisconsin (Etats-Unis) chez lesquels il y a un mouvement de retour vers le catholicisme, ainsi que par les descendants des 5 nations iroquoises disséminés dans les Etats-Unis, à savoir : les Agniers ou Mohawks, les Onneyouts ou Oneidas, les Onontagués, les Goioguens et les Tsonnontouans (ou Senecas en anglais). Ce livre est écrit dans le dialecte Agnier (ou Mohawk en anglais), dialecte qui a prévalu au Sault St-Louis après avoir subi quelques altérations, vu que les Sauvages qui se sont établis ici parlaient dans l'origine divers dialectes.

N. V. BURTIN, O.M.I.,

Missionnaire de Caughnawaga.

Caughnawaga, 21 octobre, 1890.

PRÉFACE.

“Tsinikon thotiiaton ne rotiiatonserisahannhon
“noiatonseratokentison ronwawennahnoton ne
“R. iontsta aiontaterihonnien nonkwe, taionta-
“tenikonhrateni, aiontatahriste nok aiontatena-
“tonhase kariwakwarisionsera, etho naontawe
“tosa aontokten tsi nenhaiatotenhake R. raon-
“kweta, ahotateweiennentaonhake ahariwaierite
“kariwiio okonha”. (2^e Ep. de St-Paul à
Timothée, ch. 3, vv. 16, 17).

Tsi ehnihawennotenhne Kor Rti thoiatonniskwe
saiatat *Ariwawakon*, sonkwarihonniennitha tsi
Kaiatonseratokenti R. ronwawennenhawe raotiiat-
onsera, aseken rononha ronaterihonte *asakotiri-*
honnien nonkwe, *asakonahriste*. Ioteriwison aha-
tikahenhion, tiotkon ahonteweienstakwe Kaiaton-
seratokenti, etho iawet ahatitsiente tsinikon enion-
taterihonnien sate iakonkwe, ne raotiwenna
iawet taontonkohte Niio raowenna.

Oriwiio tenhnon tsi eso oni iontsta niakori-
wioston okon aiewennahnoton Kaiatonserato-

kenti, aseken “tsinikon etho kahiaton, ne wathonni kahiaton aionkwarihonniën.” (Ep. St-Paul aux Romains, ch. 15, v. 5). Wakeron kati akwaiatonseronniën etho enwateroroke ne kontiriwakweniioson tsini kawennoten *Kaiatonserakaion* ne watroriatha tsini iawenhon tsinahe thaonwentsisson ne R. tsiniïore Niio Roienha onkwe rotonhon. Tsi waiatonserison, eso wakatston nahoten thoiaton saiatat ne Ratsihenstatsi kenha sakorihonniënni nonkwe onwe naonnise.

Ne ken iken kaiatonsera ensewarihonniën tsini hotiïeren ietini okon kenha kariwiiostonke nok rotitokensehakwe iawet ronwahahaseronniënni ne Niio Roienha sesakoskontakohe nonkwe. Ne aonhaa wakesakon akwatokaten tsinikon hotiïawenhon, tsinikon honatieranion iawet watenientenstakonne tsinenhoiatawen, tsinenhaiere Niio Roienha nonen enhreseke nonwentsiake. Wake-rhare etho nentewe enwatehiaron sewanikonhronkon tsi tisewehtakwen tsinikon sonkwarihotasiënni nok senha atsisewanoronkwake Jesus Sonkwawenniio.

Eso iontsta nonkwe aiewennahnoton Kaiatonseratokenti, ne kati wathonni tiotkon Kentiohkwa-tokenti iotataskennhaon takaiatonserareniate Niio

raowenna, oia teskawennatenion tsini iewenno-
 tens enskatson tsi ienakerenion. Tenhnon tsinahe
 iakotiohkonni iahta teieiasontha, (onen 300 nio-
 serake tsinahe ne tethonatiriwiiostontseratenion
 ronaston Kaiatonseratakonti aowenna asakotiia-
 tahtonte, asakotinikonbrakarhatho nonkwe, ioia-
 nerenserison Kentiohkwatokenti ne aoriwake.
 Iakowis oktikawenniiio nonkwe aiewennahnoton
 tsiniiot teshowennatenion ratinneha Kaiatonsera-
 tokenti Serom Rti, tenhnon iahte iakowis *oktika-*
wenniiio nonkwe aiewennahnoton tsiniiot niate
 ionkwetotenson teshotiwenntatenion tsiniiot tsi
 iewennotens enskatson tsi ienakerenion. Ioriwison
 ne ok ieken aiontste Kaiatonseratokenti nene
 kaneka Ariwawakon tehaiasontha rotenhaon
 aiekahenhion tokat tkariwaieri tsiniiot teshoti-
 wennatenion, nok rotontaton taieristorarake. Iori-
 wison oni iokwenhraron tsinonni wentore aiako-
 nikonhraientane etho aiakoroke nahoten thotiia-
 ton ne *ronatirihowanaton kariwiioston* aionkini-
 konhraientasten. Ioriwison oni ahonwariwaien-
 hase Ariwawakon tokat oni ne Ronwahniha ratsi-
 henstatsi, raonha tahaiatorete tokat enhontsen-
 nonniate, tokat oni enhontkaronniate aiewennah-
 noton Kaiatonseratokenti.

Akwa tkariwaieri tsi iokwatakwen Kentiohkwatokenti ne aoriwake. 1^{ton} *Iah akwa tateiotonwentsiohon* akwekon nonkwe ne aiewennahnoton. Eso iontsta sane, tosa tenhnon aiairon: akwa teiotonwentsiohon, ne sakata aiairon : iah taonton karonhiake aiente ne iahte ieiatonseraienti. 2^{ton} Kentiohkowanen nonkwe iah taonton aiakonikhraientane tsini kawennoten noiatonseratokenti. Rotiiatatokentison rotinikhrowanens eso rotiiatonserisahannhon aionkinikhraientasten Niio raowenna, iah kati te watiesen noktikawenniio nonkwe aiakonikhraientane tsini kawennoten. 3^{ton} Tsiniiot iahta teiotonwentsiohon noktikawenniio nonkwe aionteweienste kaianerensera ne nonkwe rotiianerenserison, ratiiatatoken tenhnon ne ronaterihonte ahonteweienste kaianerensera, ne wahi tehatiiatorelha nok tehatiriwakennhas, etho kati niiot ratiiatatoken ne Sonkwawenniio sakorihonten aiontaterihonnien nonkwe raoianerensera, nene R.ronwawennenhawe.

4^{ton} Iotteron *nonkwe sonha* ahontkaronniate tsi enhatikahenhion noiatonseratokenti, aseken wentore ahotinikhraientane tsini kawennoten nene tiotokte tsini hotinikhrowanens, arens oni rotinikhrowanens. Ne enhontste ne *ronatontatskon*

ne konwawennarakwa Kentiohkwatokenti, ne ratiriwaienteres tsi aonhaa kahawe Niio raowenna, aonhaa ioterihonte aionkwanikonhraitasten, aseken Sonkwawenniio rarharatstenni tsi Rotkon R^{ti} ne *iahte hoien kanikonrhatha* tiotkon tenhaswatetenniheke, enhanikonhraitasten, entsiawehiarakwenniheke tsinikon Jesus sonkwarihonnienni, iah ne tesakorharatstenni noktikawenniio nonkwe.

Ne ietokatha tsini kaianerenseriiio ioianerense-
 rison Kentiohkwatokenti aiontkatho tsini hotiia-
 wenhon niahta tehatiiasontha, iah sahotinikonh-
 rat teken tsiniiot rotinikonhraitas Niio rao-
 wenna, shotirision ne kariwiioston, sakotinikon-
 rhatenni nonkwe. Tier R^{ti} sonkwahrori tsi etho
 neniawen, ratonhakwe : “ Ne iakiatatekenha Kor
 “ rinoronkwa, rottokhatserawi ne R., tsi hetsise-
 “ waiatonni, rotroriaton tohka nioriwake ne
 “ wentore, aiakonikonhraitane, tenhnon non-
 “ kwe sonba iahte hotinikonhrowanens, iahte
 “ hatiriwatoken ratiwennaksatanions nahoten
 “ thoiaton, nahoten oni thotiiaton oia rotiiaton-
 “ serison noiatonseratokentison, ne rontsta ahon-
 “ tatkaronniate rononha nok oni sate iakonkwe.”
 (2^e Ep. de St-Pierre, ch. 3, v. 16).

Skennen kenhak nonkwe iakotonta'skon. Rinekennis ne R. atsitsion aeseawatontatskonhake, tiotkon aeseawawennanoronkwake, aeseawawennarakwake oni tewanistenha Kentiohkwatokenti ne aonhaa kahawe Niio raowenna, nok ioterihonte aionkwanikonhraitasten. Etho nensewanikonhrotenhake, iahtaeseawatkaronniate tsi ensewawennahnoton Niio raowenna, ok eken kowanen ensewatsennonniate.

Ahiwennatrori nonwa Tier Rti tsi sakoiatonnihakwe thonatierenton rotiriwiioston, ratonhakwe:
 “ Onen nonwa, tewatateken akwa kwanoronkwa,
 “ tekenihaton wakwaiatonse, tewakatonwentsioni
 “ tsi wakwahretsiaron iawet akiete sewanikonh-
 “ ra, ise iahte sewanikonhrrananet, aonsesewata-
 “ tehiarakwenniheke nahoten ietsirihonnienni
 “ Rotiiatatokenti Rotikensehakwe nok oni Jesus
 “ Ratikwekonwe, tsinikon oni hetsisewannhaon
 “ ne Sonkwawenniio sesonkwaskontakwen ”.
 (2^e Ep. de St-Pierre, ch. 3, v. 1 et 2).

Ethoni wakenikonhrotenne tsi wakiatonserison ne ken iken kaiatonsera, wakeron aonsakheiarakwennitakwe kariwanoronson kherihonnienni isinon 3 nioserashen (30) tsinahe iakwakwekon. Onen nonwa katiatisas, tokat iahte kariwes tete-

watatkanere, etho kati ni wakieren tsini hoierenne Tier Rti, ratonhakwe : “Enkatataskennhen nonen “ enwakiheion, iotkate aesewatatehiarakwenni- “ heke tsini kwarihonnienni.” (2^e Ep. de St-Pierre, ch. 1, v. 15).

Tenhakiatorete ne R., tokat ken tenhotoktaniheke tsiniiot tekhesniehon sewatonnhetston, ethone hetsisewaneken ahakitenre nok naiosnorenne ahakiatinionte akaonwentsiake ne iakonnhe onwe, karonhiake tsinon teioswathe kowa, ionwesen kowa oni, tsi enwaterihotasi tsinikon ioteriwasetonne onwentsiake tsi iakweskwé.

Rinekennis ne R. aesewatste ne ken iken kaia-tonsera, nok tsi ensewawennahnoton aontehiaron tsi tisewehtakwen kariwiiostonke nok tsi entsisewanoronkwake Jesus Sonkwawenniio “ hetsisewanoronkwa, sase iahtetsisewaken, raonhake “ tenhnon tisewehtakon, nok tsi tisewehtakwen, “ etho entkaientakwe tensewatonnharonnion, “ iahtaiewennatsenri aiontrori tsini watsennon- “ niatserowanen, tsi nensewaiatanebrakwaton- “ hatieseke.” (1^{er} Ep. de St-Pierre, ch. 1, v. 8).

Ii wakiaton,

N. V. TEKARONHIANEKEN.

Kahnawake, 22 siskare October, 1890.

Tsinonni kahiaton : R. sakat aiairon : Rawenniio.

“ 2ton, 3ton “ Tekenihaton,
asenhaton.

Tsinonni kahiaton: R^{ti} sakataiairon: Roiatatokenti.

“ A.M. “ Tsinahe R.
thaonwentsison.

Tsinonni kahiaton: R^{ke} sakataiairon: Rawenniioke.



HISTOIRE DE L'ANCIEN TESTAMENT

CHAPITRE Ier.

Création, œuvre de 6 jours.—Création de l'homme et paradis terrestre.—Création de la femme.—Repos de Dieu, il bénit la création.—J.-C. figuré par Adam et Ève.—État d'innocence.—Arbre de la science du bien et du mal. (A. M. 1.)

Sontahaonwentsisa ne R. : Karo ahennakerate J.-C. 4004.

Aontonseke akwa akonwaienterihake kariwii-oston, ioianere, toha tei-tonwentsiohon aieien-terihake tsini iakoiatawenseron niakoriwiioston tsinahe thaonwentsison ne R. ne kati nonwa en-kwarihonnien.

Ok si hanakere R. tsinikon hanakere noia tiosawe nennee ; raonha roteweiennison. Tsiniia-wenhon sontahaonwentsisa ne R. Moïse roiaton. Iahte honoronse ne R. oksa ok akwekon ahoteweiennison ; wahrere tehnon 6 nonta akeweien-nentane.

Tiotierenton wahateweiennisa kaionhia noknouwentsia, iahtaiaron : onwentsia ken kenhne tsiniiot ohneka taienonwafwen, iah kaneka te kaieronni nonwsntsia kenh, tetiokaraskwe, iah othenon etho tekanakerekwe nok R. raonikouh-ratokenti tsiniiot ratefwasotakwe ehneken tsinonni kahnekaronnion.

Wahenron ne R. : Teioswatek. Ok sa ok wathioswathene ; wathakhasi ne R. teioswathe nok tetiokaras ; wahanatonkwe teioswathe entiekehue, nok tetiokaras, asonthenne. Ethone sewenniserat onton.

Sahenron ne R. : Tekontekhasi ohneka, otiake ehneken niekonne, nok otiake, ehtake. Ok sa ok etho naawenne. Karonhia wahanaton ehneken noukati. Ethone kati tewenniserake onton. Iahte hawen : ioianere : aseken arekho te howeiennen-tahon ohneka aoriwake.

3^{ton} nonta, sahenron ne R : Tekontekhasionko

ohneka okon tsinikon kahneko nehtake, tosa akwekon akahneko. Ok sa ok etho naawenne. Tsinonwe iahte kahneko, onwentsia wahanatonkwe, nok tsinonwe kahneko, kaniatarake kowa teiohnekaiotsis wahanatonkwe, ontewehne konnion nonwa tewatkathaos kahwenokon onwentsiakwekon. Ethone wahrere : Ioianere. Ne ok wenniserate wahrenon : Onwentsia aiawehiaron niate kahentotenson, waterontonni oni niate karontotenson, wahianontak otiake nok kanenhontak. Ok sa ok etho naawenne ; onwentsia waawehiaron niate kahentotenson karontotenson oni otiake wahianiontha akwa waoianerenne. Segon wahrere ne R : Ioianere. Onen kati 3 niwenniserake onton.

4^{ton} nonta, sahenron ne R : Tekeni tewaterakwisa karonhiake : enskat entiekehne, nok enskat asonthenne ; ne enwatenientenstakhake tsinenwenniseresouseke nok oni tsini wakannhesonse, nok teioswatek nonwentsiake. Ok sa ok etho naawenne. Tekarakwake waotiketote : enskat entiekekha honwaiats, enskat asontekha. Wahateweiennisa oni otsistok okonha. Onen kati 4 niwenniserake onton.

5^{ton} nonta sahenron ne R ; Niate kentsiotenson

kahonwakon konnesek, nok niate katsitenserson ehneken niekonnet, kontitiesek. Ok sa ok etho naawenne, nok wahrenron : sewatewetonnon kanonwakonson sewanakerek, nok ne tsiten okonha onwentsiake nenwe kentsinatensonsek. Wah-rere ne R : Ioianere. Ethone kati 5 niwennise-rake onton.

6^{ton} nonta sahenron ne R : Onwentsiake konton niate kariototenson, otiake konteserenontie, nok otiake 4 natekkontisinonte. Ok sa ok etho naawenne. Wah-rere ne R : Ioianere. Ethone iawet ttotasawe karonhia onwentsia oni wakarihowanate tsi iah othenon te honoronse ne R. tsini hatokha, tsini hotanitenraskon ; arekho tenhnon onka te ienakerekwe nonwentsiaKe ahonttokhake aiekweni tahonwanonweraton ne akwekon rote-weiennison.

Ethone wahrenron ne R : Hetsitewaiatonni ne ronkws ahattokhake, taonsaiakwaiierenhake ahonwawenniioke kentsionk okouha, tsiten okonha oni, nok ne kontirio okon. Onawatsta wahroniate ne raieronke. Wahaon atonnhetst, iah othenon nennnee te haonniaton, raonha thotatenientenston tsiraiatison, iaharontate tsi kahere noieronta nonwarh roson nok wahatonnhete ne ronk-

we rawi raotounhetston ne ronkwe aonttokhake, iahtakenheie, akakwenieseke ahoienterihake ahonoronkwake ne roiatison. Tsi rawen ne R. : Hetsitewaiatonni ne ronkwe, iawet waharihotasi tsi asen natehaiasere, satehonnas, sahotinikonh-rat, sahotiwiennioserat.

Wahonatonkwe ne thotierenton ronkwe Atan, ethononni wahoteron tsinonwe akwa ionwesen niatekon iontonnihne wahios okonha ; iah othe-non te tiotoktakwe. Etho oni nonwe tkanekine-kenskwe nok isi nouweha 4 nikahionhatatiene kahionhowanenskwe ; tekeni oni te iokwirotak-we, enskat konwaiatskwe iakaonnhetstakwa nok iakoiatahniratstakwa, nok nenskat konwaiatskwe ne iakowis aieienterihake kariwiio nok kariwak-sen. Wahotenientense R. ne thotierenton ronkwe ahoioten nok tahasniene nene ionwentsiio. Etho-ne tehton iawet ionwesenhne ahoioten arekho si horiwaneren. Ethone oni katsenen okon, kontirio oni ronwatsaniskwe ne ronkwe ronwawennara-kwakwe wahorihonten ne R. thotierenton ronkwe asakosennawihon katsenen okon nok notisen-na iawet aontrori tsini kontiiatotens. Rottokhat-serawi kati rowennawi oni etho naontawe ahatste raottokhatsera rawennasa oni ahosennaïen taho-nonweraton ne roiatison.

Wahattoke tenhnon tsinikon sakosennawi iah onka tateshiatieren raonha. Ethone wahrenron ne R. Iahte ioianere raonhaa akenhake ne ronkwe, ioianere tahatihasehake taonsahiatierenhake tahiatatienawaseheke. Wahrere ne R: ahoserentarrann Atan; wahotawe kati, nok tsinahe tsi rotas, wahonenhatatako enskat; sahaseronni ne R. tsinonwe nahonenhatatako wahronniate tsiothonwisen. Sahatkatho n'Atan tsiothonwisen ne raostien kenha kaiatonniaton, wahrenron: Ren iwe ne konwaiatonniaton akstien nok nakewaronk kenha, ne entkarihonniseke nonkwe aiontatawentethake ne iontatateweton nok enskatne enienseke ne iakoniakon nok tsionkwetat akenhake ne teionkwetake. Raonha ne R. watesakorahneken, iawet wasakoterennaienhase nok wasakawenhase, wahrenron: Tsiatehiaronsek nok seniwiraiantasek nonwentsiake aienitiohkwatehiaronseke nonkwe, nok katsenen okon aietsiwennarakwake. Wahrenron oni: Wakion ohonte okon nok oni tsini karontake waianiiontha aetsionnhekonhake. Wahatkatho ne R. tsinikon roteweiennison nok wahrere: Akwekon akwa iken ioianere. 6 nonta kati tsini kariwes waharonhisa wahaonwentsisa oni. 7^{ton} nonta R. wahatorisen; iah sane tetho-

wisenheion tsi roteweiennison, ne kenton wahatkawe nahateweiennisa, tiotkon sane ronnhetonhaties, rotsteristonhaties tsinikon roson. Ethonahe tiotasawe ne 7^{ton} nonta iawet awentatokenti iotonhon, aseken R. wahawenniseranoronste.

Tsiniiot 6^{ton} nonta R. sakoiatison nonkwe, ethoniiot 6^{ton} nonta sesakoskoutakwen Niio Roienha. Tsiniiot onawatstiio raonniaton ne R. raieronke thotierenton ronkwe arekho si kariwaneren iaonwentsiaksaton, ethoniiot Jesus ronistensentaon Wari aonhaa tsini ioiatatokenti, iahte ioiatoronhon kariwanerahakserakaion. Akwekon nonkwe ronwahnihha Atan, akwekon iakoriwiioston ronwahnihha Jesus. Eva iakoien okonha akwekon nonkwe, Kentiohkwatokenti akoien okonha nia-koriwiioston okon. Thotierenton ronkwe tsi rotaskwe ranahatake tioiakenhon Eva, Jesus ranahatake tioiakenhon Kentiohkwatokenti sahrenheie Jesus tekaiasonteke, wahonwahase nok watkanne ranahatake ohneka nok onekwensa; ne watenientenstakon iontatenekwahestha nok okaristia. Sasakoiatisa ne R. thonatierenton nonkwe, rotiiatatokenti kenhne, ronatsennonnihne, roriwis onhonne R. tsi iahta honenheie, sakowihne taho-tinikonhraswateke, ahonttokhake, senha tsiniiot

akwekon ne ronttokhas tsinahe tsi ionwenstsiate, iawet sakorihontenne ahonwasennowanate ne sakoiatison. Tetsiaron raotinotstoskon kenhne, tenhnon iahte hiatehenskwe, aseken arekho te hotinnhikon, iah oni othenon te hienntontonnioukwakwe ne kariwaksen. Roriwisonhonne ne R. ahonwawennarakwake, etho naontawe iahte kakonte ahiatsennonni. Wahawenhase kati Atan : Ise tensennonton, wahrenron, asaiake tsini wahiake watonnis tsinontsiteron, enskat ok wakeniah-tiawematse nene iakowis aieienterhane kariwiio nok ne kariwaksen, onen ensaiake, ensiheie. Tsiniiot nahawen ; tokat enseriwanerake, ise nok oni ensatewetonnion nonkwe eniakoiatoronhatie nenionnakerate, nok katke ki ok ensiheie nok oni tsinenwe nonkwe eniontouseke akwekon eni-aiheie.



CHAPITRE II.

Tentation et chute de nos 1ers parents.—Interrogatoire qu'ils subissent.—Châtiment du serpent.—Adam et Eve chassés du paradis terrestre.—Effets de la chute d'Adam.—Bienfaits de la rédemption.—Cain et Abel.—Meurtre d'Abel.—Punition de Cain et ce que figure son châtiment.—Invention de quelques arts.

Wahatontate Atan nahoten thotati ne R. iah sane te honikonhraitaskwe. Arekho tsi sakoia-tison ronatkonseriio raotinikhroskon, iahte hatiiatonte, akwa ionehrakwat tsini honttokhas, rotiiatatokenti oni, iah tenhnon ok sa ok te hori-wahniraton R. tsi ronatsennonni, wasakotenientense. Otiake, tsini hotiiatanehrakwat, sotsi wahontatkonnienste, iawet wahontatsennaïen, wahonnehre : sate Niio tewaiatotenhak. Ok sa ok wasakohrewate, ronatkonseriohne otkonseraksen iotonhon, iah tenhnon te iohtonhon tsi rotini konhrowanens, wahontasawen ahontste nakottokhatsera ahatiriwanerake. Ne ronwakowanen wahanosa tsi ronatsennonni nonkwe wahrere : aiak-wahriskon. Wahonikonhrehawite ahowennonti ne R. Ohniare ontiatotenste, wahrenhase ne Atan rone : Nahoten karihonni hetsitsiatiawenrati ne

R. naetsiaiake skakwiratne iokwirote ? Takenron Atan rone : Rawen ne R. Tsiaiak tsini iokwironianion, enskat ok iokwirote sonkiatiawenrati, rawen, enseniheie entsiaiake.—Takenron ohniare : Iahta enseniheie nentsiaiake. Roterientare ne R. kawenniio ok entsiaiake, ok sa ok tensewaswatheke, enseniriwaienterhane kariwiio nok kariwaksen, sate Niio ensewaiatotenhake. Ethone watkaiatorete tsini wahiotens ontieren ok wahiios onhiake, wahononte ne rone. Wahatontate Atan, wahaiake oni.

Iahte hiatehenskwe tsi raotinekon ihneskwe ; sontahonwawennonti ne R. ok sa ok wahiatehen, onerata wahiatekaren kaneratowanens. Wahniwennahronke R. tahatati tsiniiot nahreseke onen tsi iekara, ok sa ok okwiroken wahiatasete, aseken akwekon rakens ne R. Wahononke ne R. wahrenron ; “ Atan ! kanonni tesiteron ? ” Tahenron Atan : “ Konwennahronken nok wakterons, aseken akenekon ; ne wahonni wakatasete.” Tahenron ne R : “ Onka iakawen ; Sanekon, kanehere ne karihonni tsi saiakon ne keniahtiawenratihne.” Tahenron ne Atan : “ Ne sheiatison tsiakothonwissen, seron teniakeniterontake, wakaianonten ; wakaiakon kati.” Wahrenhase ne

R. tsiothonwisen : “ Nahoten karihonni ethoni saieren ? ” Takenron : “ Ohniare onkenikonhratenni, onkenikonhrata tsi wakaiake.”

Ethone R. wahrenhase ohniare : “ Ne enkarihonni tsi nasatiere, eniesaswenseke nonwentsiake, ensatereseke okenrake, tiotkon tentsiatatswenseke tsiothonwisen enwatewetonnnion, nok nise oni ensatewetonnnion tiotkonteniontatswenseke, tiotkon enserheke ; enkekari. Katke ki ok skaiatat tsiothonwisen tensanontsistahrite, nok nise ensah-tako asesake asatekwake ne kasitake.” Tsi ehni hawennotenhne ne R. wasakorharatsten enthottenniete nensesakoskontako raonha Jesus ne enhonistensentakiahte ienakwaienteri, naonhaa tsia-kothonwisen okon tsini hakonnienstha ne R. tenhonontsistahrite notkonseraksen, enhakweni nonwentsiakwekon enhonwennakeratse R., enharisi aokweniatsera notkon, ne San R^{ti} raoia-tonserake wahanatonkwe ohniarakaion. Tsi rawen R. Ensah-tako asesake asatekwake ne kasitake, sonkwarihonniennitha tsi notkonseraksen aonakwensera enkarihonni niatekon enhonwaierase, enhonwaiesate Hiio Roienha onkwe tsini haiatoten notkonseraksen aonkweta.

Ethone wahrenhase ne R. tsiothonwisen : “ A-

seken takewennontion, eso ensaronhiaken nonen ensawiraientaseke ; ne teseniteron enhiannhanne ; raonha akwekon enthennonton.” Onen nouwa wahawenhase Atan : “ Ne entkarihonniate tsi satontati teseniteron, saiakon ne keniihtiawenratihne, iahtaonsontonniseke nonwentsiake tsini watonniskwe, ensathetonniseke, nok ohikta kahentaksenskwetentkanioseke, ohonte sonha, nok ohtera sonha ensekseke tsi ok akwa ensaioten enwattonni ne sonnhekon, tsi ok onwentsiokon ensesete tsi tisaiakehon, aseken okenra nasiatoten, nok okenra ensesaton.” Ethonewasakaon nahia tiatawite kanehon nahoten ; ethone ani Atan wahasennon ne rone Eve waanatonkwet, ne karihouni ethoni iosennoten, aseken iawet ontatenistenha akwekon nonkwet. Ethone R. wahotehate Atan, wahrenron : “ Etho ken ni haiatoten nonwa Atan tsini iakwaiatotens, (ethoni hawennoten aseken asen natehaiasere Niio,) hetsitewatekwat kati onwa siken enhaiake ne iakonnhetstakwa, onwa naa enhronnheket onwet.” Sahotekwate kati tsinonni ionwesenhne, niatekon niotonnihne, etho wahoteron raronhiakehronon wahahetetanonna, asikwet rahawakwet tateiotonkoton ne raosikwet.

Etho kati niiot saiatat ne ronkwet raiatiniionte

nonwentsiake ne kariwaneren, nok ne kariwaneren raiatiniionte nonwentsiake ne kenheion, aseken ne thotierenton ronkwe sonkwariwanerahakserarhon, sonkwaiataksaton ii ne tionkwe, tsiniiot raonhake akwekon aionkwariwaneren. Ne kariwaneren tsiorision ioianerenstakwa, ne iawet iotseronniatoune thotierenton, ronkwe ratoonnhetstan ; ne kariwaneren oni ionkwannhoton ne karonhiake, iawet tsionkwaniKonhratsiionton, ne ioribonnihon tsi nonkwe tetiakonikonhrakaras, wentore othenon aieienterihake ; enwaton tsi ok kariwes eniintaterihonnien ; ne oni iorihonnihon iakonikonhrakarenrekwen nonkwe kariwaksenke ; kasatste ne kariwaksen aiakonikonhrotako nok iawetowanen eniakosenni, iah skennen tesken raotikonhrakon, aseken nieronke iahte iowennarakwa nakotonnhetston, nok nakotonnhetston iahte showennarakwa ne R. Ne kati teshiatieron thotierenton ronkwe tsinahe thoriwaneren ne ronkwe ronwakarewaton ; akwekon ronwakwen tsini hoiën, serenkbene tsi ronhe. Iahte sonkwatewenteton ne sonkwaiatison : thotennieton ne Roienha naonsasonkwasbontako, iawet sesonkionnhetha tsi sonkwawis ioianerens-takwa konwaials, etho nitewes nonkwatonnhets-

ton ionnhe Rawenniioke, ionkwanaktawis oni karonhiake aetewatsennonni. Ne thotierenton ronkwe sonkwrkaronnihon : saiatat ne ronkwe ne Niio Roienha nihaia toten sonkwatsennonnia- tenni, sonkwariwaseronnienni, rasennion ne kariwaneren, rasennion oni ne kenheion ; aseken iahtaiakokaronni ne kenheion tsiniakon ronwanoronkwa, iahte sonkwariwahtontenni ne iononwakte okon tsini ionkwaiatawens nonwentsiake : tenhnon watons kowanen aetewatste entewatakatstate, nok etho aetewaranentakten nonkwaronhiakensera tsi raonha roronhiakenhon.

Tsinahe thotiiakenhon Atan nok Eve tsinonni ronatsennonnihne, ne kariwaneren iawet iaonwentsiaksaton tsini rononnhes wahotiioten taonsahniriwaserako.

Eve tiotierenton wahowiraiantane ne raksaa Kaïn wahonwanatonkwe ; ohnaken wahowiraiantane Abel. Kaïn raienthoskwe, Abel ronaskwakatekwe. Kaïn wahoweenniioste ne R. ne roienthonne ; wahowenniioste oni Abel ne tiotierenton ionennakeraton raotsenen okon. Rawen Kor Rti : “Tsi thawehtakwenne Abel, ne rostonton senha wahariwanonwene R. tsi nahoten rowenniioston, iah etho tehorivanonwehon nahoten Kaïn ro-

wenniiostonne. Senha thoriwaierikwe ne Abel. Iakahewe tsi tetsiaron ronwawenniiostakwe ne R. ne tehakanere nakaweriane nonkwe Wasakotokaten tsi rononwehon nahoten Abel rowenniiostakwe, (tokat ken takatsirinekenne karonhiake ontsa nahoten Abel rowenniiostakwe ne R.) Ethotakaientakwe Kaïn wahonosa ne rokenha, oia tahakonsotenne. Wahawenhase ne R. Kaïn, wahrenron : “ Nahoten karihonni sanakwenhon ? oia teskonsoten ? Katiken iahtasatsennonniate, kariwiio ensatsteriste ? Katiken oni iahtasatkaronni nenseriwanerake ? tiotkon sane ensewennioke naesateweientontie, tosa aesasenni ne kariwaneren ? ” Oriwakon wahohretsiaron ne R. Kaïn. Onen tsi nontaiawen, wahonosa ne rokenha, wahawenhase kati : “ Iaetene.” Wahatontate ne Abel nok tsinahe ihnene, ok sewatieren wahorio, akwa iatakonten Raonha kati Abel tiotierenton etho nihoiataawenhon tsini horiwisonhonne ne R. tsi naiaiheie nonkwe. Rotasetonne Kaïn tsi ethoni hoierenne ; tenhnon akwekon tehakanere ne R. Wahotteten kati, wahrenron : “ Kaïn, kanonni henteron ne tsiatatekenha ? ” Tahenron : “ Katiken ii rinonnaties ? ” Tontahenron ne R : “ Sonkwetaksenskwa, ohnisatieren ? raonekwen-

sa ne tsiatatekenha iawet tiohenretha, waton : hetsrewat. Sonwentsiaksaton tsi tisanekwensarihon, enkonhrewate ok tenseseke, tiotkon ensatekwenhatieseke.” Tahenron ne Kaïn : “ Sotsi kariwanerahakserowanen wakeriwaneren naonkerhareke enskitenre. Takwatekwat tsinonni kenakere, tiotkon enkontsaniseke ok tenkeseke, tiotkon enwakatekwenhatieseke, ok sa ok enionkerionenionkken.” Tahenron ne R. : “ Iah etho taiawen : kaneka naiesario, akwa enkehrewate.” Wahaiaton ne R. Kaïn raia take enwatenientens-takwe tsi iahtahonwario.

Tsini hoieren ne Kaïn, ne watenientenstakon tsi nenhatiire ohnaken ne Sitaeronon, enhonwanosa Jesus, enhonwario. Teskiatieren oni tsiniiot rohrewaton Kaïn, nok tsiniiat sakohrewaton ne Sitaheronon, sekon nonwa tehonarenihon nonwentsiakwekon rontketats ontateni okon kenha raotiriwanerahaksera. Ethone wahateko ne Kaïn tsi tkarakwinekensniahare. Ethone ne rone Kaïn waowiraiantane Henok wahanwanatonkwe wahanatonni ne Kaïn Henok wahanatonkwe tsi kanataien. Lamek rotereha ne Kaïn wahowiraiantane Jabel, raonha tiotierenton oniataraa rotseronnia-ton. Oia se Lamek roienha Jubal ronwaiatskwe,

roson iehourawatstha okonha Tubalkaïn tenhnon
tiotierenton sakorihonnienni nonkwe ahatiwis-
tonni nok ahatiwlstanawenste.

CHAPITRE III.

Enfants de Dieu et enfants des hommes.—Enoch enlevé
de ce monde.—Dérèglement des mœurs.—Noé trouve
grâce devant Dieu.—Noé construit l'arche, prêche la
pénitence.—Sa foi.—Il entre dans l'arche avec sa fa-
mille.—Description du déluge.—Conversion de plu-
sieurs incrédules.—Fin du déluge.—Noé lâche un
corbeau, puis une colombe.—Il sort de l'arche, offre
un sacrifice à Dieu.—Noé, figure de J.-C.—Arche,
figure de l'Eglise.—Tradition orale.

Tsinahe thawenheion Abel, onen 130 tehaose-
riiakonne Atan, ne rone waowiraientane Seth
wahonwanatonkwe, Wahrenron Eve : Wahakiten-
re ne R. tsi wakewiraientahon taonsahatane rao-
uaktake Abel kenha. Tohka tewenniawe niosera-
ke sekon ronnhenwe Atan : onen 930 sathaoseri-
ake wahrenheie ne Atan. Seth wahonakeren ne
Abel tsini thoriwaierikwe, wahowiraientane Enos,
raonha tiotierenton wahariwisa tsi naieire nahon-
wawenniiostake ne R. Ne sakotere okonha iako-
riwiiostonne, wahontatenatonkwe Niio sakoien

okonha, nok ne Kaïn sakotere okonha iahte iakoriwiiostonne onkwe ontatlen okonha wahonwatinatonkwe. Saiatat ne Seth rotereha Henok ronwaiatskwe thoriwaierikwe tsinahetsi ronnhekwe, tiotkon shrehiaraskwe ne R. tehokaneraties. Tsi thawehtakwenne nok tsini thoriwaieri ne waharihonniate R. wahononwene, iahte shonwatka-thon aseken wathoiatakwe ne R. (A. M. 987). Rontons rotiiatatokentison Iahte hawenheion Henok, tsi nenwatonwentsiarisionhe tentre tehniha-sehake Elie entesakotinnhe iakoriwiioston, nonen entre ne ronkwetaksen, iawet Niio enhataton-nien, ensakonikonhrotako nonkwe, iahte ionkwaterientare kanouwanihenteron. Tsini kariwes Seth sakotere okonha tehonatekhasionne niahte iakoriwiioston, thotiriwaierikwe, onen tenhnon tsinahe wahontasawen aiontateniakten onkwe ontatien okonha iontatiatskwe wahontonkwetaksatation wahatiriwanerahakhon oni. Ne iorihonnihon tsi etho niawenhon tsi tehonatiestonne thotiriwaieri nok rotiriwanerahakskon, iahte shonwatsaniskwe ne R. ne ienakerekwe nonwentsiake. Wahatkatho ne R. tsi iotehiarontie kariwaksen nonwentsiake nok tsi kananon nakaweriane nonkwe ennontonniontseraksenskwe okonha tsiniiot

sahatateriwasten tsi sakoiatison nonkwe ; nok tsi-na honikonhraksen, wahrenron : “ Enkheiatah-tonte nonkwe nonwentsiake, akwekon oni ne kontirio okonha, sotsi skennhatens tsi kheiatison.” Saiatat ok wahoiatatsenri ne R. nakwa thoriwai-erikwe, Noe ronwaiatskwe ethone 480 tehaoserii-akonhonné ; wahawenbase ne R., wahrenron : “ Onen iahte kakonte ioriwahetkenhon nonwentsiake, wakehre enkheiatah-tonte nonkwe ; ise tenhnon konnoronkwa, enkheiatanoustate nise nok sawatsire ; Shonionni kahonweia kowa, karon-taseronni nahoten ; kahonwakon ensenonsonnia-nion snettarho ne kahonweia kowa, etho nensiere nonen ensounionni. Ikehre 450 niwasitake tsi nenionson, 75 niwasitake tsi nenwassaratise nok 45 niwasitakehake tsi nentiotteke. Enskat enion-nonsakarentake sewasitat nok siatesewasennen tsi nenwaske, nok satekahonwiiien enkannhokaron-take nok 3 natenionaktanetake. Ensaita kahonwakon, sheien okonha oni, teseniteron oni nok sesafa okonha, aseken wakaterientare tisewari-waieri. Etho oni ensheiatita katsenen sonha ne iieks nok ne ionkewenniiostha, aseken tsiniiakon iakonnhe nonwentsiake eniaiheie. Noe wahowen-narakwe ne R. 120 nioserake tsini kariwes wa-

hoioten wahonionni kahonweia kowa, ethoni kariwes iahte hotorisen asakohrori nonkwe tsi R. sakohrewatane nok asakohretsiaron aonsaiontatreutate sekon tsi sakonaktotaniskwe ne R. Tenhnon oktioriwakon; nonkwe iahte iakotontaton, ieiohe okti honwaieronskwe, iontennowentakwe iontonhakwe: Katiken etho neniawen nahoten saton? Rononweskwanihakwe aiontonwesen, taiontskahon. Rawen Kor R^{ti}: “Tsi thawehtakonne Noe tsi ohenton wahohrori ne R. tsi neniawen, wahotsanike arekho tsi hotkathon tsi neniawen, wahonionni kahonweia kowa neniakoiatanons-tate raowatsire wasakoriwahesten ne iontennowentakwe, nok iahte kakonte thoriwaieri iontonhon ne rostonton tsi thawehtakonne.

Onen tsi iaontenniserihewe asakohrewate ne R. niakoriwanerahakskon, R. wahohrori Noe ahontita kahonwakon, raonha, ne rone, 3 nihati sakoiien okonha Sem Kam nok Jafet tenhnon ne sakosafa oni, wahonnhanne oni asakoiatinionte niate kanaskwake; kontirios, katsenen, tsiten okonha oni. 600 tehaoseriiaakonne Noe onen sonhnoton kowa, onen 1656 tsinahe si ionwentsi-atatie. Tsinahe ronatiten, sekon 7 nonta wasakonaktotase nonkwe tsini hotanitenraskon. Iahte

shonatatrewaton. Ethone kati ontasawen onhnoton waokennore kowa nok takanekarake onen tsinon taiawen 4 niwasontashen tsinahe wahokennore ne R. ne kahonweia kowa onen tsiniiot senha taionotontiene, ontakerakwe ne kahonweia howa, aseken onwentsiakwekon iawennotonkwe. Nok kaneka tsinonwe ionontahere kowa, tewasitashen tekeni iawenre niieiotohetston tsini onotesonnen. Akwekon ne kontirio okonha, tsiten okonha oni nok oni akwekon nonkwe waeskone. Noe raohonweia iawet watenientenstakon ne Kentiohkwa-tokeniti oktioriwakon nonkwe konwakenhrenseronnis tsiniiot aontakawerakwe iah tahotihonwarise ne ratiati Tier raoniarotakon iakoiatanons-tats ne ieiatare tosa ahontkaronni noneshon, karonhiake iakoiatenhawitha. Kentiohkowanen nonkwe ne iakotennowentatskonne ethone tsi Noe wasakohretsiaron, tsi sakorharekwe ne R. aiontonnhatako ; onen sahontkatho ethoniaawenhon tsiniiot sakohrorihne Noe, sahontatrewatation. Tier Rti rawen : “Jesos raotonnhetston, sahrenheie, onwentsiakon ieiokton, wakohrori etho iennhotonnionskwe tsi kennonweha entsieia-kenne nok entsiontnerensi.” Ne ietokatha tsini hotanitenraskon ne R. nok oni tsi sakohrewatha

nonkwe, iawet sakotenratha tosa iahte kakonte noneshon ahontkaronni.

Sekon 15 niwasontashen ok onen tsiniiot iawennotonkwe. Ethone wahrere ne R. tekawerak nok tsi teiowerakwen, takanekonneke, iahte tsio-kennoreskwe, iah oni tatetkanekareskwe, nok tsiatak tsi watennitoktane tsinahe wakaonhwarane onontoharake Arménie konwaiats. Onen tsiniiot tiotkon tkanekonnekskwe, 10on niwennitake onen ostonha waokentane tsi ionontenionkwe. Sekon 4 niwasontashen onen ethone wahannhotonko Noe tsi ononsakaronte, skaiatat wahaiatinekenwe tsiokawe, iahtatetiawenon ne tsiokawe, wahaiatinekenwe oni skaiatat orite; wahrere Noe; aonktokense onen ken iosteskon. Iahaonwentsiaioha naiahonwentsiatenhake norite tontonkkete kati, iathatsiatate, sahaiehna ne Noe kahonwakon, sahaiatita. 7 nonsonta tsinahe, sekon are sahaiatinekenwe orite, sekon are tontonkkete, iokwirannhontatiene iah ne ratonniontakwe. Ethone wahrere ne Noe; onen ken iahte skahneko nonwentsiake. Sekon 7 nonwata tsinahe onen are sahaiatinekenwe orite, ethone onen iahta tetiawenon. 600 sathaoseriiakonhonne Noe onen tsonsteske, ethone waharisi ehneken nonkwati ne

kahonweia kowa, wahatieren ok onen iaonwentsiathen. Ethone takenron ne R. Noe, wahawenhase:” Satitako, nok oni tsini sewatsira nok sewatwatsiriaksek. Ethone kati wahatitako ne Noe nok rawatsirakwekon nok ne kontiris okonha. Wahronni ne Noe tsiniiot tsi iehasentakwa, waharakwahaton tsinikon kontirio sonha ronwawenniiostha ne R. nok tsi otsirake sakotkonthon wahowenniioste ne R. Wahariwanonwene ne R. tsinahaiera Noe wahehron: “Iahtaonsakswen onwentsia onkwe entierionniseke, aseken etho iakoiatakarenrekwen kariwaksenke. Iah kati akwekon taonsakheiatahtontake nonkwe tsinenwe enionwentsiateke, tiotkon enieienthoseke, tiotkon entsieienthokwaseke, tiotkon tenkiatennihatake akennhake nok koserake nok oni entiekehne nok eniokarawe.

Wasakoterënnaienhase R. Noe nok sakoien okonha wasakawenhase: “Akwekon ne kario sonha, tsiten okonha oni nok oni kentsionk okonha ietsisanisek, entsionnhekonhake nok oni tsini watonnis nonwentsiake. Ne ok wakwatiawenratse onekwensa. Enkehrewate ne kario nenietsirio, enkehrewate nonkwe eniontaterio sateiakonkwe. Kaneka ensakorio sate iakonkwe enhonwario oni

nennee, aseken tsionkieren nonkwe. Onwentsia-ke kati sewesek sewawatsironni. Wakwarharatssten iah nonwenton onen akwekon taonsaieskone nonkwe. Ken kaien enwatenientenstakhake, ionnhiote. Ethone eniokenton onen enkaronhioroke nok nenkatkatho enskehiarane tsini wakieren Iahkati teentakatewentete nonkwe Ne R. wasahotenre wasakonnhanne oni tuiontatenoronkwake.

Tsini haialotenhne Noe, iawet watenientenstakonne tsi nenhaiatotenhake Jesus sonkwawenniio. Noe roriwakwenion tsi iahte iohtonhon tsi ienakere nonkwe nonwentsiake. Jesus roriwakwenion tsi iahtaiontkaronni nonkwe noneshon. Ohneka rotston ne R. asakohrewate nonkwe. Jesus tsi roson iontotenekwahestha ratsta ohneka asakotsennonniaten, asakoiatenhawite karonhiake. Rohonhionni Noe kahonweia kowa tsini hatihne etho wahontita, iahte hotiskohon. Nene ieiatare-Jesus raotiohkwatokentike tenhnon iakoriwaiertonhaties Kentiohkwatokenti eniakotanonstatseke noneshon. Sonhnoton iahte wathotihonwarise, ethoniiot iah nonwenton taiekweni nonkwe aietiohkwarisi Jesus raotiohkwatokenti. Iawet tes-hontieren ne tsiokawe niokoriwanerahakskon

niahte tsiontatrewatha, tsiniiot ne tsiokawe iahte
tsiotaweiaton kahonweiakowahne. Ne tokenske
iakoriwiioston teshontieren orite iaonweskwani-
hakwe Noe rahonweiake, etho kati niiot ne tiako-
riwaieri iakaonweskwaniha tahonterahneken ne
Jesos nok aieiatarake ne raotiohkwatokenlike.
Tsini iawenhon sonhnoton nonwentsiakwekon
iotasatare tsi neniawen nonen en sewatonwentsia-
risi. Tosa iienrhek : Wentorekwe aiakehiarane
nonkwe tsini iawenseron tsinahe tsi ionwentsiate
Rononnhesonskwe nonkwe nethone ; 40 niosera-
ke nethotierenton ronkwe Atan tehiatattken, teh-
nitaren ne roniha Noe ; nok raonha Noe 58 nio-
serake tehiatatken Abraham. Sahetho iahte ka-
hiatonne tsini iawenhon, ne rotiksten okonha sa-
kotihroriskwe nontatien okonha, watiesenhne
tosa aonsaiakonikhren tsini iawenhon.



CHAPITRE IV.

Cham maudit dans son fils Chanaan.—Raisons de la longue vie de Noé.—Tour de Babel.—Dispersion des peuples.—Altération des traditions primitives, idolâtrie.—Vocation d'Abraham.—1re et 2e promesse de Dieu à Abraham, il arrive en Chanaan.

Ase tsiotonhon nonwentsia onen tsonsteske, ni-atekon sekon iotonnihne aiakonnheke nonkwe, sekon tenhnon kaieronnihne tsi iaonwentsiaksa-ton, iotaksenhon ohonte sonha; iah onte shonnonhesonskwe nonkwe tsiniiiohtonne tiotieren-ton. Roienthonne onenhare ne Noe tsinon rari-wahahnekonni otsitsia, iahte haienterihne tsini iohnekahniron, eso wahahnekihra, wahononwarahton kati; ok sa ok wahotawe atoserakon, iahte hottoken tsi iahte hohere. Ne roienha Kam ronwaiatskwe wahotkatho tsi iahte hohere, ok eken wahotentoriate, iasakohrori ne rontatekenha. Iahte hotiriwanonwehon tsini hoieren ne Kam, wahonkete, iahonwarase ne ronwaniha. Tsonsaiaie Noe, wahonwahreri tsi rotentoriaton ne roienha, R. wahotokaten Noe tsi neniawen, wahrenron: Enhonwaswenseke nonwentsiake ne Kanaan Kam roienha, tsinenwe, enhonwanas-

kwaientake, tenhnon wahenon; rotsennonni-
hak ne Sem nok ronnhasek ne Kanaan; rotsennonnihak oni ne Jafet. Etho niawenhon tsini hoieren Noe, aseken Sitaerononke iehatinaskwaientakwe neKananeronon, nok sekon nonwa ethonithonenon ne ratihontsi sekon ratinaskwa. Sekon 300 nioerake ronnhekwe Noe, tsinahe iohnotonhon. Tihaweton ne R. rowi ahronnheson, ahonaktotake ahaiaton raotinikonhrakon saktere okonha tsinikon sakorihotasiennihne ne R. thonatierenton nonkwe kariwiioston aoriwake, tosa aonsahotinikonrhen ka ok nonwe ahonneseke tsi tenhonreni nonwentsiake. Tsini hoiatawenhon ne Noe, saiatat ne roienha rotentoriaton, ne iawet teskiatieren tsini hotieren ne Sitaeronon ronwatentoriaton ne Jesus tsi roiatiniiontakwe tekaiasonteke, okti honwaieron iahte honwaienterihne, ok eken sakoskontakwen, sakotsenonniatenni niakoriwiioston ne tiakawehtahon tsini haiatoten.

Tsini hoiatawenhon ne Kam ietokatha tsini tkariwaiერი აიონტაკონნიენსთაკე ნონტატიენჲა, აიეროკე ნაჲოტენ იაკორივაიენ ნიოტაკსენ თსა ნე აიონტრორიატე, ასეკენ R. საკოვეიენასვენს ნეჲონი იონტიერჲა, ენსაკოჲრეჲათე ონი. უაჲონნიჲე ტსი-

nahe wahontewatsiratehiaron Noe sakoien okon-
ha, sotsi rotitionkowanen ne sahatiiaat ahatite-
rontake, wahnnehre kati : taiakwatekhasi. Ni-
akwe, wahniron, tewanatonni nok tewentste-
roten, tewanikatonni, ethoni tiottek tsiniore ka-
ronhiake ; wahnnehre : aiontonheke tsinenwe :
rotitsanitonne tehotitstenrison. Tokat tenhnon
sekon enwahnoton, etho eniakwatekwasen. Etho-
ne tsi akwa ronataaskennhenne tsi rotiiote, wa-
sakotokaten ne R. iahte hariwanonwes tsini ion-
tierha : enskat ok ratiwennotenhne, oksaok oia-
son nahatiwennotenhne ; R. iawet wasakotewen-
nateni, iahte shonkronkhaskwe tsi nahoten ron-
tons otiake ; iah kati te iotonhon ahotison ne ro-
titektwe. Babel wahotinatokwe ne otstenra. E-
thoni iakoiatawens ne ienaie ; ensakokenron ne
R. iahte kasta taiontkenni nonkwe ne iah othenon
te honoronse. Wathontekhasionko kati, akteson
wahonnakerate : entie nonkati niahonne Kam
sakoien okonna ; etho oni tsi thatinakere nonwa
ne ratihontsi ; nok Jafet sakoien okonha skania-
tarati kowa nonwatewanatonkwa iehonnakerate.
Ne Sem sakoien okonha tsi tkarakwinekens ia-
honnakerate nennee. Tsi wathontekhasionko Noe
sakoien okonha, ka ok nonwe iahonenon wa-

hontaterihonnien nontatien okonha nahoten sakohrorihne ne ronwahniha kariwiioston aoriwake, tsi raonwentsison sakoteronne thonatierenton nankwe tsinonni ionwesenhne, tsi rotiriwaneren, tenhnon ionkiriwanerarahakserarhon, tsi sakorharatstennihne ne R. katkeha enthoteuniete nenses akoskontako nonkwe, tsi iohnotonhon nonwentsiakwekon ; ne iorihonnihon teiorenihon kariwiioston ka ok nonwe nonkwe aienakereke.

Iakahewe tenhnon ohnaken ne inon ratinakerekwe shotinikonrhenhon nahoten ronwatirihonniennis ne kariwiioston aoriwake, niatekon wathatiieste nonowen, wahontonkwetaksatanion. Tehatikanerakwe sane sekon kaieronnihne tsi R. sakohrewatonne nonkwe iahte shononnhesonskwe tsini iohtonne iaiheionseronskwe nonkwe, tiotkon iotehiarontie niate kariwanerarahakserake ioriwatsanitenions. Iahteskonnawennarakwakwe Nioraoianerensera ; oktiennontonskwe tsi nenieiere, ronteriioskwe, ratinenskwaskwe. Onen tsi iakahewe 9 iawenre tewenniaawe nioserake tsinahe thaonwentsison ne R., iahte shonwaienterihne ne R. ne sakoiatison niatekon Niio wahontatonnien : karakwa entiekekha, asontekha, iotsistokwaronnion, nonkwe sonha, ieiohe katse-

nen oni ronwatiwenniiostakwe tsiniiot Niio akenhake ; tetiokaraskwe nakonikonhrakon, akwa iken rotiriwanerahakskon. Ethone kati R. wahoiatarako saiatat ne Sem rotereha Abram ronwaiatskwe ne enhokowanen nowatsiratokenti ne raonha enhawatsiratatie Jesus enhennakerate R. raotiohkwa wahonwatinatonkwe Abram sakoien okonha, iah sane te sakotewentetonne ne R. ne tiewatsiratenion, nok tsi iahte honwawennarakwakwe, wahrere : akatatitiohkwarakwas, nok akwa enkheiatsteriste, enkheiatenientense, nok ii enkherihonnienniibeke tosa aonhton nonwentsiake ne kariwiioston.

Iah ok sa ok tsiakotiohkowannhaon, aseken Thare ronwaiatskwe Abram roniha rokatekwe ronaskwaientakwe, 130 tehaoseriiaكونne sahowiraientane Abram, nok tsahrehre ahoniakten Abram wasakoiatarakone sakononkwe Saraï konwaiatskwe nahotiniaake, kariwes iahte hotiwi-
raientakwe. Onen 75 sathaoseriiaake Abram, R. wahawenhase, wahrenron : Tosa senakerek tsinonni sennakeraton ; (Haram konwaiatskwe tsi rotennlsentakwe) heren iset sennakerako, sheiatonti ne iahte iakoriwiioston nok oni senonkwe okon, ok sa ok sahtenti, nok etho niahase tsinon-

we enkonnatonhase, ensatsirowannha, enkonia-
tsennonniaten, entsennanoronke, nokise enseri-
honni akwekon nonkwe eniontsennnonni. Etho
ok ni kawennake wahawenhase ne R., aseken
wahrere; ahatsennonniatake Abraham tsi enha-
kwatontatiheke. Ok sa ok wahatsennonni, iahte
hoterientare kanonni ienhenre, wahahtenti wasa-
koiatenhawe roniha nok raonwatenha Lot. Rori-
wisonhonne ne R. tsi nonni Kanaan konwaiats ia-
hare, aseken etha thatinakerekwe ne Kanaan
sakotere okonha. Karo iahotike Kanaan, wah-
renheie Thare Abraham roniha. Sekon saho-
wennahronke ne R. wahrenron: "Tosa kento
sennakerek: sahtentionhatie, kawenniio iensewe
tsi wakeron etho neniensennakerate, enkiron
etho nonwe sennakerat. Etho nonwa katon en-
tsatsirowannha, ensatsennonnihake, entsennano-
ronke, nok enkonkonnienste, enkhenoronkwake
neniesanoronkwake, enkheswenseke ne eniesas-
wenseke, nok nise ensarihonni akwekon enion-
tsennonni nonkwe." A. M. 2083.

CHAPITRE V.

3e promesse de Dieu à Abraham.—Il va en Egypte.—Le Roi d’Egypte fait venir Sara, puis l’envoie.—Abraham et Lot se séparent à la suite d’une querelle de leurs pasteurs respectifs.—4e promesse de Dieu à Abraham sur ses nombreux descendants.—Abraham délivre Lot fait prisonnier.—Le grand prêtre Melchisédech, figure de N. S. J.-C., bénit Abraham qui lui donne la dîme de ses biens.—5e promesse de Dieu à Abraham relative à la terre de Chanaan.

Etho wahontien Abram raowatsire tsi teionon-
tiakonhatie, kanatakta Sikem. Sekon 3ton Saho-
wennahronke ne R. wahawenhase wahrenron :
“ Eniewenniioke sheien okonha tsinon tesiteron,
akaonwentsia enkenhake.” Etho nonwe wahron-
ni Abram tsiniiot tsi iehasentakwa. Onen entie
nonkwati iahare, iahte haonwentsiaientakwe, iah
oni te hononotakwe, tiotkon atosera kon renteron-
takwe. “ Tsini iosatste thawehtakon rorharekwe
ne rotenatison ne R. ionatabniron tsinon iahte
kakonte eniakonnheke.” Ethoni hawennoten
Kor R. Iakahewe etho nonwe wahontonkariake,
wakanoronne ne iieks. Ethone kati are sahahten-
ti, Egiptke iahare. Tsi eh ieharawe akwa watha-
tenikonhraren rone aoriwake. Roterientare tsini

hononkwetaksens Egiptonon ; wahohteron ne nahonwatinikonhraksate, wahrenhase ne rone Saraï, wahrenron : “ Oh nenteniïere, aseken sonkwetiio ; kariwaksen iontsteristha etho thatinakere, sahetho akwa ensateweienton, enhotitokense tsi ionkeniniakon, ne enwakstonte enionkerio, nok eniesawenniioke, othenon eniairon, ensiron : iakiatatekenha. Tosa tsiron : Teiakeniteron. Ne kati entkarihonni iahtaionkerio. Ok sa ok ontontate tsi nahaiere. Ne ratisennowanens wahonwahrori ne ronwanontiio tsini ionkwetiio Saraï. Ok sa wahennonke tsi rononsote wakonwaiatenhawite. Akwa wahonikonhraksen Abraham aseken ranoronkwakwe ne rone, iah tenhnon te honikonhriakon, aseken rorharekwe iahta hotewentete ne R. nok oni ne rone. Akwa wahohrewate ne R. ne ronontiio nethoni hoieren, wasakohrewate oni ne raonkweta, wasakotokaten tsi ne wahonni sakohrewatha tsi ronontiio ranenskwenne Abraham rone. Wahonehrako ne Faraon, wahononke Abraham nok wahawenhase : Oh niiotieren, wahrenron, ethoni skierase wasiron : iakiatatekenha, iken. Onwa kati satsiatenha ne teseniteron nok sashtenti. Wahatennhanne ne ronontiio aonsahonwaiatenhawite nok oni ne rone

nok raowenk sonha. Kennikariwesha Egiptke iehenterontakwe tsi ok nahe iontonkariakskwe, kanaanke kawenniiio iaharawe wahowenniioste ne R. ne wathononweratonte tsi shotenron. Iahte haweron : kariwaksen onte ken akiron iakiata-tekenha ne Saraï,aseken tokenske hiatatenonkwe.

Ronaskwakatekwe Abraham nok oni raonwatenha Lot. Iakahewe kati wathonteriwakenni Abraham nok Lot raonkweta. Wahawenhase kati Abraham ne raonwatenha, wahrenron : Tiatate-nonkwe, akatsennonni tiotkon oseronni aetenite-rontake, tenhnon kanoron tsi teionteriwakennies ne ietinnhas, iah taonton skennen akenhake, tokatoni enthatirihonni ii tentiateriwakenni, nok oni kenniiaonwentsiaa tsi nonwe niteniteron ; ioianere kati taetiatekhasi ; satkatho tsinon iaon-wentsiio akteson, ise tasatierent serako, ohnaken ii enkerako. Tokat tsi ieweientehtakon niien-hense, tsiehnekwati nii ienhenke, tiotkon inonha taetiatereke aiawen skennen tenkenhake. Oksaok wahatontate ne Lot, waharako tsini iaonwentsii-oskwe kennioreha tsi kaniatare Jourdain akwa ionwentsiio iahennakerate tsi tkanataien Sodome ; netho ratinaherekwe akwa ionehrakwat tsi rati-nakwaiesenhne etho wahaonwentsiarako. Tsinahe

rohtention ne Lot sekon 4^{ton} wahowennahronke ne R. Abraham, wahrenron : “ Oktiwakwekon iasatkatho tsini iahte skaraientas, aonhaa ne iaonwentsiio enkonionwentsion, sheiatere okonha eniewenniioke, kawenniiio eniakotesennion etho nenkariweshon tsi tiotkon sentiohkwa enkenhake ne nensawiraientane entwatsiratehiaron, ne kati ohnaken tsi tenhatwasiriake skentiohkwa enwatton. Etho neniakönhake sentiohkwa tsiniot tsi kanesaronkwakeron onwentsiake iah taonton aionsete. Testann kati, satkensenion tsini ionwentsiioten wakonionwentsion.” Etho nahaiere Abraham wahahtenti, wahne ne rone etho warete tsi tionontiakon nambre konwaiatskwe, etho wahatatoseroten tsinonwe nenhotinousotake sakotere okonha. Etho wahronni tsiniiot tsi iehasentakwa, nok wahatenrosen nambre ronwaiatskwe etho ranakerekwe Amorrheronon nahaiatoten. 6 nio-serake skennen etho watroseriiake.

Ethone wahonteriiio tohka nihati rotinontiio tsinon thanakerekwe ne Lot raonwatenha ; 5 nihati rotinontiio ratikwekonhatiene. Sodomronon ronontiio ronwennakeraton wathonterane 4 nihati ahonterio, wahonwatisenni ne Sodomronon ronwanontiio nok rontenro sonha. Nene wahonte-

senni iasakotinaskwenhawe rotitiohkowanen etho raiaataratie Lot. Wahonwahreri Abraham. Ok sa ok wasakoiataroroke ne sakonnhas okon 318 akwa rotitsanitonne, etho oni wahontiataren ne rontenro okonha, wasakosere ne sakotinaskwenhawi. Wasakotinonterane, iah ostonha te hotirharekwe, wasakosenni, akwekon wasakoiatenhawe ne wahonwatinaskwenhawihne; etho raiaataratie ne Lot. Sonsarawe Abraham wathoteratana ne Sodomronon ronwanontiio, wathononwera-ton ne aoriwake tsi roriwawase nok tsi rote-sennion. Ne oni wahatsennonni tsi wathonterate Melkisedek ronwaiatskwe Salemronon ronwanontiio, ratsihenstatsi oni kenhne. R. akwarorihontakwe, rahawinontie kanatarok otsitsia oni rowenniiostonne ne R. Kaiatonseratokenti iah othenon te watroris kani thotónkwetion Melkisedek, iah oni te watroris onka ne ronwanonkwe, katke, nihonakeraton katke oni nihawenheion. Kor R^{ti} rotrori: Melkisedek iawet ohenton thonientenston tsi nenhaiatotenhake Jesus ne Sonkwawenniio. Niio tsini haiatoten, ok si ronnhe, iahte honistensen ne karonhiake, nonwentsiake iahte honisen. Raonha Jesus ratsihenstatsi kowa rowenniioston Niio Roniha kanatarok otsitsia oni

sahasa nokaristia, nok tsiniiot Melkisedek wasakONENTEN Abraham raotiohkwa, etho kati niiot Jesus wasakONENTEN ratikwekonne nok niakoriwiioston okon. Teshonattenionkwenhaties R. ronwawennenhawe ratitsihenstatsi nonwentsiake, ne ok tenhnon iawet raonnhatsera Jesus nihatiiatontens, ronwariwawase, raonha tiotkon tsi ichasentons rowenniiostha Niio Roniha ne raieronke nok raonekwensa. Etho kati niawenhon tsi nahoten thotrori ne Rotokensehakwe Tafit ratonhakwe: “R. roriwahniraton iahtaonsahoteriwatenien, rawenni ne Roienha iahte kakonte tsinenwe sonha tsihenstatsi kowa etho nensiere tsini hoieren ne Melkisedek.”

Wathononweraton kati Melkisedek ne Abraham tsi rotesennionhatie nok tsi thoriwaierikwe, nok wahoterennaienhase, wahrenron: Aiawens tiotkon ahianoronkwake ne R. roson karonhia nok onwentsia, nok tiotkonronwanentonsek ne Niio raonha rorihonni tsi wasatesenni. Tsi Melkisedek wahoterennaienhase Abraham, ne iawet kaieronnitston tsi senha raiatanoron Melkisedek, aseken iawet thotenientenston tsi nenhaiatotenhake Jesus nensesakoskontako nonkwe.” Ethoni hawennotenhne Kor Rti. Akwa wahatsennonni Abraham

nok oieri wathaiake tsinikon sakokwen ne sako-sennion, enskat wahonhion Melkisedek ne iawet wahariwaientereste tsi senha raiatanoron Melkisedek. Ne ronwanontio Sodomronon wahawenhase Abraham, wahrenron: Ikehre ise sawenk enwatan tsinikou shekwen, nok énsheiatkawe tsinikon ronwatinaskwenhawi. Tahenron Abraham waskiatehate tsi nasiere. Rotonte ne R. roson karonhia onwentsia oni tsi iah othenon takatatewenniioste nesawenk kenha, tosa asiron: rikwatstenni Abraham, aesewatokense tsini ieierha niakoriwiioston. Wahotihnerako niahte hotiriwiiostan tsi nahaiere Abraham.

Sekon sakowennahronke Abraham ne R. ne 5ton wahawenhase, wahrenron; “Tosa setsanisek, konriwawasehakwe tsi wasatesenni, tiotkon kati enkonienawaseheke nok akwa ionehrakwat enkoniatseennonniaten. Tokenske wakkate miatekon: tenhnon arekho te wakewiraientas. Sotsi onen wakekstenha naonkerhareke naonkewiraientane. Onen kati etho neniawen tsini sanikonhroten, saiatat ne rinnhas akwa rotsennonni tsi rowiraientaon, tikenha nii tsini wakatsennonni. Oktensennonton netho nahinoronkwake tinniot rienha akenhake. Tahenron ne R. : lahten,

akwa ise ensawiraientane, nenhawennioke tsini saien, onen ensiheie, raonha enhatsennonniate tsini konhraratsteni. Ethone kahetake niaane asonthenne akwa wasontio, wahrenron ne R. : “ Iasatkatho tsini iotsistokwaronnion ne karonhiake, iahtaskweni aonsasete tonikon, etho kati nenswatsiraske.” Wahatontate Abraham tsi akwa oriwiio etho neniawen tsini thotati ne R. iah othenon te hotennowenton etho takaientakwe tsini thoriwaieri.

CHAPITRE VI.

Abraham offre à Dieu un sacrifice mystérieux.—Il épouse Agar.—Fuite d’Agar dans le désert.—Prédiction de la naissance et du caractère d’Ismaël.—7^e promesse de Dieu à Abraham.—Il lui commande la circoncision et lui annonce la naissance d’Isaac.—Foi d’Abraham à la promesse de Dieu.—8^e apparition de Dieu à Abraham en la personne de 3 anges.—Hospitalité qu’il exerce envers eux.—Indiscrétion et incrédulité de Sara.

Sekon are wahawenhase ne R. (6^{ton}) wahrenron : “ Ii Niio nakiatoten, saterientare, waken : etho iasennakerat tsinonwa tesenakere, nok tsi enienakereke ne sheien okonha.” Tahenron Abraham : “ Iahte katennowentha tsini skerharats-

tenni ; takitenr tenhnon etho niawenn tsini sierha, saheto eniakoriwanerahakskonhake kheia-tere okonha, katke oni etho neniawen, aseken wakekstenha nok arekho te wakewiraien.” Wahlenron ne R. : “ Tsiatarako skaiatat tionnhonskwaron, tekenihase kenjiatakeras enskat ratsinn, enskat onnhetien 3 nateionoseriiakonhak ; tsiatarako oni skaiatat orite nak skaiatat ostonha oia nikaiatoten enskewenniioste.” Etho nahaiere Abraham, ranonnhakwe, rerhakwe, tosa ontakonne ne katsitenseraksens ne kontiwaraks. Onen tsatewatsothosere ; etho wahotawe Abraham. Iawet wathotieronnnionse wahatkotho raoserentakon tiotkon senha taiokarahonhatie, waotonkwaketote nok ontienkwaronni, tsiniiot aontohetste otonkwa tsinon tkaien ne rowenniiostonne ne R. akwekon ontsa, nok sekon sahowennahronke ne R. wahawenhase, wahlenron : “ Aktenon enienakereke ne sheiatere okonha, etho nenhonwatiierase tsiniiot enaskwa, etho nenhotiatawen 400 nenioserakehake. Ethone enkehrewate ne ronwatiiesatakwe, nok nonen enthonhtenti, eso enthatihaweniatekon. Ise tsi nensatialisat, skennen ensiheie, etho iense tsi thatiteron sheni okon kenna, aseken tisariwaieri ; ne ok saterientarak sekon 400 nio-

serake onen kento enhatiwenniioke sheien okon-
ha tsinonwe nonwa nitsiteron, aseken ne kento
enhatinakereke arek~~h~~ho te honatieniton raotiri-
wanerahaksera.

Onen tsiakahewe 10 nioserake tsinahe Abra-
ham shonakerakwen tsinonni tiotierenton rente-
rontakwe Kaldée konwaiats iahatien tsinonni Ka-
naan konwaiats. Abraham wahahrori ne rone
nahoten rorharatstennihne ne R. Iawet ontенno-
wente, aseken onen iotiatison nok arek~~h~~ho te io-
wiraienton. Wahonikonhrata Abraham etho na-
haiere tsini kaianerenserotenhne nethone ahne-
seke skaiatat ne raonnhatsera Egiptonon Agar
konwaiatskwe. Wahatontate Abraham tsinakaie-
re ne rone. Ok naheha oia nakaiatotenhne Agar,
ok sa ok wakanaiene waokenhronni ne Saraï;
waonikonhraksen Abraham rone, nok waotteten,
waohrewate oni. Waoswatan ne Agar tsi kon-
wahrewaton, onteko, karhakon niehahe. Etho
watkatanе tsi nonwe tkanekinekenskwе, wahot-
katho raronhiakehronon, wahrenhase, wahren-
ron: “Kanon tase, ka oniwase? Takenron: Ke-
naskwa nakiatoten, nok ionkeronhiakenton ne
ne ionkewenniiо, wakatekwenhatie kati.” “Sa-
sakket, takenron ne raronhiakehronon, tosa sa-

naiehak, sheiatontatihek ne iesannhas, ethone eniairon ken kaien satennikonhriiostak tsi nonwa nisaronhiaken, aseken rakennhaon ne R., rawen : Ensrori ne Agar akwa enkawatsirowannha, iahtaonton aionsete tsinenkawatsiraske. Oia nisia toten, roskenrakehte ensawiraiantane, Ismael entsenatonkwe. Eniakotokenstakwe kati tsi hientenron ne R., ethone tsi sanikonhraksenskwe, enhaserohenhake, tiotkon tenhateriwakenniesehe, enhrerheke : akwekon ken nonkwe ionkwens nok raoriwa enkenhake akwekon nonkwe enhonwaswenseke, ensakoiatonti ne sakononkwe okon, iahte ienhennakerate, nok tsiniiot iahten sesakoienterihake, iah ostonha tensakotsteristake.” Akwa oriwiio etho niawenhon : ethoni hatiiatotens sekon nonwa ne Arabes ronwatii. ats, Ismaël sakotere okonha. Sonkkete kati Agar, etho sawette tsi ionosote Saraï, onteweienton. Ethone kati Agar waowiraiantane roskenrakehte, Ismaël wahonwanatonkwe. Ne tiotierenton wahowiraiantane Abraham,⁷⁰ natehaoseriiakonne. 13 nioserake tsinahe thonakeraton Ismael, onen sekon ⁷ton Abraham wahowennahronke ne R. wahawenhase, wahrenron : “Ii Niio nakiatoten, iah othenon te wakenoronse, tiotkon sehiassek tsi

akwekon tekkanere, etho nentewe ensaiataten-
tihake. Onen konrharatstenni akwa ionehrakwat
enswatsirowannha.” Ethone wahatiskwentarho
onwentsiake Abraham. Tahenron ne R.: “Ii
waktare, Niio nakiatoten, iahte skennhatens tsi
konrharatstenni tsi eniesakowanenhake, tohka
nenkentiohkwahenhake Abraham (tiotierenton A-
braham ronwaiatskwe) tiotkon senha ensatsen-
nonnihatie. Otiake eniakonontiiohake ne she-
ien okonha, akwa ensewenniioke onwentsia tsi
nonwe ni tsiteron, nok tiotkon enhatiwenniioke
ne sheien okonha. Ethonioriwake wahonrharats-
ten. Nok ken kaien wakoniatenientense; akwe-
kon ne sheien okonha rotiskenhrakehte enionta-
tewarakwetaronseke, etho nensierhake 8 nonta
tsinahe eniennakereke, eniontatewarakwetare
nok oni ontatienha ne shennas okon.” Sekon wa-
hawenhase ne R. wahrenron: “Tekonsennate-
nion tesennateni oni ne teseniteron iahtenskon-
waiatseke Saraï. Sara nonwa enskonwaiatseke,
eniowiraiantane roskenrakehte enkenhake, akwa
enhinoronkwake, raonha enhonwanenhake toh-
ka nenkentiohkwakehake, otiake eniakonontiio-
hake ne sheinokonha.

Tsina horiwanehrako ne Abraham tsi nahaiere

ne R. ehtake wahatiskwentaren, wahrenron : Enwakewiraiantaneke 100 tewakoseriiakon nok teiakeniteron 90 nateiaoseriiakon? Iahte katenowenthath, sewenniio, tsini skerharatstenni nok tsi iah othenon te sanoronse. Sotsi tenhnon enwakatsennonnihake, askitenre, atsiatanonstatseke Ismael ne rienha.” Tahenron ne R. “Iah ne te ken ne Ismael, oia ensawiraiantane, ne nakwa teseniteron Sara eniowiraiantane, Isaac entsenatonkwe, raonha raoriwake konrharatstenni, iah sane te kehre akonwennonti Ismael raoriwake, enhatsennonnihake, enhatsirowanenhake, ne ki enhikonnienste Isaac, sekon tsioserat, onen enhennakerate.” Iah othenon te hotennowenton Abraham tsi etho neniawen. Iahta tehoribasniehon tsi onen hiatiatison ne rone. Tsini thawehtakonne, ethoni tiawenon, rorharekwe etho neniawen, wahatatenikonhrahnnirate, wahosennowanate ne R., raweron : iah othenon te honoronse, etho nahaiere tsini hakerharatstenni.

Kennaheha sekon are sahowennahronke ne R. Abraham. Entie nikare tsi kannhokaronte atste nonkati renterontakwe Abraham skennen tehatkahtonniionskwe, wasakotkatho 3 nihati ratironhiakehronon onkwe ronatiatontakonhatie tsiniiot

ratinekenteron, wahrere; kaneka ken ne ken wahonne. Ok sa ok wathatane, watesakotteratana, watesakonoronkwani, wasakawenhase wahrenon: “Oneken ne sewaiatokenhak, takwentenr, sewataweiat tsi wakenonsote, onwa tsi ok enkatennhanne eniehnkakoha ensewatasitohare, tsiatorisen tsi iorakwawerhon, tentewatonte, ensewaiatabnirha orhonketsi entsisewahtenti, aseken ikehre raweron ne R.: tahonterane nok akwawonnonten ne enkatsennonniate, tosa takwawennonti.” Saiatat tahenron: “Iah taonton akwawennonti, aseken saton enkatsennonniate.” Ok sa ok tsi thononsote sarete Abraham, wahahreri ne rone tsi naawenne, wahrenon: “Sastoron, Sara, serako nakwah kateseriio, 3 nensenatarisa, okenrokon satenataronten. Ok sa ok wakanataronni ne Sara nok Abraham niahare tsi tkonnes raotsenen, ne wahaiatarako tionnhonskwaron niakaa ne akwa ioresen, waherite nok waheren ononta nok owistosera, wasakononten ne ratinekenteron ne ronwataweiatenni, wasakoteweienton tsiniot nakwah ahatiitanoronke. Wahatsennonniate Abraham tsi wasakononte, wahoniron ne ratinekenteron: “Kani teseniteron? nahoten karihonni iahte kaiatare?” Tahenron ne Abraham: “Ka-

nonskon kenteron, ok tentsiennonton, ienkinonke. Tokenske kanonskon kenterontakwe, kannhowakta, iotasetonne, akwekon iotontekwe tsi nahoten rontonnions, iahte konwakenskwe. Saia-tat wahrenron : “ Tsi ienskahewe kento ensekkwatto, onen eniowiraiantane ne roskenrakehte.” Iontontekwe ne Sara tsi nahaiere, waoieshon kati, ok onen tsiniiot iotasetonne, iahte iorharekwe etho ken neniawenne aseken sotsi onen iokstenha waehre : oh naiawenne aonkewiraiantane, onen wakatiatison, werhakwe : iah onka te iakoterientare tsi kennontonnions. Ethone takenron ne ranekenteron : Nahoten karihonni waoieshon ne teseuiteron ? nahoten karihonni iwehre : iah-taonkewiraiantane, sotsi onen akekstenha ? kati-ken othenon ronoronse ne R ? Onen ne waken, onen sekon are ne sakiron, ne sekon ensenonnheke, ienskahewe kento ienskwatto, onen eniowiraiantake ne Sara. Tontonneke ne Sara tsi nahaiere ranekenteron, wakenron : “ Iahte wakiesonhon ; ” aseken werhakwe iah onka te iakotoken. Wahrenron ne ranekenteron : Iahte ioianere tsi wasennowente, wakaterientare tsi wesai-eshon.

CHAPITRE VII.

Les anges vont du côté de Sodôme.—Abraham intercède pour cette ville coupable.—Causes du péché de Sodôme.—2 anges vont chez Lot et lui annoncent la punition de Sodôme, qui est détruite par le feu du ciel.—Abraham est bien reçu par le Roi de Gérare.—Naissance d'Isaac.—Expulsion d'Agar et d'Ismael qu'un ange vient secourir dans le désert.

Ethone sahonhtenti ne ratinekenteron, wasakoteronna Abraham tsi tkanataien Sodome etho wahunenontonhatie. Saiatat takenron. Iahta ahiriwaseten Abraham tsini iawensere, enhawatsirowanenhake, raonha enharihonni onwentsiakwekon eniontsennonni, aseken wakaterientare tkariwaiერი tsiroseronniennis ne R. ensakorihonnien oni sakoien okonha tsi naieiere ahonteweienton, tosa kati ketsanik tsi ririhotasiennire, wahrenron : “Wakeriwahronken tsini hatiriwanerahakkons ne Sodomronon nok Gomorrheronon, iah taonton kati ne iahtakehrewatane. Ii etho ienke waktokense tsi niiot ethonenkahrewatatserowanen tsini Kariwanerahakserowanens. Ethone tehni-hase wathontekhasi, Sodomke niahane, saiatat Abraham ihnene. Takenron Abraham : Akwekon ken satensehrewate ne tiakoriwaiერი nok oni

niakoriwanerahakskon ? Ensehrewate ken tokat 5 naihiatashenhake ne tiakoriwaieri ne skanatat ? Iah ken taonsashetenre kanatakwekon ne enieri honni ne tiakoriwaieri ? Tokenske enshetenre, iahtekehre : oia ken nensiere, ise tesheiatoretha nonkwe, iah taonton tatasesieste tiakoriwaieri nok niakoriwanerahakokon, iah taonton aeseriwisa.” Wahonikonhriioste ne R. tsi nahaiere ne Abraham. Tahenron ne R. : “ Tokat 5 niieiata-snenhake ne tiakoriwaseri Sodomke, kanatakwekon enkhetenre.” Tahenron Abraham : “ Taki-tene, Sewenniio, sekon tkatati, iahtaseriwako tsi nenkiere tokat 5 naontaiakotiatoktake ne tiakoriwaieri. kanatakwekon ken ensehrewate ? ” Tahenron ne R. : “ Iahta kehrewate aseken ethoniot tsi takenekennis.” Sekon are tahenron ne Abraham : “ Tokat 4 ok naieiatashenhake, oh ne-niawenne ? ” Tahenron ne R. : „ Sekon enkhetenre.” Onen sane eso thotati Abraham sekon kati are sahenron : “ Tosa sanikonhraksen, Sewenniio tsi sekon enkatati ; tokat 3 naieiatashenhake ne tiakoriwaieri Sodomke, iah ken sekon taiakorharek ? ” Tahenron ne R. : Sekon enkoniaton-tatse.” Tahenron ne Abraham : “ Takitenr, Sewenniio, sekon enskat katati, taeiatashenhake

ne tiakoriwaieri, niakonha sane, iah ken tashe-
tenre tsini sataniténraskon?" Tahenron ne R.:
"Sekon enkhetenre." Ethone wahatsanike A-
braham, sotsi eso ahariwarako. Iawet R. rohtare
tsi rohtarakwe raronhiakehronon. Iahte hoswa-
tani tsini haierha Abraham. Sahenron Abraham:
"Ikehre, Sewenniio sekon aonsakonneken ne ok
enskat tentkatati, 10 ok naiakonhake tiakori-
waieri, ensehrewate ken?" Sekon sahenron ne
R.: "Iahtakehrewate." Ok tonsahahtenti raron-
hiakehronon, nok tsi thononsote niaonsaare A-
braham. Ne ietokatha tsini iawenhon nethone
tsini hotanitenraskan ne R. nok tsini kasatste
akoterennaientaksera ne R. sakonoronkwa.

Tiotkon Sodomke Lot renterontakwe. Netho
ratinakerekwe nok oni 4 nikanatake tehonata-
nekhaons, akwa rotiriwanerahakskonne, ronts-
teristakwe akwa iken ioteriwatehatanions, ne io-
rihonnihoniakosennion kanakwaiesatsera tsi rati-
naiehne, rotikatekwe, kakwiio ronnekskwe, iah-
te hotiiotekwe, iahte iontatitenrhakwe ne iako-
tention. Iah nonwenton etho te hoieren ne
Lot, ne rostonton tsi ronwabenrenseronnihon.
Iah othenon te hotirharekwe tsi sakohrewatane
ne R. iahte honwatsaniskwe, iah oni 10 nihatih-

ne thotiriwaiერი nahonatakon. Tehnihase hniron-
hiakehronon rerhakwe Abraham teninekenteron
ken, onen tsi iekara, iahonneuwe Sodomke ; tsi
kannhakaronte ratakwe Lot. Kawenniiio wasa-
kotkotho oksa watesakoterattana, wahatiskwen-
tarho, wasakohonkaron tsi thononsote ahiatawei-
ate. Tiotierenton tsiniiot iahte hiatontatskwe ;
tenhnon isi wahariwareke wasakonitentase, wa-
hiatontate, Lot wasàkononte. Arekho oktehoti-
kwentahon, wathonwatinonsannhake ne Sodom-
ronon, wahonwenhase ne Lot, wahniron : “ Iah-
tensheiatkawane teninekenteron ne iesataweia-
tenni, enkwaronhiakente.” Ethone wohennikonh-
riake ne Lot sahniiakenne teninekenteron, sahon-
waiaiiiniente ne Lot nok wahninnhoton ok sewa-
tieren wathatironweke ne Sodomronon, iahte io-
tonhon nahotinnhohatsenrion. Onen nonwa wa-
honwenhase ne Lot, wahniron : “ Saterientare
tsi iakonkwetaksens ne ienakere, onen sakohre-
watane ne R., sonkeninnhaonhatie, iakeninatah-
tentane, eniorhene iah othenon tentsiotieren. Iah-
taesewahriskon ise nok sewatatenonkwe, iasehro-
rianion onwa ok aionhtenti. Kawenniiio waorhene
wahonwenhase ne Lot : Tesatsterihen, sahtenti,
teseniteron nok oni tekenihase sheien okonha ;

aiawen tosa aeseuwenheie. Tsiniiot iahta hotonteké Lot; ethone tenihronhiakehronon tahonwatinentsa Lot, ne rone nok sakoien okonha isinontenhenroti iahonwatiteron, wahniron: “ Tesats-terihen, sewateko, inon iaesewe, tosa ohnaken tesewatkatho, tsi tionontahere niaesewe, etho ki ok nonwe entsisewaniakenne. Ok sa ok wakaronhioroke, watiahonwentsisonkwe, waokenore, iah ohneka token, takatsirinekenne tsiniiot akwa aia-kennoron. 4 nikanatake waonatateke: Sodome, Gomorrhe. Adama nok Séboïm, konwatiiatskwe. Iah othenon te tsiotieren. Akwekon wahonwentane nonkwe nok oni ne katsenen, ne ok ne sakaniatorene tsi nonwe nikanataientonkwe. Waonehrako ne Lot rone tsini iorakareni tsi iowerenhaties, waehre: iakatkatho tsini iawens. Ne ontka-tho kati, ok sa ok wahahrewate ne R., teioiotsis onton ne kaieronke. Sahatketsko Abraham orkonketsi, wahatkatho tsi tiotenatatsahannhon, tiotienkwaronni, nok tetewatsirokohotons. Kennaheha akte ionsahennakerate Abraham, entie nonkati niahare. Ne ronwanontiio Gerarranon abimelek ronwaiatskwe akwa wahoteweienton, wahokonnienste tsini thoriwaieri, wahaon eso nikanaskwake, owista, ratinaskwa oni.

Iakahewe oia naieiatotenhake ne Sara onen 90 teiaoseriiakonne. Satekon nonta tsinahe thona-keraton raksaa Isaac wahonwanatonkwe, wahonwarakwetare oni ; akwa ionehrakwat wahontsennonni ne ronwaienha. Onen ostonha tsi rotehiarontie Isaac, ontkatho Sara tsi wahiatswate Ismael ne thakowanen, wahokonreke Isaac ; wao-nikonhraksen ne Sara, wahonitentase Abraham ne rokowanen wahonatonkwe aonsasakotekwate Ismael nok ronistenha, tosa nonwenton ahaiena raowenk sonha. Wahohrori ne R. Abraham tsi nahaiere, wahrenron : “ Etho naiawen tsini ionikonhroten ne Sara, aseken Isaac riatarakwen, raonha enhatewetonnion, ne skentiohk^hwat enwaton sheiatere akonha. Orhonketsi wahatketsko Abraham, skanatarat nok skatsetat ohnekanos taron ne Agar, nok ne roienha, nok wakenron : eren saset. Ok sa ok wahiahtenti hiatatienha Wahiatokten ohnekanos aseken onesaronkwake ihnene nok tekatonkwarakwe wathowisenheie Ismael tsinahoniatathen, wahonoronse karon-tonkon wahatoroke. Onnikonhrokten onistenha, watewasentho, wahoiatonti ne roienha, waehre : tosa tekkanerak tsi enhrenheie. Wasakotenre ne R. tahotenniete saiatat raronhiakehronon taken-

nonke ronistenha, wahrenron : Testann, hetse-
nentsa netsienha, tetsniek, aseken enhawatsiro-
wanenhake, Skeunen sonnontonnionwe, ne Agar,
ontieren ok etho kahneko wakahnekata aotseta-
kon, nok wahonekanonte roienha ; ok sa ok sa
hoïatabnirha tsi wahahnekira. Tsinahé rotehi-
arontie Ismael, rotsanitonhatiene, wahatorate ra-
onweskwanihakwe oni, ronnhekonne ne rarios-
kwe.

CHAPITRE VIII.

Sacrifice héroïque d'Abraham qui immole un bélier à la
place de son fils.— 2e promesse du Messie dont Isaac
est la 5me figure.— Abraham envoie Eliezer chercher
une épouse pour Isaac.— Rencontre d'Eliezer et de
Rébecca.— Eliezer reçu chez Bathuel.— Rébecca épouse
Isaac (A. M. 2148).

Satehaoserashen ne Isaac kanorontsi naawenne.
Wahrere ne R. : aonktokense tsini hotontatskon,
tsini honikonhrahniiron Abraham kariwiiostonke,
wahawenhase ne R. wahrenrontekeni : “ Abra-
ham.” Takenron Abraham : “ Sewenniiio ken
tkiteron.” Takenron ne R. : “ Isene netsienha
tsi tionontahere tsi ienkonnatonhase etho entserio
nok enskewenniioste. Roterientare Abraham tsi
R. sakohtiawenrati aiontaterio nonkwe ; rorha-

ratstennihne ne R. raonha ne roienha Isaac enho-
wiraientaseron nene skentiohkwatienwaton. Iah
sane othenon te hoteraiatakon. Ok sa ok wahat-
ketsko, sekon asonthenne iken, wahatseronni,
wathaientiakon tsinon nenhoskonthe ne roienha,
ethone wahahtenti ; wasakoiatenhawe tenineken-
teron ne sakonnhas nok oni Isaac. 3 tsini ionon-
wetsien tsiniore ; akwa sane ronikonhraksensere
tsi ire, iah ki te iokentonne. Sahonnnewe onon-
takta Moria konwaiats tsi tiononte (ethononni
ronwario Jesus) wasakawenhase ne sakonnhas,
wahrenron : Kento seniterontak, eniakeninonta-
rane ii nok ne rienha ; wasakeniwenniiostane ne
R. tsinenkariwentane kento tentiakene. Waha-
tientaketate ne roienha Abraham wattersarakwe
ne nenrate enhorio ne roienha, nok oni notsire
nenhoiatatsahate, ihnene hiatatienha tsiniiot iah
otheronon te iawensere. Tahenron ne Isaac : “ Ra-
keni, aontonken otheronon akonriwanontonse ? ”
Tahenron ne Abraham. “ Tasatati, kien.” Sahen-
ron ne Isaac : “ Shawi otsire, nok ii wakientak-
ehte, iah tenhnon tekkens nahoten watsewenniios-
tane ne R.” Tahenron Abraham : Iahtaionke-
nioha ; R. enharako nentsiteniwenniioste tosa ne
tionkenikonhrarak. Iahanewe onontoharake, wah-

ronni Abraham tsiniiot tsi iehasentakwa, etho wahaientakeron, skennen wahonerenke ne roienha tsi kaientakeron, wahaswatahasarakwe wahatesennonni ne ok skanoron ontahasarente.

Ok sa ok wahohenrete saiatat raronhiakehronon, wahrenron : “ Abraham ! Abraham ! satka tsi sassarakwarawen, tosa hetserio netsienha netsenoronkwa. Onen rotokense ne R. tsi hetsewennarakwa, hetsitewentetonne netsienha.” Wahatkawe Abraham, wahatkahtonunion wahatieren ok okwirokon tioiatontarheon teiotinakarontonha katsinn, wathaiatakwe, sahonerensi ne roienha, etho sahaiatarenne teiotinakarontonha. Sekon are sahowennahronke ne raronhiakehronon tahenron R. rowennotakwe : “ Aseken takewennarakwen tsi hetsatewentetonne netsienha, enkonia-tsennonniaten, etho nenswatsiraske tsiniiot tsi iotsistokwaronunion karonhiake, nok oni tsini kanesaronkwakeron nonwentsiake, enhontesen-nieseke ne sheien okonha, enhontatewenniioste ne raononwentsia nensakotisenni, aseken takewennarakwen ise enswatsiratatie enhennakerate, ne enharihonni nonwentsiakwekon nonkwe eniontsennonni. Ethone sahiennontatsnente ne hiatatienha 3^{ton} nonta iahonneuwe Bersabee.

Tsini iawenhon nethone ne iawet watenientestakon tsi nenhoiatawen ohnaken nensesakoskontako nonkwe. Isaac sahanontarane wahaientakhte nenhoiatatsahate. Jesus sahanontarane roiasakehte. Isaac wahatiataren tsi kaientakeron, Jesus kaiasake ronwaiatanentakton. Isaac rowen-narakwen ne roniha rotewentelane, Jesus rowen-narakwen Niio Roniha rotewenteton onkwe akoriwake. Iahte honwario Isaac, Jesus ronwario, tenhnon shotonnheton. Abraham eso rowiraientaon ne skentiohkwa*t* iotonhon. Jesus raonekwensa roieraton, rotiohkwison kentiohkwatokenti ne ronwahniha ronwakowanen nene rorihonnihon nonkwe okon aiontsennonni, raonha Jesus ethoni hoieren Abraham roienha. Abraham ronwahniha tiakawehtakwen kariwiiostonke ne tsi thawehtakonne, etho tioientakwen rotewenteton ne roienha, rawenhne ne R.: raoriwake hetsienha Isaac enhowiraientaseron ne skentiohkwa*t* enwaton, tenhnon raweron Abraham : iahte honoronse ne R. aonsahaonnhete rienha.

Kennaheha wakenheie ne Sara 127 teiaoserii-ahonhonne Wahonihraksen nakwah Abraham ; wahaonwentsiahninon tsinon enkonwaiatata ne rone kenha, iah noiate haonwentsiaientakwe Kanaanke.

40 Satehasseriiaakonne Isaac, arekho te honiakon, onen rotiatison Abraham, wahrere : roniak ne rienha. Tahononke Abraham saiatat Elieser ronwaiatskwe, wahonnise tsi ronnhas, raonha ratsteristakwe tsinikon roientakwe, Abraham wahawenhase, wahrenron : “ Ikehre asheiatisahe hentsenniakten ne rienha ; tosa tenhnon sheiatarako kanaanronon, aseken iahte iakoriwiioston. Etho iahase tsi thanakere iakiatatekenha Nakor ronwaiats, etho ensheiatatsenri ne tiakoriwaieri, tosatenhnon nonwa eh iahare ne rienha, sarharek enhiariwawase ne R. ; raonha akwa rorihonni tsi wakennakerekwen tsi kenakerekwe, rawen : Sheien okonha eniewenniioke onwentsia tsi nonwe nonwa tkiteron, enhahente raronhiakehronon, enhiatokaten ne ensheiatarako. Wahatentt Etieser, 10 wasakoiatarako ne katsenen hontikowanens, niatekon iahahawi oni nakwahioianereson. Nonen iaharawe tsi tkanataien Haran, wasakotsnerentsionko raotsenen okon, eh wathatane akta tsinonwe iehnekotsientakwa, roterientare ne tsiakothonwisen okon etho kontinakere tkontihnekakohes, nok wahonitentase ne R. wahrenron : “ Sewenniiio, iah othenon te sanoronse, takitenr takienawasehek, ken kaien en-

kheientereste ne tsiathonwisen ne isehre ahotini-ake Isaae skaiatat enkenhase nonen enionekotsienton : taknekanont ne nonwa tontati neoni enwerheke : kenekanont ne raotsenen okon, oksa-ok enkerheke : ne ensheiatarakwen oseronni tahiatien Isaac.” Arekho te horihokte tsi roteren-naien, taioketote skaiatat ne kaiatase akwa ionkwetiio Rebekka konwaiatskwe wakanekotsiente. Sahanonterane, wahrenron : “ Asatontate ken ontasknekon.” “Io,” wakenron. Ok sa ok tahonekon, tenhnon wakenron : “ Ikehre oni akenekanont ne satsenen okon.” Ok sa ok iakanekotsiente tsinikon iatekaieri nakontihnekihra raotsenen okon, nok wakonekanonten raotsenen. Tehakaneraties Akraham ronnhas, iahte thotati. Tsi wakasha iakonekanontenskwe, ethone waron atenentsannhas nok atewasare otsinekwar niiot ne nakwa kawistiio waton, nok wahrenron : “ Onka ne iesaienha ? aonton ken aionkenaktotase tsi sanonsote ? ” Wakaiena ne rawiskwe nok wakenron : “ Bathuel ronwaiats ne rakeniha nok ne raksotha Nakor ronwaiats. Kanonsowanen tsi ionkwanonsote, wenekeraien oni. Akwa wahatsennonni ne Abraham ronnhas, wahrenron : Ionehrakwat tsini satanitenraskon, Sewenniio, tiotkon

hetsiteron Abraham, ne karihonni oksa wakenon-satsenrion tsi rononsote Abraham hiatatekenha.” Eh iahare Elieser tsi rononsote Bathuel ; akwa wahonwateweienton, wasakohrori tsini iawenhon nok wahrenron. “ Ise ki wahi entisewennonton, ne nskwatontatse. Tokat othenon enkaiotatseke nai-oniake ne Rebekka, takwahrori, aseken akte en-kheiatisake nok enskahtenti.” Wahniron Bathnel nok Laban hiatatekenha Rebekka : “ R. hiann-haonhatie tsi nasiere ; ikate ne Rebekka, iatsiaten-haf, sahtenti nok rotiniak Akraham roienha.” Onwentsiake wahatiskwentarho Elieser tahonon-weraton ne R. wahron ne Rebekka tsinikon raha-winontie ne kanoronson, wahontennioten nok wahontonwesen. Saorkene Rebekka ontseronni-anion, watiakonoronkwaniion konwaienha, wahniron rontatekenha : “ Iakwaskaneks asatsen-nonniwake, nok wahnontenti ; wahonnnewe tsi thanakerekwe Abraham Wahotiniake Isaac nok Rebekka.

CHAPITRE IX.

Naissance d'Esau et de Jacob, A. M. 2168 leur caractère et leurs occupations Esau vend son droit d'aînesse pour un plat de l'entilles.— Jacob reçoit la bénédiction paternelle A. M. 2245.—Il prend la fuite, voit dans son sommeil une échelle mystérieuse, signification de ce songe.

Sahrenheie Abraham 175 natehaoserii akonne, eh iehawenon tsi nonwe ratiteron sakoni okon kenha.

Teioserashen tsinahe rotiniakonhonne Isaac nok Rebekka ethone ok tekeni wahotiwireientane. Arekho si honennakeraton eso wakaronhiaken, aseken teiekhen nok tsimiot nahiatarioseke. Wahatokaten ne R. tsi iawet tekentiohkwake ieiataat kaiaakon nok tsi ne kennihraa enhosenni ne rakowanen. Teioken waowiraientane. Ne tiotieren-ton wahennakerate onekwentara nihaiatoten nok rotenonweronte akwa raiaatakwekon, ne karihonni Esau wahonwanatonkwe. Oksa oni enskat wahennakerate raratake roienawakonhatie ne rotsiha tsiniiot ahatonheke : iah ise te skowanen, ne wakarihonni Jakob wahonwanatonkwe. Tsi oia natehniatoten ne hiatatekenha, oia oni hotinikonhroten, oia oni natehononnhoten, enskatne wa-

honwenehiaron. Kawenniio ostonha wahiatehiaron, raienthoskwe Esaü nok oni raiakhes, ok ne Jakob tetotinakarontonha ranaskwaienskwe. Senha ronoronkwakwe Isaak ne Esaü aseken tiotkon ronontenskwe ne rarioskwe, nok iahte hoterientarakwe tsi iah ne te hoiatarakwen ne R. Nok Rebekka senha ronoronkwakwe ne kennihraa, aseken ioterientarakwe tsini hoieren ne R. tiotkon oni kanonskon renterontakwe. Wahohorri tsini hoieren R. raonha raoriwake. Iotkate atste nok karhakon ireskwe ne Jakob tsinahe roiaakon Esaü, ethone wahatkatston ne Jakob toha tsiniiot osaheta iaharowe tsini rotkatston ethosarawe Esaü ; akwa tehowisenheionhatiene, ratonkariakskwe, wahoneken ne raotikerha ne hiatatekenha, wahrenon : Tewakwissenheion nahwah ; takenont. Tahenron ne Jakob thaontakonhion, senha toianere konhninontenniha tsi ise skowanen ii enkkowanenhake. Tahenronne Esaü : Onwa tsi ok enkiheie iahtensknontenhe, nahoten oni ensatste tsi enskowanen ? Tahenron ne Jakob : Satewentet iahte kakonte tsi enskowanen. Ethone wahatenhninon. Ok sa ok wahononte, wahoksaherhase Jakob. Ethone wathanatarakwe Esaii, wahahnekihihra oni otsitsia. Akwa waho-

htane, iahte haweron : kanoron ken tsinahakie-
rase, aseken ratonkariakskwe. Tsini iawenhon
nethone, watenientensjakon tsineniawen nonen
onwentsiake enhreseke Jesus, tsi Sitaeronon ro-
natewenteton tsi ratikowanenskwe kariwiiostonke
nok niahte honwaienteri ne R. enhontiataren
Jesus raotiohkwatokentike.

137 Satehaoseriiaakonne Isaak, 77 natehaoseriia-
konne Jacob, nok arekho te honiakon ; onen 37
nioserake tsinahe thoniakon Esaü, waharonweke
Isaak, iahte shakenskwe ; ethone wahrere : ak-
heiateren naienhase kheien okonha. Rebekka iote-
rientare tsini kariwanoron nehnahoten ; ne kati
wakarihonni wahoriwawase Jakob, aiawen aha-
tsennonni. Waehre : ahinikonrhaten Isaak, iahte
onte takeriwanerake. Onen tsi hotiatison Isaak,
iahte shakenskwe, tahononke ne roienha thako-
wanen, wahrenron : Karo tasatkwit, kien. Tahen-
ron Esaü : Ken ikete ; rakeni. Wahrenron Isaak :
Saterientare onen akekstenha, tokat kennonweha
enkiheie ; satoratha othenon aserio enskenatsio-
tase saterientare tsini kenonwes, enskon enkeke
nok enkoniaterennaienhase sekon si konnhe. Ok
sa ok sahaiakenne Esaü. Iotontekwe ne ronis-
tenha ; oksa iahononke ne Jakob, wahohrori tsini

ionikonhroten : Saterientare R. roriwison se
enskowanenhake ; satataskennha ne hianiha ahi-
aterennaienhase ; iaserio tekenihase ne kontiia-
keras, ienkenhienaweron eniewarakenritaste, en-
rake ne hianiha nok enhiaterennaienhase. Tahen-
ron Jakob : Raiatakwekon rononwerhote ne rak-
tsiha nok iahten nii, tokat ahakienterene rake-
niha, enhonakwen, enhakrewate. Takenron Re-
bekka : Tosa setsanik, ii enkeriwaseronni. Wa-
tewakwe Rebekka nakwah atiatawitseriio, Esaü
raotiatawit, wahoiaatawite Jakob, orfare nahoten
wahonentsiroroke, nok oni wahofwaraniake taons-
ahatierenn Esaü, nok ratatiskwe oia ni iohtonne
wathanatarakwe ne ioniatarison ronistenha otsi-
sia oni etho wathatane tsi thenteron roniha, etho
ok tahatati : Rakeni ! Tahenron Isaak : Onka
nise, kien ? Tontahenron : Ne thakowanen het-
sienha Esaü ionkiiats, isek, rakeni, ne konriten-
nihne, ohnaken enskiaterennaienhase. Tahen-
ron Jakob : Karo nontase, kien, akonienna aonk-
tokense ise ken ne Esaü. Ethone iathatane Jakob ;
wahoiena ne Isaak ; wahrere : tokenske Esaü,
aseken orfara rotiatawitonne. Ne wahi ranentsake
Esaü, wahrenron, ehniot Jakob thohtare. Iahte-
shoienterehon Warake Isaak wahahnekihra oni

otsitsia, wathonoronkwanion, nok wahawenhase, wahrenron. Tsini iawekhon onkessho tsiniiot nai-tonnike nakwa katsitsiakon, tiotkon, kien, hiari-wawasek ne R. tiotkon watonnisek, nensienthosek, tiotkon senatsiakatek, nok oni satsitsiakatek, tiotkon iesatontatikek nonkwe, ise eniesakowanenhake tsi nensewatatekenson, enkheswensekeneniesaswenseke, enkhenoronkwake neniesanoronkwake.

Etho nahaiere Isaak. Ethone sahaiakenne ne Jakob. Onwarh ok shoiakenhon, onen sahataweiate Esaü, rahawi ne roritakwenhatie, rorhare ne roniha enhoterennaienhase, wahrenron : Satsketo, rakeni, isek ne koniatsiotanihnen nok ohnaken enskiaterennaienhase. Tahatonneke Isaak, wahrenron : Onka ne ken hen ? Wahrenron Esaü : Rakeni, iah ken te seskienteri ? ii Esaü hetsienha. Tahatonneke oni Isaak, wahrenron : Onka kati ne kenhen ionkenonten ? Wakekon nok riaterennaienni ; iah taonton aonsakeriwarisi onen tsini wakieren. Wathateriatikhon Esaü tsi wathonwaskenni, wathohenrete tsi wathasentho, wahrenron : Takwaterennaienhase oni, rakeni. Wahrenron Isaak : Ok kati nakiere ? Rakenikonhratenni ne tsiatatekenha, wakiron : Ise ken ne

kenhen tsahiaterennaienhase. Tahenron Esaü : Oktiketsaniskwe, tokenske sekön are sahakkaronni ne Jakob, wahonnise tsi wathatonkariakonhatie, ethone wahakenonte tsakatewentete tsi ii kkowanenne Iah ken taonton askiaterennaienhase? Tahenron Isaak : Onen ok wakewennentaon, waken tsi enskowanen, tiotkon ensanatsiakateke, tiotkon oni ensatsitsiakateke, nahoten kati aesarkareke? Wahrenron Esaü : Iah ken ne ken taonton tatakenihake asheaterennaienhase? takitenr, takwaterennaienhas. Tahenron Isaak : Tsi nenkkweni, enkonnikonhraierite; tikenha tsi nensatsennonnihake, senha ne tsiatatekenha; ian tenhnön taesenttenton, tiotkon ensateriohake nokensakonaskwaientak ne tsiatatekenha ne sheien okonha, ienkahewe tenhnön ensatatewenniio.

Iah taonton aiontonnhiie tsi onowen nok kanikonhrata iotston ne Rebekka tsi wahonikonhratha ne roienha kenni thoiienha ahoneken Isaak ahoterennaienhase, tenhnön iah akwa kanikonhratha te ken aseken ioterientare R. roiatarakwenne Jakob ahonwakowanenhake rontateken okonha. Tsini iawenhön nethone, iawet watenientenstakon tsi neniawen ohnaken tsi Sitaeronon raonawenk

enkenhake tsini sakorharatstennihne Abraham ;
tenhnon sahonwaiatonti Jesus nensesakoskonta-
kohe nonkwe, iawet ronatewenteton tsini hatiko-
wanenskwe akowenk iotonhon ne iahte hon-
waienterihne ne R. Ienkahewe tenhnon nonen
ensewatowentsiarisionhe Sitaeronon enhonwa-
ienterene, ethone enhontatewenniione.

Akwa ionehrakwat ronakwenhonne Esaü ne
aoriwake tsi Jakob iawet wahanensko tsi thako-
wanenne Isaak rawatsirake, wathoskenni ne ro-
niha ahoterennaienhase. Iah sane te honakwaton
Isaak tsini honatieren Rebekka nok hiatatienha
Jakob. Wahohrori ne rone tsi R. ratokatennihne
arekho tsi iowiraientaon tsi ne enhakowanen-
hake ne kennithoienha.

Wahonikonhrawen Esaü ahorio ne rokenha.
Ne ronistenha Rebekka wahonikonhrata Jakob
ahateko, etho iahare tsi thanakere ne hiatatekenha
Laban ronwaiats tsiniiore aonsakaiewentane rao-
nikonhra Esaü. Ne roniha Isaak wahawenhase :
Etho iahase, wahrenron, tsi thanakere ne hiasotha
tohka ni howiraien kontiiatase enseniniake ne
nensenonwene nok oni enharinonweseke ne R.
tsini hakeriwawasehne ne R. tsonkeniake, rien-
nitentase, tiotkon isinison ahientenronhatie. Aia-

wen asatsirowannha etho naiontsennonni sheien okonha, tsi nise nensatsennonni. Satewenniiost onwentsia ne sonkiarharatstenni ne R. hiasot kenha Abraham, nok oni nii, sehiaarak kentiohkwatokenti enwaton ne sheien okonha.

Wahahtenti kati Jakob. Tsinahe rohtentionhatie, ka ok nonwe iaokarawe, atste wahanonwete, onwentsiake wabarate, onenhia wahatkonserakwe. Skennen rotaskwe, wahotetsen. Wahatieren ok tsi wahotetsen, wahatkatho kanekotote onwentsiake karonhiake ieioniotaon. Ratirathenskwe ratironhiakehronon nok oni thontsnentakwe, nok R. ahnio ehrarate kanekotake; wahawenhase ne Jakob: “Ii Niio nakiatoten, ii ronwawenniiio Abraham nok Isaak, kheriwawasehakwe, sewenniiio onwentsiake ne kento, sheien okonha eniewenniioke, etho nenswatsiraske tsiniiot tsi wakenrakeron nonwentsiake, akwekon nonkwe eniontsennonniate nenhennakerate nise enswatsiratie; tiotkon enkonriwawaseheke tsi nonwe enseseke. Mesopotamike nonwa wase, etho ienskonteron tsinonwe kheionwentsiawi seni okon kenha, ok onen tsiniwa wakieren.” Sahaie ne Jakob tsina koriwanehrako nok oni tsina hatsennonni, wahrenron: “Akwa tokens-

ke kento renteron ne R., iahte wakaterienta-
rakwe." Onwentsiake wahatiskwentaren, wahren-
ron : " Akwa ionwentsianoron ne kento, R.
raononsa nok kannhokaronte ne karonhiake." Ok
sa ok tonsahatane, onenhiake wahrenienawe-
rontho nene rotkonserakwe aiawen aonsahaien-
terene ohnaken tsinonwe etho nitiawenhon, etho
oni nonwe kanataientakwe, tonsahasennatenni,
Bethel sahanatonkwe, ne sakat aiairon : Niio
raononsa. Tokat, wahrenron, enhakeriwawase-
heke ne R. tsi nahoten wakeniente, wakerhare
etho neniawenne, nok skennen tentkahtenti, iens-
kewe rakeniha tsi thononsote, tiotkon enhiseron-
nienniheke ne R. enhiwenniioste oni noierison
neniwakientake enskat raowenk enwaton.

Onen 4^{ton} tsi R. wasakorharatsten nonkwe tsi
enthotenniete nensesakoskontako. Tsini iawen-
hon nethone watenientenstakonne tsi nenkariho-
tenhake ne kariwiioston. Tsi tenhonterahneke-
nhake nonkwe ne R. tsi nenses akoskontako non-
kwe, iawet tenhaiasere tsi nenhaiatotenhake Niio
Roienha nok oni Jakob roienha, itensakorahne-
kenhake nonkwe ne sakoiatison tsi enhonwari-
wasehake ratironhiakehronon nok rotiiatatoken-
tison asakotenre nonkwe. Ne oni watenientens-

takon tsi nenkanonsotenhake ononsatokentison : etho enthatiterontake ratironhiakehronon enhonwariwaienhase ne R. tsi entewaterennaien nok oni enionkiion niate ioianerenstakwatserake. Sekon nonwa tsinikon konwaterennaiennis onons atokenti ionton : “ Teiotenonhianiton tsi tewenteron Niio raononsa nok kannhokaronte karonhiake.” Sekon nonwa tsi Ariwawakon enhaterennaienhase tsi iehasentakwa, enhrenienaweron tho wenhienatokenti onenhiake. Oriwakaion tsi ethoniieierha kariwiiostonke. Iawet wahotokaten ne R. Jakob tsiniiot sakoteriwatsteristha nonkwe, thennontonties tsini iawens nonwentsiake, iahte sakotewentetha ne tiakoriwaieri tsi ok nahoten aiakoiatawen, tenhnon sakorihonten ratironhiakehronon aionkinonna, aionkiatanonstatseke.

CHAPITRE X.

Arrivée de Jâcob en Mésopotamie.—Rencontre de Jacob et de Rachel.—Jacob retourne en son pays, va trouver son père Esâü.—Lutte de Jacob avec un ange, sens du nom d'Israël qui lui est donné.—Mort d'Isaac.—Joseph dans la maison paternelle, ses songes A. M. 2273.

Oieri naenonwetsi iaharawe Jakob Mesopotamike wahatkatho tsi nonwe iehnekotsientakwe ne

tesakotisnie ne katsenen okon kanontektonne tsi iehnekotsientakwakwe. Eh iahonnewe ne tesakotisnie ne katsenen, wahatinenhiarako tsi kanontektonne, wakonwatinekanonte nakotsenen okon saienonteke wasakoriwanontonse Jakob : Ka nonwe tsi sewanakere ? Wahoniron : Ok etho teiakwanataneken ne Haran konwaiats. Tontahenron Jakob : Kanekhere hetsisewaienteri Laban Bathuel roienha ? Tahoniron : Akwa sakwaienteri ; onwa tsi ok enwawe sakoienha Rachel konwaiats, taiakoiatenhawi naotsenen okon. Ethone onwe Rachel. wahanenhiarako Jakob ne kanontektonne tsi iehnehotsientakwa. Kawenniio waotiniatanawen ne katsenen okon, akwekon akte saiente. Wathanonweraton jakob ne kaiataseha, wahatstaren nok wahrenhase Rachel. Rebekka wakienha hiatatekenha ne hianiha, rakenohaa ne Laban nok hiaraseha ne rakeniha. Oh sa ok tonsonrattate ne Rachel, wahohrori ne roniha Laban wathotteratana Jakob, wathonorokwanion, tsi thononsote wahoiatenhawite. Teioserāshen eh iahenterontakwe Jakob watesakosnie ne raotsenen okon Laban. Tsinahe 7 nio-serake etho roiotehon Jakob, ethone ok wahatontate ahotiniake sakoienha. Niatekon tsini hoi-

eren Laban ahonikonrhaten Jakob, raskaneks-
kwe kariwes ahenterontake ; iahtiiekaieri tsi ro-
kariakihakwe. Tenhnon R. wahotenre Jakob ta-
hateraswiioste ahokwatsehake, ronaskwakatekwe,
rokwatsehne.

Jakob wahowennahronke ne R. wahrenron :
, ‘Etho ionsaset tsi tesenakerekwe ; tiotkon en-
konriwawaseheke, tosa othenon setsanik, sarha-
rek tsinikon konrharatstenni.” Jakob wahren-
hase ne rone, wahrenron : Tiotkon rakeriwawase
ne R. ; tenhnon Laban iahte hakenoronkwa ;
onen teioserashen tsinahe akwa wakateweienton-
tie, riotense nok raonha tiotkon irehre ahinikon-
rhaten, tiotkon shoriwarisionhatie othenon wa-
keniriwisa. Enkahtenti tetsiatoret kati nenserhe-
ke tsiakene. Ok sa ok ontontate ne Rachel. 3
nonta tsinahe thohtention ne Jakob wahotokense
Laban, wahonikonhraksen wahosere, tenhnon
wahonikonhriake, aseken R. wahotokaten tsi ro-
riwison etho iaonsahare tsi thanakerekwe sken-
nen shonatonhon.

Sekon tenhnon tsioriwat tehonikonhrarakwe
Jakob, ne tsi rotsiha Esaü ronosaskwe, ratsanis-
kwe sekon aonsahrebiarane noriwakaion, wasa-
kotenniete otiake ne raonnhatsera tahonwatera-

tana Esaü aonsahonwanikonhraseronni. Waha-
tsennonni Esaü, wahrori : Tahiatertana wasa-
koiatenhawe 400 raonnhatsera, Sekon wahatsa-
nike Jakob, aseken iahte hoterientarakwe tsi
onen oia ni shonikonhroten Esaü. Jakob waho-
nitentase ne R. wahrenron : Ise, Sewenniiio, ta-
kennhaon eh iaonsake tsi tkenakerekwe, takiten-
ron tsi wakahtenti ; iah othenon te wahientakwe,
nok nonwa tsi iske akwa wakkatatie ; ritsanis
tenhnon nakiatatekenha Esaü, isen sane, Sewen-
niiio ; enkonriwawaseheke nok enkwatsirowann-
ha. Takitenr, tosa othenon nahakierase iakiata-
tekenha. Wasakoiatori otiake ne raonnhatsera
wasakohrori nahonhion Esaü nonen tenhontera-
ne tohka tewenniawehekhon ne raotsenen Jakob
wakonwatiiatenhawe kontiiatakera, teiotinaka-
rontonha, teionnhonskwaron, akosatens, nok wa-
honhtenti : ohnaken raonha tahahtenti, tenhnon
sakoien okonha. Tsinahe rohtentionhaties ne Ja-
kob, ioriwanehrakwat tsini iawenhon asonthenne.
Wahontieren ok ire raronhiakehronon onkwe
roiatontakwenhatie, sathiatatiena, satehnisatste-
kwe, iah kati onka tehotesennieskwe, ranitsake
ne Jakob wahaiena ne raronhiakehronon, ok sa
wahonitsakenheie Jakob onen ki tsi niiot iahte

hotkawaskwe. Ethone wahrenron raronhiakehronon : Takwatka onen se hiorhenhonbatie. Tahenron ne Jakob : Iahta koniatkawwe niare takwaterennaienas. Tahenron raronhiakehronon : Nahoten iesaiats? Tahenron : Jakob ionkiiats. Sahenron raronhiakehronon : Onen iah Jakob tentsieiaiatseke aseken takesennion ; ne wahonni watiesen enshesenni nonkwe. Tahenron ne Jakob : Ok nise nahosen iesaiats? Tahenron raronhiakehronon : Tosa serhek : onktokense ok sa ok. Wahoterennaienas nok tonsahahtenti. Ethone wahrenron ne Jakob : Wahiatkatho ne R. rakitenron kati, iahte wahiheion.

Tsi ethoniawenhon watenientenstakon tsi Jakob enshonikonhraseronni ne hiatatekenha Esaü ; iawet wahonikonhrahnrirate ne R. ; tenhnon rontons rotiiatatokentison : Ne watenientenstakon tsi nenioiatawen Jesus raotiohkwatokenti rotinontiison, rononkwetaksens enhonhtako akonwariwahtonten, iahtaiekweni.

Skennen wahonnewe Bethelke, iah onka te iakononwaktanihakwe, skennen oni raotsenen okon. Ok sa ok wahronni tsiniiot tsi iehasentakwa ; sekon sahowennahronke ne R. wahrenron : Iah Jakob tentsieiaiatseke, Israël nonwa eniesai-

tseke. Ii Niio nakiatoten ne katon, iah othenon te wakenqronse. Tesatwasiriak enhonwatinon-tiioke sheiatere okonha wakhonhionwentsion ne rionwentsiawihne Abraham hiasot kenha ; sheien okonha eniewenniioke. Etho nonwe wahronni Jakob tsiniiot tsi iehasentakwa tosa aonsahonikonrhen tsi naawenne. Saorhene sontakarakwinekenne, Jakob wasakoken Esaü, 400 rotiskenrakehte ronwanonteratie. Eh warete tsi thenteron, wahatiskwentaren, wathononweraton Esaü wathonoronkwanion, wahatstaren. Eh iahare Jakob tsi thenteron ne roniha Isaak, onen 29 nio-serake iahta teshonatatkenne hiatatienha. Wahatsennonni Isaak aonsahoken. Sahrenheie Isaak 180 tehaoseriiakonne. Esaü nok Jakob wahonwaiatata.

Jakob 12 wahowiraiantane rotiskenrakehte : Ruben, Simeon, Levi, Sitas, Dan, Neftali, Gad, Aser, Issakar, Sabulon, Sose, Benjamin. Rononhake tehotiiahenhon 12 nihotitiohkwake ne Sitaeronon ronwatiats. Sitas wahatsiratatie ne Sonkwawenniiio. Roterientarakwe ne tenhontwatsiriake skentiohkwat kentiohwatokenti enwaton. Ne Sose ronwaiatskwe, raonha tsini haksatiiohne ; ne kati wahonni senha rokonniienstakwe Jakob

tsini sakokonniestakwe rontateken okonha, wahon akwa atiatawitseriio; etho takaientakwe wahonwaswen, wahonwanosa ne rontateken okonha.

Iakahewe tsi kahetake sakotinonnhakwe raotitsen okonha, akwa iken ioriwatsanit ioteriwatehat tsi nahatiere rontateken okonha. Sose wahohrori ne ronwaniha, etho takaientakwe senha wahonwaswen, iahta teshatiharakwe. Wasakohrori tenhnon tsiniiot wahotetsen, wahrenron : Onkatetsen tewenthokwanerenkskwe akwah ikate nakitokwa, nok nise sewattokwa tekontsaktonskwe, tekonwanonweratons tsiniiot nakonwasennaiehenke nakitokwa. Tahoniron rontatekenha : Nahoten saton ? Isehre ken enionkenontioke nok enkwatontatiheke othenon ensiron ? Senha kati wahonwaswen. Sekon are sahotetsen, wasakohrori, rotonte oni ne roniha, wahrenron : Onkatetsen, wakatatho ne karakwa entiekekha nok oni 11 otsistok, akwekon ionksennaiensskwe. Ne roniha wahohriste, wahrenron : Totek, iahte satokha isehre : ii sanistenha, nok sewatateken okonha enkwassennaien. Ohnaken wathaiatorete Jakob, wahrere : tokat ken ne watenientenstakon kowanen enhaterihonten. Ethone wahonnehre ne rontatekenha asakwario.

CHAPITRE XI.

Jacob envoie Joseph à Sichem.—Joseph est vendu par ses frères.—Joseph chez Putiphar.—Il est tenté par la femme de Putiphar et jeté en prison.—Il explique à ses compagnons de prison ce qu'ils ont vu en songe. A. M. 2286.

Ohnaken wahonhtenti Jakob sakoien okonha wasakotiteronna raotitsenen Sikenke. Iah natehohtentionne Sose. Jakob wahonnhanne eh iahare tsi ratiteron, wahrenron : Etho iahase enteskroriana tokat sekon rononnhe sewatateken okonha. Sose wahowennarakwe, wahahtenti. Sekon inon tarene, onen ok wahonwaienterene rontatekenha, wahoniron : Ken ire ne rotetsenseron, hetsitewario, hetsitewaiatawitasi nok tsi iosonwe iehnekotsientakwa etho hetsitewaiatonti, entenwenron : kario roiatakarihon, ne enietokatakwe tsi iahte kasta tsi rotetsens. Tahenron ne Ruben, tikenha tsini hoswenskwe : Oh ni ioriwatsanit ii tatsitewario, ne nensewerheke : akwa ok renhei. Osonwakon hetsitewaiatonti, atonkariakon enhorio. Rerhakwe enshiatatako nok enshiniakente. Wahontontate tsi nahaiere ne Ruben. Tsinahe ne rotihtarakwen, onen ok etho ire ne Sose. Ka-

wenniio warawe, ok sa ok wahonwaiena, wahonhwahwasonko, osonwakon wahonwaiatente iahte kahnekare.

Skennen iaonsahontekhonni etho wahonto-hetste rontenhninons inon thonenonton Ekgyptke wahontkeronne. Ethone wahrenron ne Sitas : Nahoten entewatsennonniate atsitewario Sose, tewatenontere wahi ; iah ken senhate ioianere atsitewatenhninon ? Wahatiriwanonwene tsi nahaiere Sitas. Sahonwaiatatako Sose, wahonwatenhninon tekawistashen wahatinaton ; okti oriwakon, wathasentho, wasakonitentase, Egyptke wahonwaiatenhawite. Iahte haiatarakwe Ruben tsi wahontekhonni, nok tsi wahonwatenhninon ; eh iahare tsinon honwaiatentonne, iahte shoiatatsenrion. Tsina honikonhraksen, waharatsionko raotiatawit, wahrenron : wahiaiatohaa tsinonwe hetsitewaiatontionne ; oh kati nenwakiatawen ? Wahoniron : Onwa tsi sakwatenhninon. Wathatiiatorete tsi nahatiiere nonen ienhonwarori ne ronwahnihia tsi iahtaonsahotkatho Sose. Kaiatakeras wakonwario, onekwensake iahakowe Sose raotiatawit tsinonni henteron Jakob, wahoniron : Satsienterenn raotiatawit hetsienkenha Sose raotiatawit kenha. Sahatkatho Jakob atiatawit, watha-

sentho, wahrenron : Rien kenha raotiatawit kenha, kario roiatakarihen. Waharatsionko ne rokstenha raotiatawit, wathasentho kariwes, iahte watonskwe ahonwanikonhrahnrirate.

Egyptke tsi iahonnewe ne rontenhninons ne Putifar ronwaiats wahohninon, rasennowanenne ronwakowanen ne raonkweta ronontio Faraon. R. iahte hotewenteton Sose. Ok sa ok wahononwene ne Putifar, aseken ronkwetiiohne, senha wahononwene, aseken thoriwaierikwe, nok tsi roriwawasehatiene R. akwekon raweientehtonne othenon wahonnhanne. Wahorihonten ne Putifar akwekon aontahennontonseke tsinikon ronnhatseraientakwe.

Iakahewe ne rone Putifar ionkwetaksen wahonikonhrotako, wahonikonhrehawite ahatsteriste ne ioteriwatehat. Wahrenron : Iahtakkweni nakatsteriste nethonikariwaneranakserowanen nok ahinikonhraksate ne rakiatison tehakkanere. Iahte ionikonhriiakon nene ionkwetaksen tsi wahonikonhrotako. Iakahewe tsi rononhatsiwa kenhne kanonskon, wakaiena raotiatawit. Tenhnon Sose wahatkawe raotiatawit nok wahateko. Waonakwen ne ionkwetaksen, watiohenrete wakononke aonnhatsera okon, wakenron : Sewatkatho tsini

honkwetaksen nene ranekenteron ne wakeniakon roiatinionte raononskon ; wahataweiate tsi kite-rontakwe, kariwaksen raniente ; onen tsi tewakhenreton, wahatkawe raotiatawit nok wahateko. Sonsarawe ne rone wahonatonhase Sose raotiatawit, Wahonowenten. Akwa ionehrakwat tsi wahonakwen, wahatennhanne iahonwenteron tsi iontatennhotonkwa. Iah sane othenon te hostonton netho nahonwaierase. Ok sa ok wahotitokense ne oseronni ronwatinnhotonkwe tsi iah othenon te horiwaientakwe, ne sakotsteristakwe ronwatinnhotonkwe. Wahononwene, wahorihonten Sose raonha aonsasakotsteriste.

Iakahewe tehniase hnisennowanens hiaterihontakwe tsi rononsote ne ronontiio Faraon, Wakonwatinnhoton tetsiaron. Saiatat roterihontakwe ahohnekarhase ronontiio notsitsia, nok saiatat ranataronnihakwe. Iakahewe asonthenne wahnatetsen tenisennowanens. Wasakoriwanontonse Sose, wahrenron : Oh niotieren seninikonhraksens ? Wahniron : Akwa wahonkياتetsen nonwa wasontate, iah onka te ieteron kento naionkihrori tsi nahoten watenientenstakon. Tahenron ne Sose : Tosa seninikonhraksen, risennaiens ne R. roson karonhia onwentsia oni, iah othenon te honoronse

asakotokaten othenon ioteriwaseton ne ronwasen-
naiens. Takeniron : Iah nii takeriwasete. Ne
sakonekarhanihakwe notsitsia wahrenron : Tsi
onkwatetsen, wakatkatho ionenharote asen nate-
ionnhatoken, tsi tekkanere wakenratontonnion,
wakatsitsiararake nok onianiionten ok sa ok akwa
onhiari ; khawakwe oni ronontiio raotse, wakaia-
niiontakwahaton, watkaiaritte, katsetakon wake-
ren ne takanekinekenne nok wahinekanonte ro-
nontiio. Ok sa ok wahotokense Sose tsi nahoten
watenientenstakon, wahrenron : Nene satkathon 3
nateionnhatoken, iawet sekon asen nonwata onen
enshiahieharane ronontiio, sekon enshiaiatano-
ronste, tiotkon ensaterihontake atsenekarhase ot-
sitsia ; akwa tokenske etho neniawen nahoten
katon nonwa, takehiarann nonen enshiatanorons-
ton onontiio ; hetsrori tsini wakiatawens, iah sane
othernon te wakeriwaien. Ensiron : thonwann-
hoton Israerronon, ne rostonton tai ronwawen-
notaon. Nok ne saiatat sakonontenskwe kanata-
rok ne ronontiio raonkweta wahrenron : Onkate-
tsen, 3 natewakatahteraserakwe kenontsine ka-
rakwe kateserananonkwe nene ehneken watera-
rakwenne ne nakwah kateseriio, iahte hiawiskwe
ronontiio, tsiten okonha wakonneke. Tahenron

Sose : Akonhrori nahoten watenientenstakon nahoten satetsenhon : tsi wasatkatho 3 niwaterake, ne watenientenstakon sekon 3 nonta, onen enhatennhanne ronontiio eniesaniariake nok enhienionten ne tsieronke kenha nok tsiten okonha eniesaiatakari. Tokenske etho naawenne. Iakahewe 3 nonta wahatennioten Ronontiio. Ethone wahariwisa saiatat aonsahonwatkawe nok saiatat ahonwaniariake. Ne rasennowanen shonwarihontenne shoiatanikonrhen Sose sekon 3 niose-rake rannhotonkwe Sose.

Ethone wahotetsen ronontiio Faraon ronwaiatskwe. Tsiniot ne kaniatarakta ahenterontake nok etho takontiiakenne 7 nikonti tionnhonskwaron akwa ionaresenskwe etho iakonnetakwe tsi nonwe iotenekeronnianion. Kennaheha wahontieren ok onen are oia takontiiahenne 7 nikonti akwa ionatiwenskwe, waetsiatakari ne ionaresenskwe. Ethone sahaie Ronontiio. Kennaheha sekon sahotawe, sekon are sahotetsen, wahatkatho ionatsionte, ohnaken sahatkatho oia tontakanio 7 oni nane nateionnhattokennen akwekon ionatsionte ohnaken sahatkatho oia tontakanio 7 oni nanetsiateionnhatoken, akwa nennee iahetkenente kanatsia wakiotsa ne kanatsia. Sahonikonrhen Ronon-

tiio tsi nahoten wahotetsen. Wasakoriwanontonse ne rontenhennaraskwe ahonwahrori nahoten watenientenstakon, wahoniron : Iah taonton aionkwatokense.

CHAPITRE 12.

Joseph explique au Roi Pharaon ce qu'il a vu en songe.—

Élévation de Joseph A. M. 2289.—Les frères de Joseph vont en Egypte 1er entrevue de Joseph avec ses frères.—Départ des frères de Joseph, voyage de Benjamin en Egypte A. M. 2297-98.

Ethone ne rasennowanen oseronni ronwatinnhotonkwe Sose sahawehearane, wahawenhase ronontio, wahrenron : Tsinahe ionkinnhoton, wakiatetsen akwa teionkeninikonhrarakwe, saiatat ranekenteron Israerronon akwarattokha wasonkenihrori nahoten watenientenstakon. Ok sa ok wahatennhanne ronontio nahonwanonksane Sose onontioke wahonwaiatenhawite. Wahawenhase Ronontio, wahrenron : Wakatetsenhon ne akwatewakenikonhrarha. Iahte ionthon onka aionkrorike tsi nahoten watenientenstakon. Ionkrori tsi sanikonhrowanen enwaton enteskrori. Tahenron Sose : Tosa serhek, senontio : onkwe ken enionktokaten tsi nahoten watenientenstakon ne satetsenhon. Raonha ne R. sakotokatennis.

Ne ronontiio wahohrori nahoten rotetsenhon. Tsinaharihokten, wahrenron Sose : R. wahiatokaten tsini iawensere tsinon senakere ; tsi satesenhon wasatkatho 7 nikonti teionnhonskwaron nok oni 7 nionatsionte, akwekon kanatsiataronkwe, watenientenstakon 7 nioserake akwa enwattonni ne kaienthoseron ; nok ne 7 nikonti teionnhonskwaron akwa ionatiwen nok 7 nionatsionte iahte kanatsiatakarihonkwe, ne watenientenstakon 7 nioserake iah taontonni kaienthoseron ; akwa enieronhiaken, eniontonkariake ne ienakere. Ioianere kati otiake ne tiakoriwairi, iakoni-konhrowanens asheiatarako, ensherihonten akwa aionteweienton tsinenwe enwatonniseke, eniakitataskennha eniehninonseke onatsia, nok enionteweienton tsi kanataienton sonwentsiake, iah kati taesewatonkariake nonen ienkahewe iahtaontonni kaienthoseron. Wahrenron ne ronontiio : Ka kati nonwe aietiiatatsenri senha entiakoriwairike, aonttokhake tsi thoriwaiერი, tsini hattokha ne Sose ? Wakonrihonten etho nasiere tsini sanikonhroten, ise ensatsteriste tsi wakenonsote, ikehre : akwekon eniesatontatseke othenon ensiron. Ensheiatsteriste Egyptronon nii kheiatsteristha. Ethone wahennisnonsawitasi Ronontiio,

wahonisnonsawite ne Sose ; akwa atiatawitsera-
noron wahotiatawitseron owistanoron otsinekwar
ne karonkwasoten wahonitiake, kaseretakon wa-
hoiatita, nok wahatennhanne saiatat ne ronkwe
ehtakeson ire ahariowanate akwekon tahonwano-
ronkwanion Sose tahonwatontsothase nonen en-
hatohetste tonsahosennatenni, wahariwisa ahon-
waiatseke “ Rarihonni tsi iontsennonni.”

30 tehaoseriia konne Sose sahonwaiatanoronste.
Akwekon niahakwatto Sose tsini kanataienton-
kwe Egyptke, oktiwakwekon wasakonnhaseron
nahatinatsiaroroke nok skanonsatne iekeronskwe.
7 nio serake akwa watonniskwe kaienthoser on
eso wahonatsiaientane. Ohnaken ontasawen iahte
sewatonniskwe kaienthoser on, iah sane te iako-
tonkariakon Eyptronon, ronwanekennire Ro-
nontiio ne iieks, ok sa ok takenron : Sosehne
iahesewe, raonha thennontons. Wasakotennha-
tseron kati Sose akwekon Egypte tienakere.

Wahontonkariake Kanaanronon (etho thente-
rontakwe Jakob nok ne raotwatstre). Wasaka-
wenhase Jakob sakoien okonha : Eypthe iaese-
we sewatnatsiahninonra, tosa atonkariakon aion-
kwariohte. 10 nihati rontatekenha Eypthe sa-
honne, iahte hotontaton etho iahare Benjamin

ronwaiats ne kennihraa, aseken arekho te hotsanit. Skennen iahonnewe tsi tkanataien tsi nonwe renterontakwe Sose, wahontiskwentaren, tahonwanonweraton, iahte shonwaienterehon, raonha tenhnon ok sa ok wasakoienterene, sahrehiarane nahoten wahonnise rotetsenhonne. Onen 22 nio-serake tsinahe thonwatenhninon, oia kati ni shokonsotenne. Wahonikonhronni tsiniot na'ona-kwen tsi tahatati wahrenron : Kani tisewenon? nahoten sewaniente tesewatenatatkensere, isewehre aionkwatokense tsini tiawens? Tahontonneke, wahoniron. Kanaanke tionkwahtention iakwanatsiahninonre. 12 niakion teiakwatenontere, iahte iakwehre onka aiakinikonhraksate. Sahenron Sose : Sewanowen, iahte sewanatsiahninonre, ok eken sewatkensere tsini iawens. Akwawathotini-konhraren. Saiatat tahenron : Askwaienterihake, iah ne tasatonheke, onen wakonhrori tsini iakwawatsirosen akwa entkeriwaierite : 12 niakionne teiakwatenonterekwe ne sakwaniha Kanaanke thanakere, iahta tehohtention ne kennihraa, nok saiatat rawenheion, 10 niakion ne kento. Wahatsennonni ne Sose, wahrere tenhnon : tosa aiontoke, wahrenron : Iah taonton ensesewahtenti tsi ok nenhiatkatho ne kennihraa hetsisewakenha,

ikehre ne enthariwaierite. Saiatat tsinitsion rononksa, nok nise enkwannhoton. Wahatennhanne Sose 3 monta ahonwatinnhoton onen wasakawenhase : Saiatat ok kento renterontak ; ok sa ok sewahtenti notiake sasewaha onatsia ne sewahnninon entetsisewaiatenhawi netsisewakenha tosiken tisewariwaieriton tsini sewaieren. Ethone sahonnehiarane tsinihonatieren, wahoniron : Wasonkwahrewate nonwa ne R. teionkwatentson tsina onkwaiatawen, aseken sakwakenrenseronnihon ne iakwatatekenha sonkwanekekenniskwe atsitewentenre nok iahte ionkwatontaton. Ronnerhakwe : iahte haronkha ne ken irate tsini iakwawennotens, Aseken saiatat wahowennakaratate. Tenhnon akwekon wahahronke Sose, wathakarhateni, wathakaserarine, wahrenron : Renterontak ne Simeon, aewahtenti nise, wahatennhanne aontahonwennon nonatsia nok etho aonsaieta raotiwistakenha ne iateionenon onatsia, aieta oni atennatsera sonha ne enieke tsi tenhontstekafwa. Tsi iahonnewe tsi thononsotakwe Jakob ne ronwaniha, akwekon tahontonneke sahathiarawerontho etho kahratie owista. Wathasenthon ne rokstenha Jakob, wahrenron : Kennonweha ise sewariwa iahtensewakewiraientake :

onen rawenheion ne Sose, iehanaskwaien Simeon Egypte, nok nonwa isewehre asakwaiatenha Benjamin, iahta katontate etho iahare.

Tsi ionsakahewe onen waontokten ne rotinatsiahninonne Jakob iaonsasakotenniete Egyptke sakoi en okonha. Sitas wahawenhase: Nene thennontons Egyptke (ne rorihonten ne ronontiio) rawen; Akwaioteriwison tatsisewaiatenhawe Benjamin nentisewe. Satontat kati iasakwaiatenha ne Benjamin, entiakwahawi nonatsia, iahta satontate, iahtaiakwahtenti, shennen sennontonnionhek iah othenon tahoatawen ne raksaa. Wahrenron Jakob: Tokat akwaioteriwison, hetsisewaiatenha ki naa. Ethone wahatontate Jakob nok wahrenron: Akwa wahii os entsitsion nene rasennowanen onontiio rorihonten, iasewaha oni owista ne iateionenon ne sewanatsiahninonne, tosa aiairon iahte sewakariakon. Aiawen R. iah othenon te honoronse ahonikonhrata atsisewentenre, aonsahotkawe Simeon, nok sewakwekon kento aonsakwatkatho. Ii tenhnon akonhaa kannonskon enkiterontake tsiniiot aiakawenheion akwekon ne kheien okonha.

CHAPITRE XIII.

Seconde entrevue de Joseph et de ses frères.—La coupe d'argent de Joseph mise dans le sac de Benjamin.— Joseph se fait connaître à ses frères.— Voyage de Jacob en Egypte.—Prophétie de Jacob sur son fils Juda.—Mort et funérailles de Jacob.— Mort de Joseph.—Sa ressemblance avec J.-C. dont il est la 7^{me} figure.

Skennen iahonneuwe Egyptke. Sahattoke Sose tsi onen ire Benjamin, wahatennhanne aonsahonwannahotonkwase Simeon; wasakoiatinionte tsi nonwe ronakte, wasakotenniotase. Ne Sose ronnhas wahrere : kanekhere sakoienteri. Sahonwatiatinionte kanonskon, akwa wahonateronhienten, wahonnehre : onwa tsi ok ensonkwatteten, enhenron : Sewawistanenskwen. Wahonwahrori ne Sose tsiniiot wahotinehrako sahatiwistatsenri raotihiarakon. Tahenron Sose : Skennen sewanontonnionhek, tosa othenon sewatsanik ; kwawihne owista. Skennen sonton raotinikonhrakon, sonsahonwaken Simeon, wahoutiskwentarho tahonwanonweraton Sose wahatennhanne akonwatinonten raotitsenen okon. Onen watesakorhoton, wahrenron : Sekon ken ronnhe netsisewaniha?

Skennen oni ken ronnhe? Wahoniron : Skennen ronnhekwe tsontaiakwahtenti. Sekon wahontiskwentarho ; wahotkatho Benjamin, wahrenron : Nene kennihraa irate sewatatekenha watsisewaiatenhawi ? tiotkon ahiatanonstatseke ne R. Ethone iahte iotonhon ahataennhese ahatstaren, serekha aiakottoken iosnore iatasontiaake tsinahatkawe ratstarakwe, wahatkonsohare nok ethosarete. Ok sa ok wahrenron iekwaren, aktenawahonwakwahrhase ne raonha, akte oni rontatekenha, akte ne ratisennowanens. Wasakonaktatokenste tahatierente Ruben ne thakowanen, ne ohnaken wahahonni Benjamin. Wahotinehrakotsi ethoni hoieren tsiniiot asakoienterihake, senha eso wahorhase ne Benjamin ; akwekon tsini hati wahontsennonni. Wahrere Sose : akwa akheiatenientense tokat ken ronwanosas ronwakenhrenseronnis Benjamin isiniiot ionkenosaskwe, ionkkenrenseronnihon wahonnise. Sahatikwentane, wahonnhanne ne ronnhas ahanatsiata raotiiarakon nok oni raotiwista kenha, nok oni, wahrenron, nene kennihraa raoiarakon etho enseta ne kenekirhatha owistanoron. Etho kati nahaiere ne ronnhas. Saorhene orhonketsi sahonhtenti ne Sose rontatekenha, akwa ronatsennonni. On-

warh si hotiakenhon tsi tkanataien, Sose waha-
wenhase ne ronnhas : Sastoron, sasenonterann
onwa tsi ronahtention, ensheienhase, ensiron :
Oh niotieren hetsisewanikonhraksaton netsise-
wentenranion, sewanenskwen ne rahnekihratha
rasennowanen ? Etho nahaieere ne Sose ronnhas,
wasakotteten. Tahontonneke wahoniron : Was-
kwawennotane. Katke aionkwakwenion naion-
kwanenskwen owistanoron ne rahnekihratha ra-
sennowanen ? Ensetsenri nonkwaiarakon owista-
noron rahnekihratha enhonwario ne ronenskwen,
nok akwekon enskwanaskwaientak iahte kakon-
te. Ethone wahontakwarisionko akwekon niha-
tatkensenion wahatsenri etho ikare ne rahnekihr-
ratha Sose Benjamin raoiarakon. Akwa joneh-
rakyat waholinikonhraksen. Wahatiratsionko
raonatiatawit. Ok sa ok etho sahonne te tsi then-
terontakwe Sose ; akwekon ehtake wahontis-
kwentaren. Wasakotetsaniten Sose, wahrenron :
Ohni sewatieren ? Tontahatati Sitas : Oh kati
naiakwenron Senontiio, askwatontatse, isehre
rotinenskwen, iah sane etho te iawenhon. Son-
kwahrewatakwa ne R. tsi ionkwariwaneren, ak-
wekon enskwanaskwaientak. Tontahenron Sose :
Iah eh te wakenikonhroten, raonha ok enhinas-

kwaien ne ronenskwen, ise sasewahtenti, eh
iaonsasewe tsi thenteron netsisewaniha. Tahenron
ne Sitas : Takwatontats, senontio, nene roks-
tenha sakwaniha serenkhe ne iahtahotontaten asa-
kwaiatenhawe Benjamin. Tokat etho iaonsaia-
kwe tenhnon iahta iakwakwekonhake ne raksaa,
tsinenhonikonhraksen enhrenheiate. Rirharats-
tenni tsi iah othenon tahoatawen ne raksaa. Ii
kati takenaskwaien, sahahtenti ne rikenha.

Iahte hokwenion Sose ahataatennhese wahatsta-
ren, wasakawenhase Eyptronon : Sasewaiakenn
niakwe, rononha kati onton ne rontatekenha, ok
sa ok wahatstaren Sose, wahrenron : Ii Sose tewa-
tatekenha, sekon ken ronnhe ne rakeniha ? Tsina
tahotikonhraren rontatekenha iah ne te honta-
tiskwe. Onen nonwa watesakorhoton, wahrenron :
Tokenske ii ne Sose, akwa ii takwatenhninon,
iahte sewariwanonwehon tsi kenakerekwe Kana-
anke, nok raweron ne R. Egyptke akennakerate
aiawen akwaienawase nonwa. Raonha thennon-
tonhon tsi ionksennowanaton ; kowanen ionke-
rihonten. Ok sa ionsasewe tsinon thenteron rake-
niha ensewenron : Rawenhatie hetsienha Sose,
ronwaiatanoronston Egyptke akwekon thennon-
tons. Ok sa tasahtenti ken nonkwati, enkonion

wentsion tsinonni ensenakereke, enkonawiseke nensonhekon nok oni tsini sewatsire, aseken sekon 5 nenioserakehake eniontonkariake. Sahotokense ne ronontiio Faraon tsini iawenhon wahatsennonni, wahrenron : ahonwennonksa Jakob nok ne raowatsire, iah othenon tahotiatawen ne kento. Sose wasakotenniete rontatekenha, wasakaon kasere, atennatsera atiatawit nok owista.

Sonsahonnewe Kanaanke wahonwahrori ne rokstenha Jakob : Iahte hawenheion Sose hetsienha, raonhaakwekon ratsteristha Egyptke. Tsina honehrako Jakob, etho nahoiaatawen tsiniot aon-sahonikonhrotake, wahatennowente tsi ok wahatkatho kaiare nok noia sonha kanoron roten-nietasehatie ne roienha ; tsinahatsennonni wahrenron : Iah othenon te skaskaneks nonwentsiake, aseken sekon ronnhe ne rienha Sose, enthiatkatho, tenhinoronkwanion, ohnaken skennen enkiheie.

7 nieiatashen tsini hawatsiraskwe ne Jakob ethone ; akwekon wahonhtenti nok oni iasakotii-atenhawe raotitsenen okon. Si iahonnewe tsi iotokte Kanaanronon tsi raononwentsia Bersabekonwaiats, tsi naokarawe, wahowennahronke ne R., wahawenhase, wahrenron : “ Sasehiarann, ii

Niio nakiatoten, iah othenon te wakenoronse, tosa othenon setsanik Egyptke iahase, etho entenikwekonhake, enswatsirowannha; katke ki ok etho ienshonennakerate sheien okonha tsinonwe konionwentsiawi ientsatkatho netsienha Sose nok ensiheie. Sitas ohenton wahahtenti nok wahoh- riana Sose thi onen ire ne roniha. Sose wahotita raoseretakon wathoteratana. Sonsahoken ne roniha, wathonoronkwaniion wathasentho. Wahrenon Jakob : Onen nonwa skennen akiheie, aseken sakoniatkatho.

Ne ronontiio Faraon wathotonwentsiose asakotkatho, wathatihtaren, wahoriwanontonse Jakob : Tona tesoseriikon? Tahenron Jakob : 100, 3 iosenserote onen tewakoseriikon; senha ronnonnhesonskwe kheni okon kenha. Eso wake- ronhiakenhon tsinahe tsi konnhe. Akwekon Gessenke wahonennakerate; etho nonwe wasakonatonhase Sose, akwekon wasakaon tsina te- honatonwentsioni. 17 nioserake etho ratiteronta- kwe Jakob nok ne raowatsire. Onen tsi renhei- onsere, Sose eh warete, wasakoiatenhawe sakoien okonha Efraim nok Manasse, aiawen asakoteren- naienhase Jakob, watesakonoronkwaniion nok wasakoterennaienhase. Onen nonwa wahawen-

hase Sose : Onen iekara tsi konnhe, ensewakwekonhake ne R. riwennahronken Bethelke rawen : enswatsirowannha ise eniesakowanenhake, wakonionwentsion tsi nonwe nonwa tsiteron, sheiatere okonha etho enienakereke onwe. Wasakotkennisahate sakoien okonha, sakotere okonha ; wasakoterennaienhase enskatson, wasakobrori tsi nenhotiiatawen, senha kanoron wahoterennaienhase Sitas, wahawenhase wahrenron : Sita, eniesanoronkwake ne sewatateken okonha, sasitakta enhontiskwenttarhoseke, ise eniesanontioke, ensatesennieseke, etho nensatsaniton tsiniiot iotsanit ne kenreks, tiotkon eniontatenontioke sheien okonha tsinenwe enhennakerate nensesakoskontako nonkwe, ne kentiohkwakwekon nonkwe enhonwaskaneke enhonwarhareke.

Ethoniawenhon sahennakerate Jesus ethone tsi kahawiskwe iahte shotinontiosentakwe ne Sitaheronon, ne satehatiwatsiroten, aseken Herotiah Sitaeronon te kenhne. Ohnaken Sahenron Jakob : Onen, K. O. enkiheionsere, onen se wakenoronse : tosa Egyptke takwaiatata ; ikehre : askwaiatata tsi thatiiatatarion khieni okon kenhne. Ethone wahrenheie. Ok sa ok Sose wathonoronkwanion nok wahatstaren. Wahatennhanne Sose

aiakenhienarho raiatakwekon. 7 niwasontashen wahontstaronnion Edyptronon; onen tsi iotoheston wahonhtenti Sose nok rontatehenha ohenton iehawi ne Jakob raieronke kenha, etho wathon-tenniete Kanaanke tsinonni ieiatarionkwe sakoni okon kenha.

Sateaosereseriiakon Sose 110, wahunonwakten Wasakononkse rontateken okonha, wahrenron: Iah tiotkon kento tensewanakereke, sewerhek onki-onwentsiaa ne Kanaan tewatateken, onen kiheionsere, tosa sewatontat kento aionkiatata, ensewateweienton ne kieronke kenha, takwarharatsten Kanaanke enskwaiatata. Nonen enwakenheion, niatekon tsi ensewaiatawen, entsisewatenientense ne R. tenhnon ensetsisewaiatenhawite tsinon onwentsianoron sakorharatstenni Abraham, Isaak nok Jakob; nonen etho iensesewatien etho en-sewaha akstien okon henha. Rawen Kor R^{ti}: Tsi thawehtakonne Sose, etho tioientakwen tsi ren-heionsere, wahatroriate tsi katke sonha Egyptke enshonennakerako Israel sakoien okonha, nok wahatennhanne akte nonwe ahonwaiatata Iawet wahaskaneke etho ahonwaiatata tsinonni Niio Roienha ensesakoskontako nonkwe, tensakonekwensarise.—Tsinihoiatawenhon Sose, ne wate-

nientenstakon tsi nenhoiatawen Jesus nok tsi nenioiatawen raotiohkwatokenti. Tsiniiot wahonwanosa Sose rontateken okonha, aseken sakohristakwe, wahohrori ne roniha tsini hotierenne ioriwatsanit, ethoniiot Jesus wahonwanosa Sitae-ronon, wahonwaswen, aseken sakohristakwe. Sose wahonwatenhninon, wahonwennowenten, wahonwannhoton, etho niiot ne Sonkwawenniio wahonwatenhninon, wahonwennowenten, wahonwannhoton. Sose tehniase wahonhriskon tsi ronwannhoton, wahohrori saiatat tsi 3 nonta tsiniiore enhonwatkaawe, saiatat tsi 3 nonta enhonwaniariake. Sonkwawenniio wahonhriskon teninenskwas, saiatat wahotenre ne shotatrewatton, saiatat wahotewentete. Rowihne ne R. Sose ahonikonhraitane ioteriwaseton tsi iakotetsenhon. Jesus ne Sonkwawenniio wasakorihotasien nonkwe ioteriwaseton kariwiiostonke. Sose wahonwasennowanate, wahonwanatonkwe ne sakoiatanonstats ne ienakere. Jesus Sonkwawenniio Niio Roniha wahosennowanate, wahosennonkasennanoron Jesus ne sakat aiairon sesakoskontakwas nonkwe, senha wahosennowanate karonhiake tsi raweientehtakon. Sose thoriwaierikwe, senha waharako ahonwannhoton, tosa

ahatontate ahatsteriste ioteriwatehat, ronikonhriiohne, iahte hotontaton aonsakataatkariakse-tsini honwaierasehne rontateken okonha. Jesus ronikonhriio, shonikonrhenhon nahoten nonkwe ronwanikonhraksaton, sakowis karonhiake aiontsennonni raiatakta ne tsiakotatrewatton.

CHAPITRE XIV.

Histoire de Job l'Iduméen.—Ses épreuves et sa patience.—

Job visité par trois de ses amis, réponse à leurs discours.

Kennaheha tsinahe thawenheion Sose ne ronwatenhninon rontateken okonha, tsi thatinakere Arabes ronwatiiats, kennioreha tsi thatinakere Idumeens ronwatiiats ronnhekwe saiatat ne ronkwe Job ronwaiatskwe roienterihne ne R. tehonatieston sane ne iahte honwaienteri, iah Sitaeronon tehaiatoten ; ne ietokatha tsi arens *asatakon iwat teioswathe*, thoriwaierikwe, rotsokowahne oni, eso raonkwetaientakwe, sakonnhasakwe, ronaskwakatekwe oni. 7 thonsand teiotinakarontonha 900 nioianake teiotinakares nok oni tewahontes ; akwa rasennowanenhne tsinon thanakere. Thoriwaierikwe, iahtatehonikonhranet, rotsaniskwe ne R. rariwaswenskwe ne kariwaneren.

7 nihowiraientakwe rotiskenrakehte nok 3 tsionathonwisen; akwa roteweientontiene tsi saka-wehiarontiene tehontatenoronkwakwe sakoien-okonha, tehontennihatakwe, tehontatehonkarawiskwe ahontennioten nonen sonsahonnewe raononskon ne ronwahniha, othenon rowenniiostakwe ne R. ratonhakwe: Ketsanis othenon taons ahonateriwatewatton. Ne akwekon thennontons nonwentsiake sakohrewatha niakoriwanerahakskon, sakotenientense oni tiakoriwaieri iahte hannhese notkonseraksen naiakokenrenseronni. Iakahewe R. wahrenhase noneshonronon: Kani tisenon? Takenron noneshonronon: Onwentsiakwekon nontakete. Sahenron ne R.: Hetsatkathon ken Job ne rakseronniennis? Satokenseken tsini thoriwaieri, raketsanis nok rariwaswens ne kariwaneren? Takenron noneshonronon: Iah ok sewatieren te ken tsi hiaserenniennis, tiotkon hetseriwawase, hetsiawi tahateraswiioste, tiotkon iotehiarontie raotsokowatsera. Atsekwa tsinikon hoien, ensatkatho enhiasennaiesate, enhiatewettete, askewenniioste nahironhiakente. Tahenron ne R. Ok tensennontton akwekon atskaronni tsinikon roien, tosa tenhnon othenon kenniahatsier ne raonha. Etho nakaiere noneshonronon. Iaka-

hewe si ratenniotakwe Job roienha ne thakowanen wahononwentsiakari Job raonwentsiake ne ratinenskwaskwas. Kontittarakarhatoskwe ne tionnhonskwaron nok teionatskahonhatieskwe ne tekonontes, akwekon wasakotirio ne sakonnhasakwe okon nok iasakotiiatenhawe ne katsenen okon ; saiatat ok ne ronnhaskwe serenkheneha sahaniahenne. Etho sarete tsi thenteron ne Job, wahawenhase : Akonhaa sewakeniakenhonhatie. Sekon rohtare, are oia etho tonsahatane, wahrenron : Wahonateseronti ne satsenen okon kenha teiotinakarontonha, nok oni ronahriskonhon ne sakotinonnhatieskwe, akonhaa skonnhhe. Arekho tehorihohte nok oia shattakhe, wahrenron : Ne rononkwetaksens akwekon iakonwatiiatenhawe satsenen okon kenha akosatenskowa, ronwatirio ne konwatinonnhakwe. Sekon rohtare nok oia sattakhe, wahrenron : Akwekon ne sheien okonha tsi iatehonatskahonskwe ronwatsikeha teiowerataseñatiene, wahotinonsienenne, akwekon ronawentaon sheien okon kenha.

Ok sa ok wathatane ne Job, waharatsionko raotiatawit, wahatennhanne waeiake raononkwis, ehtake wahatatiatonti, nok wahrenron : Wakaterientare, Sewenniio, ise teskeronhiaken-

tha, ise sewenniio, iahte katatennhatha, akwase-
rakwe onkwe tsakaton, akwaseronhakehake no-
nen onwentsiokon enskataweiate, eso takwawihne
ne kheien okonha nok tsinikon wakientakwe,
akwekon ise takwawihne, akwekon saskekwa :
onen kati tsinenwakieren, enkonsennaaienheke
tsini kierhakwe tsi wakwatsehne. Iah othenon te
howennannhikon ne Job. Ok are ratironhiakeh-
ronon nok noneshonronon Rawenniioke iekon-
titakwe, R. wahrenhase noneshonronon : Kanon
tase? Takenron noneshonronon : Onwentsiakwe-
kon nontakete. Takenron ne R. : Hetsatkathon
ken ne Job? Seiatkathon ken nonkwe netho
naiakotentane nok oni netho naionkeriwaienni-
heke tsini kakeriwaienni ne Job? Tsinahe tsitse-
ronhiakentha, ok he nieheiot tsi thoriwaieri.
Takenron noneshonronon : Iahte wakeriwaneh-
rakwas : rotkaronnihon tsini hoientakwe, ron-
enheion sakoien okonha, aonton oia aonsahoien-
tane, sekon skennen tsi ronnhe, ne tenhnon take-
wenniiost akeronhiakente raieronke, ensatokense
ethone tenhateriatikhon. Takenron ne R. : Wa-
katontate, ise tensennonton aseronhiakente raie-
ronke, iah tenhnon tahrenheie.

Ok sa ok sasaiakenne noneshonronon : raiata-

kwekon iaaiatatken ne Job akwekon tiotokte tsi ronnhe. Teionnhonskwaron otake waharate, ne ok ieken roientakwe kenniwasha otara ne teiohriseron, ne ratstakwe tsi rentkenserokewatakwe ne raieronkeson. Roniakonne ne Job. Ne rone tsinahe rononwaktani iahta teshorhotonnihne, ok eken kariwaksen tsini hoierasehakwe, waonakwate tsi iahta tehateriatikhons, wahawenhase: Sekon ken satesanikonhroten R. raoriwake tsini sanihonhrotenne tsi sakwatsehne? Hetsennaiesat karoasiheie. Tahenron ne Job: Iahte ioianere tsini sierha; ethoni sewennoten tsini kontiwennotens iahte iotinikonhtrat. Sonkwawihne ne R. aetewatsennonni. Aetewaiena kati tsi thennontons aiakwatkaronni.

Kawenniio wahotitokense tsinihoiatawenhonne Job, 3 nihati ratisennowanens rontenrokwe ne Job, etho wahonnete Elifas, Baldad, nok Sifar ronwatiiatskwe. Sahonwatkatho, akwa wathotihenrete, wathonsentho, wahatiratsionko ne raonatiatawit, ehtake wahontien raiatakta tsi raiaationni ne Job. 7 nonta etho ratiteron, iahte watonskwe nahontati. Ethone ne Job wahatati, wahrenron: aiawen kenha ethone aontonkwenheion ne wenniserate nonkwe tsakaton! Nahoten kari-

honni tsi onkwe iontons ne iahte iekwenies aiontatiatakennha? Iah sane tatehateriatikhonskwe ne Job, ok eken rerhakwe : aiokentane tsini honhiaken.

Wahotinehrako ne rontenro tsi nahaiere tsi wahatati, tsiniiot wahonwatteten. Saiatat wahrenon : Ionehrakwat, senikonhroktha, ostonha ok tasaronhiaken, onen ok tesianikonhrario, iah ken tatsetsanis ne R? Skennen wakitaskwe tsi kawerowanen taioweratasehatiene wahiwennahronke ne R. wahakwenhase: Enienrhek ken nonkwe iahte wakeriwaneren? enienrheke ken : senha tewakeriwaieri tsiniiot ne sakoiatison? Rotiriwaneren ne ratironhiakehronon, senha onkwe iakoriwanerahakskon nok iahte iienhre ne karihonni wakeronhiaken tsi wakeriwaneren. Tosa serhek; tkariwaieri tsi akonhaa waktare tokat kaneka sheienteri ne tiakoriwaieri, ensheriwanontonse: wakatathon iakoriwanerahakskon iakotsennonnihne, ok sa ok waken iah tiotkon etho teniohton; eniontatekwa tsini iakoien. Iakotsennonni ne R. sakohrewatha tsi irehre: aonsaiontatrewate, shennen kati saronhiakenhak. Tontahenron ne Job : Katiken tsionhaa sewattokha nonwentsiake? Iah ken te hakwawi oni ne

R. akattokhake akeriwaienterihake ne tkariwaieri? Senha aioianerenhon tosa othenon taesew awenninekenhon, iahte skwanikonhrahnraton; sewatahonsatat nonwa nahoten enkatati taonsakwariwaserakwase. Sewatkatho tsini hoteweien-nison ne R, katsenen okon, tsiten okonha, kentsionk okonha, nonwentsia oni, iawet enietsirihonnien ne kanoron. R. akwekon roteweien-nison, iah kati tiaiehehewe tsini hattokha, tsini hasatste, tsini hokweniatserowanen. Iahta tehotonwentsiohon aiontste nonowen nahonwaiatakenna tsi ok nahoten ni katierhakwe ritsaniskwe ne R. ; wakaterientare wahi tsi iahta sakorhoton ne tsionteriwatewatanions. Tehakanere wahi nonkweriane tsinikon itewat ne iahte ioianere. Sae-tho etho nakenrakenne nakwatonnhetston tsiniot noniete, tsina tehoswathe ne R., akatkatho tsini aioiatoronhake, watiesen taiakwatkenni sateiakionkwe, iah taonton tahontkenni nonkwe ne R.

CHAPITRE XV.

Job décrit la misère de l'homme, l'excellence de la sagesse.

—Raisons de la prospérité passagère des méchants.—

Résignation de Job, il reconnaît la main de Dieu qui le frappe, sans perdre l'espérance.—Il affirme sa foi à la résurrection des corps, et à la Rédemption des hommes.—Job se justifie aux yeux de ses amis, en leur montrant en détail l'innocence de sa Vie.—Dieu parle à Job, fait des reproches à ses amis, rend à Job ses biens.

Ne teskiatieren tsi iahonnhe nonwentsiake tsi-niiot tiotkon aiaakteriohake, tiotkon othenon iakonikhrotakwas. Tontakitenr, Sewenniio, iah othenon te ken nakwennisera okon. Iakorihonte ken nonkwe asheiatanoronste, asheiatkatho, ashehiarane tsiniiot takatsitsianekare, ontonnisa nok oksa wakatsitsientane, tsiniiot otsata iosnore iakotohetstonhaties nonkwe, tiotkon iawet teiakottenionhaties. Isehre-ken, Sewenniio, tkariwaiერი asheiatkatho netho nieiatotens nok tasheiatorete? Aietsenri-ken kaneka ne ronkwe iah othenon tehoiatoron niotaksen? Iah kaneka taietsenri, iah oni kaneka ne raksaa sewenniserat tsinahe thonakeraton. Sonhaa, Sewenniio, iah onka taiekweni aonsasakoiatokewe. Tohkara ok ni sheien-

niserawi, ohenton takwatakwen toniioserake eniakonnheke, sheienniseratokenstenni tsini kariwes onwentsiake enienseke, iah onka taiekweni isinon aiakonnheke. Onen tsi iakawenheion ne ok nensewatowentsiarisi eniakonnheke. Askitenre, Sewenniio, aonsaskehiarane tiotkon iawet wakateriohaton, wakatakatstate onen tsi wakerhare enseskionnhete. Owistanoron otsinekwar kenraken oni onwentsiake iewistatakwas, ka tenhnon nonkati enietsenri attokhatsera? ka nitewes, ka nonni ionakte? Iahte ieienteri nonkwe tsini kanoron, iahtaietsenri attokhatsera tsi thatinakere atonwesentserakon iakonnhe, iahte iotaseton onwentsiokon, iah oni kaniatarake, iah ne te iehninontha owista aionttokhake. Tsinikon kaien ne kanoron teiostaratenion, otstarakwanoron, iowisentonnion, iahtaiontenientenste, senhakanoron attokhatsera. Ka onte ionakte, iahte konwakens onwentsiake iiens, ioteriwaseton, ranoha ne R. tehakanere kanon ieiothahinon, kanonni ionakte. Ethone sahakwatako tsiniiot eniokennoron, iawet roianerenserison tsiniiot entkawerakwe, rotkathon attokhatsera, rarihotasienni, rakahenhion oni, sakawenni nonkwe: nene tokenke ronttokha, ne ronwatsanis ne R. ne iako-

nikonhrowanens ne konwatekwennis kariwane-
ren. Ohniiotieren tehonateraswiio ne iahte thoti-
riwaieri? ohniiotieren rotikwatse ratisennowa-
nens oni? Ronatehiarontie ontatien okonha teha-
tinonniakwanions, rontswatanions ratirennoktha
oni, atonwesentserakon rononnhe nok iokontatie
onwentsiakon ienhonne, iahte iakoronhiakentha
ne kannra. Ronwennihakwe ne R. : eren saset,
iahte iakwatontats aiakwaienterihake saiane-
rensera. Iah etho te wakenikonhroten, iah to-
kenske raonawenk nahoten rontsta, toniaweta
ionkwatkathon teshontierenne tsi kahaserote
iotekha, ok sa ok onswa, iakoraon niaté watka-
ronniatserake tsinikon ensakonakwase ne R. en-
sakohrewate etho nenwahton nonwentsiake tsi-
niiot nosewaseri sonha tekontitens tsi iahote iah
kaneka teskaieronni tsini ieionenon. Kaneka ne
ronkwe roiatahnironne rokwatsehne rotsennon-
nihakwe enhrenheie, tihaiatate iah othenon te
hoien, ronikonhraksens, tetsiaron satenhniato-
tenhake tsi enhiatorisen okenrokon, tetsiaron
otsinonwa sonha enkonneke ratiieronke kenha,
ne tenhnon iakoriwanerahakskon, ohenton tho-
riwison ne R. katke nenkahawiseke eniaiheie.
R. sakotokenstenni toni wenniseroten ensako-
hrewatakwe tsi ronwanikonhraksaton.

Ionkiatewenteton ne iakwatatenonkwe ne oni kheienterihne tsiniiot iahte tsionkienteri ne khennhaskwe nok ne oseronni teiakeniterontakwe. Askwentenre nisa, arahonne ise takwanorokwakwe, askwenteure nisa, aseken R. iawet wahatenentsakarata ahakkonreke. Ionorwakte nakweriane, tenhnon enhienhase ne R. tosa takiatewentet, ise takiatison, sasehiarann, koniennitentase tsi iah senha te iohniron tsi konnhe tsiniiot katarakenrote. Takionnheton niatekon takiawi nok iahte satkawas tsi takionnhetonhatie. Tokat konnikonhraksaton, sariiwison askrewate, ohniiotieren iahte satontats aonsasanikonrhen nonwa wakonniahese? Kennikariweshasekon onwentsiake enkeseke, askenaktotase ostonha akatorisen akatstarhakwake tsi wakeronhiaken karo okenrokon iake. Sahetho ahakonnhiake ne R. tiotkon enhiniahesenhake, ken kaizen wakeneken nonwa, Sewenniio: Satka tsi iawet waskkonreke, tosa takiatetsaniten tsi waskiatokaten tsi iah othenon te sanoronse, askenatonhase tsinikon wakeriwaneren. Ohniiotieren iawet satatiasetha tosa akoniatkatho, ethoni skierase tsini sheierase ne sheswens! etho niiosnore wakatohetstonhaties nonwentsiake tsiniiot nonerate son-

ha tekontitens tsi iahote, iahte skaieronni tsinonni ieiohenon. Wateskiatorete, seriwasatste tsi waskrewate ; isehre ahiahtonte ne rostonton tsi roriwaneren ase tsi ronnhekwe. Onwa tsi ok okenra ensewatton ne kieronke kenha, tentsiakia-tierenhake atiatawit ne konneks otsinonwa sonha. Enwakrane ne kenheion ; sariwison etho nenia-koiaatawen nonkwe okon onwentsiake iiens. Iah tenhnon tiiaontkontakwe tsi enskonnnhiake. Tewa-kehtakon wahi wakaterientare oni ronnhe onwe nensesonkwaskontako, waterisions ne kieronke nok kattokas kaiatat ne kiatakon niahte kenheions, ne ok tesekkanere tehikanere oni ne sesakoskontakohe nonkwe, ronnhe onwe ne karonhiake, oriwiiio tsi entsiontonnhete nonkwe okon, ethone enskiena ne kawaraksenskwa nonwa wakeronhiakentha enskawahriiohake nethone, iahtaonsaiotken, akwa kkahrake enhiatkatho, nok iahte kakonte enhisennaaienheke, ne nonwa wakenikonhrahnriratstakwa tsini wakiatawens ne ok wakiewentotha tsini iohniron, wakerhare enhakitenre ne R.

Ionkiennowentanionni ne ionkwens, rotikah-ratsanit tsiniiot teionkikanere, ionksentenni, ionkkonsaiakhon, ronatsennonnihon ahontkatho tsi

wakeronhiakenhon, oktiionkieron, ionkkennits kerosera. Sakowenniioston ne R. ieserohens, iah othenon te wakstonton tsi ethoni ionkierase iahte kesnonsaksen, tiotkon riennitentasehakwe ne R. karonhiake thanakere ne tehakanere nakweriane tsi iahte ioiatoronhon. Takiatanonstat, Sewenniio, tsiataкта askiteron, ethone iahtaonkteronseke onka ki ok enhakkenrenseronni.—Iawet wahotinakwen Job rontenro sonha sahonwawennahronke, ronnerhakwe: ne rostonton tsi roriwane-ren. Wahatatiatakennha kati Job, wahrenron: Aiauens ahakitenre ne R. taktane tsinonni henteron, enkataatiatakennha, aseken rakienteri, ethoni hakwatanientense tsini iontenientens owistanoron otsirake enwatohetste.

Tiotkon wakátahitakhe Niio raoianerenserake, iahte wakathaharakwen tsi wakaterihontakwe takheiatorete sateiakionkwe, akwa wakeriwiskon nahoten rotiriwaientakwe, kheiatanonstaton ne iahte iakonisentakwe ne iakotentenion, iakoterehontskon, tiotkon wakahriston ne kkahrake tosa akheiatkatho kontiiatase sonha; iah ethotaonkieren oh naiawenhon taiakiaterahnekenhon ne R. akwawenk aonton tsi sakotsennonniatennis nonkwe? iahtiaiehewe tsini kariwanerahaksero-

wanen kanakwaiesatsera, katsiraksen akwekon iwaks, ioriorhtha tsini iohteronte ne ioianere. Iahte wakswenhon taiakwahtaren ne khennhas-kwe, othenon ionkeriwaiennihne akeriwaseronni, oh nakiere nii nonen tenhatane ne R. tahakiatorete? nahoten enkiron taonsahiriwaserakwase nonen tenhakiatoretakwe tsinikon wakieren tsinahe tsi konnhe? iah ken sate sonkwaiatison nii nok ne khennhas-kwe tsinikon teiontsariteskwe ne iakotent, othenon kheiawi, khenontenskwe, aseken itewat nakweriane atanitenrasera, iotehiaron-tie nii. Tiotkon ritsaniskwe ne R. tsiniiot ne teiontstekafwas kaniatarake kowa teiakoteronhientenni tsi tehatikanere tekaweratase iawet ehneken ionontakwarontonties. Iahte wakkonnienston nowista nok natsokowatsera tewakatentsonhonne. Iahte wakonweskwanihon tsi wakatathon othenon iakoiaatawenhon ne ionkswenhon, keiahriston nakwennasa tosa othenon akheienhase. Iahte wakeriwaseton nakeriwanerahaksera.

Sahonwawennahronke Job rontenro sonha, iah othenon te honatati saiatat (Eliu) ne ranekenteronha wasakonakwase nok wahatati asakotokaten tsi tehonikonhranet Job, ratatkonniens-tha tsi sotsi ronatsehiaron ahonwahraste, tenhnon

wahenron : Enkkweni oni, sane ase tsi konnhe ahiatakennha ne R. nok akwarihonnien aeseawattokhake.

Ethone wahonwawennahronke ne R. iawet tsi-non teioweratasehon tkaiakens raowenna, wahenron : Onka ranekenteronha ne rohtare ? Tosa satati, satontek tsi nenhienhase Job ne rakseronniennis. Onen nonwa wahawenhase ne Job : Satiatannhak nok entesatati tsi nahoten enkonriwanontonse : Kanon tesiterontakwe tsakonwentsisa ? onka etho niakoieren ? onka roson kaniatare kowa ne iahte wathnekahtenties ? ise ken sarakwison tsi karakware ? Askrori kanonni ionakte ne teioswathe nok tetiokaras ? ka nitewes teioswathe nok iotarihen teiorenihonhaties nonwentsiakwekon ? Nonen tsakeriwisa tsi tenioswatheke, saterientarakwe ken onkwe ensaton nok tsinenwe ensonnheke ! Onka sakottokhatserawi nonkwe ? Sekon niatekon tahatati ne R. Tahenron Job : Nahoten ontakiron ? Sewenniio, iah othenon takiron, senha enkatatenikonhrarake tsi enkatatiseke, tosa seriwarako.

Wahariwanonwene ne R. tsinahaiera. Sekon sahawenhase : Sasatiatannhak, satontek kati : aonton ken etho nasiere tsini kierha ? Wahatehen

ne Job, iahte thatatis, iah oni te shotkathos. Ohnaken tsahenron : Wakaterientare, Sewenniio, iah othenon te sanoronse, nok teskanere nakonikonhrakon nonkwe, ikehre nonwa niare enkonwennisake, ohnaken entkatati, askitenre ontaskwatatiase, sakatateriwahesten nonwa, sotsi katatitenrhakwe tsi wakeronhiaken, onen kati saka-tatrewate, wakatatkenroserawe oni kenontsine taonsakeriwaserako.

Ethone R. wahawenhase Elifas : Konnakwase, khenakwase oni tetsiaron ne sewatenro, iah ethotesewariwaieri tsini thoriwaieri ne Job. Sasewehiarasek tsini tsi sewaierase, nok sewaterientarak arens iakotsennonni nonwentsiake iakoriwanerahakskon, nok iakoronhiaken tiakoriwaieri, ensewakenikonrhen tsini sewaieren nentsisewaterennaiehase ne Job. Etho nahatiiere nok etho sahonnete tsi thotinonsote.

Ethone wahrere ne R. : onsahaton ne Job nok senha onsahotsokowaheke tsini hotsokowahne. Akwekon ronwaiatontionne tsinahe rotentonne, nok nonen sahotsokowahne ethone sahonwanonwene etho tahonnete tahonwatkensera nok othenon wahonwawihon. Etho oni ni tsiakon sahowiraientane tsini hatihne sakoien okon kenh, sekon

enskat tewenniaawe kaieri iosenserote tsinahe ronnhekwe tsinahe shoiewentaon.

Tsi roronhiakenhon ne Job iawet thotennakeraton tsi nenhoiatawen Jesus rasitake tiolasawe ieohe ranontsine iah kaneka taietsenri niahtahoroniakenhon. Ronwakenhronnihon ne ronwanoronkwakwe, ronwatehaton, ronwaiesaton. Ethoni hoiatawenhon Iesos, aseken tehokwen nonkwariwanerahaksera. Ietokatha teiorenihon kariwiioston tsinon thatinakere niahte honwaienteri ne R. ronwarharekwe nensesakoskontako nonkwe, thonehtakonhakwe oni tsi entsiontonnhete nonkwe.

CHAPITRE XVI.

Les Rois d’Egypte persécutent les Hébreux.—Moyse exposé sur le Nil est sauvé des eaux.—Education de Moyse, il quitte la cour de Pharaon et se réfugie à Madian où il se marie.—Vocation de Moyse.—Dieu lui apparaît dans un buisson ardent (A. M. 2513) et lui donne mission pour délivrer son peuple.

Tsi thonehtakonne Moïse ronwaienha tsinahe thonakeraton 3 niwennitake ronwaiataseton, aseken iakottoken tsi raksatiio kowanen enhoterihonten, iahte hotitsanikon ahonwawennonti ronontiiio. Tsi thawetakwenne Moïse, etho tioien-

takwen tsi rotehiarontie wahatonnnhiie tsi hiata-tienha Faraon sakoienha. “Waharako ahonh-riskon R. raotiohkwa tsi ratironhiakenskwe tosa kennikariweshahatonwesen ne kariwaneraha-kserakon. (Héb. II. 25, 26.)” Kor Rti tsi sakoia-tennihakwe ne Sitaeronon ronatatatarenne Jesus raotiohkwatokentike, wahatrورية tsini ioriowanens rotiriwaieriton ontateni okon kenha, Abraham, Isaak, Jakob, Moïse; ethoni hawennotenne Moïse raoriwake. Onen ieiohe nonwa akwahrورية tsini hoieren Moïse. Tsinahe Egyptke wahonen-nakerate Jakob sakoien okonha, akwa ionehra-kwat, wahotinitiohkwatehiarontie: Iakahewe tsinahe thawenheion Sose kenha, wahonwanon-tioste saiatat iahte hoienterihne Sose. Otiake wahonwenhase ne ronontiio: Sotsi rotitiohko-wanen Sitaeronon, onen ionkikaronniane, iah othenon taietsiierane seuha enhatitiohkowannha, ronnehre: akte eniakwennakerate, entewatkaronni netho neniawenne; aseken tokat kaneka aetewaterio, ok sa etho nonkwati enhontiatontiette, ikehre kati aetewannhe naonsahonennakerako, tosa oni tesontwatsiriak, ietinnhasek tiotkon aionkiotensehake. Wahonwanatiawenratse akte iahonennakerate tsi ok nonwe ronwatinatonni,

etho nahonwatiierase tsiniiot ne katsenen ioioteseratsanitenions wahonwatinnhaseron. Wahrere ne ronontiiio tekeni tahatinatisa nakwah kanatowanens. Tsinahe ronwatironhiakentakwe, ethone wahrere ne R. ahonnakerate tsi rawatsiratatie ne Levi nentesakonnhe.

Tekeniase Egyptonon ionaterihontakwe tsi teiakotisnieskwe ne iotiwiraientakwe Sitaeronon. Tasakononke ne ronontiiio wahrenon : Kawenniiio enietsinonke ne Sitaeronon ne naiotiwiraientasere, akwekon taietsiriohatie ne rotiskenrakehte enkenhake. Iah etho te iotiiieren, aseken ronwaienterihne ne R. tenhnon iotiriwiiostonne. Akwa wahonakwen ne ronontiiio sahotokense tsi iahte honwawennarakwen. Wasakotteten, Wahariwisa akwekon aiontateskote neksa okonha Sitaeronon ne rotiskenrakehte enhonennakerate. Akwa wahotinikonhraksen Sitaeronon tsi wahatiriwahronke. Senha waonikonhraksen Jesabet konwaiatskwe Aaron nok Wari konwanistenha, wawiraiientane ne raksaa, arekho sane te ioterientarakwe tsi nahoten enhorihonten R. ne roienha. Akwa ronoronkwakwe aseken raksatiiohne, ethone waehre : enkatataskennha tosa ahonwas-kone. Wahoiatasete 4 niwennitake tsini kariwes.

Ethone onen iontatiatisakhonskwe, waehre onen katheronhi oneta nahoten, wakanetarho nok etho wahoiatatha ne roienha, awenke iaonterowe tsinonni ioterontonnihne, ok etho tenhnon iekatakwe iotsiha aiotokense tsini iawensere. Onen etho taienne ronontiio Faraon sakoienha watawenhene. Ontieren ok keniotherakerha akwa kanontekon waonnhanne ne iounhaskwe naonteroko, ok sa iakako ne ionnhaskwe, wakanonteksi, waonehrako tsini haksatiio netho raiatat; oksawaehre : ahiatanonstate, ok etho katakwe Wari ne iotsiha ne raksaa, onhronke tsinakaiere onontiio nakoienha, wahrenon : Ise tensennonton, enkhenonksa nenhonwatstaronten Sitaeronon naieiatoten. Ok sa ok eh iahase, wakenron ronontiio sakoienha, sastoron shennonksa. Ok sa watewarattate ne Wari, waohrori onistenha tsini ioierenhatie onontiio sakoienha ; ok sa ok etho waete, wathorhoton ne raksaa ; wakenron ronontiio sakoienha : Wahiiatatsenri ne raksaa ne sesewanekwensa, iah taonton ahiatewentete, wakonnhanne atstaronten, akwa sateweienton, tosa othenon nahoiatawen, akwa oni eso enkonkariakse. Kawenniio ostonha enhakowanen, ii ensiatsteriste. Iahte hisennaienteeri nok oni tsi ris-

kokwen, ikehre Moïse enhonwaiatsehe, ne enwatenientenstakon tsi ii riskokwen. Wakenron ne Jocabed : Akwa enkateweienton enhiatsteriste nok sahoiatenhawe. Sonhtenti Ronontiio sakoienha iah onka te iakohrori tsi naawenne, nok ne ronistenha ne raksaa wahohrori ne rone tsini iawenhon, tetsiaron wathonwanonweraton ne R.

Nonen ostonha wahatehiaron, wahonwarihonien ne kariwiioston, wahonwahrori tsini hotiia-tawenhon Abraham, Isaak, Jakob, nok oni tsini hoiatawenhon ne raonha. 14 sathaoseriiake onontioke wahonwaiatenhawite, iah othenon te honikonhrotakwen tsi iontonweskwatanions nethononwe, wahatataaskennha wahateriwaienste niatekon. 4 niwashen sathaoserasen ne sahaiakenne nonontioke wahrenon : Iahte wakienha Faraon sakoienha, tokenske aonhaa wakonnheton, iah taonton etho aontakiterontake, aseken wakeriwiioston. Sitaeronon nakiatoten, nonwa ronwatiiesatha ikehre kati aiakwahriskon.

(A. M. 2473.) Etho kati iahatien tsi thatiterontakwe Sitaeronon. Iakahewe wahatkatho saiatat Egiptonon wahokonreke saiatat Sitaeronon. Tsinahonakwen Moïse, wahosete Egiptonon nethoni hoieren, onesaronkokon wahoiatata. Saorhene

wasakotkatho tehniase Sitaeronon ronateriwa-kennion, hiaterioskwe. Etho warete wahrere onsakhenikonhraseronni wasakotteten : Iahte tkariwaieri, wahrenron, tsi tsiateriio, aseken tsiata-tekenha. Wahonakwen saiatat, wahrenron : Nahoten satsteristakwa tsi ionkiateriio? ise ken takwakowanen? Isehre ken : etho naihier tsini hetsierase tetenre Egyptonon kenha? Rerhakwe Moïse : iah onka te iakoterientare, wahotokense oni tsi roteninhaon ronontiio ahonwario, wahateko kati inon niahare Madianrononke iahatekwashen. 4 nioserashen etho iehenterontakwe, tsi thononsotakwe Jethro etho iahatien, etho oni wahoniake, sakononnhakwe katsenen sonha.

Ethone wahrere ne R. onen akheriwawase ne Sitaeronon, akwa ronwatironhiakentakwe Sitaeronon. Iakahewe tsi Moïse sakononnatieskwe katsenen onontakta ireskwe Horeb konwaiatskwe, onen 8 sathaoserashen wahatkatho tsiniot iohiktoton iotekha, iah sane te watsaaskwe, R. etho renterontakwe. Wahonehrako Moïse, wahrenron : Etho ieke. Wahatkatho ohniotieren tiotekha nok iahte waswas. Tahenron ne R. : Moïse, Moïse. Tontahenron raonha : Ken kiteron, Sewenniio, nahoten isehre? Tahenron ne R. : Tosa karo

tase niakwe sahratasi, aseken ionwentsianoron tsi ises. Ii Niio nakiatoten kento kiteron. Tsina-hoteronhienten Moïse, akwa wahaiatisonkwe nok wahatkonsoroke. Tahenron ne R. : Wakatkathon tsini hotironhiaken Sitaeronon nakitiohkwa, kheiatontats tsi ionkwennitentase. Ikehre : akhetenre onsa honennakerako Egyptke nok Kanaanke ionsa honennakerate, aseken wakeriwison akheiatah-tonte ne Kanaanronon. Satseronni, Moïse, ise koniatarakwen, konrihonten onontioke iense, ensiron : Onen satontat akte iaonsa honennakerate Sitaeronon. Tontahenron Moïse : Iahtakkweni akeriwaierite. Iahte hononwehon R. tsi iawet wahateraiata-kwe. Tontahenron R. Tosa othenon setsanik, enkonriwawase, tiotkon tentenihasehake, ioriwanehrakwatons tsi nenkatieranion. Wakonrihonten aiesakowanenhake Sitaeronon. Tsi akte enhonenakerathe enskweni etho naiawenne tsini kierha. Kento ensewatohetste nonen tentisewe, nok enskwawenniiostø. Tahenron Moïse : ne Etho kati ienke tsi thatiteron ne Sitaeronon nok enkiron : Rakennhaonhatie ne R., tokat enthoniron : Nahoten ronwaiats ne hiannhaonhatie, nahoten entkiron ? Ensiron : Niio tiotkon si hanakere ronwaiats. Onwa ok sahtenti : ensheienhase ne se-

watateken okonha. Rakennhaonhatie Niio tiotkon si hanakere ne ronwasennaienskwe Abraham, Isaak nok Jakob. Ensiron kati : Riatkathon, rakwenni : Wakatkathon tsini hotironhiaken nakitiohkwa, ikehre onen takatane nok tsinon onwentsiio akheiatinionte ; ok sa eniesatontatse. Ensheiatkennisahate ne rotiianer ; onontioke iensewe, entsisewenhase : Sonkwatenientense Niio ne sakwawenniiostha, iakwehre asakwawen-aierit 3 nihononwetsion tsiniiore etho ieniakwe iasakwawenniiost ne R. Tosa sarharek ok sa ok enhatontate ; tsi ok enkakiwisron iohrewatatsa-nitenions enkehrewatakwe Egiptronon, ethone enhatontate ne ronontioo, ethone ensewahtenti nok ensewahawe niatekon ne kanoronson raonawenk Egiptronon. Tahenron Moïse : Iahtaionkwatontatse enienrheke : iahte hattokha ne ken ire wasonkwanikonrhaten. Tahenron R. Onwa tsi ensatokense tsi iahta iesanowen, nahoten ishawew? Tahenron Moïse : Atak'ikhawe. Tahenron R. Ehtake satatseronti. Ehtake wahoti, ok sa ok ioniaratsanit onton. Siena, wahrenron. Wahaiena nok oksa sonton tsini iohtonne tiotierenton. Ne aoriwa wahrenron R. etho niawenhon tosa aiontennowente nahoten ensiron. Sekon wa-

henron Moïse : Tetsiatoret, Sewenniio, tsi iahte keweiente akatati. Tontahenron R. Onka sakoia-tison nonkwe ? onka sakowi otiake aieweienteh-tane aiontati ? onka sakoia-tison iah ionhronkha, iahte iontatis ? Iah ken ii ? Skennen sennonton-nionhek : ii enkonnikonhrata nahoten entesatati. Tontahenron Moïse : Sewenniio thensennonton atsatenniete nene sariwison atsatenniete. Tontahenron R. : Hiatsiha Aaron raweiente ahatati, ise entsrori nahoten enkonrihonnien, ensesakohrori akitiohkwa.

Wathiatekasi Maïse Jethro ne rawennhonsa, Egiptke iaonsare, wathoteratana Aaron rotsiha, wasakotihrori ratiianer nahoten ronnhonne R. ne Moïse ; ioriwanehrakwatons tsi nahniiere, Wahatiriwaienterene Sitaeronon tsi R. sakoten-ronne, wathonwanonweraton.

CHAPITRE XVII.

Moïse et Aaron devant Pharaon.—Les Plaies d’Egypte.—

1^e Le Nil changé en sang.—2^e Invasion des grenouilles.—3^e Les moucheron.—4^e Les grosses mouches.—5^e Peste sur les hommes et les animaux.—6^e Ulcères et tumeurs.—7^e Grêle mêlé de foudre.—8^e Les sauterelles.

Tsi thawehtakonne Moïse etho tioientakwen sahennakerako Egiptke, iahte hotsanikon ahonakwen ne ronontio tsiniot iahotkatho ne iah taonton ahonwaken.

Tsi ehni hawennotenhne Kor Rti, sonkwarihonniennitha nahoten iorihonnihon tsi ioriowanens roriwaieriton Moïse naonnise. Wakatroriaton tsini iawenhon sahennaherate nok oni sahoiatarako ne R. asakonerensi. Sitaeronon ratinas-kwa kenhne. Moïse tenhnon Aaron 80 si teho-naoseriiaakhonne watnitane tsi thenteron ronontio Faraon, wahniron : Kenni hawennoten R. ronwawenniostha Sitaeronon : Satontat aionhtenti nakitiohkwa aionkewenniosstana. Tsini hatatkonnienstha ne ronontio wahrenron : Iahte hiinteri netsisewawenniio, iahtakatontate ahonhtenti ne Sitaeronon. Saisi ronentorha, wahren-

ron, ne wahonni ronnehre aiakwahtenti. Nok wahatennhanne senha ahonwatiotenste tsiniiot ne katsenen akenhake; tokat thonatoktani ne ronaterihonte tsi niiot rotiiotekwe wahonwaticonreke. Wahonwahrori Moïse tsini hotiatawens tsi ronwatikenrenseronnis, wahatenienten asakonikonhrahnrirate. Iahte honatahonsataton, wahotinakwen tsiniiot ahonnerheke: raonha raoriwa tsi ionkikenrenseronnis. Ethone wahawenhase ne R. Moïse: Wakonrihonten, oktasennenton tsiniiot ahiawenniioke Faraon, Aaron tsiatatekenha enhiawennakaratate. Entsrori Aaron tsinikon enkonnhanne atsrori raonha tenhnon enhohrori Faraon ahatontate eren aonsahonnete Sitæronon. Iahta hatontate Faraon, ethone niatekon tsineniawenseron ioriwanerakwatons, enkhetokaten Egiptronon tsi iah othenon te wakenoronse. Ethone eren enshonnete nakitiohkwa. Enhotitokense Egiptronon tsi ii R. nakiatoten. Moïse tenhnon Aaron niatekon wahniiere ioriwanehrawatons ahonwatokaten ne ronontiio tsi R. sakonnhaon. Tenhnon otiake ne rontenhennaras wahonwanikonrhaten; iah kati te hotontaton eren aonsahonnete. Ethone wahatasawen ne R. asakohrewate Egiptronon. Tiotierenton Aaron

wahatatserakaratate, wahaiente tsi kaniatare Nil konwaiats, ok sa tetsiottenion ohneka kaniatara-ke onekwensa iotonhon. 2^{ou} iotitiohkwatsanit wakontinakerenne notskwarhe, wakontaweiatanion tsi iakononsoton Egiptronon, iah na tiionataweiaton tsi rotinonsotakwe Sitaeronon. Wahatikweni oni ne rontenhennaras aontakonne notskwarhe, iahte hotikwenion aansasakonatekwate. Ethone wahatennhanne ne ronontiio ahonwationke Moïse nok Aaron. Tsi wasakotkatho oia ni shonikonhroten, wahrenron : Enkatontate atsi-sewawenniiostana R. niare hetsisewennitentas aonsasakotekwate notskwarhe ne ionkironhia-kentha. Tahenron Moïse : Ise senaton kani wenniferoten saskaneks netho naiawen, asatokense tsi iah othenon te honoronse ne sakwawenniiostha. Tahenron ronontiio : Eniorhene kenhak. Saorhene Moïse wahonitentase ne R. Ok sa ok akwekon wakonwentane notskwarhe ; awenke wahonati akwakontiiatakeraskwe, ethone wahontkawe awenke ahonati. Ethone sahariwarisi ronontiio tsini hoierenne. Sekonsahowennahronke ne R. Moïse wahrenron : Hetsennhas ne tsiatatekenha Aaron : Satatserakaratat, aiawen akontinakeren okariotane. Ethoni iawenhon. Wahon-

tenienten rontenhennaras ahonwanakeren Aaron, iahte hotikwenion, wahonniron : Onen wasonkwasenni ne R. Tiotkon tenhnon wahateraiatakwe ne ronontiio.

Sekon wahawenhase R. Moïse : Eniorhene orhonketsi kaniatarakta ienhenre ronontiio, etho iense entsenhase : Iahta satoutathe asheiatkawe nakitiohkwa akwa enkontinakerenne tsiks, eso oni enseronhiaken, iah etho takonnete ne tsiks tsinonni ratiteron Sitaeronon iahtahatironhiaken. Ethoniawenhon. Ne tsiks iakotikariaskwe Egiptronon nok oni kontsinoniontieskwe. Ethone waha-tennhanne ronontiio ahonwatinonksa Moïse nok Aaron. Iah ken taonton, wahrenron, kento atsi-sewawenniioste ne R? Tahenron Moïse : Iah taonton, aseken iakwawenthos ne katsenen ne se-wasennaiens, enionkirio Egiptronon ne tahatika-nerake, 3 niiononwetsion tainiiore etho iensak-wawenniioste. Tahenron ronontiio : Tosa sotsi inon iaesewe, niare hetsennitentas ne R. akontkawe ne tsiks. Wahonitentase ne R. Moïse, ok sa sakonhton ne tsiks okonha. Sekon are sahariwarisi ronontiio. Sekon wahawenhase ne R. Moïse : Entsenhase ne Faraon : Iahtasatontathe ahonhtenti nakitiohkwa, enkannratarine, enkonwentane sa-

tsenen okon, iah tenhnon othenon tahotiatawen ne Sitaheronon, ne en sewatokatakwe tsi iah othenon te wakenoronse. Wahrere ne ronontiiio : katiken etho neniawen ? Saorhene wakonwentane akotseenen okon Egiptronon, iah tenhnon enskathate honiheion Sitaeronon akotsenen okon. Sekon iahte shotatrewaton ronontiiio ; sekon kati 6ou wasakohrewate R. Egiptronon, wahawenhase R. Moïse : Tetsiakenrak onontiiioke ise, nok Aaron iaesene, ehneken entsiakenronti, enhatkatho ne ronontiiio, ok sa ok eniakononwakten Egiptronons. Ethonahniiere ; oktiwakwekon wakononwakten Egiptronon. Ethonahniiere : oktiwakwekon wakononwakten waotkenseron eiatakeson, akwaieiatakeraskwe wahotinonwakten oni rontenhennaraskwe, wahonteko, iah tenhnon othenon tehotiatawenhon Sitaeronon. Ok onen tsini honikonhrahniironne ronontiiio.

Sekon are sahowennahronke ne R. Moïse, wahrenron : Orhonketsi satsketsko, ronontiiioke iase, entsenhase : Kennihoierenhatie ne R. : Iahtasatontathe aonsasheiatkawe akitiohkwa, sekon senha enkonronhiakente, enkonhrewate : eniorhene eniowisonti iah nonwenton etho te ionehrakwa-taon, iah sane te kehre : akwekon Egiptronon

aieronhiaken, sehrori tosa atste aienseke, ise oni sata-
tatenikonhrarak, sewaiatiniont sewatsenen okon,
aseken akwekon enkonwentane natste enienseke.
Wahohrori Moïse ne ronontiio tsini hoierenhatie
ne R., otiake wakonwatiatinionte akotsenen okon,
nok oni nakaonha iahte iakoiakenhon, otiake
wahontennowente, iahte iakotsteriston. Waha-
wenhase ne R, Moïse : Karonhiake nonkwah sa-
tenentsakaratat. Etho nahaiere Moïse, ok sa wao-
wisonti, wahorio nonkwe atste iienskwe nok oni
ne katsenen okon atste konneskwe nok oni waka-
iesa ne iakoienthoseronkwe, otsire tatekontieston
nowise. Iah othenon te iawenhon tsi ratinakere-
kwe ne Sitaeronon. Toha aonsahotatrewatton ne
ronontiio, wasakawenhase Moïse nok Aaron :
Wakeriwanerahakskon. Hetsisennitentas ne R.
aontkawe tsi iowisontion, nok tsi iowerenhaties
enkwatkawe. Tahenron ne Moïse : Enhienniten-
tase ne R. takatane, iah sane te kehre : tkariwa-
ieri tsini sierha, iah akwa tatetsanis ne R. iah
oni tatsewennarakwe, sekon etho nenkiere tsini
wakieren. Sahaiakenne Moïse. Karonhiake non-
kwah wahatesnonsakarata, watkatane tsi iowe-
renhatieskwe, nok tsi iowisontieskwe. Ethone
wahonttoke tsi kahetken iotonhon tsi iakoi-

thoseronkwe. Sekon sahariwarisi ronontiio. Sekon kati sahowennahronke R. Moïse wahrenron : Onen tsiniiot ronikonbrahniron ronontiio, sahe-
tho akwa rihrewatha raonha raoriwa, sewehiarak
tsini katieranions ne ioriwanerakwattons, enie-
tsihroriseke ne ietsiien okonha nok ietsiiatere
okonha tsi kehrewatanion Egiptonon ; ne kati
enietokatakwe tsi Niio ni kiatoten.

Ethone R. wahohrori Moïse tsini kahrewata-
tseroten ensakohrewate Egiptonon wahrenron :
Hetsroriana ronontiio. Onontiio wahnete Moïse
nok Aaron, wahniron : wahonwenhase ronon-
tiio : To nenwe entsewennontieseke ne R. ? Ta-
kwatka asakwawenniiostana ne R. ; iahtasaton-
tathe akwa enkontinakeren ne tsistarare tsi sewa-
nakere, enkontiriwentho ne sekon tiotonnianion,
enkonneseke oni tsi sewanonsote, arekho non-
wenton etho te iawenhon. Sahaiakenne Moïse,
tsiniiot nahonakwenhon, wathatinikonhraren oti-
ake ratisennowanens wahonwenhase ne ronon-
tiio ; Sasheiatka onen Sitaeronon, aseken akwe-
kon entewenheie niahta satontathe ; onen nii ion-
kwennikonhriakon. Wahatennhanne ahonwati-
nonkse Moïse nok Aaron, wahoriwanonton, wa-
hrenron : Onka wesewe tsi watsisewawenniiostana

ne R. Tahenron Moïse : akwekon ne Sitaeronon, nok oni nonkwatsenen okon eniakwaiatenhawe, aseken akwa enionkwentanoronste nok raonha ne R. enhaiatarako nensakwawenniioste. Tahenron ne ronontiio : Katiken isewehre : iahte kakonte aiakwennakerako ? iah taonton ne ok rati-nekenteron isewe. Akwa ronakwenhon ne ronontiio sahonwanatekwate Moïse nok Aaron. Ethone wahawenhase ne R. Moïse : Satenentsakaratat : ok sa ok entkonne ne tsistarare ; akwekon enkontiriwentho. Etho nahaiere Moïse. Ok sa ok watkawerakwe, wakonnewe tsistarare oktiwakwekon tsi ratinakerekwe Egiptonon, akwekon wakonneke ne sekon iotatenronne iakoienthose-ronkwe, nok oni ne ionerattontakwe. Ethone wahrenron ne ronontiio. Onen onkenoronsé. Wahonwatinonksa Moïse nok Aaron, wahrenron : Wakeriwaneren, tosa seriwarako tsini kwaierase. Hetsennit ne R. takatane tsini ionkwaiatawens. Etho nahaiere Moïse. Wasakotekwate ne tsistarare. Iahte shotatrewaton Ronontiio.

CHAPITRE XVIII.

9e plaie d'Egypte, ténèbres épaisses.—Endurcissement de Pharaon, en quel sens on l'a endurci.—Réflexions de l'auteur du livre de la Sagesse sur la miséricorde de Dieu envers les Egyptiens dans les plaies qu'il leur envoie.—Mort des 1ers nés des Egyptiens, sortie d'Egypte A. M. 2513.—Agneau pascal, cérémonies prescrites pour le manger.—Ce que figure l'agneau pascal.

Sekon are sahowennahronke R. Moïse, wahren : Sekon karonhiake nonkwah satenentsakaratat, ok sa ok eniokarawe, akwa iah othenon tentsiekenseke. Etho kati naawenne. Iah nonwenton etho te iawenhon ; iahte iontatkenskwe, ken ok nioreha ietakwe, iahte watonskwe aionhtentionko tsiniot taiontatwistotarhonke. 3 nonta etho niihtonne, iah tenhnontethonakaraon ne Sitaeronon sahetho tehonatiestanion Egiptonon. Wahatennhanne ronontiio ahonwatinonksa Moïse nok Aaron, wasakawenhase : Onen wakion atsi-sewawenniiostana ne R. isewe tsionathonwisen nok neksa okonha. Ne ok kento kontiterontak sewatsenen okon. Iah tenhnon te honikonhrotenne R. rerhakwe : akwekon akonwatiiatenha

ne raotitsenen okon; iekanihare rerhakwe ne Sitaeronon iontatewenniiost Egiptonon raonawenkokon ne kanoronson. Ne kati wakarihonni wahariwaswen Moïse tsi nahaiere ronontiio, wahrenron. Ioteriwison nonkwatsenen okon aiakiatenhawe. R. enthennonton kani kaien enhaiatarako asakwawenniioste. Wahrere ronontiio: Akwa tokenske ronnehre; iahte kakonte aiakwennakerako. Wahawenhase ne Moïse: Iah taonton etho naiawenne, iahtakathontate aesewah-tenti, tokat iah tiotkon taskwaronhiakente, ienkahewe ensewatokense tsini kanoron ahonwanikonhraksate ne ronontiio. Tosa nonwenton skonhiatlkatho ok sa ensiheie nenskonken.

Iah othenon te hotston ne Faraon tsinioriwake ioriwanehrakwatenions rotokatennihne ne R. ok eken tsini iawenhon iawet raweriasahniraton. Tsinikon sotsi roronhiakenskwe, roniahesenne Moïse ahonitentase ne R. takatane, niatekon rorharatstennihakwe, kennaheha sahonikonrhenskwe tsini horharatotennihne. Wahonnhanne kati R. Moïse ahawenhase ne Faraon ahenron: To nenwe enshenaskwaientake nakitiohkwa, iahta satontate ahonhtenti? to nenwe enskewen-nonti? iahtasheiatkawane, niate watkaronniatse-

rake enkonhrewatakwe, enhonhriskon ne shennhas nok ne satesewanakere, aesewatokense tsi iah onka etho te ieatotens tsini kiatoten ; ne wathonni koniatarakwen nonwentsiakwekon aiakotokense tsi iah othenon te wakenoronse nok aksennowannha ka ok nonwe tienahkere nonkwe. Tosa tenhnon iienrhek : R. iawet tihaweton rononhaon Faraon ahariwanerake. Tsi waton noiatonseratokenti : R. raweriasahniraton Faraon, ne sakat aiairon : R. rotewenteton. Rawen oni Kor Rti : Faraon wahatenikonhrahnrirate raonha. lahtiaiehewe tsini hoiatatokenti R. rariwaswensne kariwaneren, iah onka te sakonnnhas aieriwanerake. Rotokatennihne ne Faraon eso nioriwake ioriwanehrakwatenions, nonkwe iakonoronse eh naieiere, aiohtonhon aonsahotatrewaton, raonha kati raoriwa tsi rotatenikonhrabniraton iahte hotston nahoten rowihne R. ahatkatho, iahte horihontakwe senha ahotenre.

Tsi sakohrewaton R. Egiptnon, iawet raotanitenraserakon sakohrewaton, asakonikonhraiastan tsi saiatat ok Niio, nok tsini kariwaksen niatekon Niio ahontatonnien kaniatare Nil, niate kanaskwake oni ; aseken kaniatarake Nil iontatiatontionne eksa okonha, iawet onekwensa

iotonhon ohneka. Iahte honoronsehakwe ne R. asakotenniete kariotowanens ne iotikahratsanit ne iotikonsatsanitenions aiakoriohte, nok oni tasakonatetsaniten akonwanatkatho, senha rononwehon asakotenniete otskwarhe, tsistarare, niate katsinonwake ne sakonnhaon aiakotironhiakente. Tehotonwentsionihakwe asakotokaten tsi iah Niro te ken niatekon konwatisennaienskwe. Ne aoriwake waton noiatanseratokenti : Sewennio, iah othenon te sanoronse, akwekon tisennontons tsini shetenranions nonkwe aseken iah othenon te sanoronse, iahte satkathos nakoriwanerahakse-ra, shenaktotanis aonsahontatrewate, aseken iahte itswens nahoten sason. Satanitenraskon aseken ise sawenk tsiniiakon sheiatison, ise Sewennio, shenoronkwa nakotonnhetston nonkwe.

Tsi thawehtakwenne Moïse eiho tioientakwen wahawentatokentase wentanoron. Iontohetstakwa ; Paska Konwaiats wasakonnhanne Sitaeronon ahatinekwensarho teiotinakarontonha tsi iohnehentonnion tosa ahonhriskon nontatien okonha ne Egiptonon ontatien okonha thonatierenton ronennakeraton wasakorio raronhiakehronon tsi wahatnhetste. Tsi thonehtakwenne Sitaeronon wathatiniatariake watewatnekakhasi iatkaiaiak-

te, wahontenienten Egiptronon etho ahontohets-te akwekon wahotiskone.

Eso sakohrewatonne R. Egiptronon. Onen ohnaken saonniate wasakohrewate. Wahawenhase Moïse. Sekon, wahrenron, enskat enkehrewate Egiptronon, nok ethone entisewatkawe ronontio : Moïse wahawenhase, Akonhrori nonwa tsi nensewaiatawen ne sekon atsewenniioste ne R. Rawen ne R : Onen toha akwa enkehrewate Egiptronon, asonthenne satewasontatihen etho neniawen : enkatohetste tsi thatinakere Egiptronon ; akwekon enkherio ne tiotierenton ronennakeraton ne rotiskenrakehte ne iesennowanens nok iakotent, akwekon oni ne katsenen : Arekha nonwenton etho te iawenhon, iah oni ostonha tahatironhiaken ne Sitaeronon, iah taonsahatatrewate ne ronontio ; iah etho tahotinikonhrahnirohake ne ratisennowanens enhouniron sasennakerako, satsitiohkwenhak ne sentiohkwa, ethone eniakwahtenti, ensatontate oni nise.

Sekon wahawenhase ne R. Moïse : Tosa sennikonhriiak tsi iahta hiatontatse onontio ; tohkara nonwata etho neniawen tsini wakeriwison, ethone entisewaiakenne Egiptke, ise eniesakowanenhake, nok ensehroni ne Sitaeronon, ensiron : 9 nonta

tsini kariwes akwekon ensewatkennisa tsi tkana-
taien Ramesses konwaiats taietsiatenha ne sewa-
tsenen okon, iaesewaha oni akerat okon, owis-
tanoron nahoten nok oni watiatawitseranoronson
nok oni niatekon ne iontsta Egiptonon, ensiron :
Watsitsion ne R. aseken sotsi eso sewaronhiaken-
hon tsi sewaiotekwe. Iah kati te hotinenskwen
Sitaeronon tsi ethoni hotiieren, aseken sakowihne
ne R. ne raowenk tsinikonkanakere nonwentsiake.

Ensehrori oni tsi nahatiiere tsi eniorhene no-
nen enhonhtenti, ensiron : Tsiewatsiratson ne ra-
nonsakweniio enhaiatarako skaiatat teiotinaka-
rontonha enskat teniaoseriiakon katsinn ne nen-
kaiatiiohake, skaiatat oni ne kaiatakeras nene
sate tiotien. Tokat enienrheke : iahtaiakwate-
kwisa ne nenskat iateniakwatskahon, ensakohon-
karon ne iontatenonkwe ne oni tehonnonsaneken,
4 nonwata tsinenwe enkenterontake enhario ne-
niokarawe, enhowenniioste ne R. Enionteweien-
ton aonekwensa, enhakwiriiake, ok he enionera-
tonte onekwensake ienrowe ehneken tsi kannho-
karonte enienekwensarho tsi kanonsote ; kaiata-
kwekon enionteskonten, ok ienionontsistontake
nok ienkakarostotake, iahten wattenkwahton ne
kanatarok ethone enieke ionerattatskarat tenion-

tatiesten, akwa eniorihake ne teiotinakarontonha, iah kaneka teniokattehake, tosa tenionekontiette. Skanonsat ne kaiatakwekon eniontekwisa, tosa akte ieiontatenont. Tokat eniotatenre ne oni ostien okonha okenra akwekon enwaton. Etho nenieiere nonen teniontskahonnion, etho neniakonenotenhake tsiniiot inon wahren, eniontiatannhake teniakohtarionke nok oni eniontennitserenhawake, tenietake tsi teniakotskahonke, ok tateniakotsterihenhon, aseken ne wakasontarakwen akwekon nententkete Egiptke, akwekon enkherio ne tiotierenton ronennakeraton Egiptonon nok oni ne katsenen, ethone enkehrewate, ne enionekwensarake tsi iohnehentonnion, ne enwateniententakonhake iahtakataweiata aseken ne Sitaeronon eniakononsotake.

Tsi sakonnhaon ne R. Sitaeronon akonwario teiotinakarontonha, iawet sakoteniententserawi tsi nenhaitotenhake nok tsi nenhaiere nensesakoskontako nonkwe tsi enhonikonhriiohake tsi enhonwaiesate, enhonwario, tsi tensakonekwensahrise nonkwe iawet enhanoharetakwe nonkwattonnhetston raonekwensatokenti, ensakononten oni raowaronk okaristiiakon eniotaseton tsi kanataraieronni iahten wattonkwahton tsi enhonwaia-

take nonkwe raononskon tsi kentiohkwaïen rao-
tiohkwatokenti kanatarok iahten wattonkwahton
konwaiats tsi iah othenon te ioiatoronhon naka-
weriasa, ionerattatskarat teniontatiesten, ne ken-
ton tsi teiotonwentsiohon taonsaieriwaserako tsini
iakonenotenhne Sitaeronon nethone tsiniiot inon
wahen, iontatiatannhaskwe teiakohtarionkwe,
taiakotserihenskwe, ne kenton tsi iawet iakoto-
hetstonhatie nonkwe nonwentsiake tosa aienon-
weke nonwentsiake aionskaneke, aiakotataskenn-
hen oni etho iahonne tsinon akaonwentsia ne
iakonnhe onwe ne karonhiake. Tsi nahaiere ne
R. ne enwasontatatie etho neniawenne nonen
enhonnennakerako ne Sitaeronon. Rerhakwe oni
ne R. tsi ok nienskahewe entsiakehiaraseke tsi
neniawenhon. Wahrenron kati : Iahte kakonte
eniakentanoronstake ne wenniserate. Satekon
nonwata tsi nenkariweshon iahten wattonkwahton
enienatarakseke, iah oni tensewaientak ne iose-
rhatken ; eniontatekwatte ne iah etho tenieie-
rane. Ne tiotierenton wenniserate nok oni nakwa
ohnaken, akwa enwentanoronke, iahta iakoia-
teke. Etho nenieiere kentiohkwakwekon ne Sita-
eronon, kawenniio eniontatewarakwetaron.

CHAPITRE XIX.

Récit du massacre des 1ers nés d'Egypte.—Les Juifs quittent l'Egypte A. M. 2513.—Colonne de nuée qui les précède dans leur marche.—Fête de Pâques instituée en souvenir de la sortie d'Egypte.—Loi du rachat des 1ers nés.—Pharaon poursuit les Juifs qui passent à pied sec à travers la mer Rouge.—Les Egyptiens sont engloutis.—Ce qui est figuré par la mer, la colonne de nuée.—Révolte du peuple.—Bois jeté dans l'eau amère pour l'adoucir.

Wasakonnhanne Moïse ne rotiianer asakotihro-
rianion Sitaeronon tsini hoieren ne R. 2 tewen-
niawetserashen natewenntawetserasken niiakon-
ne Sitaeronon, iah tsieiatat te iakononwaktani-
hakwe tsonsaienakerako, wahontkennisa akwe-
kon tsinonwe ronwatinatonni 14^{ton} nonta iekara-
hane wakonwario ne teioiinakarontonha nok
akwekon waeriwaierite tsini hoieren ne R. Ok-
tiwakwekon skennen kowa kenhne, sewasontati-
henwasakorihonten ne R. ratironhiakehronon na-
hatiriwaierite tsini hoieren. Ok sa ok wahonwa-
wennaierite. Ne tiotierenton rowiraientakwe ro-
nontiio wahrenheie wahonhriskon ne tiotierenton
ronwanatewetonnionkwe. Ethoni naawenne ne ka-

tsenen okon ; kenni kariwesha onen ok akwekon wahonwatirio, iah oni ne skanonsat tetiotatenron. Wathateriatikhon ronontiio, kentiohkowanen sahonwasnorakwe tsi raoriwa etho niawenhon. Sahetho asonthenne, wahatennhanne ahonwatinonksa Moïse nok Aaron. Ok sa etho wahnete. Wasakawenhase ronontiio, wahrenron : Oksaok sewah-tenti atsisewawenniiostana ne R. ietsiiatenhaf ne ietsiien okonha, nok sewatsenen okon. Etho oni nahatiere Egiptonon. Wahoniron : Ok sa sewah-tenti tosa aonsaiakwaronhiaken. Wathotits-terihen Sitaeronon tst wahonhtenti, niatekon wahatihawe ne ok thonatoktanihakwe kanatarok nok owaronk naiorihake, otesera wahatihawe. Wahatihawe oni Sose kenha raostien okon kenha ; Orhonketsi wahontenti onen iotohetston 4 tewenniawe 4 iosenserote 9 iawenre tsinahe Abraham Kanaanke iehawenonne ; 2 tewenniawe 15 nio-serake tsinahe Jakob nok ne raowatsire wahontien Egiptke. 6 tewenniawe thousand nihatihne rotiskenrakehte tikate tsiakothonwisen, eksaokonha nok ne ronatiatison, ethone onen tewenniawehetserashen 5 tewenniawehetserote 3 iawenre tsinahe tsionwentsiatekwe. Iotiohkwatsanit Egiptonon wahonwatinonteratie, iawet wahontiataren raotitiohkwake.

Ronatonnihne ne R. Moïse tsinonwe niahonne aiawen tosa ok sa ok ahonterio, nok oni tosa aha-tinnhatenseke Egiptke. Rerhakwe oni ne R.; akherihonnien tsi naieiere naionksennaïen nok nakentiohkwiiohake. Tiotierenton tsaenonwete, wahrere ne R. akentsataren; etho kati naawenne. Ethoniihohtonne entiekehne tsiniiot kentsatiio, nok asonthenne akwa teioswathekwe tsiniiot ne kara-kwa. Tsinikon wathatitane, ashennen natekatas-kwe ne iotsalare, onen tsi rouhtentionhe, waka-hente tsinonna hontorisen ne Sitaeronon tsi ronahtentionhatie, satekanenhriien ethononni iotsatare iakoiatakennhaskwe entiekehne tosa aho-tirakotsirarane, etho tiotkon niohtentionhatie tsinahe ronahtentionhatie.

Wahonnhanne R. Moïse asakotkennisahate ne rotiianer, wasakawenhase: Sasewehiarasek tsini hetsisewentenron ne R. ne wenniserate tsi wese-wennakerako Egiptke, ioriwanehrakwatons tsini hoieren ise sewariwake. Niate kenkwitetserake ensewanoronstake ne wenniserate nonen etho iensewetetake Kanaanke. Ethone akwekon ne Sitaeronon enhonwawenniiostake ne R. teiotina-karontonha. Etho nenieierhake 8 nonwata tsinen-kariwison ensewataranakseke okenrokon iakona-

tarontakwe ne tiotierenton wenniserate nok akwa ohnaken tetsiaron eniawentanoronke. Tsi neniontonheke ietsiien okonha ; nahoten karihonni etho niiot, ethone enietsihrori tsini ioriwanehrakwaton tsini hoieren ne R. Egiptke sasewennakerako, kawenniiio iensewe Kanaanke enietsiitarako ne tiotierenton ronennnakeraton ne ietsiien okonha nok oni ne katsenen nok entsisewawenniioste ne R. entsiehninon nontatien okonha owista iontaton, aiawen sekon enietsiwenniioke. Tsi enietsiriwanontonse ne ietsiien okonha : nahoten karihonni ethoni sewaierha ! ensewenron : ne karihonni netho niakwaierha tosa aonsaionkwanikonrhen tsini sonkwentenron ne R. tsi wasakorio akwekon Egiptonon ne tiotierenton ronennakeraton.

Sekon wahowennahronke ne R. Moïse, wahrenron : Etho iaesewe tsikaniatare, aseken ikehre sekon enkehrewate Egiptonon, aiawen ahotitokense tsi, Niio nihiatoten. Etho nahaiere Moïse. Asen nonwata onen iahonnewe kaniatarakta. Ethone tsiniiot sahatateriwasten ne ronontiiio Faraon tsi sakotkawen Sitaeronon, wahrere akesere tsi ronatekwenhatie ; wahontkennisa rotiskenrakehte okon 6 tewenniaawe nikaserètake

wahotihonwisere. Raonha Foraon wasakohtentiate wasakotisere ne Sitaeronon. 3^{ton} nonta wasakotinonterane onen tsi iekara, wahonnehre : iahtaonsaionkihniakense, eniorhene eniakwaterio. Wahotihteronne ne Sitaeronon, aseken arekho tehotitsanitonne nahonterio. Tsintiot wahotinakwen, tsiniiot wahonwariwasten Moïse tsi wasakoiatenha, wahoniron : senha aioianerehon tosa aionkwahtention ; katiken isehre akwekon ahonwentane. Tabenron Moïse : Tosa othenon sewatsanik, iah othenonte honoronse ne R. Tosa sewerhek eniakwateko. Rawennioke sewatennikonrontiet nok shennen sewennontonnionhek ; onwatsi ok ioriwanehrakwatons ensewatkatho, ensonkwaianawase ne R. Eniorhene iah enskatha taonsaiakonnheke Egiptronon nonwa teietsikannere, ii entewatesenni.

Moïse wahonitentase ne R. tosa ahariwarako tsi iontewennaksatanions. R. wahotontatse, wahrenron : Etho nensiere, ensatatserakaratate nok enseniatariake ; ok sa ok tenwatnekakasi, skennen ensewatohetste. Tosa sewatsanik tsi sekon enietsisere Egiptronon tsi tensewaiiakonhatie, enkehrewate, akwekon aiakotokense Egiptronon nok Sitaeronon tsi Niio in nikiatoten oksaokwa-

sakawenhase Moïse ne sitaheronon : onen tewahtenti. Ethone sate kanenhriienwatkane ne iotsatare tsi ratiterontakwe Egipteronon noksitaeronon tsinonkwati ratiterontakwe Egipteronon tetiokaraskwe notsata, nok tsi nonkwati ratiterontakwe Sitaeronon akwa teioswatekwe notsata. Ethone wahaniatariake Moïse, nok watewatnekakasi iatkaiaiate, satewasennen onsteske. Ethoniahonne Sitaeronon, akwekon isi nakaniatarti skennen tonsahatitane, tiotkon iakononteratie ne ken iotsataraties. Kawenniio wahonttoke Egipteronon, ok sa ok wasakotisere, ethowahontahita tsi ronatohetston Sitaeronon, ethone wakawere tsi iotsatare, etho oni tkatsirinekenskwe onenhia tatekontieston eso wakorio Egipteronon tsina tahonateronhienten, wahoniron : tewateko, ietiiatka ne Sitaeronon sofsi sakoriwawase ne R. Ethone wahawenhase ne R. Moïse : “ Saseniatariaiak aiawen etho naiohton kaniatare tsiniiohtonne, nok akwekon ahotiskone Egipteronon. Etho nahaiere ne Moïse. Ok sa ok sontenonteke kaniatare, akwekon wahotiskone Egipteronon. Tohka nonta kanonwakon ieieteron waeskone, akwekon atsiakta wahotiette ne rotiskohon. Akwekon kati Sitaeronon raonawenk onton ne

ronatseronniatonne, Ethone senha wahanwanonwene ne R. Sitaeronon, senha oni wahanwawenarake Moïse. Ethone waharennisa Moïse karennanoron. Ken niiohtonne tsi tionsawakwe : Tetsitewariwakwas ne R. akwa ionehrakwat rotatsennowanaton, kaniatarake wasakoti Egiptro non nokoniraotitsenen okon...

Tsini iawenkon sathatinariake Sitaeronon, ne watenientenstakon tsi sonkwawenniio sesakone-rention nonkwe tsi notkonseraksen iakonask-waientakwe nok tsini iawenhon saonkinekwaheste, iawet ioskohon nonkwariwanerahaksera okon. Ken tenhnon kaien tsi iotsatarakwe kahentakwe tsinon rononontonhaties iakoiatakennhas-kwe entiekehne asonthenne oni watenientenstakon tsi Rotkon R^{ti} tesakoswatetennis niakoriwiioston okon sakonatonñihaties oni kani iehone-nontonhaties.

Saorhene onen wakahente ne iotsatare, akwekon wahanhtenti. 3 nonta tsinahe ronahtentionhatie iah kaneka ne kahnekokwe, aseken onesaronkwake nok oni akwa karakwatarihatakwe. Toha tahonateriatikhonhon Sitaeronon. Tsi iate-watsothosere, onen wahatihne katsenri nok sahotinikonhriiohne, iah sane te kahnekiiohne, teio-

hnekaiotsis ne kahnekokwe, akwa tehotiwise-heionne. Wathonteriatikhon kati nok wahoniron : Ka onte iaetewahnekatsenri nakahnektiohake ? Moïse wahonitentase ne R. wahonatonhase ne iotkwironnihne, wahrenron : “ Awenke iasakwironi.” Etho nahaiere Moïse, ok sa ok sakahnekiiohne akwekon, wahatihnekihra nok skennen sonton. Ne watenientenstakon tsi Jesus raoiasa roieraton sesakoiatatokentistakwen nonkwe tesakonikonhrattenion. Ethone wasakawenhase ne R. Sitaeronon : “ Tokatenskwawennarakwe, iah etho taesewaiatawen tsini hotiatawenhon Egiptronon nok skennen entsionnheke.

CHAPITRE XX.

Arrivée des Hébreux à Elim.—Dieu leur envoie des oiseaux, puis les nourrit de la manne.—Description de la manne, elle se conserve le jour du sabbat.—Révolte à Raphidim.—Moïse frappe de sa baguette le rocher d'Horeb qui est la figure de J.-C.—La manne figure de l'Eucharistie.—Guerre contre les Amalécites.—Moysé obtient aux Juifs la victoire en priant les bras en croix.—Arriver de Jéthro près de Moïse, il le décide à nommer des juges pour l'aider.

Ethone sahonhtenti, wahonnewe tsi nonwe 7
niwashen niokwirotakwe ne waianiiontha nok 12

ne kahnekinenskwe ne kahnekiio. Ne watenientenstakonne 12 Jesus ratikwekonne tehotiriwareniaton ne kariwiioston nonwentsiake. Ontokten ethone natennatsera. Sekon kati wathonteriatikhonnion Sitaeronon, wahoniron : Nahoten karihonni iah Egiptke te sonkwario ne R. iah etho taionkwaronhiakenhon ; ionkwakatekwe kanatarok, tenhnon owaronk ; nonwa iakwatonkariaks. Ethone wahonitentase ne R. Moïse : Wahrenron ne R : “ Sehrori Sitaeronon : onwa eniokarawe enkion owaronk, nok eniorhene enkatasawen enkwanataranonten, aseken R. rotontetsi raonha hetsisewasentenni tsi sewatewennaksatansion, iah ki ii te skwatewennaksatennis.” Tsi naokarawe wakonnewe ne tsitenha tsiniiot tawistawis, akwa iotitiohkowanen, etho watkontitane tsi nonwe ratiterontakwe ne Sitaeronon ; wakonwatiena ; akwa kati wahonahtane. Saiorhene orhonketsi tsi nonwe ronatatoserotonkwe tsiniiot ne iohaweien, nok etho nonwe kakerontatie tsiniiot ne harhatakeha, kenraken tenhnon niihtonne, tekonteranekaseronkwe aiakaweron : iosakense-raien ken niieierhakwe, onen iienrhakwe akek iottetonkwe, oserha onton ; waerite, tsiniiot ne kanatarok kenhie tekaieston nok otsiketake enkari.

Tehontateriwanontonnionskwe ne Sitaeronon : nahoten ken iken ? Ietsaniskwe aiontenienten aieke. Wahonwariwanontonse Moïse tsi naieiere. Tahenron ne Moïse. Nene kanatarok ne sonkwarharatstenni ne R. wesewatokense tsini thoriwaieri. Etho kati nensewaiere nonwa nok tsi-nenwe : niate wenniserake, toha satekakatserihen eniekwaseke ne tsieiatatson, ok sa ok iaonnoronkohtaroronko, iahonka te iakotenienten, otiake onte ken eso waeko nok otiake kennikonha. Kawenniio sahontaweiate tsi iakotatoserotonkwe ethone wahontenienten wakonehrako tsi akwekon ok sate iakokwenhatonkwe tsi ok nikon iahte iakoierise ne sewenniserat. Tahenron Moïse : “ Sewattoken tsi oriwakon tsi otiake eso waeko, iah othenon tahontsennonniate, aseken irehre ne R : tosa onka iontennowent tsini hotanitenraskon, iah oni te rehre : tohka niwenniserake akaientake enskat enieko. Otiake iahte honwawennarakwen ne R. waakawenre, wahonnehre : eniorhene enkeke ; oriwakon onton. Waorhene saieronnnion ensek naa iotkens nok ionatsinoiontion ; Wasakotteten Moïse tsini iakoskennhase. Entakta ne iawentatokentaserene, tokat skakatserat tsinikon waekwahaton tsini horiwaieren Moïse wahonwa-

riwanontonse tsi nentsieiere. Tahenron ne Moïse : Niio rawentawen eniorhene, iah othenon taiontiere, ne wahonni nonwa sewanatarorianion ne eniorhene ensewake. Etho nahatiiero nok wahonttoke waorhene iahte iotkenhon, wahonwahrori ne Moïse, wahenron : Onwa iiek ne tetenre iakokwen. Oriwakon naienrheke nonwa enkko, iahten kakerontake, aseken nonwa Niio rawentawen. 6 nonta eniakoronkwaseke, iah ne 7^{ton}. Otiake senha ok wahonnehre : keronkoha awentatokentike, iahte iakotsenrion aseken iahte kakerontakwe.

Sekon sahowennahronke R. Moïse wahenron : Ne nonwa iakonnhekon ne Sitaeronon satekaka-
tseriien tsi nenkenhake ensateweienton tsi nenskenonsonnien tosa aonsaiakonikonrhen Sitaeronon tsina kanataroten nonwa khenontens.” Wasakohrori Moïse tsini hoieren ne R, waroronke Aaron owistanoron akerat waharakwe, etho nonwe wahateweienton tsi nonwa raterennaientakwa Moïse. Ethone wahonhtenti Sitaeronon 3 naononwetsi Rafidimke iahonnewe, iahte kahnekkwe. Ahonneron : sakwanitentas ne R. aiawen asonkwane kanonte, etho naiawenhon. Iah etho te hotiieren wathonteriatikhon. Wahonwenhase

Moïse : Takwanekanont, akwa ionehrakwat ionkwaniatathens." Akwa wahotinakwen. Wahrenron Moïse : " Enhiiennitentase ne R. atsisewententre." Etho warete tsi raterennaientakwe, wahrenron : Oh nenkiere, Sewenniio, tosa ahontewennaksatanion? takwentenr, onen toha enionkerio." Tahenron ne R : Iah taesario, iah oni takehrewate ; tesatennitsera ne satennits ; tsi tiononte Horeb niahase, otiake ne rotiianer isewe, ii enkente, iehasa ne satennits ; ne ensatste tentstenraweheste, ok sa ok eso entkanekinekenne ; akwekon kati eniehnepihra nok oni ne katsenen okon 3 millions tsini hotitiohkwa 4 niwasontashen tsinahe tethotiiakenhon Egiptke etho niawenhon. Ethonahe 4 nioserashen tsini kariwes tiotkon rotihnekaientaon. Kor Rti tsi sakoiaton-niskwe rotiriwiioston rawen : " Nene iotstenrote Moïse raotennits wahatstenraweheste iawet watenientenstakon Jesus Sonkwawenniio ; aseken tsi ronwahason ranahatake tioiakenhon ohneka tekiatieston onekwensa ; ne kenton iontatenekwahestha nok okaristia, etho iawet tkaiakens nonkwe eniakoiatatokentonhake iah nonwenton taontontsahate. Ne kakwanoron karhakon rononhekwenne, watenientenstakon okaristia. Ne Son-

kwawenniio rawen : “ Ii kanatarok ne iakaonn-hetha : ietsini okon kenha harhaken ronnekon ne kakwanoron nok ronenheion.” Waton ne aoriwake Kaiatonseratokenti : Shenataranonten karonhiake nitiawenonton, akwekon kahawe ne iontsennonniatha. Etho niawenskwe tsi tiakori-waieri ronnekskwe kakwanoron tsini iakawekaskwe, tsiniiot tsi ionskanekskwe ne sateiot aiewarake tokat tsi ok nahoten aieke ; ethoniiot kakwanoron okaristia iieks sakowis ne R. tsini ionskaneks tosa aiakosenni kariwaneren, ahotinikonhriiohake ahotinikonkatsteke. (Sakowihne R. Sitaeronon nahoten teiotonwentsiohon aia-konnheke ; onen nonwa iawet ensakorihonnien ahontirio, iah ok sa ok tesakoiatinionte tsinonni onwentsiio Kanaan sakorharatstennihne. Ethone ok ensakoiatinionte tsi eso enhotironhiakenhon, enhonaterio, ne watenientenstakon tsi ioteriwi-son niakoriwiioston ahonterio notkonseraksen etho naontawe akowenkenwaton karonhiake ne eniontesenni).

(Sakowihne R. Sitaeronon nahoten teiakoton-wentsionihakwe, eakonontenne kakwanoron karonhiake tewasenskwe, sakonekaranihne oni kahnekiio, onen nonwa iawet wasakorihonnien

aionterio naontonseke ahononwentsiaientake ion-
wentsiio sakorharatstennihne). Iakahewe kati
karhakon tsi roneskwe wahonterio Esaii kenha
sakotere okonkenha Amalekronon ronwatiats-
kwe, wahonnehre : Kariwatoken ronnehre : aia-
kionwentsiakwa. Rotitiohkowanenne rotitsani-
tonne oni ahonterio. Moïse wasakohrori Sita-
ronon ahontatiatakennha : wahoiatarako Josué
ronwaiatskwe ahonwakowanenhake rotiskenra-
kehte Josue watesakotteratana Amalekronon.
Ethone onontoharake warete Moïse ; wahonne
oni Aaron nok Hnr. Kawenniiio wahontasawen
ahonterio, Moïse wahaterennaien ; karonhiake
nonkwati wahatesnonsakarata. Tsini kariwes
karonhiake nonkati wahatesnousakarata wa-
hontesenni Sitaeronon ; kawenniiio wahatkawe,
Amalekronon wahontesenni. Sahiattoke Aaron
tenhnon Hur tsi tehowisenheion Moïse, iahte
shakwenies ahatenentsakarata, onenhiake wa-
honwentskwaren nok ranentsake wahniiena,
etho takaientakwe karonhiake nonkwati wahon-
wanentsakarata ; tsi iatewatsotho wahiatkawe.
Wasakosenni kati Josué Amalekronon, eso wa-
sakotirio. Ne ietokatha tsini hotikweniatsero-
wanen Rawenniioke ne thonehtakon ronwania-

hesen ne R. tsi nahontørennaien. Ne iawet watenientenstakon tsini hoieren Jesus tekaiasontেকে wasakoterennaienhase nonkwe. Wahrere Moïse : tahonwanonweraton ne R. tsinasonkwentenre. Wahronni tsiniiot tsi iehasentakwa wahanatonkwe netho nonwe R. raksennowanaton.

Watewateriwareni tsi thatinakere Madianronon ronwatiiats, tsini ioriwanehrakwatons tsini iawenhon Egiptke. Etho thenterontakwe Jethro Moïse rawennhonsa. Wahahtenti kati wasakoia-tenha ne rone Sefora nok sakoien okonha. Saho- tokense Moïse tsi roti, watesakotteratana wasakoi- iatenhawite tsi nonwe rotatoseraotakwe, wasako- hrori Moïse tsiniiot sakohrewaton R. Egyptronon nok tsiniiot sakoiatanonstaton sitaeronon. Waha- tsennonni nakwa Moïse rawennhonsa, wathonon- weraton R. wahowenniioste katsenen sonha. Saorhene wahatasawen Moïse tasakoiatorete rao- tiohkwa ahakwatako nahoten rotiriwaiieu ; enni- serakwekon iawet watesakoiatorete. Wahattoke Jethro tsi Moïse sotsi roiotenserakate, wahawen- hase, wahrenron : lahte ioianere tsi ethoni saie- renhaties : enniserakwekon saiote, nok oni tsi waokarawe, eso arekho te sheriwaseronnienni, tensawisenheie, iahtaskweni asatakatstate. Sata-

honsatat tsini kierha, ikehre : enhariwanonwe-
ne ne R. ; ise tensheiatorete kariwiioston aori-
wake, ensherihonnien Niio raoianerensera ; nok
noia sonha enhotiriwaientaké, sherihonten otia-
ke Sitaeronon thotiriwaiéri ronwatsanis ne R.
iahte hatiwistanoronkwa tensakotiiatorete kenni-
oriwasa iakoriwaien nok nise enskwatako iorio-
wanens. Etho nentewe akwekon eniakawerii-
entiohake, nok nise iah sotsi taseronhiaken.
Etho naharire Moïse tsini hohrori rawennhonsa.
wasakoiatarako thotiriwaiéri, wasakorihonte ta-
sakotiiatorete otiake 1 thousand, otiake 100, oti-
ake 10 otiake 50.

CHAPITRE XXI.

Les Juifs arrivent auprès du mont Sinaï.—Moyse va sur la
montagne, et redit au peuple les ordres de Dieu.—
Dieu leur fait annoncer qu'il leur donnera sa loi.—
Aspect terrible du Sinaï.—Dieu proclame par la voie
d'un ange ses 10 commandements.—Le peuple désire
que Moyse leur parle lui-même.—Promesse d'un
grand prophète.—Développement de la loi donnée à
Moïse.—Victimes offertes et alliance de Dieu avec son
peuple.

Sahahtenti Jethro, eh iaonsare tsinon thawe-
non ; nok Moïse wasakounhanne Sitaeronon isi-

non iahonne karhakon. Iahonnewe akta tsi tionte Sinaï onen tsiakahewe 4 niwasontashen 8 iawenre tsinahe thonennakerakwen Egiptke. Onontakta Sinaï wahontatosoroten. Roriwisonhonne R. ethononni asakorihowanaten raoianerensera, iawet ahaiaton raotinikonhrakon, aontonseke tiotkon aonsaiakehianane. Wahononke Moïse onontoharake iahare. Etho wahowennahronke raronhiakehronon R. rowennanotakwe, wahawenhase ne Moïse, wahrenron : Etho ionsase tsi thatiteron ne Sitaeronon, ensheienhase : Sewatkathon tsiniot kehrewaton Egiptronon ne ietsironhiakentakwe, nok tsini kwentenron tsi sewatatewenniiohon, nok oni skennen ehtakeson tesewaniatariakon, wakehron : iahte kakonte enkwanoronkwe ne nenskwatontatiheke nök enskwanikonhraieritseke, ise akwa kwaien okonha enwatan. Akwekon sane khewenniio niate ieiatotensön ; ise tenhnon akitiohkwatokenü en-sewatan, ii enskwanontioke.” Wahrenron kati raronhiakehronon : Ne ensheienhase Sitaeronon. Sahennontatsnente Moïse, wasakotkennisahate Sitaeronon ; wasakorihoktase tsini hoieren ne raronhiakehronon : “ Sewatrori, wahrenron, tsini sewanikonhroten.” Akwekon waiairon : Etho

neniakwaiere tsini honikonhroten ne R. Akwekon eniakwariwaiena tsi nensonkwatendienstense.

Wahatsennonni Moïse tsi naieiere, Sahohroriana ne raronhiakehronon. Onen nonwa R. wahawenhase Moïse, wahrenron : “ Tsi wahontontate Sitaeronon, ikehre : ise enskewennanotake nok eniesatontatiheke. Etho ionsase tsi thatiteron, iontiatawitseroharenion neniorhene nok tosa iontonweskwatanion, 3^{ton} nonwata onontoharake enkiterontake, onontakta ensewatendenronni tsi nonwe ronatoseroton, nok ensheienhase ; tosa onka teiontawenrat ; ok sa ok eniaiheie neniontawenrate.

Tsi iakahewe 3^{ton} nonta, akwekon iakorharekwe tsi neniawenne. Tsinakarakwinekenne akwa wakawere watewenninekarawanion, onontaktontie wakatsataren, iahte watonskwe aiontkatho onontoharake tsini iotsatatsanit, takatonkwinekenne wationontisonkwe, akwa watkawerakwe. Sahetho akwa iorakareni, sekon wahonhronke iakoharawaton ; tsini hotihteron ne Sitaeronon, iahte hatiiakenskwe tsinon ronatoseroton, serenkhehe wahonwatontatse Moïse, onontakta wasakonenhraseronni karo nonwe tsi rotenhenronni. Eshone kati wahonwawennahronke

ne R. waharihowanate onontoharake raoianerensera 10 nihawennake raronhiakehronon wahowennahnoton. Ontkawe tsi iowehrenhaties nok tsi teiowerakwen nok oni tsi iakohonrawats. Wahontahonsatate ne Sitaeronon, akwekon wahonhronke, wahrenron raronhiakehronon: “Ii Niio nakiatoten, ii tekawistotarision Egyptke, tosa akoren ietsiwenniiost, tosa nonwenton sewattonniseronni, tosa oni ietsisennaaien. Ii Niio nakiatoten, iah othenon te wakenoronse, akwa ikehre: aionksennaaien. Kehrewatha ne ionkenikonhraksatha, ethoni kheierha ne iahte ionkenonwes, nok senha kheiatseennonniatennis ne tia-koriwaieri, tikenha tsni kehrewatha ne iakoriwanerahakskon. 2. Tosa nonwenton takwasennaiesat. 3. Sewateweienton akwentawen. 6 nonta ensewaioteke, nok ne 7^{ton} tosa othenon sewaioten, aseken 6 niwenniserake wakiotenhon akwekon tsakateweiennisa, nok 7^{ton} iah othenon te sewakatieren ne karihonni wakeron: eniawentatokentase. Tosa sewaiotek netho nonwe, tosa oni akoiotek sewatatien okonha, sewannhatsera, sewatsenen oni.

4 Ietsikonniienstak ne ietsiienha aiawen aionnise aetsionnheke tsinonni ionwentsiio entsitsion ne R.

5 Tosa ietsiiaset nonkwe. 6 Tosa sewatene-kwaiesat.

7 Tosa sewanenskwasek. 8 Tosa ietsiiennen-wenten nonkwe.

9 Tosa sewaskaneksek aesehariwanerake ioteri-watehat.

10 Tosa sewaskaneksek akoren akowenk.”

Kawenniio waharihokten raronhiakehronon R. rowennanotakwe sekon are sakawehre nok oni saiehonwarate ; onen tsiniiot iosatatsanit onontaktontie, nok oni tkentonkwinekenskwewe ; wationontisonkwe. Tsina honateronhienten Sitaeronon, akwekon wahontaweiate tsina ronatatose-rotonkwe, etho oni warete ne Moïse. Ken ok nahe etho wahonnete rotiiianer tsi renterontakwe, wahoniron : “ Waonkwatokense tsini hoiatanehrakwat ne R. wasakwawennahronke. Arekho sane te ionkwenheion ; tokat tenhnon sekon ensesakwawennahronke, kariwatoken eniakwenheie. Tontahenron Moïse : “ Tosa sewahteronsek ; iahte haweron ne R. : ronihei. Tsini iawenhon ne ok ieken raweron : aionketsaniseke, nok tosa hetsisewanikonhraksat.” Tahoniron ne Sitaeronon : “ Ise kati nonwa tesenihtarak ne R., satontek tsi nenhaiere, nok enskwahreriseke

nok ensakwawennaieritseke.” Wahawenhase ne R. Moïse : “ Ioianere tsinikon thotiwenninekenhon, aiawens tiotkon ahonnatsehiaronhatie, ahonatonatatskonhake, etho aontakaientakwe tiotkon eniontsennonni. Sehrori nonwa tsi ronatatoseroton ionsahonne, ise kento tsiterontak ; enkonhrori tsini wakenikonhroten nok nise ensehrori. Katke ki ok enhennakerate enhotokensehake, R. enhowennanotake, hetsisewatontatihek, tokat kaneka enhonwawennonti, ok sa ok R. ensakohrewate.” Onka ne rotokense kowa wasakorharesten R. ne Sitaeronon ? Raonha wahi Jesus teshiatieren Moïse ensakoianerenseron nonkwe, ensakoriwakwatakwise Rawennioke, ronwakowanen nonkwe, sesakonerension tsi notkon iakonaskwaientakwe. Raonha sakowis nonkwe ioianerenstakwa nok aiakotontatskonhake, ahatikwenieseke ahatiriwaieritseke. Sekon sahanontarane Moïse, akwa senha otokenhon waharihotasien raoianerensera, wahrenron : “ Ensehrori : Tosa ietsinikonhraksat ne iahte sate sewawatsirotens, sewehiarann tsini ietsiierase Egiptke tsi sewanakerekwe. Tokat enietsiwistanihanion ne iakotent, tosa ietsikenrenseronni ; tosa oni aontehiaron. Tosa ietsikenrenseronni iakoterehons,

iahte iakonisen, iahte iakonistensen tsi tenhoti-
henretanion ; ii enkheiatakennha, enkwana-
kwase, ii entkennonton ne sewaniakon eniaiheie,
ne sewatatieu okonha oni iahtaiakonisentake.
Tokat sewatatekensou aiontkaraientakwe akotia-
tawit, entsiiesiion arekho tsi iatewatsothos, enion-
kwennitentase, enkheiatontatse, aseken wakatani-
tenraskon. Tosa ietsiriwakwenhas ne tehatiato-
retha, tosa ietsisenten ne ietsikowanens ; tosa
sewerhek ; etho nakiere tsiniiot nakoren ; tokat
kariwaksen tsini iakoierenhatie tsi tenietsiiaforete
nonkwe, sewatkatho kariwakwarisionsera. Sewa-
tekwennehek nonowen. Tosa sewatennhann ahon-
wasete kaneka iahte honnhiseraien : kheswens
ne iahte tkariwaierei iakoierenhaties. Ise sewate-
rihonte taietsiiaforete, tosa sewatontat othenon
aietsiion, aseken etho nentewe tenietsinikonhra-
karhatho. Tosa ietsiiaahonsatatiehek ne ionten-
nowentanions, tosa tesewaiena ne iakonkweta-
ksens iontatennowentennis, tokat aontohetste
ohahake ne raotsenen netsisewaswens iotiiatah-
tonhon, ietsiiaatenhawit tsinon henteron. Tokat
akaiaatienenne raotsenen tewahontes ne hetsise-
waswens aseken sotsi eso iokste nahoten watke-
tats, sewaienawas taontakatane.”

Wahaiaton Moïse tsinikon sakotenientense ne R. 12 nikanenhiake wahronniate akwa kanenhiowanens tsiniiot tsi iehasentakwa, wasakotken-nisahate akwekon ne Sitaeronon ahonwawenniioste ne R. 12 wasakoiatarako ratinekenteron, enskatson wahatirio teionnhonskwaron niakaa, akerat waharakwe ne R. satewasennen onekwensa nok ne satewasennen tsi iehasentakwa wahaweron, wathaiatontserakwe tsinonwe kahiatonkwe nahoten sakotenientense ne R. nok wasakorihoktase tsinikon kahiaton. Akwekon waiairon : “ Etho neniakwaiere tsini sonkwatenientense ne R.” Ethone wahrenron Moïse : Tionkenata tsiniiot kienekentonstha onekwentara ni kanekoten taieieston onekwensa tsi iehasentakwa, wahaiatonse-raren raoiotonsera, wahanekoserawe, akwekon oni watesakonekentonwe Sitaeronon, nok wahrenron : Ne watenientenste ne R. onekwensa tsi nonwa nisewariwison. Ethone akwa R. raotiohkwa onton ne Sitaeronon. Ethone oni wahonwatanonkwe ne R. Niio Ronwanio nok Ronwanontiio. Tosa ietsinakeren ietini okon kenha, tosa sewaskaneksek ne kariwaksen tsiniiot ronaskanekon. Tosa Niio tewatatonnien kaiatonnik sonha tsini hotiieren rononha, tsiniiot kaiaton wahontien

tsini hotitiohkwa taontskahon nok aiehnekihra
 nok tontahatitane ahontonwesonnion (I Cor. IV).
 Kor Rti sakohretsiaronskwe ne tiotierenton roti-
 riwiiostaon, tosa asakotinakeren ontateni okon
 kenha tsiniiot ronwatewenteton ne R. nok Niio
 wahontatonnien kaiatonnik sonha, ne nonwa
 akatroriata tsini iawenhon kennaheha roriowa-
 natonne R. 10 nihawennake onontoharake.

CHAPITRE XXII.

Moyse reçoit de Dieu les tables de la loi.—Le peuple
 Hébreu adore le veau d'or.—Moyse intercède pour
 son peuple, il descend avec Josué de la montagne,
 brise les tables de la loi, renverse le veau d'or.—
 Punition des coupables.—Rayons lumineux sur le
 visage de Moyse, il met un voile sur sa face.—Ce qui
 est signifié par les tables brisées, le voile de Moyse.

Ethone wahawenhase ne R. Moïse, wahrenon :
 Aesenontarane entkonhion tekanenhiake etho
 kahiaton akianerensera, nok ensherihonnien ne
 aoriwake nakitiohkwa. Ethone onontoharake
 wahnete Moïse nok Josué, iah sane akwa onon-
 toharake tehotitaon. Wakentsataren iahte shati-
 kenskwe Sitaeronon onontoharake. Etho 4 niwa-
 sontashen iehenterontakwe Moïse iah othenon te

hokon. Ethone wahorihonnien ne R. tsi naieiere nahonwasennaientake, tsi nenkanonsotenhake karontotseratokenti : Saserorok, wahrenron, owistanoron nok oni tsitakon kowatson ne oni akwa kaniatariios kanenhianoronson, kaientiios, kahnetakonson, ne kati ensatste nenskenonsonnien tenionaktanetake nok enienonsenhawiseke nonen tenionnatakwake. Tsionakta etho enkarontotseraientake, etho enwatake ne kaia-tonsera tsi kaia-ton tsinikon kwatenientense, etho oni nonwe enionkewennahronkhaseke : 4 nenwasitakehake tsi nenionson ne karonto nok tewasitake tsi nenwaseratie, nok ne tsionakta iontekwarakwa enkaientake enienatararakwake ne ionkewenniiostha. Wahorihonnien oni ne R. Moïse nahoten enhontseronniate ne ratitsihenstatsi nonen enhonwasennaian, tsiniiot eniontaterennaianhase tsi eniontaterihonten, nok niatekon oia kariwiiston aoriwake. Onen wahaon tekanenhiake etho kaia-ton raoianerensera raonha roiatonne ne R.

Wahotinontonke ne Sitaeaonon tsi kariwes iahte shonwakens ne Moïse. Rotitiohkowanen etho iahonnete tsi thotatoserotakwe Aaron wahonwenhase : “ Testann, takwaiatonnitseronnien tsiniiot iakotonnitseraien nakte ienakerenion,

iahte ionkwatierentare kaniiehawenon ne tsiata-
tekenha Moïse.” Tontahenron Aaron : “ Nense-
werheke etho neniawen, akwekon tasewahak ie-
tsiien okonha akotewasare okon, owistanoron
otsinekwar.” Ok sa ok wahontontate. Ok sa ok
Aaron wahawistanawenste, teionnhonskwaron
owira wahatiatonni. Sahontkatho Sitaeronon,
wahoniron : “ Ken kaien ne Sakwawenniiostha
nok ne teionkwawistotarision Egiptke.” Wahron-
ni Aaron tsiniiot tsi iehasentakwa tsi nonwe wat-
katane kaiatonnik, wakonwawenniioste kati no-
thenon sonha, wathontskahon, wakotinekihren,
nok wahontontonwesen. Wahawenhase ne R.
Moïse, wahrenron : “ Etho ionsase tsi tonatatose-
roton ne Sitaeronon, rotiriwaneren, rotiiatonni-
seronni teionnhonskwaron kenniakaa owistano-
ron otsinekwar, konwasennaiens nok konwawen-
niioston, nok ronon : Kenkaien teionkwawisto-
tarision Egiptke.” Rotahonsate Moïse nahoten
raton ne R. Wathotontsotase. Wahrenron ne R :
Tekkanere tsi rotinontsistahniron ne Sitaeronon
tosa othenon tsiron ; akwekon enkheiatatonte ;
oia enskatatitiohkwarakwase ne senha enkentio-
hkowanenhake, senha oni enionkewennarakwa-
ke, ise eniesakowanenhake. Tahenron ne Moïse :

Sewenniio, iah etho tasiere ; sasehiarann ise sheiatison ne Sitaeronon, ise oni sheiatanons-taton, eso ioriwanehrakwatenions tsini satiera-nion raotiriwake ; tosa ahoniron Egiptonon : Raweron ne R. tsi wasakoiatenha Sitaeronon akwekon ahonwentane. Sasehiaaann tsini iesase-ronnienni iakini okon kenha, Abraham, Isaak, Jakob sherharatstenni eniewatsirowannha sako-natere okon nok Kanaanke ienhonnennakerate.”

Wahonikonhrioste Moïse ne R. ; iahte sako-hrewaton ne raotiohkwa, ne ietokatha tsini iokweniatserowanen naterennaien aonsahonwa-nikonhraseronni. Tehonnontatsnente ihnene ne Josué ; wahrenon Josué : “ Wakatonte waoraka-rere tsiniiot naiakoteriiohake.” Tahenron Moïse : “ Tesaterientawenries, iahte iakoterio, ne wa-honni waorakarere tsi iakotonwesen.” Wahatka-tho ne raotiiatonnik ehneken kentskwahere, nok aktatie tehatinonniakwanions ne Sitaeronon. Tsi nahonakwen ne Moïse, ehtake wahoti ne ranen-hienhawi tsi kahiaton ne sakotenientense ne R. nok watkanenhiarine otsaronkwa onton ; ok sa ok iehatrakwe ne kaiatonnik ehtake wahoti, wa-hawistanawentste, okenra onton, ohnekake wa-hoti nok wasakotenientense ne Sitaeronon aha-

uñnekihra, ahotitokense tsi iah othenon teken ne kaiatonnik. Wahohriste ne hiatatekenha Aaron ne aoriwake tsi rotontaton ahatiriwanerake ne Sitaeronon akwa rawennasatste ne Moïse, wathohenrete, wahrenron : Kento taietann ne ionkenorokwa. Ok sa ok Levi raowatsire wathatitane. Wahrenron : Enskatson tetsiasekwarak, eh iaesewe tsi iakotatoseroton, akwekon ietsirio tsiniia-kon tensewaterane. Wahonwawennarakwe ne Moïse Levi raowatsira ; ne wenniserate 3 niwen-niawehetserashen wasakotirio, iah onka tateiakotorianeron. Ethone wahrenron Moïse : Tsiatorisen nonwa, iahtatsisewahrewate ne R. aseken takwawennarakwen. Wasakotokaten Moïse ne Sitaeronon tsini iohrewatatseratsanit ensakohrewatakwe ne R. enshontatewennarisi othenon ronwarharatstenni. Wasakonnhanne akwekon nethonaontseronni tsiniot ne iontsonnionkwa. Akwa kati wahotinikonhraksen wathonsenthoseron. Ne thotierenton ronwatsihenstatsi kowa ne Sitaeronon wahotonnhiase ne R. rawenniioston kaiatonnik. Etho kati niawenhon ne thotierenton Ariwawakon kowa Tier Rti wahotonnhiase ne Sonkwawenniio, tetsiaron onwarh ronwarharatstennihne tsi iah nonwenton tahonwatewentete, ne

ietokatha tsi iahte iesatste nonkwe niahta sakoi-enawasere ne R.

Sekon wahonitentase ne R. wasakoterennaienhase raotiohkwa, wahrenron : Kariwanerahakserowanen tsi rotiriwaneren, tenhnon sashetenr, Sewenniio ; iahta shetenrane, asksennarako tsi-nonni shesennaronnions ne sheien okonha ne shenoronkwa. Tahenron ne R. : Iahta enkhesennarako ne tiakoriwaieri, ne ok ieken enkehrewate niakoriwanerahakskon, ise Kanaanke ensheiatenhawite ne Sitaeronon, enhahente neraronhiakehronon, ensakoiatahtonte etho ienakerenion.” Wahoneken tenhnon Moïse ne R. ahotenre, akwa raonha enhoriwawase, iawet ostonha ahorihotasion tsini hoiatanehrakwat. Tahenron ne R. : “ Etho ki neniawen : otstenrokon enkonteron, ensewennahronke eniairon : Ii Niio nakiatoten, tkennontons tsi khetenras, ethone serhek : onen ok etho ike kawenniio enkatohetste, ok sa ok tenkentsataren otstenrokon nok ksonne nonkwati ienskwatkatho, ok sa ok nasiheie nakwa askwatkatho.

“ Tekarensaron kenhne tsi roterihontakwe Moïse ranenhienhawi tsinonni kahiaton Niio raoianerensera iakonnhasckwe aiontaterio ne sho-

nateriwatewaton. Israel sakotere okonha, iahte iekwenieskwe tahonwakonsakanerake Moïse tsi ni teioswathekwe rakonsake, ioteriwisonhonne sane takatane raoianerensera, to onte senha teka-rensaron tsi ronaterihonte ne sakotiiatawis nonkwe ne Rotkon Rti." (II. Cor. III. 7, 8). Tsi ehni hawennotenhne Kor Rti, sasakawehiarakwenniskwe rotiriwiioston tsini ioriwanehrakwat tsini iawenhon sontahonontatsnente Moïse, ne nonwa katroriatane. Wahawenhase ne R. Moïse : " Satennbann aienenhiaseronni tekanenhiake tsiniiiohtonne ne tesahriton, entesenenhiawi karon-to ensarakonhatie nok akwa ensateweienton, sakariwat enkiaton ne wakiatonkwe, nok ensatokense tsini wakenikonhroten, eniorhene ense-nontarane nok tentenihtaren, kawenniiio onotoharake wathatane Moïse, oksa ok warawe ne R. otsatokon. Wahatsanike ne Moïse, nok Rawenniiioke wahatennikonhrontiette, onwentsiake wahatiskwentaren, nok wahrenron : " Sewenniiio, tokat askiateweienton, tosa takwaiatonti tsi eniakweseke, onkeriwanoronseheke iahtasiatarake, aseken Sitaeronon rotinontsistahniron, tiotkon ronteraiakwa othenon akiron : serakef nakoriwanerahaksera, aiawen sentiohkwa akenhake tsi-

nenwe.” Rontons rotiiatatokentison : Raonha ne Nii Roienha wahotianeronkwen ethone ne Moïse, ne sahaiatat ne ohnaken onkwe rotonhon.

Onen 2^{ton} 4 niwasontashen tsinahe thenteron ne Moïse onontoharake, iah othenon te hokon tsinikariwes. Wahaiaton ne R. onenhiake tsini sakenientense, wahrenron : “ Onen sehhorianana ne Sitaeronon tsini wakenikonhroten, nok ensiaton oriwakwekon tsini wakieren.” Tahatsnente ne Moïse ranenhienhawi ; wahonateronhienten ne Sitaeronon, kawenniiio wahonwatkatho ne Moïse, aseken rakonkwarake teioswathekwe tsiniiot naiotsatanionke, niakwe wathatitane Aaron nok rotiianer, ostonha tontahonkkete, wahonteko ne Sitaeronon, iahte hoterientarakwe ne Moïse tsi nahoten karihonni wahonwatsaniseke (iahte hotoken tsi teioswathe rakonkwarake). Tasakononke Aaron nok ne rotiianer, wahrenron : Ne ok kariwiiio kerihwenhawi, nok ostonha kariwes wathatitaren. Ethone wahontkawe ne Sitaeronon tsi ronwatsaniskwe, nok raiatakta wahontkennis. Wasakohrori tsini iawenhon onontoharake. Kawenniiio wahattoke ne ietsanis Sitaeron tsi teioswathe rakonkwarake, ok sa ok ahare naho-

ten wahatkonsoroke, tikenha kati tsina tetsiote-ronronte. Tsinikon enhataweiata tsinonni rowen-nisakskwe ne R. wahakonsororoksi nok tsinikon kanenrakwekon wasakotati, sekon sahotkonso-roroke. Ne watenientenstakon tsi ehnihaierha-kwe tsi Sitaeronon iawet tenhatitkahrannhaste tosa ahonwaienterene nensesakoskontako nonkwe tsi iawet teiakoronwekskwe ne tosa aieriwaien-tereseke tsi rononha sakotitonhakwe tsini hotia-tonserisahannhon rotitokensehakwe tsi ienkahe-we enhonwario nensesakoskontako. Tsi tehohri-hon Moïse ne 1^{ton} ronenhienhawihne, watenien-tenstakon tsi iah tiiaontkontakwe enkaianerense-raientake ne *kaianerenserakaion* konwaiats, tsi ensakaon Jesus nonkwe *kaianerenserase*. Nok tsi Moïse wahotkonsaroroke, watenientenstakon tsi kentiohkowanen Sitaeronon notkon iawet tenia-kotkahrannhaste tosa ahotinikonhraitane na-hoten Jesus ensakorihonnien. Ethone, wahrenron Kor Rti, tenhatironweksi nonen enshonwaiente-rene Jesus nensewatowentsiarisionhe.

CHAPITRE XXIII.

Générosité du peuple pour aider à la construction du tabernacle.—Description des parties qui le composent.
—L'arche d'alliance, figure de l'église de J.-C.—
Aaron est établi grand prêtre.—Fonctions des prêtres et des Lévites, 3 sortes de sacrifices, sens des sacrifices anciens, office des Lévites, leur part de la terre promise.—Année sabbatique, année du jubilé, ce qu'il signifie.

Wasakotkennisahate Moïse ne Sitaeronon, wasakonnhanne ahonati tsinikon rotiientakwe ne kanoron, wahonwanonsonnien ne R. aiakonniatie oni nahoten enhontseronniatie ne R. enhonwawennenhawake nok niatekon enhonwasennaientakwe ne R. Kanenrakwekon wahontataskennen, akwa wahontsennonni niatekon ahonati, tehatihawi atewasare owistanoron otsinekwar tsitakonkawatson, kaniatariios, kanenhianoronson, kaientiiios, kahnetakonson, ennisnonsawit, iahta tehotinonhianihekon, wahatennhanne kati Moïse saiatat ahariowanate ahenron : Sewatka aesewati, onen iatekaieri. R. sakoiiatarakwenne tehnhase Besiel nok Ooliab ronwatiatskwe, sakotokhatserawi ahatiweientehtane niatekon aho-

nonni ne kanoron. Rononha rontsteristakwe oriwakwekon ne rotiiotekwe rotitiohkowanen ronwatiwennarakwakwe.

Onen tsioserat tsiakahewe tsinahe shonenna-kerakwen Sitaeronon Egiptke, ethone onen akwekon wahatiweiennentane. Teskiatieren ne atoserowanen nene rononsonnienni Moïse ne R. watonskwe aienonsonhawiseke ka ok nonwe aienseke Sitaeronon, iawet teionaktanetake atoserakon ioniatarentonkwe akwa iken kaniatariio, kaniataranoron akta tsinon akwa kanaktanoron skatiah akwa kanaktowanen teken, skati kanaktowanen. Tsinonni kennikanaktaa, akwa iken kanaktatokenti konwaiatskwe, kanaktanoron, karontotseraientakwe, akwa iken karontotseratokenti konwaiats, iawet owistanoron otsinekwar iotiatawitonne. Etho wahanenhiaton Moïse tekanenhiake etho kahiaton nahoten R. sakotenientense 10 nihawennake, nok oni akeratne watakwe ne kakwanoron sakonontenne R. Sitaeronon karhakon tsi ronneskwe. Ehneken tsi ierontotseroroktha ihnete tehnironhiakehronon raotinerenhentsa rotirhorokton. Ethononni tsi ihnete tehnironhiakehronon iawetowanen ronwawennahronkhaskwe ne R. sakohroriskwe oni Sitaeronon othenon kariwanoron tsi nahatiiere.

Tsi nonkwah iah etho te kanaktanoron senha kanaktowanen, wahariwisa ne R. aienataren 12 nikanatarake ronatieskwe ne Sitaeronon otesera, kenhie oni nenhienataronniatake, ratinataronniskwe ne Levites nok ne ratitsihenstatsi ononsatokenlike iehatienskwe, niate ioiaiakserake oia tsienataraherhakwe, ratitsihenstatsi ronnekskwe. Etho oni watakwe ohasera owistanoron otsinekwar 7 nateionnhatoken akwa iken wenhieniio rontewentetakwe ne Sitaeronon. Etho oni ratihnethatsahatakwe nakwa iken kahnetanoron wenserakhon.

Atste nonkwati karo tsi iontaweiatakwa tsi kanonsote etho tkaientakwe iawet tsi iehasentakwa karistatsi nahoten, etho natakwe ne katseenen sonha ronwawenniiostakwe ne R. nok kenioreha iohnawerotakwe etho rontsiohareskwe ne ratitsihenstatsi kanonsaktatie kanawaatotonkwe karistatsi nahoten ioniatarentonkwe oniataraa sonha kaniataranoron. Moïse wahaterennaienhase kanonsa nok tsinikon itewat kanonskon, wahawenhienarho wenhienatokeniti. Sahaweiennentane wakentsataren ne iawet wasakotokatwe R. tsi etho renteron nok tsi wahariwanonwene, iahte shakwenieskwe Moïse iahataweiate.

Arekho tsi honwanonsonnienni ne R. watonskwe ka ok nonwe ahonwanenniiostake ne R. Tsinahé thonwanonsonnienni, iahte iotonhon nakte nonwe. Ienonsenhawiskwe tsini kariwes tehontstekafaskwe Sitaeronon, ne watenientens-takon tsi ne enhatiiatarake Jesus raotiohkwatokentike iawet tehontstekafas tsi iiens onwentsia-ksenke. Ohnaken nonen Sitaeronon enhatiwen-niioke ionwentsiio, R. sakorharatstennihne iah-taienonsenhawiseke, aseken enhatinonsatake ka-nonsowanen kanonsiio ononsatokenti, ne enwa-tenientenstakonhake tsi skentiohkwat enkenhake Jesus raotiohkwatokenti tsini kentiohkwiiio, tsini iotiohkwahniron. Ne ok teskiatieren tsini kanon-sotakwe raotinonsa Sitaeronon tsi ionkwanonsote ononsatokenti. Iawet asen naionaktanetake, 1^{on} akwa iken kanaktanoron tsi iehasentakwa, etho ronwawenniiostha ne R. ne aonhaa kanoron Jesus raieronke nok raonekwensa ne 2^{on} kanak-tanoron tsinonni ronnete ratitsihenstatsi sakoti-haserawase; onen 3^{ton} kanonskon ieteron nokti-kawenniio nonkwe. Tewakonniienstak kati R. raononsa; tewatonnhakanonni tsinikon entewa-taweiate, aetewerheke. teiotenonhianiton tsi te-wenteron; akwa Niio rononsote nok kannhoka-ronthe karonhiake.

Tosa onka aiontatsennowanate nakaonha, ne ok aiakoterihontake ne R. sakoatarakwen tsini hoiatarakwen Aaron. (Hebr. v. 4.)

Wasakotkennisahate Moïse Sitaeronon okon akta tsi rononsonnienni ne R. nok wasakohrori tsi R. sakoatarakwen Aaron ratsihenstatsi kowa aha-ton, nok ne sakoien okonha ratitsihenstatsi kowa akenhake tsinenwe. Wahatseronniate Aaron atia-tawitseranoron akwa iken kenraken rotiatannhen oronhia nahoten, rahawe raontskwenake tsinonni ratisennaronnions 12 nihotitiohkwake Sitaeronon, akwa kanoron oni raononwarore etho kahiaton : Roiatatokenti Rawenniio. Moïse wasakoterennaiahase, wasakawenhienarhon wenhienatokenti, nok oni wahaweron : katsenen sonha aotinekwenasa. Wasakorihonnien nahoten enhonterihontake, ne ki wahi aiehnekaweron ne kenhie ionthaserotakwake, eniotekhake onwe asonthenne entiekehne oni ahatihnetatsahatakwe kahneta-noronson wenserakhon akta tsinon ronwanonsonnienni ne R. ahatinataraherhen niate ioiaia-serake. Ne Levi raowatsire ronaterihontakwe aienonsenhawi ononsatokenti tsinikon tehontstekafaskwe. Aaron nok sakoien okonha kowanen ronaterihontakwe akonwanawenthokatsenen son-

ha ronwawenniiostakwe ne R. lahte ioteriwisonhonne tsi ok nikanaskoten ahonwaienhase ne R., ne ok ieken ne teionnhonskwaron, teiotinakarontonha nok noia sonha. Tsi konwarioskwe ratsihenstatsi katsetakon ratirorokskwe aonekwensa ronweronskwe atekwaratserakta, onen ratsisahatakwe, watsaskwe ne katsenen kenh, arens akwekon, arens ashennen. Tsinikon akwekon watsaskwe, iawet senha kariwanoron, iawet ieriwaientereskwe tsi R. thennontons tsi iakionne, tsi iahta tei-tonwentsioni nonkwawenk sonha, arens tsi konwanawenthos katsenen tehonwanonweratontakwe ne R. othenon sakotenron, arens oni ronwanekenniskwe; ethone ne awenhiena, aontskwenake, aonensa ne katsenen ronwawiskwe ratsihenstatsi nok noia raowenk kenne ne rowenniiostakwe. Arens tsi katsenen konwanawenthoskwe ienientakwe taonsonteriwaserakwate tsi iakoriwaneren, ethone kati, karo ahahnekaweron ratsihenstatsi aonekwensa ne katsenen atekwaraserakta iahasnonsowe aonekwensake, nok kennihaierhakwe tsi teiotiosate atekwarak.

Ne watenientenstakonne tsi ienkahewe Niio Roienha tensakonekwensarise nonkwe. Roieriton

ne Sonkwawenniio nahoten tiotenientenston kai-
anerenserakaion tsi rotatatewenteton tekaiasonte-
ke nok tsi roson tsi iehasens.

Rerhakwe ne R. : ii enionkenontioke Sitaero-
non nonen Kanaanke ienhonennakerate. Tiotkon
sane raiatatoken ne sakotsteristakwe, ok ne rati-
kowanens tehatiatoetakwe, saiatat ne ratsihens-
tatsi kowa ratsteristakwe kariwiioston. 12 nati-
oiake tsini ionwentsiaskwe ne Kanaan. Tsinikon
skentiohkwat kawenniiokwe, iahte watonskwe
tikentiohkwate eniehuinon. Akwekon iakosken-
rakehtetakwe kawenniio iahte iakoterio akwe-
kon niatekon iakoiotekwe. Raowatsira ne Levi
ne wahatatitiohkwase ne R. ahontsteristake ne
kariwiioston Aaron nok sakoien okonha ratitsi-
henstatsi ahontonseke tsinenwe, nok ne Levites
ahatinnhohanonnhake tahatiriwakwake oni. 48
nikanatake ahatiwenniioke nok aktontieson aho-
nonwentsiaientake ne 10^{ton} tsini iakoienthoskwe
ne neniakoientokohaton enskat iahonwanawis-
kwe ne ratitsihenstatsi, nok oni ne katsenen
okon. Ethoni hokwatakwen ne R. kariwes aho-
nonwentsiaientake ne Kanaan. Nok oni roriwi-
son ne R. 6 nioserake enieienthoseke nok 7^{ton}
enwatorisen onwentsia nok ne wakennhate en-

kanio, iakotent okonha eniakowenhake ne oni wakennhate akwekon enierihoktake ne sakotenientense ne R. Wahariwisa oni ne R. 5 nioserashen tsi nahonterontake oseratokenti akenhake. Tsinikon ienskahewe 5 nioserasken ioteriwisonhonne tsiniiakon iennhotonnionskwe aiontatewennio nok oni ne ienaskwa kenhne aonsaiontnerensi tsinikon iakotenhninonne nakaonwentsia kenha sakowiskwe oni ne R. aontonni ieienthioskwe, aseken ne 1^{ton} teioserake tsinikon aiakoioiten nok nethone tsoriwat ok tsini kariwes tsinikon aiakotehiaronhase. Ne aoriwa wahariwisa ne R. aonsasakawehiarakwen tsini hotiatawenhonne Egiptke tsi tienakerekwe satehonwatiwistotarisi ratinaskwa kenhne.

Senha kanoron tsi nonwa iakowis Kentiohkwa-tokenti wenniseranorons oseratokenti konwaiats : ethone entsiontnerensi niakoriwanerahakskonne notkonseraksen iakonaskwaientakwe ; entsiontatewennio, entsieiena tsinikon iakokwennihne ne kariwaneren enwatkaroktakwe oni ne iakotkaroktakwe Rawennioke.

CHAPITRE XXIV.

Les 4 grandes fêtes des Juifs, celles de Pâques, de la Pentecôte, des tabernacles, du grand pardon.—Punition de Nadab et d'Abiu, d'un blasphémateur et d'un vio- lateur du jour du sabbat.—Recensement des Juifs.— Usages et significations de la trompette.—Révolte des Juifs punie par le feu.— Dans une seconde révolte ils demandent de la viande et en obtiennent à satiété. —70 hommes choisis pour aider Moïse à gouverner le peuple.

Wahariwisa oni ne R. aiakawentatokentase 7^{ton} nonta tsini ioiaiakseratson, nok tikate wahawen- tisa wentanoronson tsini ioseres, ne 1^{ton} kenkwitehne. Iontohetstakwa konwaiats tiotasawakwe 14^{ton} nonta wentakta saokarawe konwaiatskwe tsi iewatsiraientons teiotinakarontonha 7 nonta wentanoronkwe, ethoni kariwes ienatarakskwe ne iahte wattonkkwahton, ne tsiakawehiarak- wenniskwe tsi R. sesakonerension tsi ratinaskwa kenhne Egiptke, 5 niwasontashen tsinahe ioto- hetston, iakawentatokentasehakwe aiekehia- kwake tsi ethone ni kahawiskwe R. wasakoriho- wanatennihne onontoharake raoianerensera 10 nihawennake. Onen kanennakehne, iakawenta-

tokensehakwe tsinaonteneratonnaite konwaiats, aseken ioteriwisonhonne 7 nonta tsini kariwes atoserakon ahononnheke. Tokat oni nahonteneratonnaite nethone, ne iawet tsiakawehiarakweniskwe tsi atoserakon thatinakerekwe arekho tsi honataweiaton raononwentsiake Kanaan.

Wisk nonta karo wentanoron tsinaonteneratonnaite konwaiats iakawentatokenfasehakwe ne tsiontatrewatakwakowa honwaiats. Ne ok wenniserate iakawentontietakwe enskat ne tsioserat ne ratsihenstatsi kowa rataweiatakwe tsinon akwa kanaktanoron Niio tsi rononsote taonsahariwaserakwate tsi iakoriwaneren kanenrakwekon. 1^{ton} rarioskwe teionnhonskwaron owira wahataweiate tsinonni kanaktanoron rahawe teieienkwarentonstha, ohneta sonha ikare oni katsetakon aonekwensa katsenen kenha konwariohne wahoiti ohneta wenserakhonson tsinonni iotekha. Skaiatat kaiatakeras rarioskwe, oia tenhnon ne kaiatakeras iahte harioskwe nennee, wahanisnonsaherhase kanontsine, rarihoktakwe raotiohkwa akoriwanerahaksera, onen akte sakonwaiatenhawite tsi thonatatoserotonkwe nok skonwaiatinekenskwewe. Kor Rti sonkwarihonnienni tsini iawenskwewe nethone, ne watenientenstakon

tsini hoieren Jesus rotketaton nonkwe akoriw-
nerahaksera, ronwario tsi thonekwensarihon ne
raonekwensatokenti ; iah katsenen sonha aotine-
kwensa te ken roieraton tsi sesakonnhotonkwenni
nonkwe ne karonhiake tsinon akwa kanaktano-
ron, shorakewen iahte kakonte nonkwe akoriwa-
nerahaksera. Arens sakotokatenni ne Sitaeronon
tsini hariwaswens aiekenhronni raoinerensera, sa-
kohrewaton nonkwe sonha teshonateriwatewaton.
Roriwisonhonne ne R. tiotkon aiotekhake onon-
satokentike, otiake ratitsihenstatsi ronaterihonta-
kwe tosa aonswa nehnakatsiroten. Ioteriwison-
honne ne ahontekatakwe ne teieienkwarentonstha
tsi nonni iesahatakwe kahnetanoronson. Nadab
nok Abiu Aaron sakoien okonha wahnere : aia-
keninethatsahate ononsatokentike ne watnitsira-
kwe akte nonwe ne iahte waterennaienni. Ok sa
ok takatsirinekenne tsi iehasentakwa, ne waho-
tirio iathotikontakwe, iahte iotson raonatiatawit.
Moïse wahawenhase Aaron : “ Kenni hawenno-
ten ne R : Enionksennatokentiste ne enionkiato-
renne nok kanenrakwekon enionksennowanate.”
Aaron iah othenon te howennaton, inon aheren
wahonwatiataten Nadab nok Abiu wahrenron
Moïse : Tosa ietsiatstarase.

Kennaheha tehniase wathiateriwakenni, nok saiatat wahosennowanate ne R. kanakwensera-
kon. Wahonwaiena, wathonwataste nethoni hoi-
eren tsi thenteron Moïse. Wahrenron : “ Niare
ahonwannhoton nok enhiwennisake ne R.” Wa-
hawenhase R. Moïse, wahrenron : akte ronwaia-
tenhawit nethoni hoieren tsinonni sewatatosero-
ton, tsiniiakon ronaton tsi rosennaiesaton ne R.
ahonwanenhiohiake. Ethoni hoiatawenhon saia-
tat ne ronkwe raientoronkwaskwe Niio rawenni-
serake, wahatennhanne R. ahonwanenhioiake
ahrenheie, aseken rotenniseratiesaton Niio ra-
wennisera.

Onen iotohetston tsioserat tsinahe Sitaeronon
tehonatatoserotonkwe onontakta Sinaï, onen rona-
tateweiennentahon isinon iahonne ; ronwanon-
sonniennihne ne R. ronaton tsi R. roriowanaton
raoianerensera. Wahonnhanne ne R. Moïse aon-
tahasete tsiniiakon Sitaeronon 6 tewenniaawe ni-
tewenniawetserashen nikentiohkwaskwe rotis-
kenrakehte, tikate tsionathonwisen, eksa okonha
nok akoksten okonha, iah ne te wahasete, iahoni
Levi raowatsire 23,000 nennee, akwekon kati
tsini hotitioh kwa isinon 3 millions, nok tsini roti-
naskwakatekwe arahonne 72 thousand iotakwa-

rision tsi tehonatastoserotonkwe. Raonha ne R. thennontonskwe katke enhonhtenti, ka nonwe oni tenhatitane. Wahariwisa ne R. satewasennen tsi thonatatoseroton enkaientake ononsatokenti, wahrenron : Tekeni eniehonrawate. Kawenniio eniehonrawate ostonha ne enwatenientenstakonhake akwekon eniontkennisa akenonsaktatie, nok enskat ok eniehonrawate enwatenientenstakonhake ne ok ne rotiiāner etho ienhonnete. Kawenniio enwentanoronsere, eniehonrawate oni ; nok tsi ensewateriosere oni eniehonrawate tsinahe ensewe onen ensewahtentionhe tetsiaron teniehonrawate enkariweson nok eniosatsteke.

Onen kati wahonhtenti ne Sitaeronon ne wakahente R. raononsa ratinonsenhawi iakorakwawerhostha entiekehne tsi iotsatare, ethoni ioh-tonne entiekehne tsiniiot kentsatsiio nok asonthenne, akwa teioswathekwe.

Ok onen tsiniiot sakonontens ne R. iakonnhekon. Arekho 3 tehononwetsion, wathotiwisenheie, wahontewennaksatanion kati. Wasakohrewate kati ne R. karonhiake tontsnente otsire wakorio ne iontewennaksatanionskwe, eso ne ohnaken ronne wahonwentane. Akwa wahatitsanike tsi naawenne. Wahonwaneken Moïse naho-

nitentase ne R. ; etho nahaiere nok onswa otsire. Kawenniiio waokarawe, watkatane tsi iotsataraties nok wahontatoserotonnion. Ethone kati sahontewennaksatanion, wahontstaronnion, iontonnions. Akwa ionkwawarakatekwe Egiptke nok oni ne kentsionk iahte kanoronkwe kanennonseranake-rekwe oni niate kanonhonserake nok oni niate kanensake. Kawenniiio saiakwehiarane akwa tsi-akwannhatens niatekon nonwa iakwaiewas, ne ok aonhaa nonwa ionkwaïen ne karonhiake tewasens. Iawet wahonakwate ne R., iah oni te iotonhon ne Moïse iahta tahoteriatikhonhon, wahawenhase ne R. : Iah kentsatkawë, Sewenniiio, tsi takeronhiakentha ? iah ken nonwenton taskwatontatse ? tiotkon ken enkatsteristake ne kentiohkowanen ? Oh nenkiere akhenonte tsi iontons : Takwawaranont ? Onen onkenoronse, sotsi wakeronhiaken, nenserheke : tiotkon sakotsteristak, onwa ok enkiheie, onen ikswens tsi konnhe. Wahotenre ne R. Moïse tsina honikonhranonwaks, wahrenron : Iahta kehrewate Sitaeronon ne tsi ionkenikonhraksaton nok oni nise iesanikonhraksaton, iah oni te kehre : tiotkon ken sonhaa ensheiatsteristake. 70 ne rotiksten okonha sheiatarako ne thotiriwaiëri, ronttokhas, sheiatkenni-

sahat akenonsakta nok he sheiatenhawit, etho nonwe enkehrori tsini wakenikonhroten, tenkheswateten, iawet rotitokense enhonton, eniesaienawase, asheiatsteristake kanenrakwekon. Kenkaien nonwa ensheienhase ne Sitaeronon, ensiron : Rawenhatie ne R. : Wakatontekwe tsi sewatewennaksatanionskwe, sewatonhakwe : Onka entionkiwaron neniakionnhekonhake ? Eniorhene ensewaientakwe ne sewaskanekskwe, Sewennitat tsinenkariweshon ensewawarake, nok tsi neniawetowanenhake ensewaswataniheke, aseken hetsisewaiatontion netsisewawenniio, seweron senha ionkwatsennonnihne Egiptke, Sahetho ionkinaskwaientakwe.”

Moïse wahawenhase ne R. : “ Oh naiawen sewennitat tsini kariwes ahatiwarake 600 niwenni awehetserashen tsini hotitiohkwa rotiskenrakehte, saheto akwekon aiakwario nonkwatsenen okon, sekon ontaionkwatoktase.” Tahenron ne R. : “ Satennowentha ken tsi iah othenon te wakenoronse ? onwa tsi ok ensatkatho etho neniawen.”

Wasakohrori Moïse ne Sitaeronon tsini hoieren ne R. 70 wasakotkennisahate ne rotiianer, wasakoiatenhawite tsi kannhokaronte R. raononsa. Ethone otsatokon tahatsnente ne R. wahrenron :

Watekheswateten ne ken ratiteron, rotiiāner tsina tehiswatetenni Moïse, aiawen asakonatsteriste ne Sitaeronon. Wahonwahrōri ne Moïse tsi tehniase ne sakoiatarakwenne iahte thonenon raonōnsakta ne R. tenhnon senha ok wahonttoke nonkwe tsi senha sakonikhrowanaton ne R. tsiniiot noia. Iawet wāhonakwen ne Josue, wāhawenhase Moïse ; ioianere ashennhe. Tahenron ne Moïse : Watesaterientawenrie, tkariwaiēri ok eken asas-kanekseke akwekon netho nahatīiatotēnhake !

Ne wenniserate wātkawerakwe, akwa iawetowanen wākonnewe ne tsitenha tsiniiot ne tawis-tawis tsi tehonatastosēroton Sitaeronon wātkontitane. Akwa wāhontsennonni. Akaonha okti iewenniio tsina konwatīienahaton. Enskat wāontorisentako ne ok kennikonha iakoientakwe, 10 nikakontserake iakonanonne. Eso ne iakotewen-naksatanionne wākoriohte tsi sotsi wāhatiwarake netho takaiēntakwe wākonwanatonkwe netho nonwe Tsi nonwa iontatīiataten ne iakaoreskwe.

CHAPITRE XXV.

Jalousie d'Aaron et de Marie contre Moïse, son châtiment.

Explorateurs envoyés dans la terre promise.—La description qu'ils en font excite la crainte et le soulèvement du peuple.—Caleb et Josué les rassurent.—Dieu se plaint de l'incrédulité des Juifs et exclut les incrédules de la terre promise.—Ils veulent aller en guerre contre l'ordre de Dieu et sont défaits par les Amalécites.

Aaron nok Wari Moïse rontatekenha wahninosa tsi roterihonte, wahniron : “ Katiken raonhatsiwa Moïse tehnitarha ne R. ? Iah ken ii oni sakeniwennahronken ? ” Ronikonhriihone Moïse ; iahte honakwenhon, ne R. tenhnon wasakononkse Aaron nok Wari, tahatsnente otsatokon akta tsi rononsote, wasakawenhase, wahrenron : “ Tsiatahonsatat tsiaterientarak akwa thoriwaieri ne Moïse, tiotkon teiakenihtarha, tosa kati ohnaken senerhek : Senha iakiatanoron, tosa hetsiseninikonhraksat.

Kanoron tenhnon tsi naawenne, ok sa ok wanonaseraske Wari kaiatakwekon. Moïse wahonitentase ne R. aonsahatsiente. Iahte haweron ne R. : oksa enhiatontatse ; wahannhanne Wari 7

nonta aoutasete aontiatohtarho tsi ionkwehne, inonha iawet tsi tehonatatoseroton, iawet taonsa-kariwaserako tsini ioieren. Ne ietokatha tsini hariwaswens ne R. ahonwatikenhron ne ronwawennenhawe sakonnhaon aontaterihonnien nonkwe, rawen : Tosa othenon ietsiierh ne ionkewennenhawe nonwentsiake, tosa ietsiriwakwennihek ne khennhas, aseken entekhennhe othenon aietsiierase ne sakat kkahrake enionkkarewete.

Onen are ohenton tonsakatane ne iotsatare wathonhtenti ne Sitaeronon isinon iahonne. Wahonnhanne ne R. Moïse 12 nihati asakoiatarako ahon-tonwentsiatkensera ne sakorharatstennihne Sitaeronon aonsakaonwentsion, ahatikahenhion, tsini kentiohkwa etho ratiteron, tsini kanatotens nok tsini hatisatste ahonterio.

4 niwasontashen tsini kariwes wathontskafwa nahononwentsiakensera, sonsahonnewe niate wahiake ronhienhawinonties. Akwa wahios nok oni onenhare serenkhone tehniase hnihawi. Kawenniiio wahonnewe, oksa ok wahontkennisa Sitaeronon tsinonwe hniterontakwe Moïse nok Aaron, wahontrori nahoten ronatkathon, wasakotinationhase tsini wahios ronhienhawinontie nok wahoniron : Ne wesewatokenste tsini iaon-

wentsiio, iahte takonowenton tsi iakawen : Akwa kahnontanakere nok ne otsikehta. Akwa aetewatsennonni naonton aetewatatewenniioste etho nonwe, iah tenhnon te watiesen etho naiawenne, niare akwa enwaterioserowannha, akwa iotena-takate ne ionatatsanitenions, akwa rotitsanit nok ratisatste netho ratinakerenion, otiake teiotenon-hianiton tsinihatihnenhiesons, oktiwakwekon rati-hahanonne, iah taonton ethoni iaïen.” Wahotikonhrokte ne Sitaeronon tsi nahatiiere, wahontontate nahoten rontons, wathonsenthoseron, wathotihenretanion. Wahatenienten Moïse asakonikonhraseronni : Sewehiarak, wahrenron, tsini hoieren ne R. sasewennakerako Egiptke, tsini iawenhon ioriwanehrakwatenions, karhakon tsi iseweskwe. Sewarharek iahtatsisewatewentete, tosa sewahteron. Kaleb nok Josue etho iehone-nonne wahiatenienten asakotinikonhraseronni ; wahniron : Hetsisewaniahesen ne R. iah othenon te honoronse, etho iatensewatane, ok sa ok enionteko ne ienakerenion ; ok eken tewatenienten nok entewawenniione hetsisewakowanen ne R. ok sa entewatesenni. Iahte iotonhon aonsahotikonhriïohon ne Sitaeronon, ok eken senha wathotihenretanion, wahniron : Saheto ionwen-

tsiio, aiakwenheie etho aiakwennakerate netho
ratinakerenion, tenionkiaskwaserakwanion tsi-
niiot notsinonwa.” Wahrere Kaleb : oktioriwa-
kon naonktarake, onen tsi iekara. Senha wa-
hontewennaksatanion, wahonwatiriwasten Moïse
nok Aaron tsinahotiiatawen, wahonnehre : onen-
hia aiakientanion Kaleb nok Josué sateiot nonwa
aionkirio, iahte iakwehre etho iaiakwe Kanaanke.
Nahoten kasta atsitewawennarakwe netsitewaho-
wanen ? oia ietiiatarako aonsaionkiialsteriste nok
Egiptke ietittewe.

Ethone otsire onton notsata, kawenniio wa-
hontkatho okta tionreni, nok wahonitentasere
ne R. ne Moïse. Tahawenninekenne R. otsatokon,
wahrenron : “ To nenwe enionksentenniheke ne
Sitaeronon ? to nenwe eniontennowentanion ?
Iakotkathon sane tsini wakatieranion ioriwane-
hrakwatanions, onen ikehre akehrewate enkann-
ratarineseke ionnratsanit enhotiriohte. Tosa ten-
hnon setsanik, Moïse, ikehre tekentiohkwate en-
sesheiatsteriste, ise eniesakowanenhake. Ok sa
ok wahonenheie 10 nihati ne ronatonwentsiaken-
seronne, iah tenhnon te honenheion Kaleb nok
Josue.

Moïse wahonitentase ne R : “ Shetenr, wa-

henron, Shetenr, sewenniio, sentiohkwa tsini sathanitenraskonkowa, tosa aïesenhase Egiptonon nok iahte iesaienteri, tosa aiairon : sakoiatahtonten karhakon; aseken iahte hokwenion asakoia-tinionte tsinononwentsiio sakorharatstennihne.” Tahenron ne R. wakatontate sonkenikonhrentsini hotiieren ne Sitaeronon, aseken takenekenni, tenhnon akwa tokenske konhrori, nonwentsiakwekon eniakotokense tsini wakiatanehrakwat. Tsiniiakon iakotkathon ioriwanehrakwatenions tsini wakatieren Egiptke nok karhakon, nok niahte ionkewennarakwen, 10 iotkararenkwaton ronatewennaksatanion, iahtaionnakerate Kanaanke ; kenkaïen ensheïenhase : TsinitSION 20 nok isinon tetsiakaoseriiakonhonne sasewennakerako Egiptke kento karhakon ensewenheie ; iah etho tahotiiatawen Kaleb nok Josue, aseken thotiriwaieri nok ionkewennarakwen. Etho tenhnon enkheiatinionte ne sewatatien okonha 4 nioserashen kento enhonneseke tsiniïore akwekon aesewenheie etho nenkheierase ne iakotewennaksatanion.”

Akwa wahotinikonhraksen ne Sitaeronon tsasakawenhase ne Moïse, akwa wahontstaren. Ethone otiake wahoniron : Ne enionkwastonte

akwekon aetewenheie tsi ionkwatsanikon, oia nonwa ni tewaiierh ; ietewaterio Kanaanke Orhonketsi wahontketsko. Wahonwahreri ne Moïse tsini hotinikonhroten, wahoniron : Ionkwariwannhikon, tenhnon iakwehre nonwa eh iaiakwe aiakwanonterane nak aiakwaterio Arnalekronon,” Wahannhe kati ne Moïse, wahrenron : “ Ohni sewatierane, tewatateken ? iahtatsisewariwawase ne R., entsisewatewentete, aseken iahtatsisewawennarakwen.” Oriwakon tsi nahaiere Moïse. Senha ok etho wahonnete tsi ratiteron Amalekronon. Oktioriwakon, wahatinenra-seronni ; Amalekronon wahonwatisenni Sitaeronon nok eso wahonwatirio. Akwa wahotinikonhraksen ne Sitaeronon, wahonwennitentase ne R. aiawen iahonennakerate Kanaanke iahte sakotontati ne R. Etho nieiatotens nonkwe, ietsanis onen aonton iahtaietsaniseke nok iahte tsietsanisonen tkariwaieri aietsaniseke, iontahonsatats othenon ahoniron rononkwetaksens, iahte iontahonsatats othenon ahoniron R. ronwawennenhawe.

CHAPITRE XXVI.

Coré, Dathan et Abiron se révoltent contre Moïse, ils sont engloutis vivants dans les enfers.—14,000 hommes tués par le feu.—La verge d'Aaron fleurit.—Arrivée près de la terre promise, manque d'eau.—Moïse par défiance frappe deux fois le rocher, il est puni pour cette faute.—Mort d'Aaron.—Les Iduméens s'opposent au passage des Juifs.—Révolte punie par l'émoi de serpents de feu dont les morsures sont guéries par la vue du serpent d'airain, qui est la figure de J.-C. en croix.

Kore ronwaiatskwe saiatat Levite nahaiatoten hiatatenonkwe Moïse. Tsini hatatkonnienstakwe wahanosa tsi ronwatiatarakwen Moïse nok Aaron, wahrere : ii sekstsihenstatsi howa akaton. Tahontenrowe Dathan nok Abiron, nok oni 250 wahoniron : Oktahennontonhon Aaron tsi ratsi-henstatsi iotonhon, nok Moïse rariwasatste tsi sakotsteristha. Kore wasakawenhase Moïse nok Aaron, wahrenron : Ioriwanehrakwat ise Moïse, nok tsiatatekenha Aaron senonhaa ietsikowanen ne Sitaeronon, raonha ne R. ronwakowanen, nahoten karihonni ethoni seniierha? Moïse wahowennahronke : Okenrake wahatkonsanentakte, wahaterennaïen, nok wasakawenhase Kore nok

raotiohkwa, wahrenron : Eniorhene enkatokenne onka sakoiatarakwen ne R. ahonwaiatorenne. Eniorhene onen ensewahawiseke teieienkwarentonstha ne sewáwenk ononsatokentike iensewataweiate ensewatsiratha ne tesewaienkwarentonstha, ethone ensewatokense kanikaien ensakoiatarako ne R. ne ratsihenstatsi ahaton. Aaron oni etho nenhaiere.

Wahatenienten Moïse asakohretsiaron, iahte tsiakotatrewatón, Saorhene ononsatokentike wareté ne Moïse, wahne oni Aaron onen si iahatiterón Kore raotiohkwa, eso oni wahonteroroke ne Sitaeronon, otonkwa onton ne iotsatare ne waetokatakwe tsi etho renteron ne R. wasakawenhase R. Moïse nok Aaron : Tesewatekhasi Kore nok raotiohkwa, ok sa ok akheiathtonte. Moïse nok Aaron okenrake wahiatskonsanentakte, wahniron : “Sewenniiio iah othenon te sanoronse, ise siatison nakonikonhra nonkwe, akwekon ken enionhriskon ne wahonteroroke ? Wahawenhase R. Moïse : “Raonha renterontak Aaron, ise Moïse, etho iahase tsinonwe thonatatoseroton Dathan nok Abiron, ensheienhase Sitaeronon inonha niahasene.” Etho kati wareté Moïse ronwanonteraties rotiianer nok wasaka-

wenhase Sitaeronon: “Tosa etho iaesewe tsi thonatatoseroton Dathan nok Abiron, tosa aese-wahriskon tsi R. sakohrewatane. Ken kaien ense-waientereste tsi rakennhaon ne R. Tokat etho naiaiheie tsiniiot iaiheions akwekon nonkwe, iahte hakennhaon ne R. Tokat tenhnon aioriwanehrakwaton taontonwentsiakakhasi nok etho aieiatenne rononha nok raowatsire, nok sekon tsi rononnhe onwentsiakon ahatiatenne ense-waientereste tsi ronwasennaiesaton ne R.

Onwarh tsi rotkawen Moïse tsi rohtarakwe, iokontatie etho naawennne: watonwentsiakakhasi nok akwekon etho wahatiiatenne, iohtonhon oni tsi tehonatatoserotonkwe nok raonawenk okonha onwentsiakon wahonnete. Arekho sane te howeiennentahon, ononsatokentike warete ne Moïse, kawenniio wahatisa ratitsirataaskwe ne teieienkwarentonstha ne Kore raotiohkwa, takatsirinekenne akwekon wahontiatatsa ne thona-tenrohon ne ok skakerontakwe ne teieienkwarentonstha.

Wahowennahronke ne R. Moïse wahrenron: Hetsennhas ne Eleasar, akwekon sateweienton ne teieienkwarentonstha tsi iehasantakwa iahaien; kawenniio eniontkathoseke entsiakehiarane tsini-

kehrewaton, ne ok ne kherihonte enwaton enion-
tsteristake ononsatokentike. Etho nahaiere ne
Moïse.

Ethone otsatokon onton kanonsaktatie ononsa-
tokenti aiawen tosa ahontaweiate. Wahateren-
naien Moïse aonsahonikonhraseronni ne R. Ta-
henron ne R. : Onen enkherio ne rotiriwanera-
haskon. Iahte honikonhriiakskwe ne Moïse.
Wahawenhase ne hiatatekenha Aaron : Tesek ne
teieienkwarentonstha, tetsienkwarenton, etho ia-
satiatonti tsi tiotekha nok sheiaterennaienas ne
Sitaeronon onen sakohrewatha ne R. Etho naha-
iere ne Aaron, R. wahotontatse. Ontkawe otsire,
nok sane 14 niwenniawetserashen nonkwe wako-
rio otsire, nok wahotitokense tsi rotiriwaneren.
Wahrere ne R. othenon naiawen ne ioriwaneh-
rakwat akeriwahniratstakwe tsi riatarakwen
Aaron ratsihenstatsi kowa ahaton. Wahawenhase
ne Moïse wahrenron : Tsi ok nikentiohkwake
enskatson tiontennitserenha etho akaiatonke na-
hoten ronwaiats ne ronwakowanen ; tekeni kati
eniawenreke nenwatennitserakehake, Levi oni
raotiohkwa entiontennitserenhawi etho enkaia-
tonke Aaron raosenna, asen eniawenreke, akwe-
kon ononsatokentike ieniontennitserakeron. Se-

watennitserat ok enkatsitsiararake ; ne kati ratsi-henstatsi kowa enhaton nenhasennakarake. Etho kati naawenne. Asontakwekon iontennitserakerontakwe ononsatokentike. Waorhene ononsatokentike wahataweiata ne Moïse Wahatieren ok iotstsiararaken natennitserake tsi rasennare Aaron, akwa wahianiontonkwe, Wasakohrori ne Sitaeronon tsini iawenhon, iah onka te iakotennowenton.

Raweron ne R. : tiotkon aonsaiakehiarake ne Sitaeronon tsini iawenhon. Wahawenhase ne Moïse : Ononsatokentike sawit Aaron raotennits, karontotserakon setha tsi nonwe iwat ne kahiaton ne kwatenientense nok oni akeratne sarakwen ne tsionnhekon.

Tsini iawenhon tsi sakohrewaton ne R. ne wahonwanosa Moïse ne ietokatha tsini hariwaswens aiontatkowanate aiontatewennonti ne ronaterihonte asakonateriwatsteriste nok tsi raonha enthenntonon asakolatarako ne enhonterihonten kariwiiostonke.

Tsinikon wakatrorianion iawenhon, onen toha tsi iotokte teioserake tsinahe Sitaeronon shonenakerakwen. Egiptke. Kaiatonseratokenti iah othenon te watroriatha tsini hotiataawenhon 38

nioserake tsini kariwes ; ne ok watroris kanonni tehotitaon iawet ronatorisen tsi tehonatstekafwen ethoni kariwes karhakon. Arekho se honatawe-iaton Kanaan raononwentsiake sakorharatsten-nihne ne R.

Onen tsiakahewe 4 nioserashen tsinahe Egipt shonennakerakwenne wahonnnewe tsinonni Tsinn konwaiats wathatitane Kades Barne konwaiats akwa akta Kanaan onwentsia. Ethone wakenheie Wari Moïse sakokenha onen 130 teiaoseriiakon-honne. Iakahewe oni ethononni wahofihnekaioha iahte shonnehiaraon ahonwaniahese ne R., ok eken sahontewennaksatanion, wahontkennisa nok kariwaksen wahonwanatatiaton Moïse nok Aaron ionskanekskwe naiaiheie iontonhakwe : Nahoten karihonni tionkiiatenha Egiptke ? Moïse nok Aaron wahiataweiate ononsatokenti ke nahonwen-nitentase ne R. asakotenre ne raotiohkwa asakoh-nekanonte. R. wahawenhase Moïse : “ Otsten-rakta iahase, wahrenron, ne satennits ensatste, ensatstenrahiake entkanekinekenne, nok akwe-kon eniehnekihra. Moïse wasakotkennisahate otstenrakta ne ronatewennaksatanion nok wasa-kawenhase, wahrenron : Sewatahonsatat, ise se-wateraiatakwa isewehre ken : eniakenikweni ii

nok iakiatatekenha akwanekanonte? Ethone te-
keni iotkararenkwaton wathatstenraiake Moïse,
ok sa ok eso takahnekinekenne. Wahatinaton-
kwe netho nonwe tiohnekinekenhon tsinonni
iakoteraiatakwen. Wahariwara^{ko} ne R. tsi Moïse
nok Aaron wahiatennowente, wahrenron : Iah ni
se taietsiiatinionte Sitaeronon Kanaanke tsinonni
ionwentsiio kherharatstenni.

Ne ietokatakwa tsini hariwaswens ne R. nok
oni kennioriwa^a ahonwawennonti nok aionten-
nowente othenon ahenron ; sakohrewatha are
tiakoriwai^{eri} ne iakostonton kennioriwa^a ronwa-
nikonhraksaton. Kennaheha wahonnhanne ne
R. Moïse ahanontarane Hur konwaiats etho asa-
koiatenhawite Aaron nok ne roienha thakowanen
Eleasar ahotseronni^{asi} Aaron nok ahotseronni^{ate}
roienha thakowanen ne raonaktake tenshatane,
nok oksaok wahrenheie Aaron. Sitaeronon 3
niwasontashen wahonwatstarase. Onen toha
ieiohe R. asakowenniioste Sitaeronon onwentsiio
sakorharatstennihne. Ioteriwisonhonne ahonto-
hetste tsi thatinakere Idumeronon ronwatiiats,
Esaii sakotere okonha. Moïse wasakonnhanne
nonkwe sonha ahonwariwanontonse ronwanon-
tiio ahaton^{tate} ahontohetste raononwentsiake.

Wahoniron : Iahta kwakenronni eniakwakariake oni. Iahte hotoutaton, iekanihare raweron : eniakwateriio, etho ensewatohetste. Sakotiawenratihne R. ahonterio. Idumeronon, aseken iawetrontatekenha, ne kati karihonni wahrere Moïse : teniakwakwatase tsi tiononte Hur konwaiats, waenonwete, wahotiswaten tsi rotironhiaken tsi rotiwsenheion Sitaeronon, etho takaientakwe sekon sahontewennaksatanion, wahonwariwakwase Moïse. Etho tasakotenniete ne R. ohniare sonha iotitiohkowanen ohniare wakonnewe, wakatikariaton nok iakotirioskwe Kennikariweshakentiohkowanen wahonwentane. Moïseke iahonnete Sitaeronon, wahoniron : Ionkwariwaneren, hetsennitentas ne R. aiawen aonsasakotekwate ohniare ne ionkwarios. Wahonitentase ne R. Moïse. Wahotontatse, nok wahawenhase, wahrenron : Satennhann aieniaronni karistatsi nahoten iiont, ehneken enkatake nënsniaraniionten. Tsiniiaakon iakokarihato nohniare ne ne niontkatho nise saniarison entsionton. Etho kati naawen. Ehneken wakonwaiatinionten ohniare karistatsi nahoten nok akwekon tsiontonskwe nekonwatkathoskwe. Sonkwarihonnienni Jesus sonkwawenniio nahoten watenientenstakon tsi

ethoni iawenhon : Tsiniiot, wahrenron, Moïse
raiatakarataton ohniare karhakon, etho niiot en-
honwaiatakaratate (tekaiasonteke) Niio Roienha
etho aontakaientakwe onka ki ok raonhake en-
tiakawehtakwen tosa aiontkaronni, ok eken
aiakonnheke onwe ne karonhiake.”

Tsi iakokariaskwe ohniare ne Sitaeronon, ne
teskiatieren tsi notkonseraksen iokarewatanion
nonkwe akotonnhetston. Raonha Niio Roienha
iahte honoronse aonsasonkwatsiente tsi entewa-
tontate tsinikon sonkwarihotasienni etho oni nen-
tewaiere tsini sonkwatenientense. Rawen Kor
Rti : Tosa hetsitewatenienten Kristos tsini hotiie-
ren notiake Sitaeronon ne iakorio ohniare sonha,
tosa oni tewatsaroko tsini hotiieren otiake nok
thotennieton R. ne sakowenthon, tsini hotiatawen-
hon, iawet watenientenstakon tsi nenionkwaiata-
wen sonkwarihonniennitha ne R.

CHAPITRE XXVII.

Défaite de Basan et d'Arad rois des Amorrhéens.—Le roi de Moab envoie des députés à Balaam pour lui faire maudire les Juifs, ce que Balaam refuse de faire.—Balaam part avec les envoyés de Balac.—Un ange arrête l'âme de Balaam qui parle et lui reproche sa dureté, l'ange se montre à Balaam.—Balac va à la rencontre de Balaam qui consulte Dieu et bénit les Juifs.—Prédiction de Balaam relativement à l'étoile qui doit paraître lors de la naissance du Messie.—Balaam conseille à Balac de pousser les Juifs au péché.—Zèle de Phinéas qui tue des Juifs qui s'étaient débauchés avec les filles de Madian.—Sa victoire sur les Madianites.

Tsi thonehtakonne ietini okon kenha ne iorihonnihon sakotisennion rotinontioson. (Hebr XI)
A. M. 2553.

Onen tsi iahonneuwe ne Sitaeronon raononwentsiakta ne Amorrheronon ronwatiats, wahonwariwanontonse ronwanontiiio Sehon ronwaiatskwe ahontohetste raononwentsiake, iahte hotontaton, ieiohe wasakoteratana ahonterio, wahonwasenni kati nok sahontatewenniioste raonwentsia, wasakonawentho akwekon netho thatinakere, aseken R. sakonnhaonne etho nahatiere.

Etho oni nahotiiatawen Basan nok Arad ronwattiiats rotinontiiio nok oni raotitiohkwa. Akwa ionehrakwat tsini iaonwentsiio raonawentsia, watiesenhne akonwatinonten raotitsenen okon, wasakaonwentsion Moïse, Ruben, Gad nok Manasse raotiwatsire, tenhnon ohenton wahonwarharatsten nonen ienkahewe tahatiniataraiake jourdain, enhontatienawase ne Sitaeronon ahonterio tsiniiore ahonawenk aonton Kanaanronon raononwentsia okon.

Onen iahonneuwe tsini haononwentsia Moabronon, nok etho wathatitatoseroten. Ne ronwanontiiio Moabronon tsi wahattoke tsini hatifatste Sitaeronon, wahatsanike, wasakotennieté nonkwe sonha tsi thanakerekwe saiatat iawet ratenhennaraskwe Balaam ronwaiatskwe, iontonhakwe othenon wahrenron, ok sa oh etho naawenne Wahonwanatonhase owista ne ratiwistenhawi nok wahunwenhase: Ok etho ronne kentiohkowanen Egiptke thonahtention, ronnehre aionkionwentsiakwa, nok iahtaiakwakweni naiakisenni, ne kati iakwaniente naskwaienawase ionkwatierientare tsini skwenies, eniontsennonni ne tesheren-sarons nok eniontkaronni ne shekenhronnis.

Tahenron Balaam: Niakwe tekiatoret, nok

kento sewanonwet, enhiwennisake ne R. nok enkwahrori tsinen hoiren. Tahenron ne R : “Tosa isewe ne iesaiatisaks tosa oni sheriwawas, aseken kheriwawase Sitaeronon. Wasakawenhase kati Balaam ne Moabronon : Sewahtenti, iahte hotontaton ne R. naionkwenon, wahonhtenti kati. Iahte honikonhriiakon ne Moabronon ronwantonliio. Sekon sahatennhanne etho iaie senha kentiohkowanen, wahonwenhase, wahoniron : Eso nowista ensiena nensatontate niatekon asheienhase ne Sitaeronon. Tontahenron Balaam : Sahetho netsisewanontiio ahakon tsinikon howistaien, iahtakatontate, aseken iahtakkweni oia nakiere tsini hakennhaon ne R. Niare tenhnon sekon teskiatore, kento sewanonwet, enhiwennisake ne R. nok enkwahrori tsinenthaiere. Asonthenne kati wahowennahronke ne R., wahrenron : Aesewe ne iesanonkon, onen iahte skennhes, tosa tenhnon othenon tsiron tsi ok nenkonnikonhrata.

Ethone wahonhtenti ne Moabronon, ohnaken nene Balaam ; tewahontes rosene. Tsinahe ronne, rennontonnions tsi nenhaiere, irehre kariwiiio enkehrori ne Moabronon, naiawen ne senha eso aionkkariakse. Wahariwaswen ne R. tsini honi

konhroten Balaam. Ohahake wathatane raronhiakehronon asikwe rahawakwe. Iahte hokens-kwe ne Balaam, tenhnon ne tewahontes waka-tsanike, ok sa ok onthaharako, aseken wahario raronhiakehronon. Kanakarowanen wahaiantation Balaam, irehre aonsakahaharane. Tekeni kanenhiotekwe tsinonwe nenwatohetstane tewahontes, etho ratakwe ne raronhiakehronon, tsinakatsanike tewahontes, otstenrakta ontiatanentakte, wahokarewate kati ne Balaam, sekon kati sahario, ok onen senha kennitsiohahaaseratieha, iahte watonskwe taonsonton taonsontkarhateni. Ethone are nonwe tonsahatane ne raronhiakehronon tsiniiot narerheke enkerio ne tewahontes. Ehtake wakaiataientane tsinaotsanike ne oni oia-tentte ne Balaam. Akwa wahonakwen Balaam, rerhakwe : akwa kherio tewahontes, ok sa tenhnon ontati, wakenron : Ohni konierase? Nahoten karihonni takerios? Onen ok sewatieren asen nasatkararenkwate waskerio.” Tsini honakwenhon Balaam, iahte hottoken tsini ioriwanehrawat tsi naawenne, wahrenron : “ Tkariwaieri tsi wakonrio ne naonksikwaraientak, ok sa ok akoniatohashon.” Takenron ne tewahontes : Onen wahonnise tsi koniotense, tiotkon oni konses,

tiotkon konnikonhraieriton." Tahenron Balaam :
" Tokenske onwa ki ok onen wasateraiatakwe."
Ethone wahotkatho raronhiakehronon ne Balaam,
ehtake wahatiskwentaren. Tahenron ne raron-
hiakehronon : " Saterientarak iah taonton na-
honwanikonrhaten ne R. nok nahonwasenni. Ne
tkarihonni kento ikes, tosa etho naiawen tsini
sanikonhroten, oia nateionkeninikonhroten. Ni-
ahtaonsaiokton ne satsenen, ii akonrio ke nok
aeseneheion. Tahenron Balaam : " Wakeriwane-
ren, nenserheke sakket, ok sa ok enskakete."
Tahenron ne raronhiakehronon : " Iahte ikehre
aonsasakket, tosa othenon senikonrhathahoten
ensiron, tsi oknikon nenkonnikonhrata." Kawen-
niio wahotokense ne Moabronon ronwanontiio tsi
thare Balaam, wathotteratana, sahenron : Eso
enkonkariakse, tokat asatontate asheienhratonse
Sitaeronon. Tahenron Balaam : Iah taonton oia
nakiere tsi ok nenhakenikonhrata ne R. Saorhene
onontoharake wahnete ronontiio nok Balaam,
etho iehonat~~k~~athoskwe Sitaeronon tsi thonatato-
serotonkwe. Wahawenhase Balak ne Balaam :
" Sheienhratonse ne Sitaeronon." Balaam waha-
wenhase ne ronontiio, wahrenron : " Ioianere 7
tsiniiot tsi iehasentakwa aiakonni ne kento, nok

oni 7 nikonti takonwatiatenha teionnhonskwaron kennikonnasha, etho oni nikontihak teiotinakarontonha. Akwekon wakonwatiwenniioste. Wahawenhase ne ronontiio : “ Ok etho testann tsi-nonwe kewenniiosta enhiwennisake ne R.” Wahatahonsatate Balaam tsi nahaiere ne ronontiio, nok etho sarete tsi thatakwe ne ronontiio, wahrenron : Thakinonkon ne ronwanontiio Moabronon rawen : “ Kento nontase,” irehre enkheswenseke nii ne Sitaeronon, akwa tehaksterihaton, ok kati naiawen akheswen sakononwes ne R. ? Etho nenkentiohkwaskene Sitaeronon tsini kanesaronkwakeron onwentsiake, iah taonton aontaionsete tsini kentiohkwa, iahtahontieste noia niewatsirotens ; aiawens etho nakiheie tsiniiot iaiheionserons ne tiakoriwaieri, netho naonkiatawen nonen enkatonnhokten tsini hotiatawens.”

Wahonakwen ne ronontiio sahowennahronke, wahrenron : Ohni satierha ? satokense tsi iaesenonkon wakeron : Sheswensek Sitaeronon, ok eken nise tesherensaronnions, aktenon ietsitene tsi tiononte, etho nonwe iahtenshekenseke Akwekon ne Sitaeronon, tokat etho nonwe enskenikonhraierite. Tsi eh iaharawe sekon wahowennisake ne R. nok wahawenhase ne ronontiio wa-

henron : Testann, Balak, nok satahonsatat tsi nenkiere, iah etho te honowen ne R. tsini iakonowens nonkwe, iah oni teshoteriwateniennis othenon enthatati, ioriwentaon etho neniawen ; kaneka ensakononwene ne R., enkkweni ken nii ahinnhese nasakotenranion ? Sitaeronon iahte hatiwenniiostha ne kaiatonnik ne iah Niio te ken, sakoriwawase ne R. Ne tkarihonni akwa rotiahtahniron,tenhatitane tsiniiot kenrekskowa enwake nahoten rojena etho nahatiiere.”

Tahenron ne ronontiio : “ Satka tsini sierha, tosa tesherensaron ne Sitaeronon, sekon aktenon ietsitene tsi tiononte, etho enskweni asheswenseke.” Onen tsi eh iaharawe Balaam wathatkah-tonnion tsinonwe tehonatatoserotonkwa Sitaeronon tsini hatiwatsirotens, nok tsiniiot wathotieronnionse wathoswateten ne R. wahenron : To onte ioianere tsi tesewatatoseroten o Jakob, taonken sewanonsiio, o Israel, inon tesewarenihon tsiniiot R. raotenata, teshontieren tkerhite Kahionhakta ioniate Israel enhontesenni tsi nenhonterio, R. raotiohkwa ensakononwene ne R. nenhonwatinonwene, ensakoswenseke nenhonwatiswenseke.

Iah othenon te shatahonsatats Balaam nahoten

ahenron ne ronwanontiio Moabronon, sekon wahawenhase, wahrenron: “Tsioriwat sekon kwarihotasiennire tsi neniawen enionnise; raonha ne R. rakerihotasienni, tehikanere saiatat arekho tehonakeraton, inon tekkanere Jakob rawatsirake enioketote otsistok, saiatat Israel rawatsirake enhonwanontiioke, enhasennowanenhake ensakosenni, akwekon ne ronwaswens. Onka eniakonnheke nonen eh nenhaiere ne R.? Etho niawenhon nahoten thotati Balaam sahontkatho otsistok 3 nihati rotiianer tsi tkarakwinekens thatinakerewe iakonatonni notsistok tsi thenteron Jesus nok tsi teiorenihon nonwentsiakwekon Jesus rao-riwiiostontsera. Wahonikonhriiake ne Balak ronontiio, wahawenhase Balaam: “Aseken iah etho te saieren tsiniiot konriwanontonni, iahtakankariakse. Iawet sahatateriwasten Balaam ronihonne, owista wahonikonhrotako. R. kati wahotewentete, nok notkonseraksen wahonikonhrata tsi wahawenhase ne ronontiio Balak, wahrenron: Ne wahonni ratisatste Sitaeronon aseken R. sakoienawase, tokat tenhnon askweni ashenikonhrata othenon aieriwanerake, enshesenni, aseken R. ensakotewentete.” Etho kati nahaiere Moabronon ronwanontiio, wahatenienten asako-

nikonhrehawite Sitaeronon kariwaksenke. Wahatennhanne aiakentanoronste, akonwatisennaien kaiatonnik sonha ne tsiniiot Niio akenhake tehonwatikanerakwe aiontennioten aiontonwesen. Wasakotenniete kontiiatasesonha tsi thonatatoseroton Sitaeronon, ahonwatihonkaron rotiskenrakehte ahontennioten, ahontonwesen. Wakontikweni rotitiohkowanen wakotinikonhrakarhatho, ieiohe wahontiiataren tsini hotiriwiiostontseroten Moabronon wahonwasennaien Beelfegor konwaiats ne ronwasennaienskwe Moabronon. Tsina hariwaswen ne R. wahatennhanne ahonwatiniaterenke ratisennowanens nethonihotiiieren. Tsinahe ethoniawenskwe Moïse nok eso ne Sitaeronon niahte honwatewentetonne ne R. wahontiskwentaren akta tsi thononsote ne R. wathonsentote tsini iawenhon. Saiatat Finees ronwaiatskwe roiatanekaronkwe R. raoriwake, asare wahoiente wasakorio nene Sambre ronwaiatskwe ronwakowanen Simeon raowatsira nok ne ionkwe ihneskwe, ethone wasakowenthos tsi hiatsteristakwe ne ioteriwatehat. Wahawenhase ne R. Moïse, wahrenron : Shakenikonhraseronni ne Finees, tsinenwe enhronnheke raonha nok ne sakoien okonha tiotkon kariwiiostonke enkherihontake

24,000 nionkwetake wahanwanawenthō. Ok sa ok Finees wahentiohkwaroroke ne Sotar 12,000 nionkwetake wasakosere ne Madianronon, wasakosenni, akwekon wasakowenthō, wasakotenre tenhnon 32,000 kontiiatase ne tiotiriwaierikwe, wahontatewenniioste oni iawetowanen raotitsenen teiotinakarontonha, teiotinakares, nok niatekon raonawenk sonha.

CHAPITRE XXVIII.

Eloge que fait de Moÿse l'auteur du livre de l'Ecclésiastique.

—Dieu annonce à Moÿse sa mort, lui montre de loin la terre promise.—Moÿse exhorte les Juifs à aimer Dieu et à méditer sa loi.—Il leur ordonne d'exterminer les Chananéens, leur rappelle le choix gratuit que Dieu a fait d'eux, leur ordonne d'éviter les faux prophètes, de régler leurs difficultés, d'éviter l'astrologie, leur annonce un Grand-prophète.—Il leur prescrit de punir les-enfants rebelles, d'accomplir les vœux faits à Dieu, d'éviter l'usure, de payer leurs ouvriers, leur rappeler les miracles que Dieu a faits en leur faveur dans le désert.

Rononwehon ne R. Moïse, ronwanonwehon
oni nonkwe okon eniakaonweskwēn ahonwehia-
rane, rowi ne R. netho nahoiatanehrakwaton tsi-
niiot rotiiatatokenti ietini okon kenha, rosenno-

wanaton tsi wasakotetsaniten ne ronwaswenskwe raowenna roieraton tehotaston tsini iawenhon iononwakte okon. Rosennowanaton tsi ratiterontakwe rotinontioson, rorihonten asakorihowanaten raotiohkwa raoiarenensera, wahorihotasien tsini hoiatanehrakwat. Tsini thawehtakonne, tsini honikonhriiohne, ne rostonton ne R. roiatatokentiston, roiatarakwen, raonha tsini kentiohkwa nonkwe okon. Tehnitarakwe ne R. nok rowennahronken ne R. otsatokon roiatinionten raotiohkwa kwakwekon ronatkathon tsi rowi raoianerensera ne iakaonnhetha nonkwe iakorihonniennis oni ne tkariwaieri, rorihonte asakorihonnien Jakob rariwiiostontseratokenti nok Israel tsini honikonhroten.

Tsi ehni hawennatenhne saiatat ne roiatonserison kaiatonseratokenti onen kariwes tsinahe thawenheion Moïse, ne ionkwatokatennitha tsini haiatanoron, tsini ioriowanens tsini hotieranion. Onwa akatrorate tsini iawenhon tsi renheionsere.

Sekon tsi ratiterontakwe Sitaerenon Moabronon raononwentsiake kennioreha tsi kaniatare Jourdain, etho nonwe Moïse tenhnon ne ratsihens-tatsi kowa Eleasar wahiasete tsini hotitiohkwa ne Sitaeronon, wahnitsenri iaiak tewenniaweni-

wenniawehetserashen nok enskat, nok wisk niwenniawehetserote asen iosenserote (601,530) iah etho teshotitiohkowanen kati tsiniihtonne tiotierenton, aseken akwekon ne 20 nok isinon tehonaoseriiakehonne sonsahonennakerako Egpthe, karhakon ronenheionne tsini thotrorihne ne R. Rononhaa Kaleb nok Josue sekon rononnhe. Ethone wahawenhase ne R. Moïse, wahrenron : Onontoharake iatestann, satkatho tsini ionwentsiioten kheionwentsiawire ne Sitaeronon, sasehiarann enskatne shaskwennowente karhakon tekeni iotkararenkwaton wesatstenraiake. Kenni kariweshia sekon ensonnheke, nok etho iense tsi ieteron sheni okon kenha. Moïse wahonitentase ne R. ahatotante tahaniatariiake Jourdain ahoiatinionte tsini iaonwentsiio. R. iahte hotontaton. Ionehrakwat nene ronkwe rokweniatserowanenne Rke roriwakwenionne aonsahonikonhraseronni tosa asakohrewate, oktihostonton nethone sahonen ne R. ahotenre etho naiawen tsini haskaneks.

Ethone wahakwatako Moïse tsiniiot tenieiaikhon nonwentsia, Teniontatsniene iahte tsiakonisen kanonni enhonwatinakton ne Levi raowatsire ronaterihonte kariwiiostonke, onen nonwa wahonitentase ne R. sahoiatarako saiatat tahatane raon-

aktake asakotsteriste Sitaeronon, tosa ok tahonreni tsiniot teiotinakarontonha tsi iah onka tasannonna. Tahenron ne R. Hetsiatarako Josue hnikwekon akenikonhratokenti, entsesnonsaherhase, entsrori tsini wakenikonhroten, enhontkatho ratsihenstatsi kowa nok oni kentiohkwakwekon Israel sakoien okonha, hetsiatahnirat, raonha tenhaiakhon nonwentsia ne kheiawis Sitaeronon : raonha enhonwakowanenhake. Wahowennaierite ne R. Moïse, wahosnonsaherhase Josue, wahohrori tsini honikonhroten ne R. nok wahawenhase wahrenron. Satkathon tsini sakoierase ne R. rotinontiiison. Schon nok Og. etho nensakoierase netho thatinakere tsinon ensataweiaste, tosa she-tsanik aseken R. enhiariwawase.

Ethone wasakotkennisahate Moïse ne Sitaeronon, wasakohrori tsinikon sakotenranion ne R. wasakorihoktase oni 10 nihawennake nok wahrenron : “Entsisewanoronkwake ne Niio R. tsi tsionnhe seweriasakwekon, sewatonnhetserakwekon nok sewasatstenserakwekon. Tiotkon akaia-tonke seweriane raoianerenseratokenti. Ietsirihonniennihek oni sewatation okonha tsini hetsisewatenientense ne R. tesewaiatoretak sewanikonhrakon, kanonskon, atste, ka ok nonwe

aeseweseke, nensewaie orhonkehne, sewanikonhrarak tosa nonwenton atsisewaiatanikonrhen ne R. tsi tsionnhe, hetsisewanerension tsi sewanas-kwa kenhne Egiptke.

Nonen entsisewaiatinionte ne R. tsinonni ionwentsiio, tosa ietsitsanisek ne Kanaanronon, enietsisenni, tosa sewatontat, neniontonheke : takwentenr ; aseken enietsiiatontatse, ensewatkaronni nok entsisewawatsirahtonte ne R. tosa aietsinikonhrakarhatho, tosa aietsinikonhrata aietsisenaien nene sakotisennaiens iah Niio te ken. Akwekon kati ietsirio, tesewahrit, sewatsat oni ne raotiiatonnik, iah othenon taesewariwanerake, aseken hetsisewaiatarakwen ne R. hetsisewakon-nienston iahte kakonte raotiohkwa aesewaton, hetsisewanonwehon, raweron : etho nakiere tsiniiot kerharatstennihne ontateni okon kenha. Tosa kati sewatatkonnienstak, tosa sewerhek ; ne tioterihonniaton tsi tionkwariwaieri sonkionwentsiawi ne R. Tokenske netho thatinakere rotistonton tsi ensakoiatahtonte ne R. tsi rotiriwane-rahakskon, sewaterientarak tenhnon iahta tese-watentson, iahte sewarihonte atsitsion ne R. raononwentsia, aseken iahte tisewariwaieri, ok eken sewanonsistahniron. Tosa sewanikonrhen, sewe-

hiarak tenhnon tsinahe Egiptke sewennakera-
kwen, iawetowanen hetsisewawennontion ne R.
tiotkon sewateraiatakwen iahtakwaterennaienni
aesewenheion. Nahoten kati tehotonwentsioni ne
R. tsi tsionnhe ? Ne aonhaa tehotonwentsioni atsi-
sewanoronkwake atsisewawennarakwake sewani-
konhrakwekon, etho naontawe aesewatsennonni.

Iahte wentore etho naesewaiere tsint kwate-
nientense, iahta teiotonwensiohon inon iaesewe
aesewesakha tokat ehneken karonhiake, tokat
tsi kaniatarenion, tsi sewasakaronte nok seweri-
ane ensewatsenri, etho itewat nahoten kwatenien-
tense.

Tokat enhoketote tsi sewanakere kaneka ne
ronkwe ranikonrhatha rotokense enhatatenaton-
kwe, iah ne tatentsisewarihonnien tsini hetsise-
watenientense ne R., tosa sewatahonsatat nahoten
enhenron, sahetho niatekon nenhaiere ne ioriwa-
nehrakwatenions. Tokat sewaskaneks atsisewen-
tenre ne R., tosa onka aietsenri tsi sewanakere
ne ieiesas, ne teiontsarites. Tokat kaneka enhot-
tentane hetsisewani nahoten tehotonwentsioni.
Othenon ensewariwaientak ne ioriowanen, tokat
ne tehatiiautoretha iahta hatikweni ahatikwatako,
iah sahotinikonhrat takenhake etho iaesewe tsi

thononsote ne R. ietsiriwaienhas ne ronwawen-nenhawe, enietsihrori tsi nensewaiere. Etho kati neniawen tsi nenietsihrori.

Tosa oni onka tsinitšion aiontenhennaraseke ahontrori tsini iawensere, aseken ne enhotistonte Kanaanrōnon tsi R. ensakowatsirahtonte tsi iewa-tsiraientons. Ienkahewe tsi sewanakere enthotenniete ne R. saiatat ne sewatatekenha enhennakerate nenhotokense kowa, ne akwa kariwanoron enhatroriseke, hetsisewatontatihek.” Nene Rotokense kowa ne Moïse sakorharatstenni Sitae-ronon, nene Jesos sonkwawenniio.

“ Tokat kaneka iahtaiontatewennarakwa ontateniha, ontatenistenha, ronwahrewaton nethoni hoieren, tenhnon ok he niieheiot roteraiatakwenhaties, tenhonwataste tsi ratiteron tehatiimoretha, enhoniron : Ken irate iakwatatienha, iahte sonkeniwennarakwa, tiotkon rateraiatakwa, kanenrakwekon enhonwanenioiake, enhonwaiatahtonte etho naontawe akwekon taiontonneke. Tosa nonwenton tsiakothonwisen etho nakontenenoten tsiniiot rotiskenrakehte, tosa oni rotiskenrakehte netho nahontenenoten tsiniiot tsiakothonwisen.

Akwa iken rariwaswens ne R. etho naieiere. Othenon hetsisewarharatstenni ne R., tosa sewa-

nisko etho naesewaiere. Sewawenniiio tosa othenon hetsisewarharatsten, onen tenhnon tsinahe tiswawenninekenhon, sewatathonkariakon ioteriwison aesewatatewennaierite. Othenon enietsini sewatateken okonha owista, tsi ok nahoten, tosa othenon aesewatehiaronhase. Kaneka ne rotent entsisewaiotense hetsisewakariaksek arekho tsi iatewatsothos, aseken ne ronnhekwen ; kariwaksen kati iahtatsitsion ne raowenk, entsisewahrewatakwe ne R. Sewatkathon tsini ioriwanehrawattons tsini hoieren ne R. tsinahe sewennakerakwen Egiptke, hetsisewanerension. 4 nioserashen tsini kariwes hetsisewaiatenhawiton karhakon tsinonwe iahte watonnis onatsia, otsitsia, iah oni othenon te kaien aiontseronniate, iahta teiohrihon ne sewatiatawitanion, niate wenniserake tewasenskwe karonhiake ne tsionnhekon, iah oni tatesewaniatathenhon. Aesewattokhake kati aesewatkatho nok aesewanikonhraitane tsini iorowanens hetsisewaierase ne R. aesewaterientarake tsi raonha hetsisewennakeraton tsi tsionnhe.”

CHAPITRE XXIX.

Promesses et menaces que fait Moïse de la part de Dieu aux Juifs, suivant qu'ils observeront ou violeront sa loi.—Moïse fait placer sa loi dans l'arche d'alliance.—Il meurt A. M. 2550.— En quoi Moïse est la 12e figure du Messie.

3ton tsi wasakotkennisahate Moïse ne Sitaeronon karo nahrenheie, wasakawenhase wahrenron :
“ Sewatontek, ne nentsisewawennaierite ne R. senha ensewatsennonniwake tsiniot tsiniakon ienakerenion nonwentsiawe, akwa oni ensewawatsirowanenhake, akwa oni enwattonniheke tsi ensewaienthoseke, enietsisennieseke oni akwekon onka kioh enietsiswenseke, akwekon nonkwo eniakoterientarake tsi hetsisewakonniensan ne R.

Nok iahten tesewariwaierike, akwa ensewaronhiaken, iahtensesewawiraientaseke, iahtenwattonniseke tsi ensewaienthoseronke, enietsiriosekenietsismenseke. Niatekon enhaieratake ne R. tsi entsisewahrewatake, oktenseweseke onwentsiakwekon, iahta ietsiitataaseke, enietsikwa tsinikon ensewaientak nok oni nietsiien okonha onwentsiakwekon enietsiiatehate, ensewententane, ensewatonkariakseke sewawaseron enken-

hake, enietsinatarisi oni sahetho enionatatsanition, inon enietsiatenha enietsinaskwenhawe. Tokat etho nensewaiatewen, seweriasakwekon ketsisewaiatisaksek ne R. entsisewaiatatsenri kawenniiio ki seweriasakwekon ensewetatrewate. Nonen ensewarane niate watkaronniatserake ne wakatroration, kennensewatierate Rke entsisewawennarakwe, aseken iahtiaiehewe tsini hotanitenraskon, iah tatsisewatewentete, iahtaonsahonikonrhen tsini sakorharatstenni ietsini okonkenha, akwa roriwahniraton. Sahetho tsi iotonwentsiokte taesewarenihon ; ne Niio R. tsi tsionnhe entsisewaiatakennha ensetsisewaiatenhawite tsinonwe sewanakere aontonseke seweriasakwekon atsisewanoronkwake nok atsisewawennarakwake. Iotonte karonhia, iotonte nonwentsiaoni, kwawi asewataterakwase aesewatsennonni tokat aesewatkaronni. Entsisewawennarakwake ne R. ensewatsennonni entsionnheke, entsisewententre ; entsisewatewentete ne R. entsisewawennonti, ensewenheie. Sewataterakwas kati aetsionnheke ise nok ietsiiatere okonha R. entsisewatsennonniaten.”

Wahaiaton Moïse tsinikon thowenninekenhon, wasakonnhanne ne ratitsihenstatsi akaientake

raoiatonsera karontstseratokentike, wahariwisa oni tsi nenskahewe 7 nioserake enhatiwennahnoton raoiatonsera tsinonni wentanoron kanennakehne, akwekon Sitaeronon ahonatonteke nok aiontaterihonnien ontatien okonba ahonwatsaniseke ne R. Ethone waharennisa nakwah iken karenanoron, nok tsi waharennokten wasakoterennaienhase raotiohkwa enskatson tsinikon iewatsiraientons ne Sitaeronon. Onen nonwa ohnaken wahowennahronke ne R. wahrenron: Onontoharake iahase, satkatho tsini ionwentsiioten ne kheionwentsiawire ne Sitaeronon nene ionwentsiio kherharatstennihne Abraham, Isaak nok Jakob; inonok entesatkatho, iahtenhnnon ietitesennakerate. Ethone watharonweke nok wahrenheie, sahetho iahte hononwaktanihakwe. Saiatat ne raronhiakehronon wahoiatata ne Moïse henha, iah onka te iakoterientare kanon wahnwaiatata. R. thennontonhon tsi ehni iawenhon tosa Sitaeronon netho tahonwakanerake tsiniiot R. akenhake, tosa iawet Niio ahontatonnien: 126 tehaoseriiakonne, sekon rakahrriihne rasatstekwe. Tehanawiriiios tsinikon ranotsote 3 niwasontashen tsinikariwes wahonwatstarhase Sitaeronon.

Moïse roiatonserison kaiatonseratokenti ne watorriatha tsini iawenhon tsinahe thaonwentsison ne R. Tsini haiatotenhne, tsini hoieren, iawet watenientenstakon tsi nenhaiatotenhake Jesus nok tsi nenhaiere. R. roiatanonstaton Moïse tosa ahas-kone tsini hotennhaonne ronwanonttio Egiptro-non. R. roiatanonstaton Jesus, ethone tsi wahari-wisa Herot ahonwanawenthon eksa okonha. Moïse tsi raksaa Egiptke wahatehiaron, Jesus tsi raksaa etho wahatekwahen. Roiatarakwenne R. Moïse asakonerensi rontateken okonha Sitaeronon tsi ratinaskwa kenhne, Jesus sesakonerension nonkwe okon tsi notkon iakonaskwaientakwe. Karo asakotati Moïse Sitaeronon 4 nioserashen karhakon renterontakwe, Jesus 4 niwasontashen raonha karhakon iahare karo asakotati nonkwe. Tetsiaron niatekon honatieranion ioriwanehrakwatenions iakonoronse nonkwe eh naieiere wehne ahononni tsi sakonnhaon ne R. Moïse rawentison wentanoron, etho nonwe konwarioskwe teiotinakarontonha kenniakaa, Jesus rawentison wentanoron kenkwitehne ne tsi nonsahatonnnhete konwaiats aonsasakawehiarakwen nonkwe tsi raonekwensa sesakoskontakwaton. Tsi watesakokhasi Moïse ne raotiohkwa ne iahte honwaienterihne

ne R. wathatinatariiake kaniatarake kowa, ne watenientenstakon tsi Jesus enhasa iontatenekwa-hestha, etho iawet eniotiskone nonkwe akoriwanerahaksera. Karo ahonennakerate Sitaeronon tsinonni ionwentsiio sakorharatstennihne R. kariwes karhakon wasakoiatenha tsinon kanesaronkwakeron, iotteron niatekon ahotiatawen, ethoniiot Jesus roriwison nonkwe ionwentsiaksenke taiontstekafwa karo karonhiake ahontsennonni, Moïse sakononten Sitaeronon kakwanoron tewasenskwe ne karonhiake, Jesus sakonontens ok aristia ne iawet kanataranoron karonhiake nitiawenonton. Moïse Sakorihowanatenni Sitaeronon Niio raoianerensera ne kaianerenserakaion konwaiats ne iahte iokweniatseraientakwe aiakonnhotonkwase nonkwe ne karonhiake, Jesus sako-wi nonkwe kaianerensera ienwatkontakwe iah nonwenton taonsonterisi, raonha Jesus sakoiatiniontha karonhiahe nonkwe ne oni ne iakonnhekwe arekho si honakeraton nok neniakonnheke tsiniiore ensewatouwentsiarisi. Tekeni iotkarenkwaton Moïse tehorensaronnion Jesus 1ton sekon sironnhekwe rawen : Katkeha enthotenniete ne R. saiatat ne sewatatekenha enhennakerate nenhotokense kowa ne akwa kariwanoron

enhatoriseke hetsisewatahonsatatihek ; 2^{ton} tsi-
nahe thawenheion Moïse sathatiatateni. Jesus
onotoharake tehatihtarakwe Moïse nok Elie ro-
wennahronken Niio Roniha thowenninekenhon
kawennanoron, wahrenron : Keniken ne Rienha
rinoronkwa, raonha rihonweskwaniha, hetsise-
watahonsatatihek. Onotoharake rawenheion
Moïse, rowenniioston raotonnhetston ne R., Jesus
oni rowenniioston raotonnhetston ne Niio Roni-
ha si renheionsere onotoharake. Moïse eso sa-
koiatakenhaon nonkwe, sakotsennonniatenni
iah sane te hotkariaki nonwentsiake, Jesus oni
ethonihoiatawenhon. (A. M. 2550.)

CHAPITRE XXX.

Recommandations faites par Dieu à Josué.—Rahab cache les explorateurs juifs envoyés par Josué à Jéricho.—Foi de Rahab, elle demande d'être épargnée et l'obtient.—Les Juifs passent le Jourdain à pieds secs (A. M. 2553).—Monument de pierres érigé dans le Jourdain en souvenir de ce passage.—Un ange ceint d'une épée apparaît à Josué.—Les murs de Jéricho sont renversés au son des trompettes, ce qui est signifié par ce fait.—Les Juifs sont défaits à Haï.—Josué prie et s'humilie.—Achan est lapidé pour s'être approprié du butin.—Prise d'Haï par un stratagème.

Tsinahe thawenheion Moïse, R. wahorihonten Josue ronwaiatskwe asakotsteriste. Wahorhara-tšten netho nenhoriwawaseheke tsini horiwawasehakwe Moïse kenha aontonseke ahateriwahtentiate othenon enhoriwaientake. R. wahawenhase wahrenron : “ Tiotkon sehiassek nahoten kheiatenientense nonkwe, tetsiatoretak entiekehne asonthenne oni, nok seriwaieritsek tsini koniatenientense, sesatstek tosa othenon tesanikonhwaren, tiotkon tentenihasehake.” Tiotkon ethoni hoieren Josue, rowennaieriton ne R. Sitaeronon oni ronwawennarakwen, R. rorihontenne askoiatenhawite Sitaeronon skaniatarati Jourdain

konwaiats. 1^{ton} Tehnihase wasakoiatarako ahia-
tkensera tsini kanatoten ne Jeriko tiotierenton
kanatowanen Kanaanronon raononwentsiake,
skahionhati Jourdain. Wahiataweiate tsi ionon-
sote ne ionkwe Rahab konwaiatskwe akta tsi ion-
tenhenrakaronte tsi tkanataien; wakonwahrori
tsi nahoten hniniente. Tsinahe tehotihtare on-
hronke onen ok etho taienne ne sakonnhaonhatie
ronontiio ahonwatiiena tehniase Sitaeronon;
waakoiatasete kati aononskon nok oskare waa-
koiatorokte. Iahontaweiate ne ronontiio sakonn-
haonne, wasakawenhase wakenron: Tokenske
tehniase ronataweiaton ne kento, iahte wakate-
rientarakwe tsinahniatoten; onen nonwa shonah-
tention. Tsinahe shotiakenhon ne sakonnhaonne
ronontiio etho waete tsinonni hniterontakwe,
waakawenhase, wakenron: “Wakaterientare tsi
hetsitsionwentsiawi ne R. ne kento, iakwakwe-
kon ionkwahteron, aseken ionkwariwahronken
tsini ioriwanehrakwatanions tsini hotieranion ne
R. saesewennakerako Egiptke, tesewaniatariakon
watewatnekakhasi iatkaiaiaakte satesewasennen
onsteske etho niesewenon; ionkwaterientare oni
tstni hoiaatawenhon amorrheronon ronwanontiio.
Hetsisemasennaiens ne akwekon thennontons tsini

iawens karonhiake onwentsiake oni, risennaiens ne R. hetsisewasennaiens oni nise ; takenirharatsten raosennakon ne R. etho nenskwentenre tsinakenitenre nonwa wakeniiatanonstate, enskeni atanonstate kati oni nonen enskwanatakari, takenirharatsten oni iah othenon taietsiiere ne khe-nonkwe.” Wahiatontate Sitaeronon, wahniron : Wakenirharatsten, tosa setsanik nise nok ne she-nonkwe okon, tosa tenhnon nise takeninikonrhatten, tosa enseskeniiatanikonrhenn. Etho kati nensiere : nonen entiakwanatakarihe, tsi iosontakaronte ensennhesaniionten onekwentara, iah othenon taiakoiatawen tsiniiakon tsi sanonsote enieterontake, iahta iakoiatakennehaste natste enienseke.” Takenron Rahab : “Tkariwaieri tsini seniierha, enkeriwaierite.” Ok sa ok wahiahtenti asonthenne Sitaeronon. Wahonwahreri Josue tsi nahotiiatawen, tsi akwa tiakoteronhientenni netho thatinakere. Ethone wanonnere : onen iakwah-tenti waakene kaniatarakta waenonwete nok wahontatoserotonnion.

Ethone wasakawenhase Josue, wahrenron : “Tewatateken, onen tewennakeratthe tsiuonwe wahonnise tsi tewaskaneks, 3 nonwata tentewania-tariake, sewatatiatokentist, aseken enioriwanehra-

kwatton tsi neniawenne.” Saorhene wahonhtenti. Ohenton ronne ratitsihenstatsi ratinonsenhawi Niio raononsa tsi watontsotho ratitsihenstatsi, ok sa ok watewatnekakhasi, nok wahontohetste ne Sitaeronon, iahonka othenon te honwatiieren. Ne wenniserate R. wahosennowanate Josue tsiniiot rosennowanatonne Moïse kenha, etho naontawe Sitaeronon satahonwakonnienstake. (A. M. 2553). Onen akwekon tsateiakoiaiakon onwarh sate kaniatarihen, ienonsenhawi R. raononsa, 12 rotiiianer wasakotkennisahate ne Josue, nok wasakawenhase: “ Kanonsaktontie ononsatokenti tesewatann, enskatson tesewanenhiak nok entisewahawe tsinonwe ientewenonwete etho nonwe enskatne ensewakeron. Katke ki ok eniairon ne ietsiien okonha: Nahoten onte karihonni etho iakokeron? Ensewenron: Tsatiakwaniatariake ne jourdain, sonkwentenron ne R. teiotnekakhasion sahatinonsenhawe R. raononsa. Ne kati wahonni ionkwakeron aesewehiaraseke tsi etho niawenhon. Tsini iawenhon Egiptke sonsetewenakerako teiotnekakhasion kaniatarake kowa, etho niawenhon tsi kaniatare jourdain aontouseke nonkwe okon aiakotokense tsi iah othenon te honoronse ne R.

Kennaheha tsi etho niawenhon Sitaeronon wakawentatokentase wentanoron kenkwitehne ne tsiakawehiarakwenniskwe tsi Egiptke ronenna-kerakwen, nok saorhene ontkawe ne tewasenskwe karonhiake iakonnhekwenne, aseken iahte sontoktakwe iieks. Ethone wahrere Josue aiakwatasawen nonwa aiakwaterio aiakwanatakari Jeriko. Akwa ionatatsanitonne Jeriko, kentiohkowanen oni kanatakon ieterontakwe, rotikatekwe ionterioatakwe nok iieks. Josue wahatenatatkensera ; tsinahe rohtentionhatie, wathia-terane ne ronkwe irate ne rasakwarenhawakwe, iahte hotsanikon, tenhnon wahoriwanontonse tsini haiatoten, wahrenon : “ Kanaanronon ken nisiatoten, katonken Sitaeronon ? ” Tahenron ne ronkwe : “ iah etho te kiatoten, ii ionk kowanen R. raotiohkwa, raonha rakennhaonhatie. ” Ethone wahrere Josue : raronhiakehronon ne ken irate ; onwentsiake wahatiskwentaren nok wahrenon : “ Nahoten seriwenhawi ? ” Tahenron ne raronhiakehronon : “ Niakwetesahratasi, aseken onwentsiatokenti tsi tkiteron, ethone enkouhpori tsi nahoten kerihwenhawi. ” Etho oni nihoierenne ne raronhiakehronon tsahowennahronke ne Moïse kenha tsinonwe ioskoha ratekhakwe ne ok noia

nitsiiot tsi onionwarokon rokenne ne raronhia-
kehronon ne Moïse kenha, ne watenientenstakon-
ne tsinenhatironhiaken ne Sitaeronon nok nonwa
tsi wahotkatho ne Josue rasakwarenhawe ne wa-
tenientenstakon tsi rateriosere nok enhontesenni.

Ne raronhiakehranon wahohrori Josue tsi nen-
haiere ahanatakari Jeriko waheuron : “ Ense-
nenhraseronni ne sentiohkwa eniakononteratie
ononsatokenti 4 nenhatihake ratitsihenstatsi en-
hatinonsenkawi nok 7 nenhatihake ratitsihensta-
tsi enkatihonrawatseke. Etho neniohton ense-
wanenraseronnihatie tensewanatatase 7 nenwen-
niserakehake etho nensewaierhake, iah onka te-
niontatiseke ne ok enionhronkhake tsi eniako-
honrawaton. Ne 7^{ton} nonta 7 natensewanatatase,
senha entionkwisron tsi eniakohonrawaton, etho-
ne akwekon teniontontarikte, ethone tenwenni-
tstenrareni tsi kanataien nok akwekon ensewata-
weiate kanatakon.” Etho nahatiiere ne Sitaeronon
tsini hororihne ne Josue raronhiakehronon. 7^{ton}
nonta wakentstenraniserenne. Wasakotirio akwe-
kon netho thatinakere nok, oni ne katsenen okon ;
ronwatitenron tenhnon Rahab nok aowatsire tsi-
niiot konwarharatstennihne, wahontiataren tsini
kentiohkwa ne Sitaeronon. Wahontenatatsahate

akwekon oni ne iontseronniatha wahatinatentawe ne ok wahatikwe owistanoron nok karistatsi okon nahonwawenniioste ne R. Kor Rti ratonhakwe : “Tsi thonehtakonne ne Sitaeronon, etho tioientakwen wakentstenraniserenne ne Jeriko.” Tsi ethoni hoieren ne R. raweron ; aiakotokense nonkwe tsi iah othenon te wakenoronse. Kenni-oriwaa enkierate ne ioriowanens, tosa onka aiontenaiestakwe tsini hontierha. Tsi etho niawenbron ne iawet watenientenstakon ne tsi neniawen ohnaken nonen Jesus ratikwekonne tsi ensakonatai nonkwe raotiwenna enhatiierate tenkatane tsi nonkwe konwatisennaienskwe kaiatonnik.

Ethone wahrere ne Josue : Hai kanataien nonwa aiakwanatakari, wahatennhanne ahontenata-tkensera : wahoniron : Iah akwa teionatatsanit, tosa akwekon ionhtenti. Wahatontate ne Josue, ne ok ieken 3 niwenniawetserashen wahonhtenti, iah raonha te hohtention. Kawenniiio kanatakta wathatitane ne Sitaeronon, ok sa ok wathonwanateratte niahte iakoriwiioston, wahonwatisenni ne Sitaeronon nok sasakonatekwate, 36 wahonwatirio. Wahonnikonhrokten ne Sitaeronon tsi naawenne wahotihteronne oni tsini hotinikonh-ksens ne rotiianer, wahatiratsionko raonatiatawit,

nok wahontatakenroserawe, ononsatokentike wahonnete. Josue oni eh warete enniserakwekon okenrake wahontkonsanentakte. Ok iaokarawe roterennaientakwe ne Josue. Wahrenron ne R. : “ Testann etho onen tsina sataktenronni enkoniatontatse. Saterientarak tsi rotiriwannhikon ne Sitaeronon, othenon ronatatewenniioston nok ronaseton, iah taonton akwaienawase tsi ok nenhonwarioke nethoni hoieren. Saorhene wahontkennisa ne Sitaeronon nok wahotitokense saiatat ne Akan ronwaiatskwe shoteriwatewaton. Wahatennhanne Josue ahonwanonksa wahrenron : “ Satorori tsini saieren, tosa othenon takeriwaset.” Tahenron ne Akan : “ Wakeriwaneren : atiatawitseriio wakatkathon ne oni owistanoron tewakekwe, waksonhionni nok wakaseton.” Tsi thotaserote wahonnete nok wahatitsenri ne rosetonne. Wahonwaiena Akan nok sakoien okonha nok tsinikon roientakwe, katsienhowanen wahontekate wahonwanenhiohiake. Wasakoiatarako ne Josue 30 niwenniawetserashen rotiskenrakehte akwa rotitsanitonne, wasakawenhase wahrenron : Tsina tenwatsothosere entewahtenti kanatakta Hai entewatasete tsi nonwe ioterontonni 3 niwenniawetserashen senha kanatakta enhontasete, ii

entiakwatierente eniakwaterio ninonha ionkwa-
taseton, kanekhere entieiakenne netho ienakere
okteniakwennowente ostonha entiakwateko, ok
sa ok entionkisere, kawenniiio inonha iatenhati-
tane, kanatakon eniontaweiate ne 3000 ne kana-
takta enhonataseton, akwekon sakotirio ensako-
tiken, nok kaneka nonkwe enhontenonsatsahate,
kawenniiio enhontkatho ne Kanaanronon, ok sa
ok enhonnehre: kanatakon aietsiakwe, ethone
tewakwekon ietisere, akwekon oni enietirio.
Etho nahatiiere ne Sitaeronon tsini horiwaieren
ne Josue, etho naawen tsini honikonhroten; wa-
honwaiena ne ronwanontiiokwe Kanaanronon,
akwekon wahonwatirio netho ienakerekwe. Akwe-
kon wahonwatikwe ne raonawenk nok wahonte-
natatsahate, ohnaken wahonwatniaterenke ne
ronwanontiiokwe.

CHAPITRE XXXI.

Paroles de St-Paul sur la foi qui a été le principe des grandes actions de Josué.—Ruse imaginée par les Gabaonites pour tromper Josué, ils ont la vie sauvée, mais sont réduits en esclavage.—Une pluie de pierres tombe sur les Chananéens. Josué arrête le soleil.—Josué fait en partie la conquête de la terre promise.—Fertilité de la terre sainte, sa désolation dans les temps présents.—Partage de la terre promise, dîmes assurées aux Lévites, 10 ans de paix.—Autel dressé par 3 tribus, opposition des Juifs à ce projet, ils sont satisfaits des explications qu'on leur donne de ce fait. Adieu et derniers avis de Josué aux Juifs, ils renouvellent l'alliance avec Dieu.—Mort de Josué (A. M. 2570).—Il est la 13e figure du Messie, en quel sens.

Rawen Kor Rti: “ Tsi thonehtakonne Sitaeron-etho tioientakwen wakentstenraniserenne tsi tkanataien Jeriko, 7 nonta wathatinatase ; tsi tiawehtakon Rahab ne iahte wattokhakwe ne iostonton iahte honahriskonhon ne iakotenno-wentatskonne, ne oni iostonton tsi skennen wako-teweienton ne tehononwentsiakenseronne. Heb. ch. 11, v. 30-31.

Rotiiatatokenti kenha tsi thonehtakonne etho tioientakwen ronatesennion tsi waterioskwe, tka-

riwaieri, ioriwakwarision tsini honatieranion, rotiena oni nahoten R. sakorharatstennihne (Hebr. XI-33). Tsi ehnihawennotenhne Kor Rti wasakotokaten rotiriwiioston tsini ioriowanen tiakawehtakwen konwaiats. Ne iorihonniaton niate ioriwake ioriowanens tsini honatieranion Rotiitatokenti kenha rononnhekwe arekho si onkwe rotonhon Niio Roienha, Abraham, Isaac, Jakob, Josue. Wakatroriaton tsini hoieren Josue wasakoiatinionte Sitaeronon tsinonni ionwentsiio R. sakorharatstennihne, tsini iawenhon sathatiniatariake Jourdain, sahatinatakari Jeriko nok Haï, onwa akatroriatonhatie.

Tsinahe thotinatakarihenne ne Sitaeronon Haï tkanataien wahontkennisa ne Kanaanronon, wahatiriwisa enthontenrowe ahonterio. Rononha tenhnon ne Kabaonke thatinakere wahonnehre : oktioriwakon aiakwatenienten aiakwaterio sotsi ratisatste, sakoriwawase oni ne R. ronwasen-naiens senha watiesen kanikonrhata aiakwafste. Wasakotihonkariake kati otiake Sitaerononke iahonne, wahoniron : Ensewatennatserenhawe elho neniohton tsiniiot ne wahonnise tsi iakotennatserison tenioiariseron nensewarakwe enionatararihon, nok akwa iostathenhak tenioriseronke

ne tensewahtarionke, etho neniohton entsisewai-
atorenne Josue, etho nensewaiere tsiniiot akwa
inon ontesewahtention, ensewenron : Iakwehre
aiakwatenrosen nok akwa aioriwahniron ; “ Ka-
wenniio ensewariwison, ok sa ok enhonhronke
tsini sewaiatoten iah tenhnon taonsonton aonsa-
hatiriwarisi, aseken ronwawenniiostha ne R.
skennen kati entionnheke.

Etho nahatiiere ne ronwatihonkariakon, Ken-
naheha iahonnewe Sitaerononke, etho iahonta-
weiate tsi ronatkennison ne rotiianer nok oni ne
Josue, wahniron : “ Akwa inon tionkwahten-
tion, iakwehre : aiakwateriwaseronni, aetewaten-
roseronni, ionkwariwahronken tsini ioriwane-
hrakwatenions tsini hotieranion R. Egiptke, tsi
sewatesennion. Sewatkatho tsina teioriseron non-
kwatakwennia, onatarase tionkwatennaton : onen
kati ionatarathen nok teioriseron. Wahonnehre
Sitaeronon : thatiriwaierits, wahonteriwaseronni
tiotkon skennen akenhake nok R. wahnwanat-
ton sahatiriwahnirate, iah tenhnon ohenton te
honwawennisakon ne R. 3 nonta tsinahe thotiri-
wison wahotitokense ne Sitaeronon tsi Kanaanro-
non nahatiiatoten ne ronateriwaseronni, wahoti-
nakwen wahotinikonhraksen ne rotiskenrakehte

tsi wahonwatinnhese nasakotirio ne Gabaonronon ronwatinikonrhatennihne. Wahoniron ne rotiianer : “ Iahtaonton aietirio aseken R. raosennakon ietirharatstenni tsi iahtahontkaronni, ensonkwanakwase ne R. aetewatatewennarisi, iah kati taietirio. Tenhnon enietinnhaseke rononha nok sakonaterere okonha tsinenwe, tenhatiaientiake nok enhatihnekakareni, Niio tsi rononsote enhotiioten, 5 nihati rotinontiiison sahotitokense tsi Gabaonronon thonatenrohon ne Sitaeronon akwa wahotinakwen nok wahonteriosera ne Kabaonronon. Wahonwahreri ne Josué, wahoniron : Ionkiswens ne Kanaanronon, tosa takwatewentet ; 5 nihotinontiiotserake ionkinatakarihe, takwaienawas niha. Wahowennisake ne R. Josué : tahenron ne R. : Sateriosera, tosa setsanik, enhesenni. Wasakawenhase Josue, wahrenron : “ Tosa sewahteron, enkwaienawase aietsisenni.” Wathatsterihen Josue, iahte honwarharekwe Kanaanronon wahonatteronhienten nok iah othenon te honatorianeron. Eso wasakorio Josue nok tsi wahonnehre : eniakwateko, onenhiatorisenseron ne karonhiake, senha kentiohkowanen saiakoriohte, sekon sane kentiohkowanen waakotekwenhatie. Wahrere ne Josue : Onen iekarahane, to-

kat iahtaionkwanaktotake aiakisere. Ethone karonhiake iahatkatho ne Josue, akwekon tehonwakaneronnion ne Sitaeronon, wahrenron : “Te-kathann ne karakwa, nok oni asontenkha.” Ok sa ok etho naawenne. Ne R. iawet wahowennarakwe saiatat ne ronkwe tsini wenniseres 12 nakawistaheke ionsakarake tsini wenniseresons, etho ni kariwes wasakotisere Sitaeronon ne Kanaanronon. Osonwakon ronatasetonne ne ronwatinontiiokwe 5 nihatihne. Wahrenron ne Josue : Sewanontek tsi nonwe ni honataseton, eniorhene enkatokenne tsinenhotiatawen, niakwe ietisere nonwa ne ronatekwenhatie, nok akwekon ietirio.” Skatsonha kati sahatiniakenne, iah enskatha ne Sitaeronon tehonwakarewatton. Saorhene wahatennhanne Josue nahonwatinonksa 5 nihotinontiiioson, wasakawenhase Josue ratikowanens, ratiniasake tesewaskwaseren. Etho nahatiiere. Ethone wahrenron Josue : Etho nenhotiatawen kaneka enhonnerheke : tiakwatorianeron, ok eken Rke sewatennikenhrontiettak, nok tosa ietsitenr ne Kanaanronon, aseken tokat enietsinikonhrotako, ok sa ok enietsisenni. Kariwes wahaterio Josue wahanatakarihatoon tsini haononwentsia ne Kanaanronon, wasakosenni oni ne

ronwanontiio Kanaanronon enskatson, skanatat ok nok kanaktatie kennioreha tsini haononwentsia. Iah akwekon te hotatewenniioston Josue tsini haononwentsia, aseken tsinahe thawenheion, sekon kariwes wahonteriohaton Sitaeronon. Ethone ok ki Tافیت tenhnon Salomon ronwatinontiokwe, akwekon akowenk iotonhon tsini haononwentsiakenhne Kanaanronon. Kaiatonseratokenti watroris ne iorihonnihon iah akwekon sakaonwentsiawi ne R. tsi rotiriwaneren. Tsini ionsons nakaonwentsia 240 miles nok tsinateionihes 105 miles. Akwa ionehrakwat tsini ionwentsiiohne, watonniskwe onatsia, onenhare kowa, niate wahiake akwa wahiiios. Onwa iah etho te tsiot iawet ionwentsiaksen iotonhon. Etho niawenhon tsini hoierenne Moïse, ronnhaoenne ne R. asakchrori ne Sitaeronon : Tokat enskwawennarakwe, ensewatsennonnihake, enwatonniheke tsi ensewaienthoseke, nok eken enskwawennonti iahtenwatonniseke tsi ensewaienthoseke, enietsirio ne ietsiswens, enhontatewenniioste ne sewatsenen okon nok sewatennatsera.

Etho niawenhon : tsinikon Sitaeronon sakotinakerani naheren thatinakere wakonwatisennaian kaiatonnik sonha nok wahatiriwanerahak-

hon. Sahontatewenniioste ohnaken Romronon raononwentsia, rononwentsiioston, nok tsinahe ne Turks ronwatiiats niahte honwaienteri ne R. raonawenk iotonhon iahte tsiieienthos nethononwe, ne ok teiekanere onenhia, onesaronkwa, iahte skaieronni tsini ionwentsiiohne wahn-nise.

6 nioserake tsini kariwes wahaterio Josue ahatatewenniioste Kanaanronon raononwentsia. Wahonnhanne ne R. Josue tehaonwentsiakasionko 12 wathaiake tsini ionwentsiiokwe Kanaan 12: nihotitiohkwake ne Sitaeronon enskatson wahatiiena, tikate Levi raowatsire ne ronaterihontakwe kariwiiostonke, 48 nikanatake wahatiwennioke nok aktontieson rononwentsiaientakwe ne noierihaton tsini iakoienthoskwe neniakoientokohaton enskat iehonwanawiskwe ratitsihenstatsi nok oni ne katsenen okon. Etho kati niteweskwe Levi raowatsira tehonarenihonne tsini ionwentsia ne Kanaan.

Akwa wahatsennonni Josue tsi wahaweiennentane sakaonwentsiaionnihakwe, wasakoriwawase ne R. asakotisenni ne Kanaanronon tsini kariwes ronwawennarakwakwe ne R., iah othenon teshatikwenieskwe asakotinikonhraksatanion. E-

tho kati niawenhon tsini sakorharatstennihne ne R. 10 nioserake tsini kariwes skennen kowa kenhne.

Ethone wasakononke ne Josue ne rotiskenra-
kehte Ruben, Gad, nok Manasse raotiwatsira isi
nakaniatarati Jourdain thatinakerekwe, nok wa-
sakawenhase wahrenron : “ Onen sakowi ne R.
sewatateken okonha ahonteriosentane, skennen
kowa iotonhon, etho iensasewe tsi tsionwentsia
isi nakaniatarati Jourdain ; sewehiarak tenhnon
tsini sonkwatenientense ne R. ; Hetsisewanonwe-
hak sewanikonhrakwekon ; kaskaneks aesewat-
sennonni onen nonwa wasakoterennaienhase.
Onen wahonhtenti, skennen kaniatarakta Jour-
dain iahonneuwe. Ethone wahonnehre tsi onen
tehontekhasionhe ne rontatekenha : katke ki ok
ientsionkiatanikonrhen tsiniiot iah taonsaiakwa-
tatenonkwe, aontonseke tosa etho naiawen waha-
tinenhiaroroke, akwa iawetowanen nok ethone
ionsahatiniatariake. Wahatiriwaswen ne rotiia-
ner tsini hatiwatsirake Sitaeronon wahoniron :
“ Kariwatoken wahonnehre etho nonwe ieniak-
wawenniioste ne kaiatonnik, aseken iah taonton
ahonwawenniioste ne R. tsi ok rononsote, rotiri-
waneren kati, nok rononha raotiriwa ensonkwa-

hrewate ne R. Wahontkennisa kati rotiskenrakehte wahonnehre aiakirio nonkwatatekenha. Tennenon iahte hotontaton Josue, wahrenron : “ Niare eh iahonne Finées, Eleasar ratsihenstatsi kowa roienha nok 10 nihati ratisennowanens. Eh kati iahonnete nok wahoniron : Ionkinnhaonhatie tewatatekenha ne Sitaeronon akwahrori : Ohniiotieren hetsisewatewenteton ne R. ? hetsisewawennontion, sewariwarision tsini snkwariwisanani ? Tokat onwa tsi ok ensonkwahrewate. Tsitewe tsinon tionkwahtention oseronni tewenakerat nok tosa tetewatekhasi, sotsi ionkwani-konhraksens tsi sewason tsiniiot tsi iehasentakwa.

Wahotinikonhraksen ne Ruben, Gad, nok Manasse raotiwatsira tsi wasakotteten ne Finees, wahoniron : “ R. iah othenon te honoronse teha-kanere nonkwani-konhrakon, roterientare nahoten karihonni ionkwanenhiaroron, iahte ionkweron : sakwawenniiostak ne R. nasakwawenthokatsenen sonha, iah oni te ionkweron asakwawennonti ; tsi ethoni ionkwaieren, ionkweron : iakwanenhiarorok tsiniiot tsi iehasentakwa ne enwatanientenstakonhake tsi tewatatekenha, nok tosa nonwenton taiakitaksenne, iah kati tetsite-

watewenteton ne R., ok onen tsini ionkwanikonhroten, ionkwaterientare Niio tsi rononsote ioteriwison ahonwawenniioste ne R. iah kaneka akte nonwe.” Wasakohrori Finees ne Sitaeronon nahoten ronwahreriorhne. Akwekon wahati-riwanonwene nok wahontsennonni.

Tsinahe ronennakeraton Sitaeronon tsinonni ionwentsiio sakaonwentsiawi ne R. skennen kowa tsi thatinakere, onen tsi rotiatison Josue, wasakotkennisahate nok wahrenron: “Tesewakanere onen hetsitsionwentsiawi ne R. onwentsiio hetsisewarharatstenni. Arekho te ietsisennion akwekon etho thatinakere; tosa ietsitsanik, nok sahetho ahatisatsteke, sewatatenikonhrahnrirat, sewariwaieritsek tsini sonkwatenientense ne R. tsi tionnhe, sekon ok etho ienakerenion ne iahte iakoriwiioston tosa ietsinakeren tsini iakonnhoten, tosa sewawenniiost ne raotiiatonnik, Rke sewatennikonhrahnentakt, iaweronhatien tsi akwa rotihnenhrahnriron, enietsisenni, R. ensakoiatahtonte. Tokat ok eken entisewatenrowe niahte iakoriwiioston, tokat aietsinakeren ne Kanaanronon, R. iahta sakoiatahtonte, etho nentewe enietsinikonhrotako, ensewententane ensewatkaronni, enhatennhanne ne R. enietsionwentsiakwa nene

ionwentsiio hetsisewawi. Ethoni hoieren ne R. tsini hetsisewarharatstennihne, hetsisewentenron nok sewatsennonnihon, tokat tenhnon ensewata-tewennarisi, entsisewawennonti ne R. ensewatkatho entsisewahrewate, etho neniawen tsiniiot kwahrori. Wakwahrori tenhnon nonwa ii nok akwatsire iah nonwenton tasakwatewentete ne R. tiotkon ensakwawenniiostake.”

Tahoniron akwekon ne Sitaeronon : “ Iah nonwenton tasakwatewentete ne R. iahtaiakiwenniioste ne kaiatonnik. Raonha tesonkwawistotarision Ekiptke, tiotkon sonkwentenron nok sonkwaiatanonstaton, ioriwanehrakwatenions tsini hotieranion. Sonkwawi onwentsiio tsinontewanakere, iahte kakonte ensakwawenniioste, aseken raonha R. tsi tionnhe.”

Tsinahe eh niawenhon kennaheha wahrenheie Josue, 110 tehaoseriiakonhonne (A. M. 2570). Tsini hoieren Josue iawet watenientenstakon tsinen haiere Jesus ne Sonkwawenniiio. Tetsiaron sahotisennat, ne sakat aiairon : sakoiatanons-tats. Josue sakosennion ne thatinakerekwe Kanaanke, sakoiatinionte Sitaeronon tsinonni ionwentsiio R. sakorharatstennihne ; Jesus sakoienawase nonkwe ahonterio notkonseraksens ne iak-

oswens, sakosatstenserawis nakonwasenni, sakoi-
atinionte nonkwe tsinonni akwa ionwentsiio ne
karonhiake akaonwentsia ne iakonnhe onwe. Ii
kati atsitewenhase Jesus nahoten Sitaeronon ron-
wennihakwe ne Josue: Jesus askwawenniioke
askwakowanenhake tsi ok nahoten enskwann-
hanne, etho neniakwaiere eniakwatsennonni
akwawennarakwake akwanonteratieseke.

CHAPITRE XXXII.

Caleb fait mutiler le Roi Adonibésec. Othoniel, Aod, Sam-
gar Juges des Juifs.— Les Juifs pour leur infidélité à
Dieu sont réduits en servitude par Jabin.—Ils crient
vers Dieu qui suscite la prophétesse Débora laquelle
envoie Balac à la guerre.—Jahel tue Sisara réfugié
dans sa tente.—Barac voit Sisara mort.—Paix accor-
dée aux Juifs.—Jahel et Débora figures de la Vierge
Marie.—Histoire de Ruth la Moabite.—Elle suit
Noémi chez les Juifs, va glaner dans le champ de
Booz qui la reçoit bien et l'épouse.

Tsinahe thawenheion Josue kenha, ne ratsi-
henstatsikowa nok rotiksten okonha rotii-
aner wasakonateriwatsteriste ne Sitaeronon, wahonn-
hanne ne R. saiatat ne Kaleb ronwaiatskwe ahon-
terio ne Kanaanronon wahentiohkwaroroke ne
sotar Sita nok Simeon raotiwatsire, wahoiena

Adonibese^k ronwaiatskwe ne ronwanontii^o, wafonwasitiake nok wafonwanentsiake. Ethone wafenron : “ Tkariwai^eri tsi naonkiatawen nonwa rakrewatakwa ne R. tsi ethoni kheierase 70 rotinontiiotserake akwatekhwarakon tehontkennieskwe ahonneke ne wakekhwii^oonne tsi kenataraskwe. Ne ietok^atha tsini hatiserohenskwe nethothatinakere nok tsina tehonatentson R. asakohrewate.

Tsinahe thonenheion Kaleb nok ne rotiksten okonha ronatkathonne tsini ioriwanehrakwatenions tsini hotierenne Moïse nok Josue, Sitaeronon wafonwatewentete ne R. wafonatenrowe niahte iakoriwiioston nok wafonwatisennaⁱien kaiat^onnik. Ne rotistonton R. wasakonakwase, wasakotewentete, etho takai^eentakwe ne Kanaanronon wasakotisenni. Akwa ionehrakwat wafonhont^onnhakari, wafonwennit^entase ne R. asakoiatak^ennha, wasakowennarakwe ne R., wasakotenniete oti^eake ratisennowanens sakosatstense-rawihne aontasakotinnhe. Ethoni hoieren tiotierenton saiatat Othoniel ronwaiatskwe rawennhonsa ne Kaleb kenha ; etho oni ni hoieren Aodronwaiatskwe sate haweientehtonne tsi raweientehtakon nok shanekwati. Wasakosenni Moabro-

non nok wahorio Eglon ronwaiatskwe ronwanon-tiio. Onen nonwa Sangar ronwaiatskwe wasakotsteriste ne Sitaeronon iebettakarhatosta waratste 600 wasakoriohte ne Filistinronon.

Kennaheha sahotitentane ne Sitaeronon rontenrokwe ne Kanaanronon oseronni ratinakerekwe. Iah etho te shatiihahakwe tsini haierhakwe ne Josue kenha sakonnhaonne ne R. akwekon ahonwatirioke. Onen kati tsi shatitsanit Kanaanronon wahatinatianion, kentiohkowanen wasakotiiatororoke ne rotiskenrakehte nok wahonnehre : aiakwaterio ne Sitaeronon. Sisara ronwaiatskwe ne thonwakowanen Kanaanronon. Wahnwatisenni ne Sitaeronon aseken ronwawennon-tieskwe ne R. Tsinahe ronwatisennion tiotkon ronwatinikonhrarakwe iahte watonskwe ahontkennisa ne Sitaeronon, ronwatinnhaseronskwe, nok akwa ronwatironhiakentakwe. Ne Jubin ronwaiatskwe, rotitiohkowanenraosotar, roserataientakwe kasere ionteriohtha 900 iakennekeriakstha, iosaronton.

Ethone oni ionnhekwe Debora konwaiatskwe, iawet iotokensehakwe, tsini konwakonnienstakwe othenon rotiriwaientakwe Sitaeronon, konwaniahesaskwe aiekwatako. Wahnwennitenta-

se ne R. asakotenre aontasakonnhe. Waotokense Debora tsi R. sakowennarakwen, iah tenhnon te iaweron : ii akatsteriste, akitiohkwaroroke ne sotar, wahononke saiatat ne roianer Barak ronwaiatskwe. Kawenniiio warawe, wakenron : “Rakennhaon ne R. akonhrori 10,000 sheiatkennisat ne Sitaeronon, nok ise eniesakowanenhake, onontoharake Thabor iaesewe nok ensewaterio ensewatesenni oni.” Sahetho thoriwaierikwe ne Barak, sekon wahatsanike, takenron : “Ethone ok enkatontate nensahtenti nise nok nise enkwakowanenhake,” Takenron Debora : “Etho neniawen, entewe nok tsi iahtatsiwennarakon ne R. enhiahrewate, iah nise tasatesenni, skaiatat ne tsiothonwisen enhosete Sisara.” Ok sa ok wahonhtenti, Kawenniiio iahonnewe sedes tsi tkana-taientakwe, 10,000 wasakotkennisahate rotiskennrakehte nok onontoharake Thabor wasakotiia-tenhawite. Roterientarakwe ne ronwanontiio iahte hotiriwiioston tsini hotinikonhroten ne Sitaeronon. Wasakotkennisahate ne raotiohkwa, nok onontakta Thabor wathatitane, rerhakwe : kennikariweshah eniakisenni ne Sitaeronon. Ethone wakenron ne Debora wahawenhase ne Barak. “Onen ensaterio, enhiaienawase ne R.

enshesenni niahte iaboriwwiioston. Ok sa ok wahahamenti ne Barak, wahateriosera. Ok sa wathonateronhienten niahte hotiriwwiioston nok wahonteko wasakotisere ne Sitaeronon nok kentiohkowanen wasakotirio. Ne ronwakowanen Sisara wahatitako raoseretakon nok ehtakeson wahatekwasken aotoserakon ne Jahel konwaiatskwe ronnekwe Haker Sinesronon, wahonaktotase aotoserakon, nok tsina tehowisenheion waharate nok wahaterhoroke. Akwa ionehrakwat roniatathenskwe, wahrenron : “Taknekanont, aknekihra.” Takenron : “Senha ioianere ononta asnekihra nok wahahnekihra, nok wahrenron : “Tsi kannhokaronte testann, tokat eniesariwanontonse : Iahken onka te iakotaweiaton ne kento ? ensiron : lahten. Ok sa ok wahotawe Sisara, aseken tehowisenheion. Jahel watkaronwarakwe ionistontkowa nok oni ienekonrestha nok satehanontsijen wakaronwaroten nok etho wakanekonreke, ok sa ok wahrenheie Sisara.

Skennen tontien ne Jahel tsiniiot iah othenon taiotieren. Barak tenhnon tsina honikonhraksen sahojniakense Sisara roriwisakonhatieskwe kani iehawenon ; kanonsakta warawe tsi iononsotakwe Jahel, wathoterate Jahel, wakenron : Sata-

weiat tsi wakenonsote, entsatkatho netsiatisaks, wahataweiate nok wahatkatho etho raiatahere Sisara kenha.

Wakarennisa ne Debora taonsahonwariwakwasehake ne R. akwa iken karenniio wahniriwakwe aonha nok Barak. Akwekon kati wahonwatiwatsirahtonte ne Kanaanronon etho nonkwatti ratinakerekwe. Teioserashen tsini kariwes wasakonatsteriste ne Sitaeronon Barak nok Debora, nok ethonikariwes wahonteweienton ne Sitaeronon.

Tsini ioieren nene ionkwe wahosete ne sakerseskwe ne Sitaeronon iawet watenientenstakon tsini ioieren wari Ioiatti teionontsistahrison nohniare notkonsereksen. Aonha oni Wari iorennison karenniio Rosennaiens : ne tsionkwehiarakwenuis tsi R. raiatarakwenne aionkwatewetonhase ne rasennion noneshonronon iakonaskwaientakwe nonkwe.

Ethone tsi ionnhekwe Debora, iakahewe wahontonkariake, ontokten atennatsera, saiatat ne ronkwe Elimelek ronwaiatskwe Bethleemronon eh iahare tsi thatinakere Moabronon, wasakoiatenja ne rone Noemi konwaiatskwe nok sakoien okonha rotiskenrakehte Nahalon nok Kelion ron-

watiiatskwe, kennaheha wahrenheie Elimelek, iah ok sa ok tetsionakerakwen Noemi, tetsiaron akoien okonha Moabronon naeiatoten wahotini-ake, skaiatat Ruth konwaiatskwe. Iahte kariwes tetsiaron watniheie Noemi akoien okonha. Konwanoronkwakwe tetsiaron nakosaf keninoron kwakwe tenhnon ne aotiiatonnik.

Ethone wahrere Noemi aonsaket Sitaerononke tsi tkanakerekwe, wakonnehre nakosafwa entsiakwe, enskat ne wakonhtenti. Tsinahe ionahtentionhatie, waakawenhase tetsiaron nakosafwa: satsiahtenti, oriwakon tsi ietewe, onen se iah othenon te sewakerihonte. Kaskaneks atsisenitenre ne R. Ethone waehre Noemi : takhenoronkwanion, akwa wakiatstaren nok wakeniron : “Iahta keniiatonti, sotsi se takeninoronkwa.” Takenron ne Noemi : Ikehre aonsetsiahtenti, aonton kati ken nonwa othenon akontsennonniaten. Tekeni ok te wakewiraientakwe nene teseninite-rontakwe, iah oni te sewakerhare naonsonkewiraientane, nok oni nahoten karihonni isenehre : aiakiennakerat tsi thonwawenniiostha ne R. Kaiatonnik se nise seniwenniiostha. Iahtaeseni-konhriiohne, ok eken enietsiriwanerahakten ne Sitaeronon, onen kati satsiakket, rakrewatha ne

R., tosa kati kiatatake satenikonhranentakt. Senha saiotinikonhraksen nakosafwa tsini kaierhakwe, akwa wakiatstaren, oia sane nateiotinikonhrotenne, skaiatat iahte werhakwe : akatewentet ne kaiatonnik. Ne kati wakarihonni iahte kakonte sonkkete. Wakenron ne Noemi, waawenhase ne Ruth : “ Oh nise nisanikonhroten tsi iahte sesaktons ? ” Takenron ne Ruth : “ Nahoten karihonni tiotkon ne saton ? Arekho te saterientare tsini wakenikonhroten. Tiotkon enteneseke sakat enteninakereke nok enhiwenniioste ne R. netsewenniiostha. Etho enkiheie tsi nonwe ensiheie, etho enionkiatata tsi nonwe ensiatatake. Sontkatho Noemi tsi tionikonhrakontakwen Ruth akeneseke, wakenron : “ Etho natsierh ki naa tsini saskaneks nok Bethleemke wakenewe.” Ontsaroko kanatakon tsi onen itsio Noemi, wakonwanatarenase, aseken konwanoronkwakwe, nok iontonhakwe : “ Ken itsio Noemi.” Aonhaa tenhnon waakawenhase : “ Tosa, wakenron, askwanaton Noemi, ne sakat aiairon : ionkwetiio, ok eken askwanaton Mara, ne sakat aiairon : ioronhiaken ; aseken eso wakeronhiakenhon tsinahe tewakahtention. Wakwatsehakwe sontakahtenti, onen tenhnon nonwa wakitent, rawen-

heion oni ne teiakeniterontakwe, ronenheion oni ne kheien okon kenha.

Kenkwitehne kenhne sonsakenewe Betleemke Noemi nok Ruth ; onen tsi ienatsiakskwe netho nonwe. Wakenron ne Ruth “ Asatontatse, ensennonton enkenorisaka nonwa tsini ieienthokwas.” Wakenron Noemi : “ Ise tensennonton, iah se te iennhes ne kento aienorisake ne iakotent okonha. Ethone onhtenti ne Ruth, rariwawasehakwe ne R. etho wakanorisake tsi thoientonne ne Boos ronwaiatskwe, rokwatse, hiatatekenha nene rone kenha Noemi ne ronwaienha Salmon ronwakowanen Sita raowatsire, nok Rahab ne konwaia-tanonstatonne Sitaeronon sabatinakari Jeriko. Etho warawe ne Boos wasakotkensera ne sakonnhaseronskwe, wasakawenhase : “ Sewakwekonhak ne R. : ” Wahoniron : “ Aiazens R. ahia-tsennonniaten.” Wahatkatho ne Ruth. Boos wahoriwanontonse saiatat ne ronnhaskwe : “ Onka netho ne ienorisaks ? ” Tahenron ne ronnhas : “ Moabronon nieiatoten iskenene Noemi, wakeriwanontonni nok wakatontaton aienorisake orhonketsi iotasawen.” Boos wahawenhase ne Ruth : “ Satontek tsi nenkiere. Ikehre : tiotkon tsi wakienthon, iah onka taiesanikonhraksate, ensani-

atathenseke eh iahase tsinon kahnekare ohnekanos ne ratihnekihra ne khennhas.” Ruth watontontsoten rasiakta ne Boos, wakenron : “ Ohniiotieren tsi etho naskitenre ? Takenron ne Boos : “ Ionkrori tsini saiatawenhon, tsinahe thawenheion ne saniakon kenha, sheiatewenteton ne sewatatenonkwe ne sate sewanakerekwe, etho asennakerate onwe tsinon thatinakere niahte sheienterihne, kaskaneks ahiatsennonniaten ne R. ne ronwawenniiostha Israerronon, etho satekwashen tsinonwe ronwasennaiens.” Takenron ne Ruth : “ Niawen, sension, waskenikonhrah-nirate, iahte wakerihonte akiatarake ne shennhas.” Wakenron Boos : “ Nonen ienkahewe tahontskahon ne khennhas, etho iahase satensewatskahon.” Etho kati naawenne : wakonwanonten, nok wasakawenhase Boos ne raonkweta, wakenron : “ Nonen enienorisake, sewanikonhronni ehtake sewati onora sonha, tosa aontehen aieroreke.” Eso kati wakanorisake enniserakwekon. Wakaon akosafwa, wakenron Noemi : “ Kanonni sanoratsenrionhatie, aiawens aonsahoieritse ne R. ne hientenron.” Wakenron Ruth : “ Raonwentsiake nene Boos ronwaiats wakenoratsenrionhatie.” Takenron Noemi : “ Aiawens

R. ahoiwawasehake tsini sakotenronne ne wake-niakon kenha nok kheien okon kenha, etho non-wa sekon ni sonkwentenronhatie. Tosa akta non-we senorisakha, aiawens tosa onka aiesatehate.

Onen si iakoienthokwenne, Noemi waawenhase ne Ruth: “Ikehre akoniatsennonniaten onwa enhawake ne Boos, etho iahase, hetsrori tsi tsiatatenonkwe. Etho nakaiere Ruth. Boos wahonikouhraientane nok wahrenron: “Aiawens R. ahiatsennonniaten, skennen sennontonnionhek, kanatakwekon iakoterientare tsi tisariwaiერი, tokenske tiatatenonkwe, tenhnon saiatat senha akta tsiatatenonkwe tsiniiot ionkwaianerenseroten ioteriwison aeseniniake; tokat iah etho taiawensere eniakeniniake. Ruth waohrori Noemi tsini iawenhon, wakenron: Iahtahatorisen Boos tsi ok enhariwaseronni. Ne wenniserate eh iahare Boos tsi iontenhenrakaronte tsi tkanataien, etho nonwe teiontatiatoretakwe nonkwe ieriwaseronniskwe oni othenon iakoriwaientakwe. Wahononkse ne akwa hiatatenonkwe ne Noemi rone kenha, 10 nihati rotiiianer wasakoniahese tahonwaiatorete nok wahrenron: “Iwehre Noemi akatenhninon raonwentsia kenha ne rone kenha Elimelek iakwa-tatenonkwe, tensennonton ise sawenk aonton as-

krori tsini sanikonhroten.” Tontahenron : “ Enkninon onwentsia.” Wahrenron Boos : “ Ioteriwison kati etho nasiere tsini ionkwannhas nonkwaianerensera aeseniniake ne ronekwe Ruth konwaiats.” Tontahenron saiatat : “ Senha kenonwes ise asiena nonwentsia.” Wahrenron ne Boos : “ Sahratasi ne aontenientenstakonhake tsini ionkwarennhaon tsi onwentsia ii akwawenk, enwaton témoin iotonhon rotiianer nok kanenrakwekon tst Boos rohninon raonwentsia kenha Elimelek benha nok tsi wahotiniake ne Ruth Moabronon, nok tsi ethoni hoieren tsini kariwisakskwe raotiianerensera. Wahotiniake kati Boos ne Ruth, roskenrakehte wahowiraiantane Obed wahonwanatonkwe. Noemi wahawehiaron ne raksaa Obed wahowiraiantane Isaï ronwaiats ne roniha Tafit ronontiio. Raiatare kati Boos tsini hotitiohkwa sakosat okon kenha ne Jesus sonkwawenniio.

Tosa aiakonehrake tsi sakowihne ne R. Sitaeronon ahotiniake ne iontatenonkwe, nok oni tsi iahte sakonnhese saiatat ne ronkwe tohka ahotiniake. Iawet teiotonwentsionihakwe naonnise naontonseke naiontwatsiratehiaronseke nonkwe nonwentsiake. Jesus Sonkwawenniio iotkontakwen roriwahtonton, rokwatakwen etho naonsaiohtonhake tsini iohtonne sontahaonwentsisa ne R. Iakahewe

Sitaeronon wahonwariwanontonse : Nahoten aoriwa tsi roriwison Moyse ahaia-tonseronni ne roskenrakehte nok ethone ahawenniioke tahiatekhasi ne rone aonsahatekwate oni ? Sahenron Jesus : ne tsi *sewerientaksen* hetsi-sewawi Moyse aietsiia-tonti ne sewaniakon, iah tenhnon teioteriwisonhon *sontontierente*. Nok tokenske ne thotierenton ronkwe Atan skaiatat (Eva) oseronni hniterontakwe, Noe oni ethoni ohtonne, Sonkwawenniiio iahte kakonte roriwahtonton, roriwison tsi iah nonwenton kaneka ne ronkwe tohka tsiakothonwisen ahotiniake enskatne.

CHAPITRE XXXIII.

Gédéon, sa vocation A. M. 2739.—Miracle fait par l'ange pour prouver sa mission divine.—Gédéon renverse l'idole de Baal.—Armée de Gédéon.—Miracle de la toison mouillée, puis sèche.—Dieu réduit à 300 hommes l'armée de Gédéon.—Gédéon écoute le récit du songe d'un soldat ennemi.—Il donne à ses soldats des trompettes et des lampes.—Ils assaillent le camp ennemi.—Les Juifs offrent à Gédéon de régner sur eux.—Ce que signifie la victoire de Gédéon.

Kawenniiio wahniiheie Barak nok Debora sahotiriwannahike ne Sitaheronon sahonwatewentete ne R. nok sekon sahotitentane. Wasakoiatarako ne R. Madianit nok Amalekronon asakohrewate, Niate wakennhake etko ronnetakwe tsi ratinake-rekwe ne Sitaeronon tsini kanorariskwe, etho

sakotiiatenhawitakwe ne raotisenen okon nok kontiittakariaskwe, serenkhene kati Sitaeronon rotiientakwe nahonneke ; ethone kati sahonwehiarane ne R. nok wahonwennitentase ne R. aontasakonnhe. Wasakotontatse ne R. : wahotenniete raronhiakehronon tsi thenteron saiatat ne Gedeon ronwaiatskwe. Ethone tsi rawahekskwe ne Gedeon wahotianeronkwen raronhiakehronon, wathononweraton, wahawenhase, wahrenron : Senikwekon ne R. hianoronkwa; ise sonhaa sesatste kowa. Tahenron ne Gédéon : Ne nensonkwanoronkwake ne R., nahoten karihonni ionkwaronhiaken ? wahonnise eso ioriwanehrakwatanions tsini hotieranion ii onkwariwake ; nok nonwa onen sonkwaiatatkawen, sakowenniioston ne R. ne Madianit aionkikenrenseronni. Ne raronhiakehronon wahotkatho nok rowennenhawi ne R., wahawenhase, wahrenron : Enhiasatstenserone ne R. enteshennhe ne sentiohkwa ahontkawe ne Madianit aietsikenrenseronni. Ii ne katon, riwennenhawis ne R. raonha wahiarihonten. Tahenron Gedeon : Oh naiawenne aontakhennhe Sitaheronon ? saterientare wahi kenniwakwatsiraa Manasse raowatsirake kiatare ; tenhnon kennikaa nii. Tahenron ne raronhiake-

hronon tsiniiot ne R. ahohtarake : enshesenni Madianitronon tsiniiot tsionkwetat akenhake.

Tahenron ne Gedeon : Tokenske ahiannhaonhatie ne R. iah othenon taketsaniseke ; tenhnon wakerhare iahtaesanikonhraksen akonnneken othenon naiawen enwatanientenstakonhake tsi tokenske seronhiakehronon. Ken kati kaien enkientereste : kento tsiterontak, iieks okonha wakkohe, nene iah onkwe tasiatotenhake entsewen-niioste ne R. Wahataweiata Gedeon tsi thononso-te, kaiatakeras wahanatsioten nok wahanataronni etho ionsarete tsi thenteron ne raronhiakehronon nok etho wahaien ne rahawi. Tahenron ne raronhiakehronon : Tesek ne ken owaronk nok oni ne kanatarok, onenhiake isren nok senikonhrarak. Ne raronhiakehronon atak wahaiante, oksaok ontsa atennatsera okon nok oktonsahattonne raronhiakehronon. Wahrere Gedeon : onen ken wakiheie aseken wahiathkatho raronhiakehronon. Iienrhakwe nethone ok sa ok eniaiheie ahonwathkatho saiatat ne raronhiakehronon. Wahonikonhrahnrirate, wahrenron : Skennen sennontonnionhek, iahtasiheie.

R. wahonnhanne aonsahanonsarisi tsi iotinonsote ne kaiatonnik ne konwatisennaienskwé Sita-

heronon. Tsaokarawe tohka nihari wasakoiatenha raonnhatsera wahatirontiake tsini karontake tkerhitakwe akta tsi katakwe kaiatonnik, Baal konwaiatskwe. Wahronni tsiniiot tsi tehasentakwa onenhiake tsinonni iotsonhonne atennatsera sonha sahotianeronkwen raronhiakehronon. Saorhene wahontloke ne ratinakere tsiniawenhon, iontonhakwe : Onka ethoni iakotieren ? Wahotitokense tsi Gedeon ethoni hoieren. Ronineha Joas wahonnete wahoniron : Hetsatewentet netsienha ; renhei. Ne roniha wasakawenhase wahrenron : Nahoten kasta aietsiriwawase ne kaiatonnik ? Tokat tokenske Niio nihaiatoten Baal, iahte honoronse ahohrewate nethoni hoieren. Ethone wahonnonnikonhriake tsi iienrhakwe : asakwario Gedeon. Kawenniio watiokennhonti Madianitronon wahatinenraseronni, wahatinatarriake tsi kahionhate Jourdain nok wahonwatinenrakari ne Sitaheronon akwa rotitiohkowanen.

Oktontaiawentsi wahatsanittane Gedeon, wtrakwe iehonrawatsta nok wahaonrawate, akwekon wahontkennisa ne sakononkwe. Tohkara ok nonta tsinahe onen ok 32,000 wahotiohkwaientane Gedeon ; tenhnon niare raweron : ahiiennitentase ne R. sekon othenon naiawen ioriwa-

nehrakwat ne enktokatakwe tsi R. rakiatarakwen aontakennhe Sitaeronon, wahrenron : Sewenniio, nene tokenske enserheke tensakonnhe iakwatatekenha Sitaeronon, etho neniawen nonwentsiake kenewakwentarho nok etho nonwenioweienhake, ok sa ok enherheke : tokenske thakiatarakwen.

Etho kati naawanne. Ethone wahrenron ne Gédéon : Sewenniio, tosa seriwarako akonneken oia nonwa nasiere. Oktiwakwekon iohaweias-tonhak, kanehonk ne ok iahten iohaweias-ton. Wahatontate ne R. Etho kati naawenne. Asonthenne wahahtenti ne Gedeon, nok oni ne raotiohkwa.

Ok etho iakotkennisonhonne iahte iakoriwiioston, akwa senha rotitiohkowanen. Ethone wahawenhase ne R. Gedeon, wahrenron : Sotsi sentiohkowanen, iahtasesenni, aseken enhonnerheke ne Sitaeronon : ii ionkwakwenion tsi ionkwatesennion. Tsiron : Tsionhtenti onka eniakohteronseke. Ok sa ok 20,000 sahonhtenti. Ne ok sahonatatenre 10,000. Wahawenhase ne R. Gedeon : Sotsi sekon sentiohkowanen. Kahionhakta sheiatenhawit, ne ok ensewe ne enkheiatarako, nok enshonhtenti notiake. Kahionhakta wahonnewe

Gedeon raotiohkwa. Ethone wahawenhase ne R. ne Gedeon, wahrenron : Otiake ne sentiohkwa tenhontrakwentarho nonen enhatihnekihra, kennihatiha iah etho tahatiiere, nok notiake ratisnonsake enhontste tsi enhatihnekotsiente. Ethone enkonhrori tsini wakenikonhroten. 300 ok nihati ne iahta honatrakwentarhon ; wasakoiatasete ne Gedeon, etho ok nenhatihake enkierate tsi entekhennhe ne Sitaeronon, akwekon shonhtenti notiake. Etho kati warete nok oni raotiohkwa asen ok natewenniaawe tsi rotinataientakwe ne iahte iakoriwiioston isinon 120,000 tsini hotiohkwa.

Saokarawe R. wahonnhanne Gedeon etho ia hare tsi thotinataientakwe niahte iakoriwiioston, ahotonteke nahoten enhoniron. Tehnihase tehotihtare, saiatat rohrori tsi nahoten rotetsenhon, ratonhakwe : Onkwatetsen, iakotenatarontakwe okenrokon tsi tekkanerakwe kento wakenataraienantane nok wakaniatarharatsionko ne tathoserotakwenne hetsitewakowanen. Tahenron saiatat : Ne watenientenstakon tsi wesatetsen nene kanatarok iawet Gedeon raosikwe, sonkwatewenteton ne R., ionkwentent, eniakoiatateri nentsieniakenne. Ethone onwentsiake wahatiskwentaren ne Gedeon nok wathononweraton ne R.

Ok sa ok wasakorane ne raotiohkwa, wasakaon enskatson ohasera nok skatsetat otara nahoten, wasakawenhase : Ok sa ok tewatateken tewah-tenti : ietiwenniiio niahte hotiriwiioston. Etho kati nensewaiere : skati sewathawa iehonrawa-tsta, nok skati nene sewatset, etho enkahasero-take, 3 nasewentiohkonna, skentiohkwaat ii enkatsteriste, akwekon·enskwanakeren, enkonrawate, nok ohnaken akwekon tentewatsetarite, ok tentewathawa ohasera nok entewahonrawate tenionkwahenretanion R. enhariohni entewatesenni, Gedeon raosikwe wahaierate. Kawenniiio eniorhene ethone enkwahreri tsini wakenikonh-roten.

3 nahonitiohkonna ne Sitaeronon satewasontati-hen iahonnawe tsi thotinataientakwe ne iahte iakoriwiioston, wahahonrawate ne Gedeon, akwekon oni wahatihonrawate ne raotiohkwa. Wathatitsetarittanion nok wahontaserenhawe nok wathotihenrete, wahoniron : R. wahariohni eniakwatesenni, Gedeon raosikwe enhaierate. Okton-taiawentsi wahonateronhienten niahte hotiriwiioston, wahontekohaton, onen tsiniiot rotihonrawaton Sitaeronon nok ne iahte hotiriwiioston, wahontateriohaton, aseken iahta tehontatiente-

reskwe ; kentiohkowanen kati wahontaterio. Otiake ne Madianit wahatikweni taonsahatiniatarriake Jourdain, tenhnon Sitaeronon wasakotisere ne iahte hotihniakenhon, wasakotiiena nok wasakotirio. Ephraïm ronon wahonwanosa Gedeon, wahonwasnorakwe oni aseken iahte sakhonkarawihne nahonterio. Wasakawenhase Gedeon, wahrenon : Nahoten karihonni, tewatateken, waskwanosa ? isewehre ken ; ranaie ? Akwekon iakoterientare tsini hatiatanoron Ephraïm raowatsire. Hetsisewawi ne R. wahonnise aietsiiena tekenontiotserake Oreb nok Zeb. Iah othenon tatethonatati Ephraïmronon, skennen sahonnennontonnionwe.

Ethone ne Sitaeronon wahonwenhase ne Gedeon, wahoniron : Ise takwawistotarision ; iahte kakonte kati enkwakowanenhake, iakwehre oni : ise nok sheien okonha tsinenwe eniakinontiosentane. Tahenron kati Gedeon : Iahten, tewatateken, takwanontiooke, iah oni ne kheien okonha. Enwakatsennonnihake ne nentsisewawennarakwake ne R. ; ne ok ne R. iahte haiati hetsitewanontio, hetsitewawennarakwak. Etho nahe Gedeon wasakoteriwatsteriste ne Sitaeronon, nok tsini kariwes roterihontakwe, skennen kowa tsi thatinakere, asen nioserashen tsini kariwes.

Tsini iawenhon tsi wasakosenni Gedeon niahte iakoriwiioston watenientenstakonne tsi nenhatiie-re Jesus Ratikwekonne tsi tenhatiriwareniate kariwiioston nonwentsiakwekon nok tsi enkonwatsiohtonni notkonseraksen aokweniatsera. Ronwawennenhawiskwe ne R., tenhnon iahte hatsatstekwe, iahte hotinikhrowanenskwe, iawet teshonatierenne ne katse otara nahoten sakowihne Gedeon ne raotiohkwa, rotikwenion tenhnon rotiriwahtonhon tsi nonkwe konwatisennaienskwe ne kaiatonnik iah Niio te ken. R. nok Jesus raosenna rotiieraton tsiniiot Gedeon raotiohkwa R. raosenna nok Gedeon raosikwe wahatiierate tsi wahontesenni. Gedeon raotiohkwa wathatitsetarittanion, otara nahoten ne watenientenstakon Jesus Ratikwekonne teiohrihon ratiieronke tsi ronwatiiesaton, iawet rotihonrawaton Ratikwekonne tsi nonwentsiakwekon ronwatiwennahronken... Tsi wahontaserenhawe Gedeon raotiohkwa ne watenientenstakon tsi Ratikwekonne tesakotisiwatetenni nonkwe ; nok tsi Gedeon raotiohkwa sesakonatekwaton Madianitronon ne watenientenstakon tsi Ratikwekonne ensesakonatekwate nonatkonseraksens. Tokenske kontisatste, ionki-swens ; tenhnon iahte honoronse ne R. asonkwaienawase tosa aionkisenni.

CHAPITRE XXXIV.

Massacre des fils de Gédéon par Abimélech qui se fait Roi A. M. 2769.—Parabole des arbres qui choisissent un Roi.—Abimélech ruine Sichem et marche sur Thèbes où il est tué.—Tola et Jaïr Juges d'Israël.—Prospérité des Juifs, ils retombent dans le péché.—Jephté Juge d'Israël, A. M. 2817.—Ambassade au Roi des Ammonites.—Vœu téméraire de Jephté accompli par sa fille.—Châtiment de la tribu d'Ephraïm.—Naissance de Samson.

Tsinahe thawenheion ne Gedeon kenha, ne Sitaheronon sahonwaiatanikonrhen ne R. ne sakoiatanonstatonne, sahotiriwannhike. 71 niho-wiraientsakwe Gedeon : akwekon thotiriwaiერი-
kwe. Saiatat ok ronkwetaksenne Abimelek ron-waiatskwe. Sikemke wahrete, nok wasakoni-konhrata netho thatinakere tsi senha enhontsen-nonni saiatat ok ahonwakowanenhake, tsiniiot 71 nihati ahatikowanenhake. Eso tahonwawiston wahentiohkwaroroke iakotentenion, oktihonnes ahonwariwawase. Eh warete tsi thononsote ne ronikenha wasakosete ne rontateken okonha ; saiatat ok ne kennihraa Joatham sahothniakense. Wahontkennisa ne Sikemronon, wahonwanon-tioste Abimelek.

Sahotokense Joatham, onontoharake warete kanatakta ionontekwe ne Sikem, nok wasakawenhase wahrenron : Sikemronon, Sewatahonsatat nahoten enkiron. Wahatiriwisa ne tkerhitonkwe akonwanontiioke kawenniiio enskat wahatirako, wakonwenhase : Ise kwakowanenhak. Iahte iotontaton, tontati : Isewehre ken : enkatewentete tsi nahoten kataionniatha nok akwatsteriste, iahta skwanontiioste. Oia sahatirako nene kerhitonkwe wahiiios waianiiiontha, sekon are iahte iotontaton, tontati : Eren sewesak. Ohnaken onenhare sahatirako, wakenron onenhare : Senha kenonwes tsi kenenharaniontha tsiniiot askwakowanenhake. Tsini hotinikonhraksen ne kerhitonkwe tsi iahte honwanatontati, okwire waerako, wahoniron : Ise kwanontiioke. Iah sane te iorihonte, sekon ontontate nok wakenron : Nene tokenske askwaiatarakwaseke, akwekon sewatknennisa tsi iokwirote nok iahten sewatontathe, akwekon sewatsaat notsire. Tsi etho tehoriwakenwatanion Joatham wasakonikonhraientasten Sikemronon tsi ronikenha tenhnon rontateken okonha ne iahte honatontaton ahotinontiioke rotirihontakwe ahonterihonten nok tsi Abimelek teshiatieren okwire ensakokenrenseronni.

Asen nioserake roterihontakwe Abimelek. Iakahewe tenhnon wathonteriwakenni nok wathontatswen raonha nok Sikemronon. Sahonwariwasten tsi sakorihne rontateken okon kenha, etho takaientakwe wahonterio. Wahatkweni Abimelek, wahatenatatsahate tsi thatinataientakwe ; 1000 nionkwetake wahontekwashen tsi nonwe iononsotakwe ne kaiatonnik wahatinonkwentane Abimelek raotiohkwa, nok akwekon wahontiatatsa ne kanonskon ieterontakwe.

Iakahewe tenhnon R. wahohrewate ne ronkwetaksen Abimelek tsi tkanataien Thebes iahawenonne, rerhakwe akenatakari. Akwekon ne ienakere wahontekwashen tsi tkanikatotakwe onenhia wathatinikathannhake. Nene kanikatakon ratiterontakwe thotinenhiontieskwe nok eso sakotirioskwe ; kannhowakta wathatane Abimelek ratsirenhawi, rerhakwe : aktsiroten. Skaia-tat tsiathonwisen wahotkatho, kanenhiowanen taionenhionti, wathononwararite. Arekho si hawenheion, wahawenhase netho ratakwe sasikwe takient, ne tosa aiontonheke : Tsiathonwisen wahosete Abimelek kenha. Etho nahaiere netho ratakwe.

Onen tsi hawenheion wathonreni raotiohkwa,

tsi thatinakere iahonnete. Wahohrewatakwe kati ne R. Abimelek ne tsi sakorihne rontateken okon kenha. Wasakohrewate oni Sikemronon. Etho niawenhon tsini sakohrorihne Joatham : okwire wakokenrenseronni. Wahonwaiatarako Thola ronwaiatskwe ahonwakowanenhake Sitaeronon. Thoriwaierikwe, 23 nioserake roterihontakwe, onen tenhnon Jaïr tonsahatane raonaktake, 22 nioserake roterihontakwe.

Tsini kariwes tetsiaron hiaterihontakwe, skennen kowa kenhne tsi thatinakere Sitaeronon. Iah othenon te kariwanakerekwe, thotiriwaierikwe, enskatson ratiienthoskwe raononwentsiake, ratiriwaieritskwe oni tsini iakonnhas Niio raoianerensera. Iakahewe tenhnon sekon sahonwatewentete ne R., sakonwatiwenniioste kaiatonnik, etho takaientakwe R. wahrere : sekon akehrewate. Ethoni iawenserons tsi thatinakere nonkwe: kariwes enhontsennonni, skennen enkenhake, tsiniiot enhonterihonkohten ; tei-tonwentsiohon niatekon ahatironhiaken, etho naontawe ahontokhake ahonteweienton.

Sahatiriwanerake Sitaeronon wakonwatiwenniioste ne kaiatonnik sonha tsiniiot ne Ammonites ronwatiiats, wahontkawe ahonwawenniioste

ne R. ; wasakowenniioste kati ne R. ne Ammonites asakotikenrenseronni tohka nioserake tsi rotitentonne ; wahonttoke ne wahonni rotironhiaken tsi ronwasentennihne ne R. wahontstarronion kati, wahonwennitentase, wahoniron : Ionkwariwaneren, kwasentenni, kwatewenteton. Tasakawenhase ne R : Iah ken tohka iotkararenkwaton tekwawistotarision ? tiotkon sane ietsiwenniiostha ne iah Niio te ken. Sewennitentasehek ne kaiatonnik, to si ken entietsinnhe, sewawenniiostha nonen sewatsennonni, sewawenniiostak oni nonen ensewaronhiaken. Tahoniron Sitaeronon : Tokenske ionkwariwanerahakskon, takwahrewat, teionkwatentson ki naa. Tenhnon tosa iewenniiok ne sentiohkwa niahte iakoriwiioston. Ethone ok wathatihritanion ne kaiatonnik okonha nok wahontsahate.

Ethone R. wahoiatarako saiatat Jefte ronwaiats tasakowistotarisi. Galaad ne rotonnisentakwe, shonwatekwatonne rontateken okonha, iah othenon te shoientakwe, oktireshkwe, wahentiohkwaroroke ne sate ieiatotens nok wasakaonwentsiakari niahte hotiriwiioston. Iakahewe Ammonitronon wasakononwentsiakari ne Galaadronon, wahonwaneken kati Jefte aontasakonnhe, wahon-

nehre : asakwakowanenhake. Wahatontate Jefte nok kanenrakwekon Sitaheronon wahonwaiatarako.

Wasakotenniete nonkwe sonha tsi thenteron Ammonitronon Ronwanontiio, wahonwenhase, wahoniron : Iahte tkariwaieri tsini saierenhaties, tiotkon sheionwentsiakarias ne Sitaronon, iakwaskaneks skennen akenhake. Iahte hotontaton nene Ronontiio. Ethone kati raonikonhrasatste ne R. iawet wahotienhase Jefte (ne sakat aiairon : R. wahaon ahasatsteke.) Wahrere ne Jefte : aiakwateriio niahte hotiriwiioston.

Tsinahe rohtentionhatie, wahorharatsten ne R. ne Jefte, wahrenron : Sewenniio, wakateriosere ne iesaswens, tokat askitenre enkhesenni, enkonwenniioste nene tiotierenton teniakwaterane nenen ensewakahtentionhatie. Oksa ok iahaterio ne Jefte, wasakosenni, kentiohkowanen wasakorio ne iahte iakoriwiioston, tekanatashen wahanatakari,

Sonsarete tsi thakanerekwe enskat ok iowiraientakwe tsiakothonwisen akoienha tsaonhronke tsi onen tare waakotkennisahate kontiiatase okonhanok wathoteratana ne roniha.

Inon tahaatkatho ne Jefte, waharatsionko rao-
tiatawit nok wahatstaren, wahrenron : Ohni sa-
tieren, konhienha ? tewakaterientawenriehon
nok oni nise. Kerhakwe : enkonhiatsennonnian-
ten nok oni nise serharekwe ; onen tenhnon
iahte skonwenniio, aseken rirharatstenni ne R.
Takenron ne sakoienha : Seriwaielit, rakeni,
tsini saieren. Wakatsennonni tsi shesennion
niahte iakoriwiioston. Ne ok konnekennis aski-
tenre askenaktotase tewennitake tsi ionontenion
iaake, iakwakwekon ne ionkwatenro sonha kon-
tiiatase aiakwatstarhakwake tsi iah nonwenton
taonkeniake. Etho kati naawenne. Tsi iotohets-
ton tewennitake, ronineha waete. Raonha ne
Jefte wahenteronna ononsatokentike, ontathon-
kariake aontstertste ononsatokenti aioiotensera
sonha, nok tsioseratson 4 nonta tsini kariwes
kontiiatase sonha ionatkennisahatakwe iawet
akonwentenre, akonwanikonhrahnrirate Jefte
akoienha. Iakahewe tenhnon ohnaken wahonte-
rio Jefte ne Efraïm raowatsire Sitaheronon nen-
nee ; wahonwanosa tsi rotesennion, ne sahatiia-
tat ethoni honwaierasehne Gedeon kenha ronwa-
nikonhraksatonne.

Tenhnon iah etho te honitentonne Jefte tsiniiot

ne Gedeon kenha, wahonterio kati, wasakosenni nok kentiohkowanen wahonwatirio 42,000 Efraim raowatsire. 6 nioserake roterihontakwe ne Jefte, onon Rawennioke wahrenheie. Kor Rti tsi rotroriaton tsini ioriowanens rotiriwaieriton ne rotiieraton tsi thonehtakonhakwe sakonatons Barak, Gedeon, Jefte.

Tsinahe thawenheion Abisan, Ahialon, nok Abdon, ronwatiatskwe, wahonwaticowanate tsi thatinakere Sitaeronon.

Sahatiriwanerake ne Sitaeronon R. kati wasakohrewate. Kariwes ne Filistins ronwatiats wahonwatironhiakente; wahrere ne R. : ahiatara ko nentesakonnhe Samson ronwaiatskwe. Saia-tat ne ronkwe Manue ronwaiatskwe iahte howiraientakwe. Iakahewe ne rone wahotkatho ne raronhiakehronon, wahrenhase, wahrenron : Tosa sanikonhraksen, ensawiraientane ne roskenrakehte R. senha enhowennioke tikenha nise, tosa nonwenton ahonwanonkare raonha tensakowistotarisi ne Sitaheronon. Wahohrori ne rone tsi naawen, wakenron : Riiatkathon ne R. ronnhas, wahiriwanontonse ohnahaiatoten, kani thawenon, nahoten ronwaiats. Iah othenon tatethawen. Manue wahaterennaien, wahonitentase ne R. se-

kon aonsahotenniete ne thonnaonne asakohrori tsi nahniiere ahonwehiaron ne raksaa enhenna-kerate. Wahotontatse ne R. Tsinahe kahetake iweskwé, sekón are sahótkatho raronhiakehronon ne sahaiaiat. Ok sa ok ionsahononke ne rone. Ok sa ok etho warete tsi ratakwé ne raronhiakehronon nok wahoriwanontónse tokat ken oriwiio nahoten rororihne ne rone. Wahawen-hase ne raronhiakehronon, wahrenron: Tosa ne raksaa arake ne iieks sonha ne sewahtiawenratis sewaianerensera, tosa oni ahahnekihrake notsi-tsia nok tsi ok nahoten iakononwarahtontha. Wahrenron Manue: Takitenr, tesatskahonna tsi wakenonsote, aseken rerhakwé: onkwé nihaia-toten. Tahenron ne raronhiakehronon: Iahte kasta aseriwareke, iahtatakatskahon, ne tenhnon nenserheke: riwenniiost ne R. enwatón takskanerake. Tahenron Manue: Takrori nahoten iesaiats, aiawen nothenon takoniatonraseronse nonen etho neniawenhon tsini saieren. Tahenron raronhiakehronon: Isehre: ahakrori nahoten ionkiats; iah othenon tasatste; waksennanehrakwat. Ethone Manue wathaiatakwé ne kaia-takeras. Karo tahoiatenhawite nok wahowenniioste ne R. tsinahe ioiatatekhakwé ne kaiatake-

ras okton sahatton ne raronhiakehronon. Otonkokon iahatahtonten, iahte shonwaken. Ethone wahniienterene raronhiakehronon, tehotihtarakwe, tetsiaron onwentsiake wahiatiskwentaren. Iah wahonnise te ken ne rone waowiraiantane roskenhrakehte Samson wahonwanatonkwe.

CHAPITRE XXXV.

Samson se marie avec une fille de chez les Philistins.—Il met un lion en pièces et propose un énigme, il donne 30 vêtements, gageure de l'énigme.—3000 Juifs veulent s'emparer de Samson, il défait ses liens et tue les Philistins avec une machoire d'âne.— Il enlève les portes de Gaza, épouse Dalila qui le trahit.— Il trompe trois fois Dalila sur la cause de sa force, et finit par lui en révéler le secret.—Samson, pris par les Philistins, est condamné à tourner une meule.—Sa mort.—Samson 15^{me} figure du Messie.

Tsinahe tehaoserašhenne Samson, wahonikonh-rata ne R. Filistinrononke iahare, iahte iakote-rionne nethone, wathiatatken skaiatat ne kaiata-seha, wahanonwene, wahaskaneke ahotiniake. Sonsarawe tsi tieteron ne ronwaienha, wasakohrori tsini honikonhroten ; wahotinakwen, wahonwatteten ne tsi raskanekskwe ahotiniake skaiatat ne ieiatare tsini kentiohkwa iahte honwa-

ienteri ne R. Iahte honaterientarakwe tsi R. then-
nontonhon ronikonhratenne etho nahaiere aia-
wen asakokaronnianion ne Filistins.

Etho wahonnete ne ronwaienha raonha oni
Filistinrononke ahatiriwaseronni. Sahontohetste
kanatakta tsinonwe iotenenharonnihne, wahata-
sawen wahatenienten tsini hasatste. Wahatieren
ok karo nontaiawenonhatie kenreks taionakwen-
honhatiene. Iah othenon te hahawakwe Samson,
wahaiena ne kenreks nok wahaiataratsionko;
etho nahaiere tsiniiot teiotinakarontonha aken-
hake, nok sasakononterane ne ronwaienha iahte
sakohrori tsi nahaiere. Iahonnewe Thamnatake
kanataientakwe, nok wahatiriwisa ahotiniake;
nok ethone sahonhtenti. Tohkara nonta etho
ionsahonnete, wahrere Samson akatkatho ne ken-
reks ne kerio. Wahatieren ok iotsiketanonte ne
kenreks, wathatsiketakwe, wahatsiketake nok
wahawekawe. Saboniake asen nihatiiatashen wa-
honwatiiatarako ne ratinekenteron Filistinronon
ahonwanikonhrori. Rariwisakskwe tahontenni-
konhrakenni. Wasakawenhase kati: Othenon
kwariwanontons entewariwisa tenhnon tsini ka-
riwes 7 nonta ensewariwatsenri, 30 enkwatatiata-
witseron, nok iahte sewariwatsenrionhe nise 30

enskwatiatawitseron. Tahoniron ne Filistin : Etho neniawen. Tahenron Samson : Kennikarihoten : nene sakoiatakarias ronnhontakwe niieks ne iawekhon. Watiesenhne aiakoriwatsenrion naiakoterientarake tsini iawenhon, iah tenhnon te iakoterientarakwe, rotiriwaiewaskwe kati wakonwenhase ne Samson rone nahonwariwatako tsi nahoten watenientenstakon. 3 nonta waohtako nok iahte iokwenion. Sekon sakonwenhase : Satsteniaron, tosa sennikonhriak hetseriwatakwane teseniteron ; iahten satontathe enkwatenon-nonsatsahaten, ensatiatatsa, nok oni ne hianiha. Wachteronne, wahawenhase ne rone, iahte skenoronkwa aseken iahte skroris tsi nahoten watenientenstakon. Tsiatakhaton nonta, Samson wahatsente, wahahrori ne rone tsini karihoten.

Kawenniio waotokense, ok sa ok iaontrori, nok kawenniio wahotitokense Filistinronon, Samsonke wahonnete sahonwatentoriate, wahonwenhase : Kanekhere senha kasatste ne kenreks nok ne senha iawekhon otsiketa. Tokenske tahenron ne Samson niahta onkeniakon Filistinronon naeiato-ten, iahtaesewariwatsenrion : enkkariake sane tsini ionkwariwison. Wahrere Samson : watiesen enkhekariakse. Tsi tkanataientakwe Ascalon

warete 3 nihatiiatashen wasakorio ne Filistinronon nok wasakoiatawitasionko, ok sa ok tontahahntenti, nok wahakariake tsini hotiriwisonhonne. Ronineha sarete iahahrori ne rone : wahatiriwaswen ne rone akononkwe, nok oni aonhaa waho-tewentete ne rone, oia saioniake Filistinronon nihaia toten. Wahonakwate kati ne Samson, wah-rere : Irehre ne R. : ontakhennhe ne Sitaheronon, ok eken akheiesate ne Filistinronon. Onen nonwa, wahrenron, aonsahontateriwasten ne Filistinronon enkhekaronnnianion rononha raotiri-wa. Ethone onen kanorariskwe ne iakoienthoseronkwe, akwa konneskwe ne sitso Sitaheronon-ke, iotitiohkowanenne. Wahatoratha ne Samson, 300 wasakoiena, tekenison watesakorane khaon nok etho wathawannhake iehaserotakwa tsi ro-tiienthoseronkwe ne Filistinronon wasakonkawewatkonrattaten ne tsitso nok wakonttetatsahate. Iahte iotonhon aiakoswatton, akwekon kati wakahettentaseron ontsa oni onenhare iakoienthoseronkwe nok wahontonkariaakon. Wahotitoken-se ne Fiiistins tsi Samson ne wahonni etho nihoi-erenne aonsahata kariaakse tsini iotieren ne rone ; wahonnete tsi iononsotakwe ne Samson rone, wahontenonsatsahate.

Ostenrokon wahatien ne Sanson wahonnehre ne Filistins : sonkwatsanis. Asakwaiena kati 3 natewenniawetserashen wahonwatihonkariake ne Sitaheronon ahonwaiena ne Samson nok ahonwawenniioste ne Filistins. Ostenrokon wahonwaiatatsenri, wahonwenhase, wahoniron : Ise sariwa enkenhake tsi eniakwaronhiaken, aseken shenikonhraksatha shenakonnis ne Filistins ; Saterientarak kwaienasere nok eniakiwenniioste ne Filistins. Wasakawenhase Samson. Takwarharatsten iahtaskwario nok enskwawenniioke. Ok sa ok wahonwarharatsten, nok wahonwaiena, waseriiatsetsi wahontste tsi wahonwasaronten, nok iahonwaiatenhawe tsi thatiteron ne Filistins.

Akwa wahontsennonni : tenhnon tsiniiot Samson wahotienhase R. raosatstensera. Ok sa ok wathaiakon tsi rassaratonkwe tsiniiot iah othenon taiohniron, tewahontes oiotsa watrakwe ne wahatste nasakowenthon ne Filistins 1,000 nok akwekon notiake wahontekohaton. Akwa ionehrakwat tsi roniatathenskwe. Wahonitentase ne R. ahoiatakennha, ok sa ok aonetsiotake ne tewahontes kenna takihnekihnekenne akwa iken kahnekiio, wahahnekihra nok sahoiatahnirha.

Tohkara nonta tsinahe ehniawenhon Filistin-

rononke warete Samson. Onen tsi iekara kanatakon wahataweiatske, Gaza ronwaiatskwe, wahonnehre ne Filistins : oktioriwakon aiakwatanienten asakwaiena, wahatinnhotonnion tsi kannhokarontakwe ne tkanataien nok rotitiohkowanen wahatinnhanonna tosa ahaiakenne. Wahotokense Samson tsini iawenskwke. Satewasontatihen, wahatketsko tsi kannhokaronte ne tkanataien iahare, akwekon iakotaskwe ne iennhohanonnonhakwe, aseken iahte iienrhakwe : asonthenne ken enshaiakenne. Ethone wahotitokense tsini hasatstekwe ; Samson wahannhoharisi akwa kannhohowanen nok onontoharake wahannhaniiontako. Sahatiie Filistinronon iahte honnehron : sakwasser ; ok eken wahontsennonni tsi iah othenon te sakoierase.

Tsini kariwes thoriwaierikwe rowennarakwakwe ne R. iahte iotonhon nahonwasenni nene rasatste kowa. Iakahewe tenhon skaiatat ne tsiothonwisen Dalila konwaiatskwe wathonikonhراكenni. Sakenheie ne tiotierenton rotiniakonhonne sahoniake ne Dalila ne Filistinronon naeiatoiten. Tsi iononsote wahonnete ne Filistins, wakonwenhase, wahoniron : Hianoronkwa ne Samson nok sonkwaswens ; askwaienawase kati asa-

kwaiena nok oni asatokense nahoten karihonni sotsi rasatste nok enskwahrori, tetswistotarho, akwa eso enkwawiston nonen ensakwawenniioke. Ontontate ne Dalila, wahoriwanontonse ne Samson nahoten karihonni tsi sotsi rasatste nok tsi naieiere tahonwawistotarho niahtaontonsere tahatwistotarisi. Niatekon ontenienten tahonikonhrakenni, wathorhoton, wahonitentase, waonakwen, watewasenthon ; iah othenon te tioriwenron.

Tiotierenton Samson wahanikonrhaten, wahrenhase, wahrenron : 7 naeseriitakehake akwa aseriietowanenseke otsinoniatton nahoten iah taonton taiehrate. Wahonerenke tsini hoieren, nok ok sa ok watiohenrete : Sateko, Samson, iesaien-asere ne Filistinronon. Ok sa ok wathaiake Samson otsinonniaton. Wakenron ne Dalila: Waskenikonrhaten ; akwa eh nonwa takrori oh naieiere iahtaskwenionhe taserite. Tahenron ne Samson : Aseriietasetsi aiontste. Sekon ontenienten Dalila tsi rotaskwe ahonerenke, oktioriwakon ; watharite aseriie. Takenron Dalila : Satka tsi waskia-tehate : onen tekeni wateskenikonrhaten : onen nonwa takrori. Tahenron ne Samson : Oswenkarake seronwaroten nok etho teswannhak ake-

nonkwis, ethone iahtakesatsteke. Etho nakaiere tsi rotaskwe ne Samson. Sekon sakenron : Onwa eniesaiena ne Filistins, ok sa ok sahaie ne Samson nok onteronwarontako. Takenron ne Dalila : Onen tsiniot takatehata, takitenr nonwa takrori.

Tahenron ne Samson : Sotsi onen wakswaten-ni tsi tiotkon takeriwanontons, onen nonwa wakonhrori ; akwa oriwiio nahoten katon : Saterientarak, rakewenniio ne R., wahtiawenre naiei-ake nakenonkwis, ne naieiake, iah senha taonsakesatsteke tsiniot noktikawenniio nonkwe. Ethone waehre ne Dalila : tokenske nonwa tsini haierha. Kawenniio sahahtenti ne Samson ok sa ok iaokononke ne Filistins, wakenron : Onen nonwa wakaterientare ; ne kati sekon enskat sasewatenienten. Ok sa ok etho wahonnete ne Filistins, wahatihawe nowista nenkonion ne Dalila. Iahte watiesenhne etho naieiere, aseken tsi ok nahotaseke, onen enhonwanonkare. Etho sane naawenne.

Kawenniio wakasa, wakenron : Satsie, Samson onen iesaienasere ne Filistins. Ok sa ok sahaie ne Samson, rerhakwe : sekon watiesen onsakatotarisi ; tenhnon onen R. rotewentetonne, niah-

te shasatste. Ok sa ok wahonwaiena ne Filistinronon, wahonwassaronten, tetsiaronkon wathonwakahranekaronkwe, nok tsi tkanataien Gaza wahonwaiatenhawite. Tsina honikonhraksen ne Samson, senha ahononwehon ok sa ok ahawenheion. Rerhakwe tenhnon ne R. : taonsahariwaserako tsi roriwaneren. Akwa ronatsennonnihe ne Filistins tsi onen ronwanaskwaien. Wahonwatehate nok wahonwannhoton, wahonwannhane tenhakarhatenieseke tsi kattetakwe. Iakahewe ne ronwatikowanens ne Filistins iawet wahonatotakentase wentanoron takonwanonwera-ton ne raonatonnik Dagon konwaiatskwe tsi iakoi-enawase nahonwaiena ne Samson.

Tsi iononsote ne kaiatonnik, akwa iken kanonsowanen wahontkennisa, wahontennioten wahontonwesonnion 3,000 wahonteroroke rotiskenra-kehte nok tsionathonwisen. Sahatikwentane, wahonwanonksa ne Samson raksaa rosarinene, wahonwatentoriate, sate kanonsihen wahonwenteron tsi nonwe tekeni tekentstenrotakwe ne kanonsarakonne. Onen ostonha shasatstekwe, aseken ostonha rononkwiseres. Samson wahawen-hase ne raksaa ne rosarinene : Takatka iaakiena tetsiaron tekentstenrote iakatorisen sotsi tewa-

kwissenheion. Ethone wahawenhase ne R.: Onen wakeriwaieriton tsini takwatenientensehne, taon-sakeriwaserako nok ikehre akonwenniiost tsi konnhe. Takehiarann, Sewenniio, ethone skesastek tsini kesatstekwe, iesatentoriatha ne Filistins, sekkariaak tsini ionkieren tsaonkkaratako, ioianere akehrewat aiakwahriskon ne Filistins tsi nenhonenheie. Tetsiaron tionawahatawakonre. Ok sa ok watenonsareniate, wakanonsienenne, akwekon waiaiheie ne kanonskon ieterontakwe; senha wasakorio nethone ne Filistins tsini sakorihne tsinahe tsi ronnhekwe. Teioserashen tsini kariwes sakotsteristonne Samson ne Sitaeronon tesakonnheskwe, ronwakowanenne. Sonsaieko ne raieronke kenha ne Samson kenha sakononkwe kenha, etho wahonwaiataten tsi raiatatakwe Manue, Samson ronikenha. Tsinahe thawenheion, kariwes iahte shotironhiakenhon ne Sita-heronon.

Kor Rti tsi wahatroriate raoiatonserake tsina honatieranion ne ioriowanens ronwatikowanens kenha ne Sitaheronon rotrori tsi raiatarakwe Samson tsini hotitiohkwa ioriowanens rotiieraton tsi thonehtakonhakwe. Iawet kati rotatewenteton ne raonha sahonhriskon ne Filistins sahrenheie,

raweron : aontakennhe nakitiohkwa Sitaeronon, iaweronhatien akiheiate, etho naontawe tosa ahasatsteke ne Filistins, tosa oni asakotikenhrenseronni ne Sitaheronon. Tsini hoieren iawet watenientenstakon tsi nenhaiere nensesakoskontako nonkwe nok tsi enhaiatotenhake tsi enhasatsteke ensakosenni nonatkonseraksens, enhatatewentete tekaiasonteke etho naontawe aonsaharisi tsi nokonseraksen iokweniatseraientakwe enhariwahonten tsi konwatisennaienskwe nonwentsiake ne kaiatonnik tensakoiatorarake ne kontiatakweniios tsinon tetiokaras nok ensesakoskontako ensakotsennonniaten raotiohkwa nonkwe.

CHAPITRE XXXVI.

Héli Juge d'Israël, A.M. 2848.—Elcana et Anne vont prier à Silo.—Le Grand prêtre en voyant Anne prier la croît ivre.—Cantique d'Anne mère de Samuel.—Samuel servant dans le tabernacle.—Péché des fils d'Héli.—Faiblesse d'Héli pour les désordres de ses fils.—Un prophète lui annonce que Dieu le châtierà.—Samuel entend par trois fois une voix qui l'appelle.—Dieu prédit à Samuel la punition d'Héli.—Samuel répète à Héli ce que Dieu lui a révélé.

Tsinahe thawenheion Samson kenha, saiatat Heli ronwaiatskwe wahonwaiatarako asakotste-

riste ne Sitaeronon. Rokstenseriiohne, thoriwaierikwe, roriwiiostonne oni, ratsihenstatsi kowa kenhne oni. Iah tenhnon te hariwasatstekwe asakohrewate sakoien okonha, etho takaientakwe R. wasakohrewate raowatsire, raonha nok oni kanenrakwekon. Tehnihase sakoien okonha Ofni nok Finees hiatrорihontakwe akonwanawenthokatsenen sonha. Siloke etho iononsotakwe R. raononsa.

Saiatat ne ronkwe Elkana ronwaiatskwe Levi raowatsirake raiatarakwe tsi tiononte Efraïm renterontakwe tsinikon wentanoronkwe Siloke iehnetakwe ne rone ahonwawenniiostana ne R. Ranoronkwakwe Elkana ne rone saheto iahte iowiraientskwe. Iakahewe tsi wasakoiakhonhase ne raonkweta tsinikon iotatenraskwe ne katsenen konwawentonne aieke, wahonikonhraksen ne rone. Ann oni ionikonhraksenskwe iahte iekwenieskwe aieke; tenhnon aokaseri iawet watriskwe tsi iononwakte aweriane, aseken tekakanere ok etho ikate skaiatat ne ionkwe Fenenna iakonontonskwe akoien okonha. Wakenron kati Elkana wahrenhase ne rone: Nahoten karihonni satatenikonhrotakwen? ne ken karihonni tsi iahte sawiraientas? tewaterakewas kati ken tsi

konnoronkwa ? Saionikonhriiohne Ann tsi nahaiere ne rone.

Kawenniio wakakwentane Ann, ononsatoken-tike waete sekon are saionikonhraksen. Ontstaren nok wahunitentase ne R., wakenron : Sewenniio, teskanerak tsini wakenikonhraksens. Wakonhiararatsten, enskitenre naonkewiraiantane roskenrakehte akenhake, iahte kakonte enkonwenniioste, nok tiotkon ononsatoken-tike enhiaseronnienniheke. Ne ratsihenstatsi kowa Heli wahatkathone Ann tsi ioterennaien, wahonehrako tsiniiot watsorianeronkwas, wahrere : iononwarahtonhon onte ken ? nok wahatteten, wahrenron : Okti iset, satasetana. Tontakenron Ann : Iah etho te iot tsiniiot sennontonnions, iahte wakenonwarahtonhon, wakenikonhraksens, tenhnon riiennitentase ne R. ahakitenre. Tahenron Heli : Skennen sennontonnionhek aiawens ahiatontatse ne R. Iakahewe ohnaken Ann waowiraiantane, Samuel wahonwanatonkwe. Aonhaa wahotstaronten tsi nahantatkawe, Siloke waete nahowenniioste R. ne roienha. Rasitakta ne ratsihenstatsikowa, ontiskwentaren nok wahawenhase : Takitenr santontek tsi nenkiere : ii ne wahonnise takatkathon ononsatoken-tike tsi wakaterennaientakwe nok

riennitentasehakwe ne R. aiawen aonkewiraien-
tane, rakwatontati, nok ne ken ire wakewiraien-
taon, iahte skeweniio, riwenniioston ne R. arekho
tsi honakeraton ; onen kati ise hetsatsterist, hetse-
rihonnien tsi nenhaiere ononsatokentike ; iahse
teskewenniio. Wahrenron Heli ratsihenstatsi kowa:
Aiawen ahiatsennonniaten ne R. nok sekon tohka
naesawiraienantane, aonsahiaieriti tsini saieren he-
tsatewentetenni netsienha. Nok tokenske etho
niawenhon. Wahentenrate ne R. tsi rokstenseriio
raterennaiennihne.

Ethone Ann wathononweraton ne R. iawet
karenniio waerennisa, wakenron : Sewenniio
iseke iotonnhahere nakenikonhra aseken taksen-
nowanaton akwa ionehrakwat tsi wakatsennonni,
tenkewenninekenne enkheiatehate ne ionkswens.
Iah onka etho tehoiatatokenti tsiniiot ne R., iah
onka sate tehaiatoten, iah onka sate tehokwenia-
tserowanen, iah onka etho tehoiatatokenti tsi-
niiot R. tsi iakonnhe ; iah onka, Sewenniio, sate-
seniiatotens, sonhatsiwa iah othenon te sanoronse.
Tesewatotek, sewanaie, sewatka tsi sewahtare,
ise sewawennatkon, tosa sewawennaiaestakwak
otheron sewaien. R. ok si hanakere, raonhaa
raowenk tsi akwekon raienteri, tehakanere tsini

iakonikonhrawens nonkwe. Sakosennion ne ratisatste, sakosatstenserawi ne iontatkenhronnis nakaonha, ne watenientenstakon tsi eso iowiraien-taskwe, iawet ionikonhrahtonhon ne iahte iowiraien-taskwe onen waowiraienantane. Raonha ne R. sakonnhiaks nonkwe nok sakaonnhetha, then-nontons tsi eniakorane ne kenheion nok tsi entsiontonnhete, sakokwatstennis nonkwe nok sakotenstetennis ensakokenron, nok ensakosennowanate, ensakoiatanoronste okenrake ieiatiennikwe, iakotentonne ensakaon oseronni tahontien ne ratisennowanens, kanaktanoron ensakonak-ton. R. raowenk nonwentsiakwekon, raonwentsison, raonwentsiahniraton oni. Sakoiatanonstats ne tiakoriwaiieri nok sakõtewentetha niakoriwanerahakskon, etho naontawe asatakon aienseke, tosa onka akonwaniahese akosatstensera R. tsi iakionnhe tensakoiatorete akwekon nonkwe enhokweniatseron ne Ronontiiio, enhoiatanehrawaten, enhosatstenseran ne Kristos.

Samuel kenraken rotseronniatonne, roseronniennihakwe ne R. tsi rononsotakwe Niiio Siloke. Wahorihonten ratsihenstatsi kowa niate wakennhake etho iewetakwe ronistenha ahotkensera, rowiskwe oni atiatawit aonhaa iosonhonne. Tsi

rotehiarontie ronoronkwakwe ne R., nonkwe oni ronwanoronkwe. Ok eken rononkwetaksenskwe Ofni nok Finees Heli sakoien okonha, iahte honwatsaniskwe ne R. Niatekon rononha hiatstakwe ne ronwawenniiostakwe ne R. ne Sitaeronon, sakotiriwanontonniskwe isinon asakonon tsini iakowiskwe Niiio raoianerensera. Akwa kati ioriwatsanit tsini hnierhakwe Heli sakoien okonha, wahonwanakwaten ne R., aseken tsini hniweien-naksens, ne iorihonnihon kentiohkowanen iah othenon te shonwawenniiostakwe ne R. 10 nio-serake etho niihtonne, eso wahontsaroko nonkwe ne aoriwake.

Wahonwahreri ne Heli asakonnhese tsini hni-erhakwe ne sakoien okonha. Sotsi iahte hariwasatstekwe Heli, iahte sesakonikonhraseronni ne Sitaheronon, iah oni te hokwenion asakohrewate ne sakoien okonha; ne ok ieken, wasakawenhase, wahrenon : Nahoten keriwahronkas, kwaien okonha, seniriwake? nahoten oni karihonni seniriwaneraks? tsiatka tsini tsiatierha, ietsiriwanerahaktennis oni ne ken ratinakere. Oktoriwakon tsi wasakohretsiaron; iahte honatahonsataton.

Wahoswaten kati ne R. nok wahorihonten

saiatat Rotokense ahohrori ne Heli, wahrenron : Satontek tsi nenkiere : kenni hawennoten ne R. rakennhaon akonhrori : Iah kati ken khekon-nienston sawatsira ? iah ken tehiatarakwen Aaron wakeron : ratsihenstatsi kowa akenhake, eh iaharathen tsinon kanaktanoron nok tahaienkwarentonwe ahaksennaientakwe ? Nahoten karihonni tsi ise sariwa tsi iekenhronnis ne ionkewenniostha ? senha shekonnienstha sheien okonha, iah etho teskkonnienstha. Enkhesennowanate ne ionksennowanatha, ne tenhnon ionkkenhronnis enhonwatikenhronni. Ikehre : konhrewat nok oni sewatsira. Wakeriwisonhonne sheiatere okonha tiotkon ratitsihenstatsi enkenhake nok nonwa ikehre ; kwatsiratont ne sewatsira, oia enhiatarako ratsihenstatsi kowa, akwa enthariwaierike etho nenhaiere tsini wakenikonhroten. Tenhnon sheien okonha iaehtahiatiatisa, sekon ase tsi enhononnheke enhniheie.

Tohka nioserake tsinahe ehniawenhon, wahorihonten ne R. Samuel 12 ok tehaoseriiaakonhonne nethone ahohrori Heli tsi rohrewatane. Ethone tsi raiationnikwe Heli sewasontati rarastakwe ne raksaa Samuel kenniioereha. Niio tsi rononsote, wahowennahronke asonthenne thonnonkswe

ratonhakwe : Samuel, Samuel. Wahrere ne Samuel : Heli hen thakinonks ? Ok sa ok waha-tketsko, etho warete tsi thanatskwe Heli, wahrenron : Ken ike, takinonkon, nahoten isehre ? Tahenron ne Heli : Watesaterientawenrie, iahte konnonkon, was ionsasentaf. Etho nahaiere nē Samuel. Onwaer ok rotaon, sekon are sahowennahronke. Sekon etho ionsarete Samuel tsi ranatskwe ne Heli, wahrenron : Ken ike, aseken takinonkon. Tahenron ne Heli : Iahte konnonkon, was ionsasentaf. Sekon are wahowennahronke ne asenhaton. Sekon ionsarete tsi thanatskwe ne Heli, wahrenron : Wakahronken takinonkon, ken ike. Ethone wahrere ne Heli : R. thonnonks othenon ihrere wahrenron : was, kien, ionsasentaf. Nene sekon ensesewennahronke, ensiron : Satati, Sewenniio, enhotonteke ne hiaseronniennis.

Sahotawe kati ne Samuel. Ethone wathatane raronhiakehronon R. rowennenhawī, tekeni wahrenron : Samuel. Tahenron Samuel : Satati, Sewenniio, enhotonteke ne hiaseronniennis. Ethone wahrenron ne R. : Eniakonehrako tsi enioriwatsaniton tsi nenkatieranion, rihrewatane ne ratsihenstatsi kowa, nok oni rawatsira. Roterien-

tare tsini hotiriwaneren ne sakoien okonha nok
iahte sakohrewaton.

Sahaie Samuel orhonketsi, wahrere : akenn-
hotonko tsi kannhokaronton ononsatokentike ;
ratsaniskwe ahohrori ne Heli nahoten ronwaro-
rihne. Sahaie ne Heli, wahononke Samuel nok
wahrenron : Karo tontase, kien, taetenihtaren,
tosa othenon takeriwaseten ; wakaterientare hi-
arihotasienni ne R. tsini honikonhroten, takrori
kati tsini hoieren, enhiahrewate ne R. ne iahtens-
kroriane oriwakwekon tsini ioriwake hiahrori ne
R. Wahatontate ne Samuel, akwekon wahohrori.
Wahatahonsatate ne Heli, wahrenron : Thennon-
tons ne R., rakrewat, tkariwaieri etho nahaiere.
Ethone ontasa wen rotokense enwatan ne Samuel,
rotehiarontiene hnikwekonne ne R. nok tiotkon
etho niawenskwe tsini haierhakwe.

CHAPITRE XXXVII.

Victoire des Philistins, on amène l'arche d'alliance.—Les Juifs sont défaits, l'arche d'alliance est prise.—Un messenger vient rapporter à Héli ces désastres arrivés.—Mort d'Héli A. M. 2888.—L'arche dans le temple de Dagon.—Dieu afflige les Philistins.—Ils renvoient l'arche d'alliance en Judée, elle passe chez les Bethsamites qui sont punis pour l'avoir regardée indiscretement, puis demeure à Cariathiarim, et ensuite chez Abinadab.—Samuel par ses discours détruit l'idolâtrie, obtient aux Juifs la victoire par ses prières, les Juifs demandent d'avoir un roi et Dieu y consent.

Iakahewe wahonitiohkwaroroke sotar ne Filistinronon, akwa rotitiohkowanen ahonterio ne Sitaheronon ronnerhakwe : sekon aonsaiakinas-kwaientake. Wahonwatisenni ne Sitaheronon 4000 wohonwatirio. Wahotinehrako ne Sitaheronon tsi naawenne, wahatitsienhaien ne rotii-ner, wathatiiatorete tsi nahoten iorihonnihon etho niawenhon. Wahatiriwisa, satekanenriien enienonsenhawe R. raononsa, ronnerhakwe : Ethone watiesen eniakwatesenni. Wahatontate ne Heli, wahatinonsenhawe ne sakoien okonha, satekanenriien wahatinonsaien, wathontontarikte ne Sitaheronon tsina hontsennonni ; nok tsi wahonhronke

ne Filistinronon, wahonnehre : aionkwatokense tsini iawenhon, waairon : Ne wahonni tehontontarikta ne Sitaheronon tsi ratinonsenhawi ne R. raononsa. Ok sa ok wahatitsanike ne Filistinronon, aseken ronaterientarakwe tsini hontsennonniatakwe ne Sitaeronon, aseken ratinonsenhawi R. raononsa, rontonhakwe : Tewatkaronniane, aseken etho raiataratie ne R. tsi tehatinenhrine ne Sitaeronon.

Tkariwaierikwe nahonateronhientenion ne Filistinronon niahta honwanikonhraksatanion ne R. Sitaeronon. Tenhnon wahontatenikonhrahni-rate ne Filistinronon, wahoniron : Ietinaskwai-entakwe ne Sitaheronon, tewaterio nok ietisenni. Waorhene wahonterio, wahonwatisenni ne Sitaeronon, 30,000 wahonwatirio, wahontatewenniioste R. raonousa ne Filistinronon, nok wahonwatirio Heli sakoien okonha. Ne iakostonton Sitaheronon R. sakotewenteton, aseken iahte shonwanikonhraseronni, iahte tsiakotatrewatton, rotirharekwe R. entesakonnhe, aseken rotinonsenhawi ne R. raononsa ; tenhnon R. iahte sakonnhese Filistinronon ahontatewenniioste R. raononsa, aseken iahta hanonwene tsi ionterennaiens nonkwe, ne ok ehneken tsi iakoriwiios-

ton, tenhnon itewat kariwaneren nakaweriane, ronwanakwatennis ne R. iahte shonwanikonhraseronnis.

Ne wenniserate tsi etho niawenhon, saiatat ne ronkwe rotkathonne tsi waterioskwe wahahnia-kenne, Siloke warete, ioratsionkwen raotiatawit, okenra rononwarorokton, wasakohrori ne ienakere tsini iawenhon. Ok sa ok akwekon wathonsenthoseron wathotihenretienion. Rentskwarakwe Heli, raononsakta, aseken onen tiohton nioserashen satekon iawenre tehaoseriiaكونne, iahte watonskwe eh iahare tsi waterioskwe, iah oni akwa teshakahriiohne, tehoteronhientennis tsi nenioiatawen R. raononsa. Tsi wasakowennahronke tehotihenretanion wathotonwentsiose ahotokense nahoten iorihonnihon. Nene ronkwe eh ireskwe wahawenhase, wahrenron; Wahonwatisenni ne Sitaeronon ne Filistinronon ronatawenniioston R. raononsa, nok sheien okonha tetsiaron ronenneion.

Sahahronke ne Heli, ehtake wahaientaientane wahasatane, wahatenontsistahrite nok iarenheiate. Onen 4 nioserashen tsinahe sakotsteristakwe Sitaheronon.

Sahontatewenniioste ne Filistins R. raononsa

tsi thotinataien Azot konwaiats, wahontinonsenhawite R. raononsa, etho wahatiien tsi iononso-takwe ne raotiatonnik Dagon konwaiatskwe. Saorhene waontieren ok ken non iewatakwentare ne raotiatonnik. Sakonwatketsko nok iah othenon te honen. Waorhene orhonkehne, waontieren ok tsi kannhokaronte, kanontsistaien ne raotiatonnik, aonontsi kenha, nok oni tetsiaron naosnonsa kenha, iahte iotonhon aiakoriwaseton, wahonnehre kati : senha roiatanehrakwat ne Sitaheronon ronwawenniiostha.

Ethone oni, wasakohrewate Azotronon nok kanataktatie ienakerekwe, sakannratarine akwa ionnratsanit, akwa waeronhiaken, eso wahonwentane nok akwa wakontinakerene otsinonwa sonha eso wakotikaronnianion. Wahoniron Azotronon : Akte iehawit R. raononsa. Eso nikanatake tsinon wahontinonsenhawite R. raononsa ; ka ok nonwe wahatinonsenhawite, ok sa ok eso wakonwakten. Wahontkennisahate ne rotiianer Filistinronon, wahonwatiwennisakhe ne rontenhennaras, wahoniron : Onsaienonsaiehna Sitaheerononke ; wahonnehre tenhnon : aionkwatokense tokat raonha sonkwaronhiakenton ne ronwawenniiostha Sitaeronon.

Wahatiserethaseronni kaseretasetsi ; tekenihase tionnhonskwaron wakonwatiiatarako ne sekon iakontstarontha kanonskon wakonwatinnhoton nakotiiienha wakonwatiiataniionten nok kaseretakon wenonsitha R.raononsa,ohahake wahatiserettaien tsinonwe okti kawenniiio naienrheke Filistinrononke ieke tokat oni Sitaerononke, iahte wakonwanaton, ononha tikeniwenniiio tsini ienkene, wahonnehre Filistins : Tokat Sitaerononke ienkene, ne entewatokatakwe tsi raonha sonkwahrewaton ne ronwawenniiostha Filistinronon. Tokat ok eken tsi tewanakere aiakene, entewatokatakwe ok sewatieren ionkwaronhiaken.

Sitaherononke iakene tionnhonskwaron tsi tkannataien Bethsames konwaiats iakene, teiotihenretanions sane nok tenhnon iahte ionathaharakwen. Eso ne Betsamesronon rotiiotekwe kahe-take, akwa ionehrakwat wahontsennonni sakonwaken karontotseratokenti R. raononsa. Watkane ne kassere raonwentsiake saiatat ne Betsamesronon ne ratitsihenstatsi, onenhiake kanenhiowanen wahatiiien R. raononsa. Wakonwanawenthon tekenihase tionnhonskwaron nok wahontekate katsienhowanen, wahonwawenniioste ne R. tohka oni ni kanaskwake wakonwanawenthon

tahonwanonweratonte ne R. tsi onen itsio karon-
totseratokenti. Wahtiawenrekwe nakwa nakon
takonwatkaneren R. raononsa, nok oni naieiena.
Otiake wahatikahenhion nahoten itewat karonto-
tseratokentike. Wasakohrewate ne R. tohka ni-
wenniawehetserashen wahonwentane, akwa kati
wahotinikonhraksen.

Wathonateronhienten oni, wahonnironnion :
Onka aiekweni aiontakatstate tsi renteron R. iah-
tiaiehewe tsini hoiatatokenti ? Wahonwatineken
kati Kariatiarim ronon tahatikoha R. raononsa
nok tsi thotinataien akanonsaientake. Wahati-
nonsaien tsi rononsotakwe ne Abinadab ronwa-
iatskwe, etho nonni teioserashen kanonsotakwe
R. raononsa. Niatekon wahotenrate ne R. nok
wasakotenrate oni netho thatinakere.

Tsinahe thawenheion Heli kenha, Samuel
sakotsteristakwe Sitaheronon ; akwa ionehrakwat
ronwakonnienstakwe. Wahatien tsinonni hoton-
nisentakwe tsi tkanataien Ramatha konwaiatskwe,
tesakoiatoretakwe othenon rotiritaientakwe, etho-
nonni wahronni tsiniiot tsi iehasentakwa, nok
etho rowenniiostakwe ne R. ; arens tenhnon
wathatstekafwa tsi ratinakerenion asakorihonnien
nok asakohretsiaron aonsahontatreutate. Saka-

wenniskwe : Sewaiatahtonhon ne sewaiatonni-
tseraienton, R. ok hetsisewatsanisek, hetsisewa-
wenniiostak oni. Netho nensewaiere, oriwiio ten-
tsisewawistotarisi. Nok tokenske wahakweni
Samuel tsi Sitaheronon isi ronatonhon ne kaia-
tonnik okonha. Wasakawenhase Samuel : Tsi
tkanataien Masfat sewatkennisa, etho enkwate-
rennaienhase. Etho kati nahatiiere, wahonenton-
tiete nok wahoniron : Sakwanikonhraksaton ne R.

Sahotitokense ne Filistinronon tsi etho rona-
tkennison Sitaheronon wahonnehre : aiakwaterio.
Wahatitsanike ne Sitaheronon nok wahonwen-
hase Samuel : Tosa asatorisen askwaterennaie-
hase, atsennitentase ne R. aiawens entewatesenni.
Tsinahe ronateriohaton, Samuel wahawentho ne
teiotinakarontonha nahowenniioste ne R. Wasa-
koterennaiehase Sitaheronon, nok R. wahowen-
narakwe, akwa waokennoron wakawere oni tsi-
nonwe raticenniatkwe ne Filistinronon wahon-
teko, wasakotisere ne Sitaheronon, nok kentioh-
kowanen wasakotirio. Sahatiiena ne Sitaeronon
tsini kanatake ronatawenniiostonne Filistinro-
non. Raonha kati Samuel wasakowistotarisi ne
raotiohkwa.

Onen 6 nihaoserashen Samuel wasakorihonten

sakoiën okonha tasakotiiatorete Sitaheronon. Iah tenhnon te honwaianenhawi ne ronwahnihä, owista ratiienaskwe nok niatekon ne iawet tehonwatinikonhrakennieskwe tsi tesakotiiatoretakwe nonkwe. Etho takaientakwe rotiksten okonha wahontkennisa nok wahonwenhase Samuel: Onen satiatison; iah taonton taskwaiatorete. Iah etho tehontierha sheien okonha tsini saieren, iakwehre: aiakwanontiiösentane, tsiniiot nakte thatinakerenion saiatat ronwanontiiö, raonha ensonkwatieriwateriste.

Wahoswatan Samuel; tenhnon wähonitentase R., wähöwennisake, nok R. wähawenhase, wähenron: Etho naiawen tsini ionskaneks ne sentiohkwa, iah ise te iesaiatontion, ii ionkiatontion; sehrori tenhnon ohenton nahoten enhoterihontake ronwanontiiö. Wasakohrori Samuel ne Sitaheronon nahoten rotokatennihne ne R., akwekon ronatonte, nahoten enhaterihonten ne ronwanontiiö. Iah othenon tatehotiriwasniehon, nok wähoniron: Onen aionkwanontiiösentane, teionkwatönwentsioni saiatat asonkwatieriwateriste, ohenton tahatane tsi eniakwaterio. Samuel wähorori ne R. tsini hotinikonhrotens, nok R. wähawenhase, wähenron: Etho natsier tsiniiot iesane-

kennis, ahotinontiiosentane. Wasakawenhase Samuel, wahrenron : Niare tsi sewanonsoton iaon-sasewe tsiniiore atsisewahreri ne R. onka roiata-rakwen. Tsinahe sakaonwentsiawihne ne R. Sitaheronon, tiotkon raonha ronwanontiiokwe, tiotkon ronatsennonnihne kawenniiro ronateweientontie. Tsinikon wahatironhiaken, wahonwennitentase ne R. nok sahontatrewate, ok sa ok wasakotenre, wasakorihonten nonkwe sonha tsiniiot Gedeon, Jefte, Samson aontasakotinnhe ; iah sane te sakonontiioston aseken raonha ne R. ronwanontiiro. Wahotikenhraten ne Sitaheronon tsi etho niihtonne, wahonskaneke ahotinontiiosentane ; tsiniiot kati wahatiswaten tsi R. ronwanontiiro ; senha rotinonwehon saiatat ne ronkwe ahonwen-nakeratse, nok R. iawet wasakohrewatakwe tsi wasakaon etho naiawen tsini hotinikonhrotens.

CHAPITRE XXXVIII.

Saül choisi pour Roi.—Première rencontre de Samuel et de Saül, Saül sacré roi par Samuel qui lui indique 2 signes de la volonté de Dieu.—Saül intronisé Roi à Masphat.—Saül défait les Ammonites et délivre les habitants de Jabès.—Samuel rend compte de son administration, fait ses adieux au peuple Juif et lui donne des avis.—1er découragement des Juifs en face de l'armée des Philistins.—1re désobéissance de Saül que Samuel lui reproche.

Saiatat Benjaminitronon Sis ronwaiatskwe enskat rowiraientakwe Saül ronwaiatskwe. Akwa rahnenhiesonne, ronkwetiokwe nok rasatstekwe. Ionatahtonhonne ne roniha raotsenen okon tewa-hontes ; wahonnhanne ne roniha asakoiatiskha. Wahahenti ne Saül, wahne saiatat ronnhaskwe. Akta iahnewe tsi tkanataien tsinon renterontakwe rotokense Samuel.

Wahonikhriake Saül, wahrenron : Iah ta-onton aiakiatatsenri nonkwatsenen okon, tiahtenti. Wahawenhase ne ronnhas, wahrenron : Etho itene tsi thenteron rotokense, tsi onen ronataweiatonhatie kanatakon, wathonwateratana ne ronkwe, akwa roiatanehrakwat ne rotokense Samuel. Onen R. rotokatennihne tsini iawensere,

rawenhne : Eniorhene tenhiateratana ne ronkwe Benjaminsitronon nahaiatoten, enkonnatonhase nok entsaterennaienhase, raonha enhonwanontiioke Sitaheronon. Iah nonwenton te hotkahton-ne ne Saül Samuel, wajoriwanontonse ne Saül, wahrenron : Kani henteron ne rotokense ? Tahenron Samuel : Ii ne waktokense, wakeriwaian kariwanoron enkonhrori, senontarann, etho ienskronwase onwa tsi ok etho ienke, etho ionkien-niseriiake, eniorhene ensasahenti ; niakwe enkonhrori tsini wakenikonhroten nok ioianere ok sa ok aesatokense onen skonwatiiatatsenrion ne sheiatisaks satsenen tewahontes, tosa onen tesanikonhrarak, serharek tenhnön tsini kariwanoron saiatawensere, nok ensiatanoronke.

Tahenron ne Saül : Watesaterientawenrie nok iahte skienteri, iahte iakorihonte ne khenonkwe ; nahoten kati karihonni wateskerensaron ? Tahenron ne Samuel : Ensatokense ok eken nonwa onontoharake iahase.

Asen nihatiiatashen ne ratiiatanorons wasakotenniotase ne Samuel nok oni ne Saül. Wahatehen ne Saül tsina hoierasehakwe ne Samuel. Senha wahatehen tsi raonha wahonwakonniens-te, wahrenron ne Samuel : Akte nonni ieien ne

akwa kakwiio nok ne wahonion ne Saül, nok wahrenron ne Samuel: Wakeron: ise enseke. Etho ok tahaiere nethone ne Samuel. Kawenniio wahatikwentane, sahonhtentionko; nok ne Samuel tsi thononsote wahoiatenhawite ne Saül nok ne ronnhas: wahonnise watnihtaren, nok etho wahotitawe. Kawenniio ostonha wahentene, wahatketsko ne Samuel, nok wahoiete ne Saül, wahrenron: Onen satketsko nok sasahenti. Wahatketsko ne Saül nok wahne Samuel tsi tiotena-tokte. Etho nonwe wahrenron ne Samuel: Rahent ne hetsennhas, sonhaa ensatonteke tsini honikonhroten ne R. tsiatatake.

Kawenniio rononhaa onton, wahatsetotasi ne Samuel kenbiekarakwe ranontsine ne Saül wathatsetawerontho, wathonoronkwanion nok wahrenron: R. hiaiatarakwen eniesanontiioke ne Sitaheronon, tensewistotarisi, nok ken kaien ensesientereste tsini tkariwaieri tsini kierha.

Onwa ok wenniserate entie nenkarake tsinonwe tkaiatat ne Rachel kenha, tehniase nonkwe eniesenhase: onen konwatiiatatsenrion ne sheiatiskakwe tewahontes, nok akwa ionehrakwat hiaiatisaks ne hianiha, raton: Ohni hoiatawenhon ne rienha? Ken oni kaien enstokatakwe tsi-

ni tkariwaijeri tsini kierha. Isi nonwe 3 nenhati-hake tensewaterane ne Sitaheronon ronwawenniiostane ne R. Bethelke, rotitokense tensewaterane tenhonwariwakwaseheke ne R. Ok sa ok ethone satokense enwatton, tsiniiot tensewattenni sanikonhrakon. Nok tokenske etho nihoiatawenhon ne Saül. Iah tenhnon onka te sakohrori nahoten horihotasiennihne Samuel.

Akwekon ne Sitaheronon wasakotkennisahate Samuel Masfatke, asakohrori tsi R. roiatarakwen ne Saül ahonwanontiioste, wahonwaiatisake nok wahonwaiataioha, aseken raononskon rotasetonne. Wahonwanonksa kati. Kawenniiio waho- ketote akwekon wathonwatkaneren, wakoneh- rakko tsini hahnenhiesonne tsini hotitiohkwa, iah onka etho te hahnenhies. Tahenron ne Samuel : Tetsisewakanere tsini haiatoten ne raweron ne R : hetsisewanontiioste. Ethone akwekon watia- kohenrete : Ronnhek ne sakwanontiiio. Ethone wasakorihoktase Samuel tsinenieierhake raiatata- ke ne ronwanontiiio nok oni raonha tsinenhaier- hake ratiiatatake ne raotiohkwa, nok wahaia- ton wahaien ne kaiatonsera akta Niio tsi ro- nonsote. Ethone oktonsaionreni wahonwanon- teratie Saul kentiohkowanen ne raotiohkwa tsini

hati ne R. sakonikonhrehawitonne etho nahatiere. Otiake sane ronwakenhronnihakwe, ron-tonhakwe : Enhakweni ken ne ken asakosenni ne ionkiswens ? nok iah othenon te honwawi. Wahotokense ne Saül nok iah othenon te hawen.

Sewennitat tsinahe eh niawenhon, Naas ne ronwanontiio Ammonitronon wasakonenhrenten ne Sitaheronon, wahrere : Akhenatakari Jabes kanataientakwe. Tsinahatitsanike netho thatinakerekwe, wahoniron : Takwanaskwaien. Tahoniron Ammonitronon ne netho neniawenne, akwekon enskatson skati enkwakahratako. Ethone tahoniron ne ratinakerekwe : 7 nenwennise-rakehak, tosa tewaterio, nok ne iahten tenionkinnhesere, tensewennonten tsi nensewaiere. Etho wahonnete tsi thenteron Saül, ethone raterakarhathoskwe, wahonwahreri tsini tiawens, wathonsenthoseron, wahoniron : Ionkwententasere iah onka taontasonkwannhesere.

Ok sa ok Saül, watesakoiatarittanion tekenihase teiotinakare kowa, nok tsi tienakerenion Sitaheronon waehawite iontonne : etho neniontatiere ne iahteniontontathe aiontatennhe nontatekenha. Akwekon wahotihteronne wahontontate ahonteriosera 300,000 wahontkennisa, wasako-

nenhrenten ne Saül Ammonitronon, wasakosen-
ni nok toha akwekon wasakorio. Kanatakon
Jabes sahataweiate Saül. Tsini honatsennonnihne
etho ratinakerekwe, wahoniron : ietirio ne iahte
iakotontaton ahonwanontiioste ne Saül. Tahen-
ron Saül : Iah etho taiawenne ; tsionkwanikon-
hren tsini honatiiieren, ok eken tetsitewanonwe-
raton ne R. tsini sonkwentenron. Ronitentonne
Saül, rattokhakwe, rotanitenraskonne ; tenhnon
iakahewe ohnaken iahte hotontatskonne othenon
ahonnhanne ne R.

Tsinahe thonwanontiioston ne Saül, Samuel
iahte shoterihontakwe asakoteriwatsteriste Sitae-
ronon, raweron kati Samuel : ahonatonteke ne
Ronontio nok ne kanenrakwekon tsi tenkhenon-
weraton. Wasakawenhase kati, wahrenron : Te-
sewakanere onen kwanikonhraieriton tsi sewe-
ron : iakinontiiost. Onen kati sewanontiiotse-
raien, raonha rahente tsi sewateriohatie, nok se-
waterientare tsini hotsanit. Takwatewenteton,
iahte skennhatens, onen akekstenha, ikehre non-
wa : aesewariwakeron tsini wakeriwannhiseron.
Tsi keksaa sate tewaiashe ; ken ikete eniennon-
ton niienhre othenon rienhas teioserashen tsinahe
kwatsteristakwe, wakatatewenniioston ken skaia-

tat ne sewatsenen ? riwennotaon ken oni kaneka ?
kaneha oni ken khekaronnihon ? Tiontati nene
etho nikheierase, ok sa ok ensekhenikonhrase-
ronni. Akwekon taiairon : Iah nonwenton te
skwanikonhraksaton, iah nonwenton te skwawen-
notaon, iah nonwenton te skwakaronnihon.

Tahenron ne Samuel : Iahta katkawe akwate-
rennaiehase, tiotkon enkwarihonnienniheke ne
tkariwaieri. Hetsisewatsanik ne R. hetsisewanon-
titiotserawi neutsisewanikonhraieritseke ne R.
sewanikonhrakwekon, ensewatsennonni, enhat-
sennonni oni netsisewanontio. Tokat, ok eken,
entsisewawennonti nok othenon nensewaiere ni-
ahte tkariwaieri, R. entsisewahrewate.

Teioserake tsinahe thonwanontiiostonne Saül,
ne roienha Jonathas ronwaiatskwe 16 tehaoseriia-
konhonne akwa ranekenterontakwe nok oni ro-
tsanitonne Gabaake wahatien nok oni raotioh-
kwa 1,000 ok etho ratinataientakwe ne Filistin-
ronon wahonterio nok Jonathas wasakosenni.
Wahontsennonni ne Sitaheronon, wahontkennisa,
wahoniron : Galgalake ietewe ietewaterio ne
Filistinronon. Filistinronon Makmaske waha-
tinenraseronni ; akwa ionehrakwat tsi rotitioh-
kowanen 30,000 rotiseretaien nok eso niwen-

niawetserashen ne sotar tsini hotitiohkwa. Sahontkatho ne Sitaheronon, wathonateronhienten, kentiohkowanen wahontasete tsi iotstentrakaronte, eso wahontekohaton, niate wenniserake tewaterakwaskwe tsini kentiohkwaskwe. Rawennihne ne Samuel Säul : Satenonna 7 nonta tsiniore enskewe, tosa nise hetsewenniiost ne R. 6 nonta tsini kariwes ronwarharekwe Samuel, nok iahte thawenon, 7^{ton} nonta iakahewe waakarawe wahennikonhriiake ne Säul, wahrere : akonhaa riwenniiot ne R. onwaerh ok rowenniioston ne R. onen warawe ne Samuel, wathosterihen Saul tsi wathoterate ne rotokense.

Wahenron ne Samuel : Ohnisatieren ? Tahenron ne Säul : Ionkiattontieskwe nakitiohkwa, iahte tesaketotake, nok oni ok etho ronnene ne Filistinronon, wakeron : onen ii riwenniiost ne R. aiazens aonsahinikonhraseronni ne R. Tahenron Samuel : Kariwaksen tsini satieren : hetsewennontion ne R. iah etho tasaieren tiotkon aiesanontiioston nok oni ne sheien okonha ; ne tenhnon hetsewennontion ne R. ne karihonni iahten kariweson ensanontiioke. Onen oia roiatarakwen ne R.

CHAPITRE XXXIX.

Jonathas avec son écuyer envahit le camp des Philistins, A. M. 2911, et fait un coup de hardiesse.—Jonathas, sans le savoir, désobéit à son père et mange du miel.—L'armée empêche Saül de faire mourir Jonathas.—Réflexion sur l'opiniâtreté et la précipitation de Saül.—Seconde désobéissance de Saül, il épargne Agag roi d'Amalec, A. M. 2930.—Samuel va à Galgala offrir un sacrifice à Dieu.—Samuel reproche de nouveau à Saül sa désobéissance et lui annonce sa déchéance.—Eloge de la vertu d'obéissance.—Samuel pleure la perte de Saül.

Ethone wahahtenti ne Saül, wahateriosere, 600 ok rotiohkwaientakwe, Gabaake iahare. Rorharekwe ne Saül : niare thontierent ne Filistinronnon ahonterio ; tenhnon Jonathas wahononttonke tsi iahte iakoterio, wahrere ; ii akaterio. Ken naawenne. Saiatat ne rasennowanen thoriwaiierikwe nok rotsanitonne tehiatatenoronkwakwe Jonathas. Wahohrori ne Jonathas tsini honikonhroten, wahrenron : Ikehre : etho iake tsi thonatatoserontonkwe ne Filistinronnon, ensatontate ken itene ? Niahte iakoriwiioston enietinenrente ionkenirharek ensonkeniiewase ne R. Saheto ken-nitionha, enwaton aetewatesenni, nene etho na-

honikonhrotenhake ne R. Iahte hihrori ne rake-niha tsini wakenikonhroten, sonhaa ok saterientare, sonhaa oni enskienawase. Niakwe ionkenitokens tsi rariwanonwes ne R. ken kaien enkenitokatakwe : kawenniiio enionkiatkatho ne Filistinronon ne enionkienhase, tosa karo tasene, iah etho taiettene, iahtasonkeniiewase ne R. nòk ne ionkienhas, karo tontasene, etho ientene, ne enwatenientenstakon tsi enietirio.

Ethone wahiahtenti ne Jonathas nok ne roriwawase. Kawenniiio wahonwanatkatho ne Filistinronon, wahoniron : Ontahonne ne Sitaheronon, onen rotiswatani tsi ronataseton. Tahoniron : Karo tontasene, seninontarann othenon entsiatkatho. Ethone Jonathas wahawenhase ne rasennowanen, wahrenron : Taknonteratie, onen sakotewenteton ne R. Filistinronon. Tetsiaron etho niaane. Wathassarakwe ne Jonathas, kentiohkowanen wasakorio ne Filistinronon, etho oni nahaiere ne roriwawase. Onen ok tahotihteronne ne Filistinronon. Iahte hoterientarakwe ne Saül tsi naawen, wahonwaiatisake ka tonte tiiehononon ne Jonathas nok ne roriwawase, iahte honwatiia-tatsenrion. Wahonnhanne nè ratsihenstatsi kowa nahonwennisake ne R.

Ethone wahonhronke tsi senha ronateronhien-
tenni ne Filistinronon, etho warete ne Saül, ro-
nonha ok tehontatawenthos ne Filistinronon.
Sakoriwawasehne ne R. ne Sitaheronon. Wahren-
ron ne Saül : Ietiser ne Filistinronon : oriwiio
eniaiheie kaneka othenon enieke tsinenwe enio-
karawe. Jonathas iahte hoterientarakwe tsi etho-
ni horiwisonhonne ne roniha. Tsi ronahtention-
hatieskwe, karhakon ronneskwe, ronarekwen-
hatieskwe, akwa ionehrakwat, wahoniatathen ne
Jonathas ; wahatkatho ietsinakontakwane nok ne
raotennits waratste wahatsikehtatakwen. Waho-
niron otiake : Roriwison ne hianiha tosa onka
taionskahon tsinenwe eniokarawe. Tontahatati
ne ranekenteron, wahrenron : Nahoten kati kari-
wa ? tsi kennikonha tewakatskahon, etho nitia-
wenon wakiatahnirha.

Wahonwawennisake ne R., tokat ken ioteriwi-
son akwekon asakotisere tsinikon ronataatenre ne
Filistinronon. Nok iah othenon te sakotokaten-
nihne R. tsi nahatiere. Wahrenron ne Saül : Ka-
riwatoken ieiatore ne ronwanikonhraksaton ne
R. ; ioianere ahiienterhane, ahrenheie, saheto ne
rienha akenhake. Wahatiwatsiiaakon nahotito-
kense onka ronnhikon. Eh kati takaientakwe

wahotitokense tsi Jonathas ronnhikon. Saül wahawenhase, wahrenron : Konhienha, ohni satieren ? Tahenron ne Jonathas : Ostonha waktsiketakwen, enkiheie kati. Tahenron ne Saül : Tokenske, kien, ensiheie. Wahoniron rotiskenra-
kehte : Aonton ken skennen taiakwakanerake
ahonwario ne Jonathas ? Sotsi sakwanoronkwa,
raonha rorihonni tsi iakisennion ne Filistinronon ;
iahta iakwatontate nahrenheie ; saheto enia-
kwenheie, iahtarenheie Jonathas, aseken R. wa-
horiwawase tsi wahaterio. Etho kati niawenhon,
iahtehonwario Jonathas. Wahatkawe ne Saül
asakosere ne Filistinronon. Ethone, akwekon tsi
thotinonsote sahonnete.

Shoteriwatewatton ne Saül tsi sotsi wathotsteri-
hen nahowenniioste ne R., arekho tsi thawenon
ne Samuel. Iahte haweron : R. thennontonhon
tsi ronisekwen, wathateriatikhon kati. Waho-
wennisake ne R. iahte horhare ne R. othenon
ahotokaten, wahariwahnirate eniaiheie onka ki
ok taiontskahon ne wenniserate. Ne roienha
iahte hoterientarakwe, iah kati te honnhikon,
senha ok wahariwahnirate tsi enhrenheie ; ne
raotiohkwa tenhnon wahonwannhese etho naha-
iere. Tokat ahowennarakwen ne rotokense Sa-

muel, iahte kakonte raonha nok ne raowatsire ahonwanontiioston ; tenhnon raweron : ii entken-
nonton tsi nakiere ne rostonton R. rotewenteton.

Roriwisonhonne ne R. asakoiahtonte Amalekronon. Akwa roteraswiiohne ne Saül tsi raterioskwe. Wahonnhanne ne R. Samuel ahoiatisakha ne Saül nok wahawenhase, wahrenron : Säterientare, ii koniaterennaienni tsaesanontiioste, kennihonhroten ne R : tesatsterihen sateriosera ne Amalekrononke, akwekon sherio, satenatatsahatanion, akwekon serio akotsenen okon, akwa ok takewennaierit.

Wasakotkennisahate ne Saül ne rotiskenhra-
kehte 200,000 tsini kentiohkweekwe, oksa wahah-
tenti tsi akwa tkanatakweniio Amalekrononke
warete, wasakosenni, tenhnon iahte howennara-
kwen ne R. iahte horio ne ronwanontiiokwe
Agag ronwaiatskwe, nok ne sotar iahte hotirio
nakotsenen okon.

Wahowennahronke ne R. ne Samuel, wahren-
ron : Rinontiioston ne Saül nok skennhatens,
iahte hakewennarakwa. Akwa wahonikonhrak-
sen ne Samuel, akwa oni wahatstaren, nok ason-
takwekon wahonitentase ne R. Saorhene rerka-
kwe Samuel : etho iake tsi itres ne Saül, wahn-

wahreri tsi Galgalake iehawenonne Saül naho-
wenniioste ne R. tañononweraton. Kawenniiio
wahotkatho ne Saül, wathonoronkwanion nok
wahawenhase; Kanekhere, wahrenron, saterien-
tare tsi iakisennion Amalekronon, nok ikehre :
konnikonhraieriton. Tahenron ne Samuel : Na-
hoten kati karihonni kewennahronkas katsenen
sonha tiotihenretanions? Tahenron ne Saül :
Akitiohkwa ronneron : tosa ok sa ok akwekon
ietirio ne katsenen naontonseke aionkwanaskwa-
ientake asakwawenniioste ne R. Tahenron ne
Samuel : Tesaterientawenriehon, kariwaksen tsi-
ni saieren, isehre ken : ne tkariwaieri ahonwa-
wenniioste ne R. katsenen sonha konwanawen-
thos, kawenniiio iahtahonwawennarakwane. Sa-
terientarak senha rariwanonwes ne R. ahonwa-
wennarakwake, iah etho te hanonwes nahonwa-
wenniiostake katsenen sonha tsi ronwawennon-
ties, sate kariwaksen tsiniiot ahonwatiwenniioste
kaiatonnik sonha iah Niio te ken. Hetsewennon-
tion ne R. ne kati karihonni onen hiatewenteton
nok irehre : iahtaiesanonttioke.

Ethone wahrenron ne Saül : Tokenske wakeri-
wannhikon, riwennontion ne R, aseken waketsa-
nikon nakitiohkwa, serekha ahonatewennaksa-

tanion ; hetsennit ne R. aiawen aonsahonikon-
rhen tsini wakatieren, tosa tesianwareniat tsi wa-
keriwannhikon, nok oseronni hetsitenisennaien-
na ne R. Wahrere ne Samuel : iah eh tiiake,
onen sakahtenti.

Wahoiatannhe ne Saül nok wahaiena raotiata-
wit onteratsion kati. Takenron ne Samuel :
Etho nenhiaierase ne R. tsi nasiere tsi wasera-
tsion nakwatiatawit, iahte tsiesanontiio ne Sitaero-
non, oia roiatarakwen ne senha enhorihontake.
Takenron ne Saül : Tokenske wakeriwannhikon,
tenhnon tsi sekon ionkenontiio nonwa, takkon-
nienstak tsi ionkwehne. Wahatontate Samuel,
wahne nahonwasennaienna ne R. Ethone wa-
henron ne Samnel : Karo thonwaiatenhak Agag
ne ronwanontiiokwe Amalekronon. Akwa rore-
senne Agag, wahoiatisonkwe tsi wathatane ra-
iatakta ne Samuel, wahrenron : Tokenske onte-
ken enkiheie ? teniakwatekhasi ne khenoronk-
wakwe ? Takenron ne Saül : Tsiniiot ise sarihon-
nihon, eso teiakotekhasion eksa okonha, ontate-
nistenha, etho kati neniohton : iahte kakonte
tentsiatekhasi ne sanistenha ; nok wahorio. Etho-
ne onen wahahtenti ne Samuel. Iahta teshona-
tatken ne Saül, tiotkon sane ratstarhakwakwe,

aseken ronoronkwakwe, roterientarakwe oni tsi nenhotiatawen raonha nok raowatsire.

Tsini hoiaatawenhon ne Saül, ne iawet ietokatha tsina tekiattihen tsini hatiweiennaotens nonkwe ronatontatskon nok iahte honatontatskon. Kane-ka ne ronkwe rotontatskon, othenon wahonnhanne R. ok sa ok enhowennarakwe, saheto awentoreke, aharonhiakente, tokatotheron enhonnhike, iahtahatonnnhiie, enshatatrewate nok tenshariwaserako. Nene iahte hotontatskon ok eken iahta tehakanere tsini honikonhroten ne R. saksotsanis nonkwe sonha, ratsanis othenon ahatkaronni tokat aharonhiaken. Saül akwa raienterihne nahoten ronnhaonne ne R., iah tenhnon etho te hoieren, ne ok iawet ashennen roriwaieriton nahoten ranonweskwé. Sontahosnorakwe ne rotokense, iah ok sa ok te horiwaienterehon tsi ronnhikon, onen tenhnon sahoto-kense tsi R. rohrewatane, wahrenron : Wakeriwannhikon ; tenhnon wasakorase ne raotiohkwa, wahoneken ne rotokense nahokonnienste tsi ionkwehne ; iah tenhnon raonha tehokonnieston ne R. Ne oni ietokatha iahta iontste nonkwe tsi iakoriwiioston, tsi ionterennaiens tokat iahta iakotontatskonhake. Sate hariwaswensne R. nennee tsiniiot ahonwatisennaïen kaiatonnik, iah Niio te ken.

Raweriasiiohne Samuel, tiotkon ratstarakwa-
kwe tsini hoiaawenhòn ne Saül, tiotkon roniten-
tasehakwe ne R. ahotenre aonsahonikonhren tsi
rowennontionne. Rariwatoken tenhnon ne R. te-
hakanere nakonikonhrakon nonkwe roterientare
tsi iah tokenske ke ken tsi shotatrewaton ne Saül
ethone wahowennaronke ne R. Samuel wähenron:
To nenwe entsennhatenseke ne Saül ? Iahte hori-
hontakwe tsahinontiioste, raonha raoriwa tsi riate-
wenteton, ikehre: iahtaonsahonwanontiioke. Tosa
serhek : oia ken nensewakenikonhrawn, onen
oia riatarakwen, onen hetsaterennaiennira. Katse-
takon sehiennatha, Isaïke iase, Bethleemke tha-
nakere. Saiatat ne roienha riatarakwen.

CHAPITRE XL.

Samuel se fait présenter les 7 fils d'Isaï.—David est sacré
Roi par Samuel A. M. 2934.—Chants inspirés de Da-
vid, humeur noire de Saül.—David apaise Saül en
chantant.—Guerre contre les Philistins.— Le géant
Goliath défie les Juifs de se battre avec lui.—David
s'offre à combattre Goliath et le tue A. M. 2942.—Ja-
lousie de Saül contre David qu'il essaie de tuer.

Wahahtenti Samuel, tionnhonskwaron kennia-
kaa wahaiatenha nahowenniioste ne R. Beth-

leemke tsi iaharawe, Isaïke warete, wasakohonkaron Isaï nok ne sakoien okonha ahontennioten atenniotatseratokenti, ahonneke ne iakotatenrase ronwawenniiostonne ne R. Sahotkatho Samuel ne thakōwanen Isaï roienha, rahnenhies tenhnon rakonsiio, rerhakwe tiotierenton : ken kaien ne R. roiatarakwen. Tenhnon R. raonikonhratokenti wahotokaten ne Samuel tsi iah ne te hoia-tarakwen ne R. nahonwanontiioste, tsiniiot aha-wenhase : tosa satsterist tsi ronkwetiio ; nonkwe neok iekonnienstha nahoten iontkathos ne ioianere atste nonkati ; R. tenhnon tehakanere nakonikonhrakon nonkwe. 7 nihati wasakononke Isaï sakoien okonha. Tahenron Samuel : Iahte haiatare ne roiatarakwen ne R. Etho ken ni hati ne sheien okonha ! Tahenron ne Isaï : Sekon saiatat toha 16 tehaoseriiaakon ; katsenen okon sakononna. Tahenron Samuel : Karo itre, iah taonton akeke tsi ok nenhiatkathon. Wahatennhanne Isaï ahonwennonksa. Ronkwetiiohne Daffit nok rakahriiohne. Ethone wahotokaten ne R. Samnel tsi ne roiatarakwen.

Ok sa ok wahoterennaienhase ne Samuel, tehatikanere ne David roniha nok nok rontatekon okonha, ranontsine wahrenhienawerontho, watho-

noronkwanion. Ethonahe R. raonikonhratokenti wahotewentete ne Saül, iawet wahotienhase David, R. wahonikonhrowanate. A.M. 2934.

Waharennisa eso nikarennake, karennatoken-tison tehariwakwakwe, raterennotakwe oni tsi sakononnhakwe roniha raotsenen okon. Tsi teha-kanerakwe karonhiake nonkatipratonhakwe : Karonhia iawet watroris tsini hoiatanehrakwat ne R., nok iotsistokwaronnion ionkwahroris tsi iah othenon te honoronse. Tsi tehakanere tsi iona-tontatskon raotsenen okon teiotinakarontonha, ratonhakwe : Ise, Sewenniio, enskenonna, tensennonton ka ok nonwe enskiatenhawe tsinonni kakwiio enketsenri, enkonnonteratie tsiniiot ne teiotinakarontonha kennikonnasha konwatinon-teratie ne kontikowanens, iah othenon tenwakat-~~oktaniheke~~ tsinenwe enkonneheke. Iah etho te hotsennonnihne Saül tsiniiot notkonseraksen aho-ronhiakente, tsiniiotiahtaonsahattokhake tsini honikonhraksenskwe. Ne rotiianer raononskon ratiteron iawet wahnwentenre wahnwenhase : ronwaiatisak ne akwa raweiente naiehonrawate, kawenniio akwa enseronhiaken, ok sa ok enhahonrawate, tikenha kati tsi nenseronhiaken. Wahatontate ne Saül wahnwahrori tsini hattokha

ne Tafit, wahatennhanne Saül ahonwanonksa. Iorennhaonne ethone tsinikon kaneka tenhatane tsi thenteron Ronontiio othenon ahonion. Isaï kati wahaon ne roienha kanatarok, skatsetat ika-re otsitsia nok skaiatat kaiatakeras wahrenron: Entsion Ronontiio.

Wahononwene Saül ne Tafit nok wahrere: tiotkon kento renterontak. Kawenniio akwa wahononwakten ne Saül, wahahonrawate Tafit, nok sahaiewentane Saül. Iah wahounnise te ken tsinahe renteron Tafit onontiioke, wahonnehre ne Filistinronon: aiakwaterio. Wasakotkennisahate Saül ne raotiohkwa. Onontoharake wahontkennisa ne Sitaheronon nok ne Filistinronon onontoharake oni nennee wahontkennisa; tekiatenontanekenne; kariwes oktatehontatkaneronnionkwe; ken kati niawenhon.

Saiatat Filistinronon Goliath ronwaiatskwe ostonha karo wathatane, wasakawenhase ne Sitaheronon, ikehre: taetewahtaren: 9 niwasitake tsini hahnenhiesonne, akwa rasatstekwe nok rotsanitionne. Karistatsi nahoten rononwaroronne, karistatsi oni rotiaawitonne, akwa iokstekwe, ne oni nahoten orakihennen, asikwe rahawakwe, akwa oni iokstekwe. Wasakawenhase ne Sitaheronon:

Teskwakanere tsiniiot iahtaskwaienterihake. Sewanekherenis ken tsi Filistinronon nakiatoten? Tosa eso nonkwe aiaihe, saiatat hetsisewaiatarako eniakiaferio, ne kati nenhonwasenni, iawet kentiohkwakwekon eniontatesenni. Saül nok ne Sitaheronon sahonwaken, sahonwawennahronke oni wahatitsanike. Wahatsennonni ne Goliath, ratonhakwe: lonketsanis ne Sitaheronon, iah onka tahakweni naiakiaferio. 4 niwasontashen tsini kariwes, niate wenniserake ethoni haierhakwe.

Tsini kariwes etho niawenskwe rohtentionne Tafia, ronineha ieshawenontonne. Ne roniba wahonnhanne asakotennatserawira rontateken okonha iehonenoune tsi ionteriosere. Tsi eh warawe Tafia, sekon etho karo wahakwatho Goliath, wahrenron: Onka ahakweni naiakiaferio? Eso wahonteko ne Sitaheronon. Wahrenron ne Saül: Kaneka enhonwasenni ne Goliath, enhotiniake ne kheienha. Iah onka te iakotontaton.

Iahte hotsanikon Tafia, wahrenron: Oh ni haia-toten nene ronkwe sonkwatehatha, sonkwakenhronnis? Eliab hiatatekenha ne thakowanen wahawenhase: Oh ni satierane ne kento? senha aioianerenhon ontasiterontake ashenonnatieseke

ne katsenen, sotsi satatkonnienstha. Wahonwah rori ne ronontiio Saül tsini honikonhratsanit ne Tafit. Wahatennhanne iahonwanonke Tafit. Wahenron ne Tafit, wahawenhase Ronontiio : Tosa sennikonhriak, eniakiaterio nok enhisenni ne Filistinronon. Tahenron ne Saül : Katke enskweni ? seksaa nise nok ne Filistinronon akwa rahnenhies, rasatste oni. Tahenron Tafit : Tosa sahteron, Senontiio, onen akwa waketsanit. Tsi-nahe khenonnatieskwe ne katsenen, are kenreks, are okwari teionkiatakWenniskwe teiotinakaron-tonha ; ok sa wakessere, sakheiatannhontako aketsenen, wakekonriake ne kenreks, arens oni nokwari. Etho nenhieras nene Filistinronon nok enkheiatekwate ne raotiohkwa. Wahatontate ne Saül, wahawenhase : Was, iasaterio, nok hiaienawas ne R. Akwekon waawen ne ionterioستا ne Saül ratakwe. Kawenniio wahatseronniate ne Tafit, wahrenron : lahte wakerennhaon etho naiohton ; ii entkennonton tsi nenkiere :

Watrakwe ne raotennits 5 oni nikanenhiake nok taiontsoserontakwa nok wahahtenti. Saho-tkatho ne Goliath, wahokenronni, wahawenhase : Isehre ken herhar nakiatoten, sennhienhawī, karo nontaset, itswens tsi sonnhe, enkheion no

tsieronke kontirio enkonnheke. Tahenron ne Tafit : Asikwe satsta, tenhnon ii Rawennioke kenikonhrontietha, take raosennakon ne hetse-sentennis iahte honoronse ahakienawase akonsenni. Aiawens nonwentsiakwekon aiakotokense tsi R. ne sakwawenniiostha thennontons othenon iawens nonwentsiake.

Sekon rohtare Tafit iahohtentionhatie ne Goliath, iahahtenti oni ne Tafit, akwekon iakoteron nonkwe aiontkatho tsiniawensere. Wathanenhiakwe Tafit, ne ken teiontshoserontakwake wahanenhiaren, tsiahonenhionti satehakonkwarihen iakanenhiatane, shokhasatane wahaiaiahonko ne Goliath. Ok sa tahatane Tafit iathennitsionkwakwe tsi thaiationni, ok sa ok watrakwe raosare kowa ok ne wahoniariakte. Wathonate-ronhienten ne Filistinronon nok wahonteko, wasakotisere ne Sitaheronon, nok iawetowanen wasakotirio, iawetowanen oni wahatiiena raonawenksonha. Tsini hoieren Tafit wahorio Goliath ne iawet teskiatieren tsinenhaiere Jesus ne Sonkwawenniio tsi ensakosenni nonatkonseraksens iotisatstekwe, ne raoiasa nok raowenna enhaierate.

Roteweientonkwe Tafit ne raonontsi kenha Goliath kenha nok oni tsini hatakwe tsi raterios-

kwe. Ne ronontiio Saül akwa wahoteweienton Tافیت, wathononweraton nok wahosennowanate. Iakahewe tenhnon ohnaken wahonosa Tافیت nok akwa ionehrakwat wahoswen, wahrere ne Saül : Galaake iake. Sahoiatenhawe ne Tافیت, tsi wahia-tohetste tsi kanataientons tsi iohahataie, kontken-nisahaskwe tsiakothonwisen teiotiriwakwenhatie, kontonhakwe : 1000 wasakorio ne Filistinronon ne Saül, nok ne Tافیت 10,000 wasakorio ne Filistinronon. Akwa wahonikonhraksen ne Saül, wahrenron : Ionkwatehatha nok tehonwarensaronnions ne Tافیت. Ne ok tetiotokte nahonwanontioste. Ne kati wahonosa, nok akwa wahoroniaakente. Iahte shatontatskwe ne Saül ahotiniake Tافیت nakoienha ne tiekowanen, shotatewennarision.

Tsi tehakanerakwe tsi ronwanoronkwakwe Tافیت nok tehoteraswiiohne etho takaientakwe wahotsanike senha wahoswen arens rerhakwe : asikwe ahient nok iahte ionthon nahohason, arens asonthenne wasakotenniete raonkweta sonha wasakonnhanne ahonwario Tافیت raononskon. Tenhnon R. wahoiatanonstate nok wahatekwashe Ramathake tsi nonni thenteron ne rotokense Samuel.

CHAPITRE XLI.

Amitié de David et de Jonathas, signe convenu entr'eux pour avertir David des desseins de Saül contre lui — Adieux de David et de Jonathas.—David se réfugie chez le grand prêtre Achimélech.—Cruauté de Saül envers le grand prêtre et les habitants de Nobé.—David fait l'insensé, puis se cache dans une caverne où il échappe à Saül qui y était venu, il lui coupe un pan de son habit, ils se réconcilient pour un temps.—Mort de Samuel.—David prend la coupe et la lance de Saül, puis lui rend sa lance.—David se retire à Sicéleg chez les Philistins, il poursuit des maraudeurs Amalécites et partage le butin qu'on leur a pris.

Ok eken Jonathas Saül roienha ionehrakwat ronoronkwakwe Tafit, akwa hiatenrokwe, wahaon ratseronniatakwe raosikwe, nok wahawenhase : Aiakoterientarake tsi akwa konnoronkwa. Wat-hononweraton Tafit ne Jonathas nok wahawenhase : lahte kahonte enkonnonweke. Ronikon-hraksatakwe tsi roniha rosweekwe Tafit, iotkate wahatenienten naonsahonikonhraseronni ne roniha ; rohrorihne oni Tafit tsi rariwisakskwe ne roniha ahosete, Tiotkon rarekwaskwe Tafit nok tiotkon ratesennieskwe, aseken roriwawasehakwe ne R. ; rerhakwe Tafit : onen skennen

tsiakiatonhon ne Saül iahte shakswens ; Jonathas roriwakwenion etho ionsahatien tsi thenteron Saül.

Tenhnon iah wahonnise teken, wahattoke tsi iah taonsonton etho ahenterontake. Wāhawen-hase Tafit ne Jonathas : wakerennhaon takatskahon hianineha : ienskarane iah eh tiiake nonwa. Tokat hianiha ahariwanontonse : Oh niotieren iahte hokwatton ne Tafit, ensiron : Bethleemke iehawenon, ne aoriwake tsi raowatsire ronwawenniiostana ne R. Tokat iah othenon takenron ne hianiha, ne enktokatakwe tsi onen iahte shakswens, tokat ok eken enhonakwen, ne enktokatakwe tsi tiotkon rakswens. Akonbrori kati nonwa tsi nensiere askenikonhraitasten tsini honikonhroten ne hianiha : kahetake iase, tsi-nonni enteniriwisa ensiiake, tokat ensiron : Isinon iahase, ne enktokatakwe tsi ioteriwison eren aonsakete, tokat ensiron : Karo tontase, enktokatakwe tsi enkkweni akiterontake. Sakarane iahte hotroriaton ne Saül tsi iahte hokwatton ne Tafit ; tenhnon saorhene, wahoriwanontonse ne roienha, wahrenon : Ohniotieren iahte hokwatton ne Tafit ? Tahenron Jonathas : Rowenniiostanon ne R. Bethleemke. Wahonakwen, wahrenon : Sotsi

hetsenoronkwa, tsinenwe enhronnheke iah taonton skennen akenhake tsi iakwenteron. Tahenron Jonathas: Iah othenon te horiwannhikon Tafit. Senha wahonakwen ne Saül, wahosikwaronti ne roienha. Wahateko Jonathas.

Saorhene eh iahare tsinonni hotiriwisonhonne ne Tafit kahetake, wahiiake ne ronnhas, watharatate, iontahasarakwe Jonathas tenhnon wathohenrete, wahawenhase: Isinon iahase. Kennioreha rotasetonne Tafit, wahonikonhraitane tsi iah othenon te tsiorharats skennen aonsahiaton ne Saül. Wahawenhase Jonathas ne ronnhas: Eren saset. Onen tsi rononha iotonhon Jonathas nok Tafit, wathiatatenonweraton, wathiatanenoronkwanion watiasentho, wahniriwahnirate tsi iahte kakonte tenhiatatenonwehake. Onen wathiatekhasi: nok iah nonwenton tateshiatatken. Kanoronkwatseriio tsi tehiatatenoronkwakwe Tafit nok Jonathas iawet tekiaterahnekenkwe raoneriasa, tehiatatenawasehakwe. Ok eken tsi roswenskwe Saül ne Tafit, etho tioientakwen iahte hotsennonnihon, wahonosa ne Tafit, tsi ok nahoten nahaiere, iawet roswatanihakwe, iah skennen te kenhne raweriane, ne ok raonweskwanihakwe nahokaronni ne Tafit, ne ietokatha tsini iakotent ne iakosennies atatswensera.

Sathiatekhasi tsi tkanataien Nobe konwaiats, tsi thenteron ne ratsihenstatsi kowa Akimelek ronwaiatskwe wahoneken ahotennatseron, tenhnon ahaon oni ne ionterioस्था : wahononten nok wahaon ne raosikwe Goliath kenhā kaientakwe ononsatokentike.

Akwa wahonakwen Saül sahonwahrōri tsi ethoni hoieren : Wahatennhanne Saül aiontatenonksa ne ne ratsihenstatsi kowa nok akwekon ratsihenstatsi, wasakotteten ne tsi ronwatennatserawihne Taftit, tenhnon ronwawihne ionterioस्था. Wahoniron : Iakwerhakwe iah othenon te iotieren ; tiotkon hiawennarakwakwe. Wasakonnhanne Saül ne ratisennowanens ahonwanawenthō. Iahte honatontaton. Saiatat ok ronkwetaksen Doeg ronwaiatskwe Idumeronon ne rohrorihne Saül tsini iawenhon wasakowenthō akwekon ne ratitsihenstatsi 85 nihatihne. Saiatat ok nene roienha ratsihenstatsi kowa Abiathar ronwaiatskwe, wahahniakenne, eh warete tsi thenteron Taftit. Wahatennhanne oni ne Saül ahonwanawenthō Noberonon. Akwa wahonikonhraksen Taftit sahotokense tsini iawenhon, wahawenhase Abiathar : Ensennonton enteneseke, entiariskon kati.

Onen tenhnon nonwa eh warete Tafit tsi then-
teron Akis Gethronon ronwanontiio, wathasen-
nateni tosa ahonwaienterene, sahattoke tenhnon
tsi ronwaienterehon etho nahaiere tsiniiot teiako-
nonwarawenrie, tosa ahonwaiena. Wahrere ne
ronontiio : tokenske tehononwarawenrie, oh onte
niiotieren ronwaiatinionte akenonskon? Sahote-
kwate kati. Wahateko Tafit, Sitaherononke sa-
rete nok otstenrokon Odollum konwaiats wahata-
sete, tsinonni iahte ionkwehne. Wahatennhanne
Tafit iaontatrori ne sakononkwe tsinonwe ieho-
taseton. Kawenniio wahonhronke akwekon wa-
honnete, akorenson oni ronwakowanenne Tafit.
Iah kariwes te ken 400 naotiohkwaskwe, akwe-
kon rotiientakwe ne ionterioस्था nok ronwano-
ronkwakwe.

Kawenniio wahotokense ne Saül ka nonwe
rotasetonne Tafit, wahahtenti, kanenrowanen wa-
hanenrenhawi 3,000 sotar nok wahoiatissakha
Tafit ahoiena. Wahonwahreri ne Tafit, wahanon-
tarane, wathanontatase ne Saül iahte iotonhon
ahoiatatsenri. R. wahoiatanonstate Tafit. Ethone
wahonwenhase ne Saül : Onen iesahettakarias ne
Filistinronon. Ok sa ok wahahtenti nok wasa-
kosenni ne Filistinronon. Akte sahattasetana

Tafit ; kawenniio sahaaronke ne Saül, wahosere.

Otstenrokon rotasetonne ne Tafit nok ne raotiohkwa. Etho nonwe wahataweiato ne Saül, iah onka te sakotkathon. Wahonwatkatho tenhnon ne Tafit raotiohkwa. Inonha iehaientakwe ne raotiatawit ne Saül. Iahte haweron Tafit ; ririo ne Saül, ok eken wahakwetare ne raotiatawit. Sekon sahatateriwasten tsi wahakwetaron Saül raotiatawit, skennen tahaiakenne Saül otstenrokon. Ethone wathohenrete Tafit, wahrenron : Takenontiio. Ok sa ok wahotkatho ne Saül ; eh-take wahatiskwentaren ne Tafit nok wahrenron Tafit : hiennonks. Nahoten karihonni satahonsate tsi ionkennowentennis ? iahte konswens, aiohtonhon akonrio ke, akwa onwarh iahtaesattoken, wakeron tenhnon : tosa ahirio rakenontiio R. rorihonten, tsienteres-ken ne ken ikhawe ne satiatawit wakkwetaron, sate watiesenhne akonrio ke. Tsiron kati : iahte hakswens. Nahoten kati karihonni isehre : ahirio ? nahoten wakeriwannhikon, ne nenserheke : othenon nahierase, hetsetsanik ne R. tosa nii taketsanisek, aseken iah nonwenton te wakeron : ririo. Wahatstaren ne Saül tsi wahowennahronke nok wahrenron : Ise ken ne Tafit ? tokenske tisariwaieri, nok ksero-

hen nii, tiotkon takitenron ; nok ii konnikonhraksaton. Onen nonwa wakaterientare tsi tokenske takenoronkwa, hiaiatatontatsek kati ne R. Wakaterientare eniesanontiioke ne Sitaheronon. Takerharatsten nonwa iahtaskwatsiratontte. Wahorharatsten ne Tafit, nok tsi thononsote sarete ne Saül, kariwes wahatkawe ahonikonhraksate Tafit.

Ethone wahrenheie Samuel Ramathake. Ethone akwa waakotokense tsini hoiatanehrakwatonne. Akwekon ieiatarakwe ne Sitaeronon tsi wahonwaiatata. Onen 100 tehaoseriiakhonne ne Samuel kenha.

Akte sahatekwashen ne Tafit, iahonwahreri ne Saül tsinonni ieshotekwashen, waiairon : Hetsiatisaks ne Tafit, otstenrokon iehotaseton ; 3,000 wahentiohkwenhawu ne Saül tsi wahrere : ahiiena ne Tafit. Wahotokense ne Tafit asonthenne tsi rotatoserotakwe ne Saül, warete, wahataweiare ne Tafit, wahatieren ok rotas ronontio, raiatakta kaientakwe ne raosikwe, akwekon iakotaskwe, wahrenron saiatat ne ronatenro Tafit : Sekon nonwa aonton atserio ne Saül, tosa sianiakens, ensennton ii ahirio. Tahenron ne Tafit : Nahoten saton ? Tkariwaieri kati nahonwario ne ronontio,

ok eken tesek ne raosikwe nok ne rahnekihratha. Iahte hotontaton ne ronatenro ; raonha kati wa-trakwe nok sahahtenti. Iah onka te iakottoken.

Kawenniio inonha iatensahattane ne Tافيت wathohenrete, wahrenron : Sewatontek ne Saül raotiohkwa nok nise Abner ne senenrenhawis. Ok sa ok sahaie ne Abner nok wahrenron : Onka tia-kohenretha, ronwaserentori ronontio ? Tahenron ne Tافيت : Ise konton, Abner, nisatsanit kowa nasaterio, iah tenhnon te tetshennonnha ne ronontio ; iasesak kati ne raosikwe ronontio nok oni ne rahnekihratha. Wahowennaienterene Saül ne Tافيت, wathatkatkahtonion, nok tsi iahte hotsenrion raosikwe iahte shotennowenton tsi sekon aiohtonhon ahorioke ne Tافيت, wahrenron : Ise-ken Tافيت, konwennahronkas ? Tahenron ne Tافيت : Ii, hetsienha rohtare, iah sane othenon te horiwaien nok hetseronhiakentha, ken kaien sasikwe. Kanneka ne sonkweta kento aontare, enshiion. R. etho nensakoierase nonkwe tsiniiot tehonatentson, watiesenhne akonrio, iah tenhnon etho te wakieren ; tosa kati nise sesak askerio aiawens ahakiatanonstate ne R. Tontahenron Saül : Tokenske wakeriwanerahakskon, skatatrewate kati, konienha Tافيت, iah taonsakonnikonhraksate.

Tenhnon tsi ratsaniskwe Tafit ne Saül aonsahatawennarisi, Filistinrononke iahare, wasakoiatenha 600 rotiskenrakehte ne ronwakowanen, wahoriwanontonse Tafit ne Akis ronwaiats Gethronon ronwanontiio ahatontate ahoriwawaseheke. Wahatontate Akis nok wahowenniioste tsi tkanataien Siselek konwaiats. Teioserake tsinahe etho renterontakwe Tafit, iakahewe sahonterio Sitahoronon nok Filistinronon. Akis ne ronontiio rerhakwe Tafit nok raotiohkwa enhonwariwawase tsi enhonterio, iah tenhnon te honatontaton ne ratisennowanens. Wahatenti kati Tafit, wahonne ne raotiohkwa, wahatsennonni tsi iahte honaterio rononha nok Sitaheronon.

Tsinahe rohtentionne Tafit, wahatikwatto Siseleke Amalekronon, wahatinatahtonte, nok akwekon iesakotiiatahenne tsiakothonwisen okonha nok oni neksa okonha. Kawenniiio wahatokense Tafit tsi etho niawenhon, wahatstaren, tenhnon Rawenniioke wahatennikonhrontiette wahowennisake nok wasakosere ne ratinenskwes ethoni hotiierenne. 200 nihati wahotinoronse ohahake wathatitane, wahontorisen akta tsi kahnawahere Besor konwaiats. Sekon 400 nihati wahonwanonteratie wathiaterrane saiatat ne ronkwe ranas-

kwa nihaiatoten, tehowisenheion, ratonkariaks,
Tafit wahanonten, wahoriwanontonse ahonaton-
nira tsi thatiteron Amalekronon, wasakonenhren-
ten Tafit, akwekon wasakorio, sahatitsenri ne
Sitaheronon tsinikon tehonwatikwennihne ne
oni raonawenk okon kenha ne Amalekronon.
Wasakoiakhonhase ne Tafit sataieiere ne ronate-
rio nok oni ne iahte honahtentionne, wahrenron :
Sonkwawi ne R. tsi iakisennion ne ratinenskwes,
sonkwawi oni aonsetewaiena nahoten ionkikwen-
nihne, tkariwaieri akwekon sataiontsennonniate.

CHAPITRE XLII.

Saül va trouver une magicienne.—Samuel évoqué fait des reproches à Saül.—Défaite de Saül et de son armée.—Sa mort.—Un Amalécite vient annoncer à David la mort de Saül.—David pleure la mort de Saül.—Chant funèbre sur la mort de Saül.—David reconnu à Hébron roi de Juda puis aussi d'Israel.—David refuse de boire l'eau que ses guerriers lui apportent.—David s'empare de la citadelle de Sion, se bâtit un palais à Jérusalem.—David ramène l'arche à Sion.—Oza frappé de mort.—David danse devant l'arche, répond aux railleries de Michol.—David veut bâtir un temple à Dieu.—7e promesse du Messie.—Victoires de David, sa gloire.—Réception cordiale faite par David à Méphiboseth fils de Jonathas.

Sontahiatekhasi Tafit ne Akis Filistinronon
thonatatoserotonkwe tsinonni Sunan konwaiats,
Saül nok ne Sitaheronon tsi tiononte Gelboe kon-
waiats wahontien. Tenhnon tsi wahatkatho tsi
rotitiohkowanen ne Filistinronon wahohteronne.
Saül wahowennisake ne R. Tenhnon R. iah
othenontethotati. Roianerenserisonhonne, akwa
roriwisonhonne Saül tosa aiontatewennisake ne
iontenhennaras, nesakotekwatonne, aseken R.
sakotiawenratihne ne Sitaeronon aiontatewenni-

sake. Tenhnon sahottoke tsi R. iah othenon te hotokatennihne, asontkenne otatsetonke eh warete tsi ieteron skaiatat ne watenhennaras, wahrenron : Tiotkon sawennarakwa notkon, satenienten kati aiawen ahiatkatho ne Samuel kenha. Takenron ne watenhennaraskwe : ok nakiere ? sakoswens Saül ne iontenhennaras tokat ienshetsrori, enhakerio. Tahenron ne Saül : Iahtasiheie, ok eken etho natsier nahoten katon. Etho nakaiere ne ionkwe nok waonehrako tsi tokenske wahotkatho ne Samuel kenha, watiohenrete nok wakenron : waskenikonrbaten, ise ne Saül. Tahenron ne Saül : Tosa sahteron, iahtasiheie, ne ok takrori ouka washeiatkatho. Takenron ne watenhennaraskwe : ronkwe onwentsiokon tahaia-kenne, akwa roiatanchrakwat. Tahenron ne Saül : Ohni haiatoten ? Takenron ne watenhennaras : Ne ok ostonha tihohere raotiatawit. Tahenron ne Saül : Nene Samuel kenha. Nok onwentsia-ke wahatiskwentaren. Ok sa ok wahrenron ne Samuel kenha : Nahoten karihonni wasere : riioatat tsi skennen kiteron ? Tahenron ne Saül : Iahte watonskwe akewennisake, onen wakenikonhriakon, iakwateriosere ne ionkiswens, rakwatewetteton ne R. iahte shotonte othenon wahiwennisake ; ne ki aoriwa wakeron : ise enkonwennisake.

Tahenron ne Samuel : Onen ki wakonhrori, akwa satontek : onen oia tsiontatenontiiostane, aseken hetsewennontion ne R. nok sewennisakon ne iontenhennaras. Ise nok sheien okonha, kenonweha entsisewahrewate ne R. Eniorhene, akwekon ensewenheie, eniontatesenni ne sentiohkwa. Ethone oktonsahaton ne Samuel kenha. Wahonikonhratton ne Saül serekha ahawenheion. Ne ratisennowanens ronneskwe wahoniron : Ostonha tesatskahon. Tahenron ne Saül : Iah taonton othenon akeke. Gelboeke warete nok wahonenraseronni tsi ionteriosere. Saorhene wahonterio; wahonwasenni ne Saül. Wahonteko ne Sitaheronon kentiohkowanen wahoniheie. Akwa wahonwakarewate oni ne Saül. Wahonwenhase ne rononteriatiene : Ok sa ok takerio, aiawen tosa aionkerio niahte hotiriwiioston. Iahte hotontaton ne rononteriatiene. Raonha wahataterio ne Saül, etho oni nahaiere ne rononteriatiene, wahataterio nennee. Wahontsennonni ne Filistinronon, wathonnekwe ne rateriostakwe Saül kenha nok oni ne raonontsi kenha, etho wahatinioten tsi iononso- takwe raotiatonnik Astaroth ronwaiatskwe. Iahte hoterientarakwe Tافيت tsi ronwasennion ne Saül nene Filistinronon, nok tsi wahonwario. Saiatat

ne ronkwe okenroskon raiatakwekon ioteratsion-
kwen raotiatawit, eh warawe tsi thenteron Tafit,
wahrenron ne Tafit: Kanon thase? Wahrenron :
tsi tahonterio ne Sitaeronon. Tahenron Tafit :
Oh kati niawenhon? Tahenron ne Amalekronon :
Wahonterio, wahonteko ne Sitaheronon, kentio-
hkowanen wahonwatirio, Saül oni nok Jonathas
kenha. Tahenron ne Tafit : Onka iesahrori? Ta-
henron ne Amalekronon : Ii akwa riatkathon ne
Saül kenha sahonwakarewate, wahakenhase :
Karo nontase nok takerio. Etho kati niwakieren :
tewakekwen ne ratenonwarannhastakwe nok ne
raotenentsannha, wakeron : ise enkonwenniioste.
Tahenron ne Tafit : Oh ni satieren, nok ohni
siatoten? iah ken te satehenhon tsi hetserio
ne ronontiio? Ensibeie. Nok ok sa ok wahon-
wario. Wahatstaren ne Tafit nok oni ne raotioh-
kwa tsi rawenheion ne Saül kenha, Jonathas
kenha, nok oni raononkweta; waharennisa,
wahrenron : Sewatstaren, Sitaheronon, wahon-
wentane ne rotitsanitonne. Gelboe sewanontenion,
aiawens tosa othenon aieientho nethononwe,
tosa'oni etho aiokennore. Etho wahonwentane ne
ratisatstekwe Saül nok Jonathas keninoronkwa-
kwe sekon si senonnhekwe, seniiatanonwet, se-

nisatstekwe oni, iahta tetsiatekhasion tsi seniraon ne kenheion. Ise sewaiatase Sitaheronon, hetsi-sewatstarase ne Saül, aesewenron : Kanitiawenon ratisatstekwe roneneion tsi waterios ? tsi ionontenion raweneion Jonathas kenha, rinnhatens tsiniiot kaneka ne ionkwe enskat iowiraien wahowirakenheiasse.

Tsinahe thaweneion ne Saül kenha, Tafit wahowennisake ne R. wahrenron : Ka nonwe tsi tkanataien tsi ienkatien ? Tahenron ne R : Hebronke iasatien. Hebronke warete ne Tafit nok oni ne raotiohkwa. Kawennio wahonhroke ne Juda raowatsire tsi iro ne Tafit, ok sa ok wahonnehre asakwanontiiost, nok wahoniron : Enkwawennarakwake 3 sathaoserasenne nethone. Wahariwaksate ne Abner ne ranenhrenhawiskwe ne Saül kenha. Roterientarakwe Tafit tsi sakotewenteton ne R. rawatsirakwekon ne Saül kenha, wahrere ahinontiioste Isboseth Saül kenha roienkenha, ahonwennakeratsie 10 nikawatsirake tsini hotitiohkwa ne Sitaheronon, etho takaientakwe tohka wahonterio Tafit nok ne Saül kenha raowatsire. Iakahewe tenhnon wahonwatirio Abner nok Isboseth, Tafit wasakotstarase, wahatennhane aioianereke tsi eniontatitata ahonenheie ne

ronwatiriohne. Onen nonwa akwekon 12 nikawa-
tsirake ne Sitaheronon wahonwanontiioste; He-
bronke wahontkennisa nok wahonwahrori tsi
raonha enhotinontiiosentake. Sekon kennaheha
wahaterio Tafit, wasakosenni ne Filistinronon,
etho takaientakwe wahonwatsanike tehononwen-
tsianekhaons. Kenniawenhon tsi ronterioskwe:
akwa ionehrakwat wahoniatathen Tafit. 3 nihati
ne ronaterihonte tsi rotiohkwaen Tafit ne Sotar,
wahonhtenti ahatihnekakoha ohnekanos, wahah-
nekaweron, tenhnon wahowenniioste ne R. wa-
henron: Iahtaknekirha ohnekanos, ne sateiot
aknekihra nakonekwensa nakonkweta, serekha
ahonenheion tsi wahatihnekakoha. Oriwiiio tsi
raweriasiiohne Tafit, etho takaientakwe R. ro-
nonwehon, onkwe oni ronwanonwehon. Tsini
hotinataientonkwe ne Sitaeronon ne senha kana-
tiiohne Jerusalemne, iah tenhnon te hotikweni-
onne ahontatewenniioste tsi watenhenrote onon-
toharake Sion: nene Jebuscens ronwatiiats etho
ratiterontakwe. Wahakweni tenhnon Tafit aha-
tatewenniioste, wasakotekwate etho wahatien,
wahanonsonni akwa kanonsanoron, etho nahe tsi
tiononte Sion nakonwanatonkwe Tafit raotenata.
Tsinahe thawenheion ne ratsihenstatsi kowa

kenha Heli ronwaiatskwe onen kariwes tsinahe Kariathiarimke kaientakwe Niio raononsa Aminadab tsi rononsote. Wahrere Tafit Jerusalemne akenonsenhawit R. raononsa, onen nonwa skennen iotonhon. Wahatinonsakoha R. raononsa Kariathiarimke. Tsini iohahes, orennatokenti teiakoriwakwenhatiene ratihonrawatonhatie oni, kasere-take wahatiien R. raononsa. Tsinon iohahakarenre serekha ontaiononsenhon, saiatat ne ronkwe Osa ronwaiatskwe wahrere: ken nakiere tosa aontkarhatho. Ok sa ok wahohrewate ne R. nok wahrenheie. Wahonikonhraksen Tafit, tahatonneke sahatkatho tsini iawenhon, iahte hotontaton tsi rononsote ahatinonsaien R. raononsa. Wahatinonsaien tsi thononsote saiatat ne thoriwaieri Obededon ronwaiatskwe. Wahotokense tsi niatekon sakotenraton ne R. ne tsi tkaien R. raononsa tsithotinonsote. Ethone kati wahatennhanne Tafit onen ahatiienhna R. raononsa tsinonni thenteron, iah tenhnon kaseretake wahatiien, rononha ratitsihenstatsi, wahatinonsaketate tsini hori-wisonhonne neh ohenton ireskwe Tafit tehononnia-kwenhatie tsini hotsennonni. Ne rone Mikol tsi tekatsiteratonnion ikate, wahotkatho nok oktaho-ieron. Tahenron Tafit: tekarensaron aiontat-

kenhronniheke nakaonha tsinonni thenteron ne R. iahte katehens etho nakiere, ok eken senha enkatatkenhronniheke. Iahte honnhikon Tafit tsi tehonionniakwen, iahte haweron akatonwesen, raweron tenhnon wehne akonui tsi wakatsennonni, ahiwenniioste ne R. akwasatstenserakwekon nok tabinonweratontake : wathnihtaren Tafit ne ratsihenstatsi kowa Abiathar ronwaiatskwe ahnikwatako tsi nenieiere ne Sitaheronon ahonwasenaien ne R., nok tsi nahatiiere ne ratitsihenstatsi, onen nonwa skennen iotonhon, sakosennion ne iahte honwaienteri ne R. Wahawenhase ne rotokense Nathan ronwaiatskwe: Saterientare, wahenron, ionkenontiio ne Sitaheronon, nok oni wake-nonsiio, nok ne R. arekho akwa te hononsote, oh kati isehre nenkiere? Tahenron ne Nathan: Kariwiio tsini sanikonhroten, satehens tsi senha sanonsiio nise, tikenha ne R. raononsa. Etho ki natsier tsini sanikonhroten. Asonthenne wahotokatasten ne R. ne rotokense Nathan tsi nenieiere, nok wahonnhanne iahohrori ne ronontiio. Etho warete Nathan, wahawenhase ne Tafit: Rawenhatie ne R. : hetsenhas ne Tafit : isehre ahinonsonnien ne R. Wakatsennonni sane tsini sanikonhroten, iah tenhnon tekehre ise ensenonsonni.

Sotsi saterio, konriwawase sane tsi tiotkon sate-sennion, nonen ensiheie, ethone netsienha enhonwanontiioste ne enhakenonsonnien. Nok wahata-sawen ne rotokensehakwe ahatrورية tsinen haia-totenhake ne roienha akenhake nensesakoskon-tako nonkwe, wahrenron : R. hiatatienha enkenhake, iahte kakonte eniontatenontiioste sheiatere okonha, iahte kakonte eniesennakeratse : Ok sa ok wahaterennaien Tafit, wahatiskwentaren akta Niio tsi rononsote, wathononweraton ne R. wahrenron : Niawen Sewenniio, niatekon takitenron, nok waskerharatsten sekon senha enskitenre. Kariwes wahonterio Tafit ne Filistinronon, wasakosenni tenhnon wasakonphese aiontatkaronni ne Sitaheronon, wasakosenni oni Idumeronon nok eso tsini ionwentsia Kanaan ratiterontakwe, wahosenni ronwanontiio Sobaronon, wahatate-wenniioste ne ionteriotha, ratisennowanens akwa iken owistanoron otsinekwar Thoü Sumatronon ronwanontiio wathatenniete tsi thenteron niate ioriwake kanoronson, Damaske wasakoteron ne raotiohkwa sotar, akwa wahasennowannha. Tsinihotsaniltonne, ethoni hotanitenraskonne, wahariwisake tokat sekon rononnhe Saül kenha saktere okonha. Wahoniron : Sekon ronnnhe saiatat

ne Jonathas kenha roienha Mefiboseth ronwaiats, tetsiaronkon tehatsinokatha. Wahatennhanne ahonwanonksa. Wahoiatisonkwe Mefiboseth. Kawenniio Tافیتکه warawe, wahatiskwentaren, wahawenhase Tافیت : Tosa taketsanik ; ikehre : enkoniatseennonniaten ; iahte shiatanikonrhenhon hianikenha Jonathas tsini hakeriwawasehakwe. Onwa ok wakonwenniioste tsinikon rawenniio-kwe Saül kenha. Jerusalemne ensenakereke nok sakat tiotkon tentiatskahonseke. Eh oni ieierha ne tokenske teiontatenoronkwa, saheto ahotitentane iahta tehontatatewentetha.

CHAPITRE XLIII.

Chute de David. A. M. 2967.—Son endurcissement.—Parabole et reproches du prophète Nathan à David.—David avoue sa faute avec humilité.—Pénitence de David.—Malheurs sur sa maison.—Révolte d'Absalom contre David.—Fuite de David.—Il renvoie les prêtres avec l'arche d'alliance.—Séméi insulte David qui l'endure avec patience.—Mort tragique d'Absalom ; peine qu'elle cause à David.—Retour de David à Jérusalem.—On se soumet à lui.—Pardon accordé à Séméi.—Une révolte apaisée.—Guerre contre les Philistins.—David fait faire le recensement.—Fléau de la peste pour punir l'orgueil de David.—David offre un sacrifice pour apaiser Dieu.

Sahrenheie Naas ronwaiatskwe Ammonitronon ronwanontjio wahonterio ne Sitaheronon Ammonitronon, Joab ronwakowanen Tafit raotiohkwa sotar wasakosenni. Tsioserat tsinahe eh niawenhon sekon sahonterio raonha Tafit wahahtenti, eh iahare tsi ionterios nok sekon wasakosenni. Sekon tsi iotohetston tsioserat, sahonterio, tenhnon ethone Tafit wahrere : akatorisen, nok wathotenniete Joab eh iahare tsi waterios. Joab wahanatakari tsi tkanataien Rabbath konwaiats.

Tsinahe Jerusalemne renterontakwe Tafit, iahte

hoiotekwe. Iakahewe kowanen shoteriwatewatton.
A.M. 2967. Tsinahakwentane tsi tewatenhenrahe-
re akta tsi rononsote wathahnaretarion ionwesen-
ne netho aiontkatho niate ioriwake ioianerenson
wahatkatho kennioreha skaiatat ne ionkwe wata-
wenskwé, ronekwe Uri ronwaiatskwé, roterihon-
takwe tsini haotiohkwa Tafit ne sotar. Iahte hah-
riston Tafit rakahrake etho takaientakwe notkon-
seraksen wahonikonhrotako. Wahatennhanne
akonwennonksa, wahariwanerake, wahaskaneke
ahotiniake, wahoiatonse ne Joab etho iahotenniete
ne rone tsinonni oriwiio ahonwario. Onka iah-
taiakonehrako tsini iontierha ne notkonseraksen
iakonaskwaien, iakonnhas niate kariwaksenskwé-
tserake tiotierenton aionnontonnionwe, aionska-
neke ne kariwaksen, onen aiontsteriste, iah othe-
non te tsiontehens iah othenon te tsiakononhla-
niks, ne shonwaiatanikonhrens ne R. tsiniiot taio-
karawe nakonikonhrakon. Isinon tsioserat tsini
kariwes iahte shotatrewaton Tafit, sahatateni-
konhrahnrake kariwaksenke. Wahotenre ne R.
Wathotenniethase ne rotokense Nathan ronwaiats
ahohriste. Iawel wathariwakenwatanion, waha-
wenhase, wahrenron : Tehnihase nonkwé saiatat
akwa rokwatsehne, nok saiatat ostonha roten-

tonne, enskat ok ronaskwaientakwe teiotinaka-
rontonha ranoronkwakwe, ranontenskwe raona-
tarok, raiataкта iotaskwe, nok ne rokwatse akwa
ronaskwakatekwe, tsinahe rotenniotakwe, waha-
tatewenniioste ne rotentonne raotsenen kenha
nok wahatennioten. Ok sa ok wahrenron Tafit :
Kariwaksen tsini hotieren, tkariwaieri nahren-
heie. Tahenron ne rotokensehakwe : Ise ethoni
saieren, ise sariwannhikon. Kennikarihoten wa-
hienhase ne R. : Konnontiioston, koniatanonsta-
ton tsi hiaronhiakentakwe Saül kenha, konwen-
niioston tsini hawenniiokwe, nok sekon aonton
senha eso akontenre, nahoten kati karihonni
hetsewennontion ne R. Ise sariwa tsi ronwario
Uri kenha ne thoriwaiarikwe uok seninnhikon ne
rone kenha ; enkonhrewate tsinenwe ensonnheke,
iahtaontakane tsi niatekon enseronhiaken, ensa-
nikonhraksen. Otasetonke tsi sariwaneren, tenh-
non nonkwe eniakotokense, wehne enwaton tsi
enkonhrewate. Iahte honakwaton Tafit, sahoh-
riste ne rotokense, iahte tehorhotonni ; tenhnon
sahariwahronke tsi R. rohrewatane, niatekon
enhotiatawen raonha nok raowatsire, iahte hotka-
wen ahoniahesenhake nok ahonoronkwake ne R.
tsiniiot sahonikonrhen tsi kowanen roterihonta-

kwe, wahatatkenhronni, wahrenron : Tokenske riwennontion ne R. wakeriwaneren. Tahenron ne rotokense : Onen tsioterakewen tsini sariwaneren, iahtasiheie, enhiahrewate tenhnon ne R., iahtahatehiaron ne sawiraientaon, enhrenheie. Kennaheha, wahotiniake Tافیت ne Bethsabe Uri kenha ronekwe. Oia waowiraientaone ne Salomon wahonwanatonkwe, ne sakat Salomon aiairon : ronoronkwa ne R. Tsini hronnhes rotstarakwen Tافیت tsi roriwaneren, iawetowanen asonthenne ratsketskwaskwe nahaterennaien, tehohenretakwe tsini honikonhranonwakskwe. Oriwiiio kati sholatrewaton. R. shonikonrhenhon tsi roriwaneren, elho sane niawenbon tsini hohrorihne rotokense Nathan. Wahohrewate ne R. Ne ietokatha tsi iahtiiekaieri aonsaiontatrewate, ioteriwison oni taonsaieriwaserako.

Roriwisonhonne ne R. taonsahariwaserako Tافیت tsi roriwaneren, ne wahaierate ne sakononkwe. Amon ne thakowanen Tافیت roienha oktahai-eron ne Thamar konwaiatskwe hiatatekenha. Ne rokenha Absalom teioserake tsini kariwes wahatatstate, wahohonkaron Amon rotsiha ahaten- nioten, nok tsinahe rotenniotakwe wahatennhan- ne ahonwario, nok akwekon ne iakotenniotakwe

sahonteko. Absalom wahatekwashen tsi thenteron Gessuronon ronwanontiiio, etho asen nioserake renterontakwe, ne roniha Tafit iahte hotontatskwe aonsahiatatken. Joab tenhnon ne rasennowanen wahariwaseronni, skennen sahiaton Tafit nok Absalom wahatennhanne Tafit ahonwanonksa Absalon. Tsinahe ieshenteron Absalon roniheha, wahrere Absalon : onen ken shonikonrhennon ne rakeniha; onen ok wahatsennowanate wahoiatabnote ne roniha, watesakorhoton nonkwe, wasakonikonhrata tsi senha enhontsennonni tokat ahonwanontiioste ne raonha, wahahenti, wahatennhanne ahonwatihrori ne Sitaheronon, aiairon, onen iahte shonontiiio ne Tafit; Absolon onen shonwanontiioston nok wahentiohkwaroroke ne rotiskenrakehte.

Sahotokense ne Tafit tsi roienha Absalon rotiohkwaien nok roriwaiote ahonwarihontako, raweron : tosa tewaterio, tewateko ne enionkisenni, aseken sakoriwawase ne R. Wahontontate Tafit raotiohkwa, onen wahaiakenne Tafit kanatakon, onen 6 sathaoserashen, ehtakeson rohtentionhatie, tsi tkahnawahere Sedron konwaiats wahatohetste, raoskawe rononwaroron tehasenthoseron, eso oni ne ronne taionsenthoseron. Tenitsihens-

tatsi kowa Sadok nok Abiathar ronwatiiats wah-
niakenne oni nennée hnihawi ononsatokenti ;
wasakawenhase Tāfit : Kanatakon saset iahte
katoken tsi nenwakiatawen, tokat katke sonha
enshakitenre ne R. iawet wasakohrori ne R. ron-
wawennenhawakwe sate taiontsatsnie ne ronwari-
wawase nok ne ronwatewentetonne, aseken kari-
wiiostonke ronaterihonte. Tsinahe ronataonha-
tie Tāfit Olive tiononte, etho wahatohetste tsi ro-
nonsote Sémei ne Saül kenha hiatatenonkwe ken-
ha roswenskwe Tāfit, niatekon wahawenhase,
onenhia wahonenhionti tsi itrate Tāfit, wāhenron :
Satsiakenn, heren saset, ise serio Saül kenha ra-
owatsire, ne karihonni nonwa ethoni saiatawens.
Otiake ne rontenro Tāfit wahotinakwen tsi rona-
tonte tsi nahaiere Semei, Tāfit tenhnon wahaten-
nikonhrioste iahta tehoteriatikhonhon, ok eken
wasakonnese othenon nahonwaierase ne Semei
nok wāhenron : Ne Semei wahaierate ne R. tsi
rakrewaton. Onka kati aiekweni aieriwaswen ?
Tehkanere ne R. tsi wakenikonhraksens, wa-
kerhare enshakieritse, katke sonha enhakitenrate
tsi nonwa wakeronhiaken. Kawennio wahariwa-
hronke Tāfit tahonenhrine ne Absalon, wāhanen-
raseronni oni ne raonha, wasakawenhase ne rao-

tiohkwa : sewaterio, tosa tenhnon hetsisewario ne rienha. Tafit raotiohkwa wahontesenni, nok kentiohkowanen wasakotirio. Wahateko Absalon, rosene, tsi onen rotekwenhaties karhakon wate-wennitonni ne raononkwis tsi iotkwiroton, iaots-kwarakwatte nakosatens tsi rosene, nok etho wahaiataniiontane. Sotar wahoken tsi raiatanionte Joab iahohrori, ok sa etho iahare Joab nok kaien-kwire wahoiakhon tsiniore ahatonnhokten. Osonwakon wahonwaiataten nok wahatirorokte onenhia tsi thaiatat. Oksa ok wahatennhaune Joab aichonrawate aontenientenstakon tsi onen wahonteriosentane, ne wenniserate 20,000 ronenneion. Sahetho roriwanerenhenne Absalon, sekon Tafit ronoronkwakwe, rotennhaonne tosa ahonwario. Sahonwahrori kati tsi onen rawenneion, akwa ionehrakwat, wahonikonhranonwake, kannonskon wahatasete nok wahenron : Absalon kien, kien Absalon, akwa konnoronkwakwe, aia-wen ii aonkwenneion nok asonnheke ise ! Joab wahonakwen, iawet wahotteten ne tsi sotsi ronnhatens Absalon kenha. Ethone Tafit wahatatenikonhranirate, wasakotonraseronse ne ronwariwawasehakwe, wasa .otenre ne ronwatewentelonne nok Jerusalemke sarete.

Wahatsennonni Tafit tsi akwekon wahonwat-
sennonniase, sekon sane ronikonhraksatakwe tsi
rawenheion Absalon kenha. Akwekon ne Sitahe-
ronon wathonwateratana nene Semei oni rosen-
tennihne eh warete tsi renteron aonsahotatrewa-
ten, wathatontsoten raiatakta, otiake wahoniron :
tosa hetsitenr, hetsrewat, aseken hiasentenni, wa-
honenhionti tsi isete. Tahenron ne Tafit : Naho-
ten karihonni isewehre ; akherio nonkwe, ikehre
tenhnon akwekon aonsonkenikonrhen tsini ion-
kinikonhraksaton. Iahtasiheie, Semei, skennen
sennontonnionhek. Ethone wathonteriwakenni
tsini iewatsirake ne Sitaheronon, Juda raowatsire
iontonhakwe : Raiatare ne ronontiio tsini iakwa-
watsirotens, nok 11 niewatsirake noia iontonha-
kwe : senha ionkwentiohkowanen nii ; senha
kati sonkwanoronkwa. Saiatat~~ne~~ ronkwe waho-
nakwatc, wasakonikonhrata 11 nikawatsirake
ahonwatewentete Tafit. Serekha ahonaterio Sita-
heronon ne aoriwake. Tenhnon wahonwaniaria-
ke nene raoriwa etho niawenhon nok skennen
tsiotonhon. Ethone wahontonkariake Sitahero-
nonke 3 nioserake tsini kariwes wahonterio oni
ne Sitaheronon Filistinronon, 4 nahontesenni ne
Sitaheronon, serekha ahorioke Tafit saiatat ne

rahhennhies kowa ; tenhnon Abisaï wahoiatanons-tate Tāfit nok wahorio ne Filistinronon. Shota-trewatonne Tāfit, tenhnon tsini kariwes onwentsiake iiens nonkwe tiotkon iotteron othenon aia-konikonhrotako. Wahonnhike Tāfit tsi sotsi wahatatkonnienste wahatennhanne aionsete tsini hotiohkwa ne Sitaheronon. Joab iahte hanonweskwe, tenhnon senhaok wahrere Tāfit: etho neniawen. Tsi roseton ne Joab, wahatsenri 1, 500,000 rotiskenrakehte tsini kentiohkwa tsini haonwentsia 240 miles tsini konwentsies 50 nate-ionwentsiakaron.

Wahariwaswen ne R. tsi ethoni hoieren Tāfit, wahohrewatakwe. Ok sa ok wahattoke, Tāfit tsi wahoriwannhike, onwentsiake wahatiskwentaren nok wahrenron : Konnikonhraksaton, Sewenniio, tosa seriwarako.

Saorhene orhonkehne ne rotokense Gad etho warete tsi rononsote Tāfit, wahawenhase : Raton ne R. : Wakonhrewate ; 3 nioserake enhonton-kariake ne sentiohkwa, tokat oni 3 niwennitake eniesasenni tsi eniakoteriohake, tokat oni 3 non-wata enkannratarine ; serako kati nonwa kani-kaien senonwes. Tahatati ne Tāfit, wahrenron : Kannratarinen wakerako. Ok sa ok ontasawen

tsi wakannratarine : 3 nonta tsini kariwes wahonwentane 70,000 nionkwetake. Ehneken tahatkahraierate Tafit, wahatkatho raronhiakehronon rassarenhawe. Ok sa ok wahatiskwentaren, wahrenron : Akonhaa akeriwa, ii wakeriwaneren, tenhnon akitiohkwa sehrewatha, satka, ii takrewat. Wahotontatse ne R. sekon sahowennotane ne rotokense ne Tafit. Wahrenron ne rotokense : senonsonniana tsiniiot tsi iehasentakwa tsinonni Areuna konwaiats rawaheks nonatsia. Etho iahare Tafit wahronni tsinonni ne iehasentakwa nok waho wennioste ne R. wasakowenthos katsenen sonha karonhiake takatsireenne, iotson ne ronwawenniioston ne R. Ethone wahawenhase ne R. raronhiakehronon : Onen iatekaieri, sashaharorok nok watkatane ne kannra. Ne ietokatha tsini hariwaswens ne R. tsi teshonteriwateratanions ne kowanen ronaterihonte, arens kanenrakwekon enhontkaronniate.

CHAPITRE XLIV.

Usurpation d'Adonias.—David déclare que Salomon sera son successeur.—Salomon proclamé roi.—Fuite et soumission d'Adonias.—Avis de David au peuple et à Salomon.—Offrandes faites pour le temple.—David en bénit Dieu.—David bénit Salomon et lui

donne des avis.—Sa mort.—Sacre de Salomon.—
Intrigues d'Adonias déjouées.—Salomon punit plu-
sieurs rebelles.—David père, prophète et 16me figure
du Messie.

David sakohrorihne ne rone Bethsabe nok ne
rotokense Nathan tsi R. roiatarakwenne ne roien-
ha Salomon taonsahatane raonaktake nahonwa-
nontiiohake Sitaheronon, tenhnon iah onka noia
teiakotokensehne. Onen 7 tsatehaoserashenne Ta-
fit, tenhnon iahte shonnhiiio iah oni te shoiatah-
niron, aseken sotsi roronhiakenhonne. Saiatat
ne roienha ne thakowanen Adonias ronwaiatskwe
wahrere aionkenontiioste. Wahonwariwawase
Joab ne ronwakowanen sotar, Abiathar nok tohka
nihati ratisennowanens wathontenrowe. Kawen-
niio waotokense Bethsabe, etho waete tsi thente-
ron ne Tافيت, wahawenhase, wakenron: Sariwi-
son Salomon enhonwanontiioste; nahoten kati
karihonni Adonias nonwa wahonwanontiioste?
Tontakenron Tافيت: Hetsienha Salomon enshate-
nontiioste nonen enkiheie. Ikehre nonwa ne
ratsihenstatsi kowa Sadok enhoterenaiehase,
aiehonrawathe nok etho ahonitskwaren tsi ionni-
tiohkwaherha akonontiiio. Etho kati naawenne.
Ne ratsihenstatsi kowa Sadok eh warete Niio tsi

rononsote wathatsetakwe etho ikare wenhienanoron, wahoiaten~~ha~~ Salomon tsinonni ronatkennison Sitaeronon, wahahonrawate nok ranontsine wahrenhienawerontho : Akwekon wathotihenretanion, wahoniron : Ronnhek ne ronontiio Salomon. Wahatien Salomon tsinonni ennitskwarteranoron raonawenk rotinontiio. Onen 18 tehaoseriia~~kon~~ne.

Sahotokense Adonias tsi tiotsarakwen Jerusale~~me~~ne nok akwekon ne raononskon ratiterontakwe tahontonneke nok wahonteko. Adonias ononsatokentike wahatekwashen, wahatennhanne tenhnon ahonwahr~~ori~~ Salomon tsi enhowennarakwe. Wahatennhanne Salomon ahonwenhase, aiairon : Ia~~n~~ othenon taesaiatawen kawenniio ensateweientontie. Tokat tenhnon sekon ensariwannahike, ok sa ok ensiheie. Etho warete Adonias tsi thenteron Salomon nok wahatiskwentaren tahononweraton. Ethone Tafit wahentiohkwaroroke, wasakotkennisahate ne ratisennowanens ne ronaterihonton nok eso ne Sitaheronon, nok wasakawenhase, wahrenron ; Tawatateken, sewatahonsatat othenon en~~tk~~atati. Kerhakwe enkenonsonni ononsatokenti etho aionaktaientake onwe karontotseratokenti. Tenhnon rakwenni ne

R. : iah nise tasenonsonni, sotsi tiotkon saterioskwe. Salomon riatarakwen onontiiokowa sahaton, rakwenni : Salomon hetsienha enhakenonsonnien riatarakwen, rienha iotonhon, enkeriwahnirate tsi nenwe tsi enhoterihonten kawenniioki enhakewennarakwe. Rotonte ne R. tsi nakiere nonwa. Kwennitentase sewakwekon, sewatataskennhen aesewaienterihake nok aesewariwaierite Niio raoianerensera. Ise tenhnon, konhienha, hetsewenniiost ne R. ne ronwawenniioston iakiniokon kenha, seriasakwekon hetsewennaierttsek, aseken tehakanere nakonikonhrakon nonkwe. Tokat entsiatisake ne R. entsiatatsenri, tokat entsatewentete, raonha oni enhiatewen tete niahte kakonte. Senikwekonhak ne R. ahientenre asattokhake tsi ensheiatsteriste Sitaheron ahiaienawase aseriwaierite raoianerensera, etho entkaientakwe ensatsennonni. Ii wakeroron tsinikon tei-tonwentsiohon nahonwanonsonnien ne R. ise tenhnon hiaiatarakwen asateriwahtentiate. Tsiaken kati, sanihonhrahnhironhak tsi ensateriwahtentiate. R. enhiariwawaseheke.

Onen sekon nonwa wasakohretsiaron kanenrakwekon, wasakawenhase wahrenron : Raonha thennontonhon ne R. roiatarakwen ne rienha

Salomon, ioriowanen rorihonten ahariwahtenti-atc, aseken iah saiatat ne ronkwe te ken R. tenh-non ronwanonsonniennire. Akwekon wakeroron ikehre ne ken kanoron neniontste, sekon sane ikehre, tiotokte. Kaneka enienrheke : enwakati, eniennonton. Ok sa ok ratisennowanens wahonati owistanoron, karistatsi nok niatekon ne ionts-ta aienonsonni. Ronatsennonihiaties iawet ahonhion ne R. raotikonhrakwekon etno nihontie-rhakwe.

Wahatsennonni oni Tafit, wathononweraton ne R. wahrenon : Sewenniio iesawenniiostha Sita-heronon aiesasennaienhake iahte kakonte tsinenwe. Sonhaa tsiatanoron iah othenon te sanoronse, saiatanehrakwat, taiesarensaronnionheke, ise sawenk tsinikon kanakere karonhiake onwentsiake oni, sonhaa iesennakeraton. Wakaterientare, Sewenniio, senonwes ne iakaweriasiio iahta tia-konikonhranet akweriasakwekon tsi wakatatas-kennhaon aiesanonsonnien. Akwa oni wakatsennonnihon tsi wakatathon akitiohkwa niatekon konwatewentetenni ononsatokenti. Seriwahnirat tsi ethoni iakonikonhroten, tosa nonwenton taon-saiakoteriwatenien. Saharihokten Tafit, akwekon ne ietaraientakwe wathatiiena tahonwanonwera-

ton ne R. Wahohretsiaron oni Tafit ne roienha Salomon tiotkon ahoteweientontieseke, wahohrori asakohrewate nonkwe sonha ne tsiakoteriwateratonne, nok aonsasakoieritse otiake ne ronwariwawasehatiene. Nok skennen wahotawe etho iehawenon tsinonni ieteron sakosot okon kenha. Niatekon roriwaieriton tsinahe tsi ronnhekwe. Tsi tiononte Sion wahonwaiataten.

4 nioserashen tsini kariwes thonwennakeratonne Juda raowatsire nok 33 nioserake tsini kariwes thonwennakeraton 12 nikentionhkwake, wathatennhanne ne R. sekon 2^{ton} ahonwaterennaienhase Salomon ranontsine aiakenhienawerontho aontenientenstakönhake tsi roriwahniraton tsi roterihonte. Ok sa ok wathatasawen nasakoteriwateriste ne Sitaheronon akwekon tsini iewatsirake wahonwawennarakwe. Wahotokense tsi rotsiha Adonias tehotiiienawakon ne Joab rerhakwe : aonsaionkenontiioste, wahohrewate, wahorihontako oni ratsihenstatsi kowa Abiathar, asenken roriwawasehakwe Adonias, nok wahorihonten raonaktake Sadok ne ronekwensinon Eleasar Aaron kenha roienha. Etho kati niawenhon tsini thotatihne ne R. tsi Heli kenha raowatsire enhonterihontako, iahtaonsahonwawennenhawake ne

R. Iakahewe oni wahunwario Semei ne rosentennihne ronontiio kenha Tafit, ne rostonton tsi rowennontionne Salomon. Wahohrewatakwe ne R. tsini hoierasehne. Tafit shonikonrhenhonne sane tsi ronikonhraksaton. Joab oni wahunwario ne rohrewatakwen ne R. tsi sakohriohne Abner nok Amasa kenha. Ne ietokatha tsi sakohrewatha ne R. niakoriwanerahakskon, iawetowanen enshatatkariakse sekon nonwentsiake tsi iiens, tenhnon iahtahonwahniakense neniontonnhokten.

Tsini hotiataawenhon rotikstenseratokenti ne Tafit sakosot okon kenha iawet tiotennakeraton tsi nenhoiataawen nensakoskontako nonkwe. Tsiniiot Atan, tenhnon Noe iontalsot okon kenha akwekon nonkwe; ethoniiot Jesus ronwahniha. Tsiniiot Abel ronwariohne Isaak, ne roniha Abraham rotewentetennihne, R. iah sane tehorio, Joseph rontateken okonha ronwatenhninonne, ne watenienstakonne tsi Jesus enhonwario, tsi Roniha enhotewentete ensakowenniioste nonkwe ahonwaiesate nok tsi rontateken okonha ne Sitaheeronon enhonwario. Jakob rawenhne: Kentiokwakwekon nonkwe enhonwarhareke nensesakoskontako. Tsiniiot Moïse sakoriowanatenni

nonkwe kaianerenserakaion Jesus sakowi kaianerenserase. Iawet sane sekon ostonha ioteriwa-setonne tsini iawensere. Tafit thotierenton akwa otokenhon wahatkatho tsi neniawen, wahatkatho tsi niahte honwaienterihne ne R. eniakorihonti raotiatonnik, enhonwasennaienneheke Jesus. Akwa otokenhon rotroriaton *tsinenhaiatatokentonhake* Jesus tsi nahoten enhoterihonten tsiniiot taiotonnhohonti ne karonhiake nok ahatkatho Niio Roniha Ronihake thoientakon, ratiens tsi raweientehtakon ne Roniha tensakoskwaserakwe ne ronwaswenskwe, rawen : Ok si senakere tsiatatakwe raonhaakon Niio arekho tsi tiorakwinekenhon. Roriwahniraton ne R. iah nonwenton taonsahatewennarisi, iahte kakonte enskewennenhawake, ethonensiere tsini hoierenne Melkisedek. Tsiniiot ahowennahronke Niio Roniha ahawenhase ne Roienha, ahenron : Tiatatienha iahte kakonte tsinahe iahte tiotasawe iahte kakonte eniesennakera-tse akwekon nonkwe. Rotroriaton oni Tafit tsi oktioriwakon rotinontiiison, ratisennowanens enhotioten ahatitiohkwarsi kentionkwatokenti. Ohniiotieren, wahrenron, iakonakwenserons niahte iakoriwiioston, nonwentsiake ratikorason wahonteriwaketsko nok ne ratiriwakweniiison enskatne

tehotiiaforeton tsi ronwatkonte ne R. nok Roienha roweiennaweron, wahoniron : Tetewaiakhon ne ionkiwannhaston nok ishi niieionkwati ne raotiseriie. Raonha ne karonhiake thenteron enthatkonsonweskwen tsi nensakokenron. Raonha ne R. ok tensakoriwaieron. Ethone raonakwenserakon ensakowennarane, tensakawerientaren tsini iokararen tsi iahte shonikonhriio. Sekon kati ne akenontiio etho wahitskwaren onontoharatseratokenlike Sion. Enkeriwanoton ne kaia-nerenseriiio, aseken ne aoriwake rakwenni ne R. : Ise konhienha, ken wenniserate wakoniatonni, takneken nok enkonwenniioste niahte iakoriwiioston tsi ieitonwentsiokte ienkaniharihane ensewenniioke. Iokontatie karistatsi okwire ense-takwarase nok tensehrite tsiniiot ne raksonnis tehahritha raokera.

Iawet wahatkatho Tافيت tsi Niio Roniha sakon-nhaon ne ratironhiakehronon okonha ahonwa-wenniioste ne Roienha tsi wathotenniete nonwen-tsiake. Sewennio, wahrenron, ne R. hiaiatano-ronston, hiarihonten aiesennakeratse nonkwe ne ensastonte tsi sanikonhriio, tesewennaieri, nok tisariwaieri.

Rotkathon ne Tافيت tsi nenhoiatawen Niio

Roienha nonen enhonwaiesate, enhonwario. Kenni hawennotenhne : Sewenniio, askiatkatho ohniiotieren takiatewenteton ; nonkwe akoriwaneraha^ksera, iawet ii akwawenk iotonhon, kaio-tats askiatanonstatseke, saiatat ne iakitenrokwe teiakiatontskwe tsi teiakiataskahonskwe rakwatenhninon teionkinonsaweheston teionkisitawehoston oni iakoriton akstien okon. Ne iontohettanionskwe oktiionkieronskwe teionnenkarenronkwe nok ionkiesatakwe, tehotikhasionkwen ne katseronniatha, tehotiien nakwatiatawit. Iawet ne sakat nennee tsi thotati Tafit nok tsi rotiiaton ne ronatroriaton tsi roronhiakenhon Jesus. Wahatho oni Tafit tsi iahtaiotken ne raieronke kenhane^ssesakoskontako nonkwe tsi enhatátewenniio tsinonni ieteron ne iakowentaon tsi enioiatanehrakwaton tsinon enhaiaataake, ethone nonkwe okon enshonwehiarane ne sakoiatison ne iakotentonne tiotierenton enhonwaienterhane, ohnaken ne rotikwatsenion, ratisennowanens, akwekon enhonwasennowanate ne R. nensesakoskontako nonkwe enhentiohk^okonni kentiohkwatoken-ti tsiⁱotonwentsiokte tentewareni, niatekon kariwanoronson ensakorihonnien nonkwe.

Raonha Jesus rotrori tsi Tafit rotonhakwe ra-

onha tsi ehnihawennotenhne. Iawet rotkathon onni Tافیت tsi neniawen karonhiake iensrete, rawen : Niio karonhiake ieshawenonton, rotonnahere, nok R. tehonwariwakwase, Sewenniio satatharataton karonhiake, washeiatenha ionnhottonionskwe Swannhatokenti, tesewatennhohonti ahataweiate ne ronontiio kowa roiatanehrakwat, rasatste, rotesennion tsi waterios, ronwenakeraton, roiatanehrakwat. Tsini hoiatawenhon Tافیت, teskiatieren tsini hoiatawenhon ne Sonkwawenniio. Tetsiaron Bethleemke ronatonnisentaon. Rorihonten R. Tافیت asakoiatakennha raotiohkwa Sitaheronon : Jesus sesakoskontaktwen akwekon nonkwe. Tافیت wahoniariake ne ronkwe rahnenhies rotsanit sakotentoriatake Sitaheronon : Jesus rasennion notkonseraksen. Tsini honikonhriiohne Tافیت tsi Saül roiatisakskwe ahosete, ne tiotkon roriwawasehakwe, iahte shotatkariaki iahte haweron ahirio, ethone tsi watiesenhne eh nahaiere, ne watenientenstakon tsini honikonhriio Jesus. Tsi roriwaneren Tافیت R. wahohrewate shonwatekwaton Jerusalemne, wahatohetste tsi kahnawahere Sedron, tehasenthoseron raoskawe wahanontarane Olive tsi tiononte. Etho Semei wahosenten; tenhnon Tافیت

sahonikonrhen tsi ronikonhraksaton. Ethoni hoitawenhon Jesus. Niio Roniha wahohrewate, aseken rotketaton nonkwe akoriwanerahaksera, wahanontarane, ronwasentenni oni. Saiatat ne rotewentetonne, sahatateriwasten, wahatatniate-ren, ethoni hoieren Sitas roiatenhninon Jesus. Onen sahataweiate Tافیت Jerusalemne, rotesennion, sahatien tsinonni ronaktakwe kanaktanon; akwekon wathonwariwakwase; ne iawet ostonha teskiatieren tsini iawenhon karonhiake sonsarete Jesus. Onka iahtaiakonehrako tsina teskiatieren tsini hoitawenhon Tافیت nok tsi nahoten rontons Jesus raoriwake ne rotiiatonserison noiatonseratokentison? Oriwiiio raonha ne R. iah othenon te honoronse, rokwenion eh nahaiere.

CHAPITRE XLV.

Salomon demande à Dieu la sagesse.—Jugement de Salomon.—Salomon écrit à Hiram au sujet du temple à bâtir.—Construction du temple de Jérusalem.—Sa splendeur. A. M. 2992.—Dédicace du temple. A. M. 3000.—Prière de Salomon à la dédicace du temple.—Le feu du ciel consume les victimes.—Promesses de Dieu à Salomon.—Temple de Jérusalem image de

l'Eglise et du ciel.—Richesse de Salomon et son palais.—Richesse des Juifs sous Salomon.

Onen tonsahatane Salomon raonaktake ne ro-nikenha Tagit ; onen tsi iohnirhaon tsi roterihonte, Gabaake warete tsinonni kanonsotakwe Niio raononsa, ronwanonteratie akwekon ratisennowanens, wahowenniiostane R. wakonwanawentho 1000 nikanaskwake tahonwanonweratonte ne R. wahotianeronkwen raoserentakon, wahawenhase, wahrenron : Nahoten isehre : akonion ? Ise tesennouton nenserheke : nahoten rakon. Tahenron ne Salomon : Ise Sewenniiio, takewennaras, hetsitenron rakeni kenha Tagit, aseken hiawennaieritonhatiene ; nok nii, iahte wakerihonte, sekon kenekenteronha, kentiohkowanen ne kheiatsteristha. Takitenr kati takswateten nok akat-tokhake. Ok sa ok tahatati ne R., wahrenron : Wakoniatontatse, etho naiawen, akwa ensanikonhrowanenhake, arekho nonwenton etho naia-konikonhrowanen, nok oni ensatsokowahake kowa, nok oni eniesanentontake, nok oni ensonnheson, kawenniiio tiotkon ensateweientontie.

Kennaheha wahonttoke tsi akwa ronikonhrowanen. Tekenihase tsionathonwisen wahonwaiatorenne. Skaiafat wakenron : Takiatontats, senon-

tiio, oseronni teiakeniterontakwe ken ikate. Enskat wakewiraientaon roskenrakehte, onkenonhaa teiakeniterontakwe tsi ionkeninonsote, tohkara nonta wathoiatahrite ne roienha tsi iotas-kwe. Kawenniiio onttoke, etho tawete tsi ikenats, wakitaskwe, watewakiatakwen ne rienha nok etho sakaien roien kenha. Orhonkehne wakatsketsko, wakehre ahistaronten, wakattoken tsi rawenheion. Akwa ok sa ok, onkenikonhraksen, kawenniiio watioswatene, onktokense tsi iah rienha teken ne rawenheion. Takenron nakiatenro : Ise wahi netsienkenha rawenheion, nok ronnhe ne rienha. Akwekon iakorharekwe tsi nahoten enthenron ne ronontiio. Tahenron Salomon. Tsi iakotonte tsi iotihtare tetsiaron, tkariwaieri : Asikwe tiehaf nok enkariwatokenste. Ok sa ok tahonhion asikwe. Wahrenron ronontiio : tahonwaiatoren ne raksaa nok satewasennenshon nenkonwennon ne raksakenha tsionathonwisen. Ne akwa tokenske roienha ne raksaa wakenron : laweronhatien ronnhek. Nok ne skaiatat wakenron : Tehonwaiatoren. Ethone wahrenron ne Salomon : Onen onwa onktokense. Iah tahonwario ne raksaa ; ne iahte watontatskwe tahonwaiatoren, ne akwa roienha. Etho takaientakwe tsi

senhe wahonwakonnienste wahonwanonwene Salomon ne Sitaheronon.

Ethone skennen kowa ronatonhon Sitaheronon, skennen tihotiotenion ne ratiienthos. Ronwanontiiokwe akwekon tsini hotitiohkwake ne Sitaheronon; eso rotinontioson tehononwentsianekhaons thonwatenniietennihakwe nowista tsioseratsen. Wahrere Salomon; onen ieiohe kanonsonwanen ahinonsonnien ne R. Wahoiatonse kati ne Hiram ronwaiats Tirronon ronwanontiiio, tehiatatenoronkwakwe Tafit kenha; wahrenron tsi wahaiaton: Saterientare, rerhakwe rakenikenha: rinonsonnien ne R. Iahte iotonhon, sotsi tiotkon roteriohne; nok nonwa tsi onen skennen iotonhon, ikehre: akeriwaierite tsini honikonhrotenhne rakenikenha. Tewakatonwentsioni askienawase, hetsatewentetasehakwe rakeni kenha karonta ohnettakwentontsera ne tsahatenonsonni ne rononsotakwe; senha nonwa kanonsanoron ne kenonsonniane, aseken R. raononsa. Ikehre: enskeronton ohnettakwentontsera nok ohneta; iah ki takiron eh nenkonhake. Iahte ikehre: ok tahakon, ise ok tensennonton tsini iatenkene, eso oni tekheiatonwentsioni ne rotiiotens niatekon ratiweientehton, eniakotkariakse tsinikon enia-

koioten. Wahatsennonni Hiram tsi onen wahoia-tonserotase. Sonsahoiatonse ne Salomon wahoh-rori tsi etho nenhaiere tsini haskaneks, enhaon karonta, nok tensakotenniete rotiiotens. Ok sa ok wahontasawen ahontenonsonni. 30,000 Sitahe-ronon wahonwatienawase Tirronon nahatiron-tiake nok ahatirontaseronni. Kaniatarake ratiron-takarenieskwe ne karonta ; 80,000 ratinenhiase-ronnieskwe tsi ionontenion, 70,000 tehatikare-nieskwe tsinikon kanenhiaseronni.

Sahontasawen ahatinonsonni ononsatokenti, onen 480 nioserake tsinahe thotiiakenhon Egiptke, 2992 tsinahe R. thaonwentsison, onen 4 niiosera-ke tsinahe thonwanontiioston Salomon. Waton Kaiatonseratokenti : Iah othenon te iakotontekwe naorakarere tsi wahatinonsonni ononsatokenti, aseken onenhia, karonta, akwekon ohenton kase-ronni, ne ok akwa iken ioianere wahontste, iahte iakotonte aioserakareron, iah oni aienekonretsa-kareron tekanenhiareronnion asontake nok io-kwenhraron kawistanorontserarhoseron.

Akwa iken ioianerekwe, iokwatse oni tsinikon iontstakwe ononsatokentike, tsiniiot tsi iehasen-takwa ionthaserotakwa oni akera, katse akwekon iken aoskon owistanoron otsinekwat.

7 nioserake tsini kariwes wahotiioten ahatinonsonni ononsatokonti. Onen 3,000 nioserake tsinahe thaonwentsison ne R., 1,000 karo nahenna-kerate Jesus. Teskiatierenne tsini kanonsotenhne ronnhahonne ne R. Moïse ahanonsisa, senha tenhnon kanonsowanen. Akwa iken ionwesenhne sakonwaterennaienhase Niio raononsa. Wahatienrinekenwe kanenrakwekon Sitaheronon ahatiienhna karontotseratokenti tsinonni iahte kakonte enkaientake. Ohenton ronneskwe 150 ratitsihenstatsi ratihonrawatskwe, iawet ratirio-
wanatakwe tsi ronwasennowanatane ne R. Onen nonwa ne ronontiio ronwennitiohkwaton ratisen-
nowanens ne kowanen ronaterihonte, onen nonwa ratitsihenstatsi ne rontketats karontotseratokenti, otiake oni sakonawenthoskwe katsenen sonha ronwawenniiostakwe ne R., otiake rati-
honrawatskwe, otiake oni tehatiriwakwakwe. Wahatiien karontotseratokenti tsinonni akwa kanaktanoron konwanaktaseronniennihne onon-
satokentike. Ionehrakwat tsi naawenne nethone; takentsahenne ononsatokentike, wakanane. Ethone onwentsiake wahatiskwentaren ne Salomon, ehneken tahatkahraierate nok wahrenron tsi rote-
rennaien: Aonton ken aontaiakehtakwe tsi R.

rotatenonsotani tsi ienakerenion nonkwe netho nahenterontake onwe? karonhiakwekon raiatananon, to onte ni ionehrakwat tsi kento rotatiteron! Sewenniio, akwa tsiatanoron, satanitenraskon oni, akwa tisariwison tsi sherharatstenni nonkwe, takwentenr, tiotkon takwaienawasehatie. Hetserharatstenni ne rakenikenha Tafit, ne sakotere okonha tiotkon eniakonontioke, tosa kati sasanikonrhen. Aonton ken aiakwerheke: tetewaiashe, ise oktiwakwekon tesiteron? tosa seriwarako tsini wakenikonhratsioha, satontek tenhnon tsini koniennitha nonwa. Tosa oriwakon waton tsini iesennitha ne sentiohkwa ononsatokentike. Tokat ahonwatisenni ne sentiohkwa, ne karihonni tsi ratiriwaneraks, nok tst enshontatrewate ononsatokentike eniesennitentase, tosa, Sewenniio, shewennonti. Tsi ne karihonni tsi iakoriwaneren, nonwa rontonkariaks, aiesennite tsi sanonsote ononsatokentike, asheiatontats, sasanikonrhen, Sewenniio, tsi rotiriwaneren ne sentiohkwa. Ashetokaten tsi nahatiiere, othenon s'oni nahotiiatawen, nok eniesennite, ashetenre. Sewenniio satokense othenon ioteriwaseton onkwanikonhrakon, are enionwe iahte hotiriwiioston eniesennite ononsatokentike, tosa sewennonti.

Tenieriwareniate tsi iah othenon te sanoronse, eniontaterihonnien oni tsi naieiere aiesasennaien. Enhontsennonni, Sewenniio, ne sentiohkwa nene tiotkon eniesatontatiheke, aonton katiken aiakorhareke? Onen sane eso, Sewenniio iesa-wennontion, aonton kati katke ki ok ienhonwatisenni ne sentiohkwa, nok ienhonwatinaskwaien.

Ethone onen iahtaonsonton onsaiesasennaien ononsatokentike, tokenske ki naa eniesennitake, ensheiatontatse, Sewenniio, nok ensheriwawase. Tsinahe enaskwa enkenhake tentsieriwaserakwaseke eniontonheke : ionkwariwaneren, kwawennontion, tsiakwatatrewatha nonwa, nok tokenske akwa entsiakotatrewaton, ensesanikonrhen tsini iakoriwaneren, enshetenrheke, enseshehiarane tsi sentiohkwa iken, nok ensesenerensi tsi enaskwa kenne, aseken tokenske sentiohkwa nii, Egiptonon ieiakwanaskwaientakwe, etho tetiskwaiatatihenthon. Tosa kati, Sewenniio sheiata-tka, satatewenniiost ne konnonsonnienni.

Ethone Salomon wathatane nok wasakoterennaienhase ne Sitaheronon, wahrenron : Ahonwasennaien ne R. tsi sonkwentenron, skennen ionthon. Akwekon etho niawenhon tsini sonkwarharatstenni, tsini hawennotenhne ne Moïse

kenha. Iak waskaneks tiotkon aetewakwekonha-ke, tosa nonwenton takwaiatataka nok asakwawennaierite. Nok nii, tewatateken, akwa tewatewei-enton tsi hetsitewasennaientake ne R. nok tosa-nonwenton hetsitewaiatakka. Tsini honowehon ne R. tkatsirenskwe karonhiake nok watsahas-kwe tsinikon ronwawenniiostakwe nok taken-tsataren ononsatokentike wakanane. 7 nonta tsini kariwes wahonentatokentase 20,000 teiotinakares kowa rowenniioston ne R. ne Salomon nok 100 tekeni iosenserote natewennawetserashen ne teiotinakarontonha.

Ethone sekon R. wahotianeronkwen ne Salomon wahariwahnirate tsini horharatstennihne Tافیت kenha, wahawenhase, wahrenron : Nenseri-waierite tsini konrihonten, ensatsennonni, ne shei-atare okonha enhotinontiiohake iahte kakonte, nok enseriwaksate, enkwatewentete, ensekekwa ne Sitaherouon onwentsia ne kheiawi, ensewakati ne takwanonsonnienni, enkheiatehate Sitaheronon, entsienonsarisi ononsatokenti, nok akwekon enkonwakwa.

Tsini kanonsotenhne Sitaheronon raotinonsatokenti etho ronwasennaientakwe ne R. iawet watenientenstakonne, tsi katke sonha Niio Roienha

Jesos iawet enhononsonnien ne R. ne senha kanonsanoron tsi enhentiohkonna kentionhkwatoken ti ne iawet Niio raononsa etho enhonwasennaientakwe ne R. nonwentsiakwekon, tsiniot onenhiake kanenhianoronson kentskwahere Niio raononsa ue rononsonni Salomon, ethoniiot kentionhkwatoken ti iawet kentskwahere rononhake rotitokense nok ratikwekonne. Ne oni iawet watenientenstakonne tsini kanonsanoron ne karonhiake. Tsi Salomon rononsonnienni ne R. ohenton iakonenhiaseronni, ne watenientenstakon tsiniiakon karonhiake eniontsennonni, ioteriwiison akonwaiataseronni nakotonnhetst aiontakatsate oni othenon nenieronhiaken nonwentsiake aiakorihontake aiontaweiate karonhiake.

Ethone onen wahatatenonsonnien ne Salomon nok oni ne rone Egiptonon ronwanontiio sakoienha eso iaatkene, 12 nioserake onen iahaweientane. Akwa ionehrakwat tsini hokwatse, wahaianerenste tsinonwe nihennitskwarakwe nonen wahonwanatarenase, akwekon ne karrhorokton owistanoron otsinekwar, 6 nateionanet tsi ieratenstha 12 ne kaiatonnik owistanoron otsinekwar teskiatieren ne kenrekskowatson etho tkaien tsi ieratenstha. Akwekon tsini hata-

kwe katse nok oni nakerat okonha akwekon ot-sinekwar kawistanoron iken. Kentiohkowanen ieterontakwe tsi rononsotakwe oia rontsterista-kwe eso ronnhatseraientakwe niate wenniserake iakotieskwe otetsera ne Sitaheronon nok 10 teio-tinakare kowa ne akwa ionaresen nok 20 ne ti-kenha tsini ionaresen, ne oni 100 teiotinakaron-tonha tikate ne kontirio karhakon nitiehas, 12,-000 nakosatens ronaskwaientakwe nene roses-kwe, nok oia 40,000 ne kontikarenieskwe. Eso oni nikahonwake kahonweiakowa raowenk kani-atarake tekontstekafaskwe itewat niatekon ne iontenhninontha, nok sonsakonneuwe titkarakwe owistanoron otsinekwar kaientanoronson, nok tsiten okonha. Tsini kariwes ronontiiokwe Salo-mon, Sitaheronon rotiwistakatekwe, iah senha te iekonnienstha nowista tsiniiot ne karistatsi. Wa-hatanahnirate eso nikanatake, iah sane nonwen-ton teshonterio, skennen kowa kenhne, ronatsen-nonnihakwe Sitaheronon, ratiienthoskwe, teha-tisniehakwe raononwentsia.

CHAPITRE XLVI.

Renommée de Salomon.—Reine de Saba.—Son étonnement.—Génie de Salomon.—Chûte de Salomon causée par ses femmes.—Conjurations contre Salomon.—Le prophète Ahias prédit la division du royaume.—Règne sur les dix tribus prédit à Jéroboam.—Livre de l'Ecclesiaste, mort de Salomon.—Il est la 17 figure du Messie.—Roboam roi de Juda A. M. 3050.—Demande que lui fait le peuple.—Révolte des 10 tribus causée par la dureté de Roboam.—2 royaumes : Juda et Israël.—Leur durée.—Veau d'or établi par Jéroboam à Sichem.—Autel brisé ; main de Jéroboam desséchée. Un prophète invité à manger refuse.—Désobéissance d'un prophète punie de mort.—La femme de Jéroboam se déguise pour consulter le prophète Ahias.—Race de Jéroboam exterminée.—Revers de Roboam.

Inon watewateriwareni nonwentsiake tsini hotsokowa ne Salomon. Rotinontioson tehonwatkenseres tsiui hotinehrakwas tsini honikonhrowanen, tiotkon oni ronwawiskwe ne kanoronson. Etho oni tawete ne tkonwanontiio ne Saba. Tohka ni ioriwanonton ne Salomon tiotkon thanikonhraierits tsi tatatiase, nok oni wahakweni wahotokense ne iahte werhakwe ahihrori. Waonehراكo kati tsini honikonhrowanen. Akwekon ni ia-

anatonhase ononsatokentike nok oni raononsa okon tsini ionehrakwas tsi watkathos, iahte watsonts nontontati. Ok are sonton tontontati, wawenhase ne Salomon : Tkariwaiერი tsini ionton : raonhaa ti honontiio tsini ionwentsia. Katennowentakwe tsi ionkroriskwe ne tsiatatake, ne karihonni kento tewakenonton, nok nonwa tsi onen onktokense, iahte ieiehes tsi iontroris, senha saiatanehrakwat. Iakotaskat ne sheiatsteristha, tiotkon iesakens ! Niatekon wahaon ne kanoronson karo naonhtenti.

Tsi sotsi rotsokowa Salomon, etho takaientakwe sotsi wahatatkonnienste. Iah onka te honwatohetstenni tsini honikonhrowanen, eso wahaia-tonserisa wahaia-ton noriwatokentison, nok oni tsi nahoten iontsta niate karontotenson, nok oni tsini kontiiatotens niate kariotake, ne kontirio nok oni niate kentsiake, ostonha nonwa tetsiakterientare eso ne iohtonhon. Tsi sotsi wahonwanehrako, wathonwarensaronnion, etho takaientakwe watiokarawe raonikonhrakon, onen tsi hotiatison, iawet iahte shattokhakwe, akwa wahariwanerake. Rohtiawenratonne R. naiakoniake ne iahte iakoriwiioston. Sekon kati ne Salomon niate ionkwetake iaoniakon. Eso kontiterontakwe tsiona-

thonwisen raononskon, nene sakonoronkwakwe, wahonwanikonhrata eso ahawistaroroke nok oni niate kaiatonnitserake ne iah Niio te ken ahasen-naien. Wahatkawe tsi rosennaienskwe nok rotsa-niskwe ne R.Akwa kati wahosense ne R., wahrere: ahihrewate. Onen toha si renheionsere, R. wahonnhanne rotokense tsi wahowennarane Salomon, wahawenhase, wahrenron : Ne karihonni tsi sariwarision ne ionkeniriwisonhonne nok tsi seriwanerahaktenni nakitiohkwa, ikehre : tentkerako tsini sentiohkwa. Tkariwaiერი sane ok sa ok enkonhrewate, ne ok karihonni tsi rinoronkwakwe hianikenha Tafi ; tsi kati ensiheie, etho nenkiere, enhonontioke sane netsienha, aseken Juda rawatsirake enthaiakenne nensesakoskonta-ko nonkwe. Tokenske etho niawenhon. Tohka nihati ratisennowanens sahonwatkarenrako ne Salomon, senha tenhnon roriwaiotenhon saiatat ne Jeroboam ronwaiatskwe. Salomon raononskon renterontakwe, wasakonikonhrata kariwaksen tsinahonwaierase ne ronwanontio. Iah akwa tehoteriwatsteriston ne Salomon, aseken iahtererhakwe : raiatare-ken Jeroboam, ohnaken wahotokense. Ne rotokensehakwe Ahias ronwaiatskwe wathoteratana Jeroboam, watrakwe ne rao-

tiatawit, waharatsionko, 12 nikennake wahronni, wahawenhase ne Jeroboam, wahrenron: 10 nikennake tesek, aseken raton ne R: tenkekhasi tsini kentiohkwa Salomon raotiohkwa, skentiohkwa ok ne raonha enhonwariwawaseheke, ethoniiot tsi enhihrewate, ne iorihonnihon tsi rakwatewenteton, nok sakowenniiston kaiatonnik sonha iah Niio te ken: Astarte, Kamos nok Molok ronwatiats. Tokat entsewennarakwe ne R. enhiaiatanoronste 10 nikentiohkwake enhonwatinontioke nise nok sheiatere okonha. Ne ok Juda nok Benjamin raotiwatsire enshonwanontioke ne Salomon roienha. Wahatennhanne Salomon ahonwaiena Jeroboam, ok sa ok wahateko nok Egiptke wahatekwashen.

Tsinahe rotiatison Salomon eso wahonikonhraksen, wahaskaneke ahrenheie. Wahonikonh-
raientane tsi R. rohrewaton, wahariwaienterene tsi oriwakon tsinikon kanakere nonwentsiake wahaia-tonserisa ne aoriwake. Ken kaien wahaia-ton: Oriwakon tsinikon kanakere nonwentsiake, ioriowanens wakateriwahtentiaton, wakwatsehne, wakenonsiiohne, eso wakenaskwaientakwe wakat-onwesen oni; kheiatohetstenni akwekon ne rotinontiiison nonwentsiake; onen tenhnon wake-

riwaienterehon tsi kananon nonwentsiake kani-konhraksensera. Ronwatsanik kati ne R. ronwawennarakwak oni, iah etho te ieierha, iah onkwe te ken ; tsina tensakoiatorete ne R. nonkwe ensakonatonhase tsinikon iakotieranion kariwiio, kariwaksen oni. Ieiatahtons kati, iawet iakononwarori ne iakorharenion ne eniakotsennonniaten ne kaientaon nonwentsiake. Iahte katoken aonsahotatrewaton Salomon. Wahrenheie, onen 40 nioserake tsinahe ronontiiokwe 64 nioserake tsinahe ronnhekwe, Jerusalemke wahonwaiatata. Tsini hoiaatawenhon ne Salomon ne iawet ohenton thotennakeraton tsi nenhaiere nensesakoskontako nonkwe. Tsi rononsonnienni ne R. watenientenstakon tsi Jesus iawet enhononsonnien ne R. tsi enhentiohkwisa ne kentiohkwatokenti ne aonhaa ioterihonte aiakorihonnien nonkwe tsi nahattiire nahonwasennaen ne R. ; nok tsi ronontiiokowa, ne iawet watenientenstakon tsi Jesus iahte kakonte enhonwennakeratse nonwentsiake nok senha ne karonhiake.—Sahrenheie Salomon wahonwanontiioste ne roienha Roboam 41 tsinatehaoseriiakon. Ok sa ok ne Juda nok Benjamin tsini hatiwatsira wahatiriwanonwene tsi wahonwanontiioste ; oia tenhnon nahatinikonhrawn

10 nihatiwatsirake; wahonnehre: niare eniakwariwisa tsi neniawen. Sikemke wahontkennisas, raiatarakwe Jeroboam Egiptke nithawenon, wahonwenhase ne Roboam wahoniron: Saterientare tsini sonkwaronhiakenton ne hianikenha, iakwehre kati: tikenha tsi naseniakatsteke, ethone onen enkwawennarakwake. Tahenron ne Roboam: Tenkiatorete niare 3 nonwata onen enkwahreri. Ok sa ok Roboam wasakotkennisahate ne rotianer, wasakoriwanontonse tsini hotinikonhrotens, wahoniron: Sheiatontats tsini hatiierha, tesherhoton, etho nentewe tiotkon eniesanoronkwake. Oia tsini honikonhrotenne ne Roboam, wasakotkennisahate ne ratinekenteron sonha, tahoniron: Ensheienhase: Sewaton: Sonkwaronhiakentakwe Salomon kenhah, senha nii enkwaronhiakente. Wasakotontatse ne Roboam nok etho nahaiere tsini hotiieren. Tahotinakwen ne Sitaheronon, wahoniron: Waskwaiesate, iah ki nise takwanontiioke, ne ok eniesanontiioke ne Juda nok Benjamin raotiwatsira, nok nii 10 niaakwawatsirake oia entsiakinontiioste. Wasakotiohkwaroroke Roboam ne rotiskenrakehte, wah-rere eniakiateriosera ne Jeroboam, akonhaa aionkinontiioke. Ethone ne R. wahionnhanne ne roto-

kense Sémeïas wahawenhase ne Roboam : Tosa tsiateriosera etho saset tsi sanonsote, ii ne ken rinontiioston ne Jeroboam, ok sa ok akwekon tonaionreni. Iawet kati tekentiohkwake iotonhon ne Sitaheronon. 10 nikawatsirake ne Israel raotiohkwa wahonwatinonkwe, Sikemke renterontakwe ne ronwanontiiio, nok tekawatsirake Juda nok Benjamin, Juda raotiohkwa wahonwatina-tonkwe. Jerusalemke renterontakwe ne ronwanontiiio. Ethoni iohtonne 253 nioserake tsini kariwes, watkatane ethone tsi Ninifke wahonwatina-naskwenhawe 10 nikawatsirake. A. M. 3283. Etho nahe sekon 122 nioserake tsini kariwes Juda raotiohkwa wahatinontiiiosentane.

Jeroboam tenhnon wahatsanike, wahrere : on-wa entsionkiatonti nakitiohkwa tokat Jerusalemke enhonwawenniiostana ne R. Ne kati karihonni wahahtiawenrati Jerusalemke aiente. Wahatenn-hanne wahonwatiatonni 2 teionnhonskwaron natekena owistanoron otsinekwar wahonte nok tekanonsake ononsatokenti watienonsonni ethononwe watonskwe kaiatonnik akonwasennaien. Ethone Jeroboam wasakotiohkwaroroke ne raotiohkwa, wasakawenhase : Ken kaien sewasennaien. Akwekon ok sa ok wahontontate. Iotkate

rotinontiiioson sakotiiatahtonton nonkwe, rotiriwakwenion nonkwe konwarihontion kariwiioston : Eso niionkwetake sahonennakerako tsi kentiohkwaaien Jeroboam raotiohkwa ahontien tsi nonni Juda raotiohkwa, ahontatewenniio Jerusalemke ahonterennaienna, aseken roriwisonhonne ne R. etho ok nonwe enkonwanawenthokatsenen sonha nahonwawenniioste.

Tsinahe Jeroboam rasennaiens ne kaiatonnik, iahataweiate ne rotokense, wahrenron : Raton ne R. : Katke sonha, saiatat ne Josias enhonwaiaitseke ensakaonwentsiahtonte ne nonwa kaiatonnik konwawenniiostha. Onwa tsi tenkarine tsi iehasentakwa, ne watenientenstakon tsi tokenske ethoneniawen. Akwekon wakonehrako tsini hotsanitionne ne rotokense. Tsini tahonakwen ne Jeroboam wahanisnonsatate nok wahrenron : Ronwaiena ne ken ronkwe. Ok sa ok tenhnon wahanentsaten, watkarine tsi iehasentakwakwe. Aiohtonhon sane naonsahotatrewatron ronontiiio nok oni ne raotiohkwa, iah kati te iotonhon. Wathonikonhraren ki naa tsi wahatenentsaten, wahawenhase ne rotokense : Takitenr, takwaterennaienhas tokat ne R. wahakenentsakenheiaton ahakitenre onsahaketsiente. Ok sa ok wahaterennaien ne

rotokense. Onen sahaton ne ronontiio, wahawen-
hase ne rotokense: Oseronni tentiatskahon nok
othenon enkonion. Tahenron ne rotokense: Iahta
koniatontatse saheto satesewasennen naskon tsini
saien. Rakwatiawenrati ne R. kento takatskahon.
Etho nonwe ni henterontakwe rokstenha roto-
kense. Wahonwahreri ne sakoien okonha tsi naa-
wen. Tahenron ne rokstenha: Ka nonkwati ni-
thawenon ne rotokense? Tahoniron: ken non-
kwati ni thawenon. Ok sa ok wahosere ne roks-
tenha wahoiatatsenri, rotorisen, karontakta ren-
teron, wahawenhase: Ise ken ne rotokense Jeru-
salemke nitisenon? Tahenron: Ii. Tahenron ne
rokstenha: Etho ietene tsi wakenonsote; kanek-
here satonkariaks, enkounonte. Tahenron ne
rotokense: Iah taonton; rakwahtiawenrati ne R.
ne kento takatskahon. Tahenron ne rokstenha:
Thonnhaon ne R. raronhiakehronon, rawen:
Ok sa ok hetsenont. Wahennowente ne Roksten-
ha nok wahonikonrhaten ne rotokense. Ethone
ok onen watiatskahon. Wahenron ne rokstenha,
wahawenhase ne rotokense: Kennihawennoten
ne R.: Ne karihonni tsi takewennontion, waseke:
ensiheie nok iahta iesaiatata tsi thatiatarion ne
sheni okon kenhä. Ethone onen tontahahtenti ne

rotokense sahatatreweite nok tahoriwaienhase ne R. tsi nahaiere. Tsinahe isre ohahakeson, wahatieren ok ne kenreks wahorio, iah tenhnon te ioken ne raieronke, ok eken tenhnon ne kenreks wahoiatanonna. Nonkwe sonha etho wahontohetste wahontkatho ronkwe kenha raiationni, iahontrori tsi naawen wahontkatho. Wahrenron ne rokstenha rotokense: Nene rotokensehakwe rohrewaton ne R. aseken rowennontion. Ok sa ok etho warete; wahonehrako tsi iah othenon te ioieren ne kenreks ne raieronke kenha. Watrakwe ne raieronke kenha, kanatakon wahahawite nok wahoiatata, akwa oni ronikonhraksenskwe, wasakawenhase ne sakoien okonha: Ikehre: etho oni nii enionkiatata tsi nonwe ni haiatat, aseken akwekon etho neniawen tsini hoieren.

Rotkathonne Jeroboam niatekon tsini iawenhon ne ioriwanehrakwatanions, iah tenhnon etho teioientakwen aonsahotatreweite. Wahononwakten ne roienha, wahrenhase ne rone: Etho iahase tsi thenteron ne rotokense Ahias, oia natsierh tsi ensatseronni, iah kati tahiaienterene, enshawe othenon entson nok entseriwanontonse tsi nenhoiatawen netsiteniienha. Etho kati nakaiere. Onen toha iaionwe tsi thononsote ne rotokense

R. wahotokaten tsini ioieren. Ok sa ok ne roto-kense wahrenhase : Tasataweiat, Jeroboam tese-niteron nahoten karihonni oktisatasetha ? Sasah-tenti ; raton ne R : Enkehrewate sawatsira ; ka-wenniio iensesataweiate tsi sanonsote, ok sa ok enhrenheie netsienkenha, ohnaken entaiheie oni akwekon Jeroboam sakoien okonha. Aseken roiatontion ne R. rasennaiens ne kaiatonnik. Etho niawenhon. Wahrenheie ne Jeroboam onen 22 nioserake tsinahe thonwanontiioston.

Roboam Juda raotiohkwa ronwanontiio iotkate wahiaterio ne Jeroboam ; tenhnon wahowennon-ti oni ne R. nok oni raotiohkwa, kaiatonnik wa-hatisennaaien wasakohohrewate kati ne R. Egip-tronon ronwanontiio Sesak ronwaiatskwe tahare-ko, wasakonatakarihaton Roboam raotenata okon. Jerusalemke warete oni, akwekon watrakwe no-wistanoronson ononsatokentike nok oni tsi ro-nonsote ne ronontiio nok sahahtenti. Onen 17 nioserake tsinahe thonwanontiioston wahrenheie Roboam. Abia ne roienha tonsahatane raonakta-ke, wasakosenni Israel raotiohkwa. Arekho 3 ni-oserake tsinahe tsi onontiio onen wahrenheie.

CHAPITRE XLVII.

Piété du roi de Juda Asa.—Meurtre des fils de Nadad, accomplissement d'une prophétie.—Victoire d'Asa sur Zaro roi d'Ethiopie.—Asa à la fin de sa vie manque de confiance en Dieu.—Règne de Baaza roi d'Israël qui maltraite 2 prophètes.—Guerre entre Zambri et Amri compétiteurs du trône d'Israël (A. M. 3090) Achab roi d'Israël propage l'idolatrie.—Le prophète Elie annonce à Achab la sécheresse, il est nourri par les corbeaux.—Elie secouru par la veuve de Sarepta, multiplie le pain et l'huile.—Résurrection du fils de la veuve de Sarepta par Elie.—Achab fait rechercher Elie.—Jezabel persécute les prophètes.—Abdias va au devant d'Elie.—Abdias annonce à Achab l'arrivée d'Elie.—Entrevue d'Elie et d'Achab.

Akwa roriwiiostonne ne Asa teshotaon raonak-
take Abia kenha. Asa 3^{ton} ronwanontiiokwe Ju-
da raotiohkwa, thoriwaierikwe, akwekon wa-
hariwahtonte ne kaiatonnik konwatisennaiens-
kwe, wasakohrewate oni ne iontateriwanerahak-
tennis nonkwe, wasakohretsiaron ne Sitaheronon
aonsaiontatrewate nok ahatiriwaierite R. raoiane-
rensera. Sahoieritse ne R. wahaon niatekon ta-
hateraswiioste nok skennen akenhake tsi thatina-
kere raotiohkwa. Jah etho teiohtonne tsi thatina-

kere Israel raotiohkwa Nadad teshotaon raonak-tane Jeroboam kenha ne ronikenha, tenhnon ethoni honkwetaksenne tsini iohtonne ne ronikenha. Saiatat ne raotiohkwake raiatarakwe. Issakar thonekwensinon wahotkarenrako wahosenni, wahatatenontiioste, wahawatsirahonte ne Jeroboam kenha raowatsira, wasakowentho akwekon ne sakononkwe kenha. Etho kati niawenhon tsini hoierenne ne rotokense Ahias. Ne ietokatha tsi iah taonton oktahonwaieron ne R. Rorharekwe Jeroboam kenha kariwes enhonterihontake sakotere okonha, ne wahonni sakoriwahtonnihne tsini hotiriwiiostontserotenhne Sita heronon, sakotiawenratihne Jerusalemne ahonterennaienna. Tenhnon ne wahostonte tsi R. wahohrewate, nok wahowatsirahtonte raowatsire. Onen 15 nioserake tsinahe thonwanontiiokwe iakahewe wahiaferio Zara Ethiopironon ronwanontiiokwe, akwa rasatste 1,000,000 tsini hotitiohkwa raosotar. Iahte honikonhroktaon, wahonitentase ne R. ahotenre. Iahte honikonhroktaon, wahonitentase ne R. ahotenre. Ionehrakwat tsini iawenhon tsi wahonterio ; tsiniiot nok sewatieren wahonateronhienten Zara raotiohkwa, nok wahontekohaton, wasakosere Asa, eso wasakowen-

tho, nok wahatatewenniioste raonawenk sonha. Saiatat rotokense Asarias ronwaiatskwe wahot-sennonniase, wahohretsiaron ahoniahese ne R. nok ahariwahtonten ne kaiatonnik sonha. Otiake sekon konwatisennaienskwe, waharihontako ne ronistenha tsini ioterihontakwe ne iostonton tsi iosennaienskwe kaiatonnik. Wahatataaskennhen ne raotiohkwa ahonwasennaen ne R. Etho tiio-ientakwen eso nikawatsirake ne Israel raotiohk-wake ieiatarakwe iahonennakerako tsi thatinake-re, eh wahontien tsinonni haonwentsia Asa, asen-ken tehatikanere tsini honataskat ne sakoteriwa-tsteristha Juda raotiohkwa. Iakahewe tenhnon R. wahoriwasten ronontiiio Asa, ne rostonton tsi roniahesaonne ne Egiptonon ronwanontiiio, owista otasetonke tehotennietennihne ahoienawase ahon-nhese Baasa Israelronon ronwanontiiio ahanatah-nirate tohka nikanatake ne teionatanekhaons raonwentsia, iahte hononwehon ne R. tsi iawet teiohn Janet raonikonhra nok tsi senha sakoniahe-saon nonkwe iah etho te honiahesaon raonha. Wahonnhanne ne R. ne rotokense Hanani aonsa-hosnorakwe ne aoriwake; tenhnon wahonakwen ne ronontiiio Asa : wahatennhanne ahonwannho-ton. Tsinahe ethoni hoieren, R. iawet wahote-

wentete, iahte sewatroriatha ne kaiatonserato-
kenti othenon nahoieren ne tkariwaiერი, ne ok
ieken watroris tsi tohka nioserake eso wahonon-
wakten. Sahrenheie, onen 40 nioserashen tsinahe
thonontiiokwe. Ne roienha Josafat tonsahatane
raonaktake. Baasa Israel raotiohkwa ronwanon-
tiio akwa iken ronkwetaksenne, wahotewentete
ne R. Jehu rotokense Hanani roienha R. ronnh-
onne ahohrori ne Baasa tsi etho nenhoiatawen
raowatsire tsini hotiatawenhon Jeroboam kenha
raowatsire. Tsinahonakwen, wahatennhanne a-
honwario. Kennaheha raonha oni wahrenheie, 20
nioserake tsini kariwes ronontiiokwe. Roienha
Ela ronwaiatskwe sahatenontiioste; teioserake
tsinahe saiatat rasennowanen Sambri ronwaiatsk-
we wahorio tsi rononwarahtonhonne nok oni
tsini hononkwesentakwe. Etho onen naawen
tsini hoierenne ne rotokensehakwe Jehu kenha.
Nonen wahotitokense rotiskenrakehte tsi rotenon-
tiioston ne Sambri, akwa wahotinikonhraksen.
Ok sa oia sahonwaiatarako Amri ronwaiatskwe
sahonwanontiioste. Ok sa ok iahatinatarane tsi
thenterontakwe ne Sambri. Sahariwahronke ne
Sambri wahatatennhoton tsi rononsote, raonha
ok wahatsiroten etho wahaiatentane 7 nonta tsina-

he thonwanontiioston. Otiake iahte hotiriwanonwehon tsini hotiieren rotiskenrakehte nok Tebni wahonwaiatarako, wahonwanontiioste. 3 nioserake tsinahe tehotinontiiotseraientakwe tiotkon ronaterio. Ethone wahrenheie ne Tebni, nok kentiohkwa wekon raonha ronwanontiiione Amri. Ethone onen wahanatonni ne Samari wahanatonkwe 12 nioserake tsinahe thonontiiokwe. Roienha Akab ronwaiatskwe sahonwanontiioste. Tsini honkwetaksenne wasakotohetsten akwekon tsini hatihne ronwanontiiokwe Israel raotiohkwa. Tsini kariwes thoriwaierikwe nok roriwiiostonne Asa ronatsennonnihne Juda raotiohkwa, skennen kowa kenhne tsi thatinakere, ok eken tenhnon iahte ionwesenhne tsinonni thatinakere Israel raotiohkwa tiotkon ronateriohaton, eso oni wahonwentane.

Akab ronwanontiiio Israel raotiohkwa wahotiniake Jesabel konwaiatskwe Sidon ronontiiio sakoienha, iosennaienskwé kaiatonnik sonha, wahonikonhrakarhatho ne rone, wahonikonhrehawite etho nahaiere. Kentiohkowanen wahonwanakeren, wathonwanatontsotase Baal nok Astarte ronwatiiats, toha akwekon Israel raotiohkwa ronwatewentetonne ne R., iahte shonwaia-

terihne. Ethone Galaadke renterontakwe saiatat ne rotokense akwa roiatanehrakwat Eli ronwaia-tskwe Thesbeke rotonnisentakwe. Roiatarakwen-ne ne R., rowihne akwa ahasatsteke ahariwah-tonten tsi konwatisennaienskwe kaiatonnik. Wahonnhanne ne R. eh iathatane tsi thenteron Akab, wahowennarane, wahrenron : Ronnhék ne R. tehakkanere ; saterientarak iah taonsaioken-nore tohka nioserake tsi ok ii enhiennite. ne R., iawet ii entkennonton. Wahatennowente Akab nok sahotekwate. R. raonikonhratokenti waho-nikonhrata Eli ahatien kahionhakta Garith kon-waiats, ne rahnekihra tsi kahionhate nok tsioka-we ronwanontenres owaronk nok kanatarok or-honkehne nok okarasneha. Tsioserat onsakahe-we iahte iokennoron onsteske tsi kahionhatekwe, wahonnhanne kati ne R. Sareptake iahare Sidon-ronon raononwentsiake nok etho iahatien ; ok sa ok wahahtenti. Tsi iaharawe akta tsi tkanataien, wathiaterratana skaiatat ne tsiiothonwisen iotere-hons ieientoronkwas, wahrenhase : Takitenr, ontasknekenhawitton, kennikonha oni takenata-ranonten. Takenron ne ioterehons : iah ostonha te wakenataraien tsi wakenonsote, ken sane ni-konha wakien kenhie, nok nikonha oni otetsera,

ne karihonni kientoronkwas tsi neniakiatekwisa ii nok ne rienha, onen kenheion enionkenirhareke.—Tahenron ne Eli : Tosa sennikonhriiak, ok eken oni kennikanataraa takenataronnien entheskawiten, nok nise ohnaken tensesatatsniene, etho neniawen, ensatonnrakwate. Kennihawennoten ne R. : Iahten tewaterakwaseke tsini satetseraien nok tsini iawenhienaien tsiniiore eniokennore. Etho naieiere ne ioterehons tsini hoieren ne roto-kense. 3 nioserake tsinahe, iahta tewaterakwas tsini iotetseraien nok oni ne kenhie. Wahonnise tsinahe, wahononwakten ne roienha ioterehons, tohkara nonta onen wahrenheie. Akwa ionikonhraksenskwe ronistenkenha, wahawenhase ne Eli : Nahoten onte konnikonhraksaton ? Ise sane sariwa tsi wahrenheie ne rienkenha. Tsinahe iohtare kahawe ne raieronke kenha ne roienkenha. Wahrenhase Eli : Tatsiatenha netsienkenha, nok skennen sarharek : wathoiatakwe ne raksa kenha nok tsi tiononsote wahaian. Tsi thonakte ia-hoiationnite, onwentsiake wahatiskwentaren, nok wahrenron : Isen, Sewenniio, etho iahase tsi tken-teron ioterehons seron : aonketsientaniheke, to-kenske ethoniioieren, enskat ok iowiraien, onen tenhnon rawenheion. Tsi naharihokten Eli, ton-

sahatane, etho wahatiataren raiatake ne rawenheion. Tsi naharikokten Eli, tonsahatane, etho wahatiataren raiatake ne rawenheion. Sekon sahonitentase ne R. wahrenron : Sewenniio, iah othenon te sanoronse, wakonniahese, askitenre, onsatsonnhete ne raksa kenha. Wahowennarakwe ne R. sahatonnhete ne ioterehons roienha, wathoiatakwe ne Eli, etho warete tsi tkenteron ne ioterehons, wahrenhase : Tetsiatak netsienha, nok tetsenonweraton ne R. Akwa ontsennonni ne ioterehons, wakenron : Tokenske, satokense, hiawennarakwa ne R. Ne ietokatha tsini hotanitenraskon ne R. sahaieritse ne ioterehons tsi ronontenne ne rotokense, tenhnon sakohrewatha nia koriwanerahakskon tsi toha 4 nioserake tsini kariwes iahte iokennoron, eso kati wahontonkariake ne Samarironon. Ne ronwanontiio Samarironon Akab ronwaiatskwe roterientare tsi ethone ok eniokennore nonen Eli enhonitentase ne R. wahatennhanne ahonwaiatisake Eli, iah tenhnon te honwaiatatsenrion. Ne rone Akab Jesabel senha ieserohenne ; akwa ionakwenhon, ontennhanne ahonwanawenthon akwekon ne rotitokense nahatiiatogens, ne kati karihonni akwekon rotitokense wahonteko, wahontasete tsi ionontenion

nok otstenrokon, rontonkariakskwe tehontonnha-kariaskwe oni. Onen wahawenhase ne R. Eli : Ikehre nonwa : aiokennore, sotsi iakoronhiaken tiakoriwaieri, etho iahase tsi thenteron Akab. Ethone onen sahahtenti Eli nok Samarike warete. Onen tsi warawe akta tsi tkanataien, wathia-teratana Abdias ronwaiatskwe ne ratsteristakwe Akab ronontiio tsi rononsote, rotsaniskwe ne R. sakoiatasetonne 400 rotitokense ethone tsi Jesabel watennhaskwe ahonwatiatisake. Sahoienterene Eli, onwentsiake wahatiskwentaren. Eli wahawenhase, wahrenron : Etho iaonsase tsi thenteron hianontiio, entsrori, ensiron : Eli thare. Tawahawenhase. Abdias : Ketsanis kawenniio eren enskete katonte tsi ientsisenon, onen sane ienwakatrorike : ken thare, nok iahtariesaken, enhonakwen kati Abab nok enhatennhanne aionkerio. Tahenron ne Eli : Iahtasiheie, etho kati natsier tsini konhrori. Tokenske, onwa wenniserate etho iatenktane tsi thenteron ne Akab. Etho nahaiere Abdias. Kawenniio wahariwahronke Akab, ok sa ok wahaiakenne iathoteratana ne rotokense. Tsi wahoken, wahawenhase, wahrenron : Onen onte ken ise ne sonwentsiaksatha nakonwentsia ? Tahenron ne Eli : Iah ii tekonwentsiaksatha, ise

sariwa tsini iawens tsinahe hetsatewenteton ne R. sewasennaiens ne kaiatonnik iah Niio te ken ; ne iorihonnihon hetsisewahrewaton ne R., niatekon tsini sewaiatawensérons. Tsi tiononte Karmel konwaiats etho wake, etho aiontkennisa ne ietsirihonniennis aesewasennaïen kaiatonnik, rotitokense iontatenonkwe tenhnon iah rotitokense te ken, ne saniakon iakotsientanis, ethone ensewationTokense onka R. nihaiatoten.

CHAPITRE XLVIII.

Elie se rend sur le Carmel avec les prêtres de Baal.—Sacrifice d'Elie ; sa prière.—Le feu du ciel consume le sacrifice d'Elie.—Nuage qui s'élève suivi de la pluie.—Elie nourri par l'ange dans le désert marche 40 jours.—Dieu se manifeste à Elie dans un vent doux.—Sens de l'apparition de Dieu à Elie.—Plaintes du prophète.—Elie va sacrer rois Hasael et Jéhu, et sacrer Elisée comme prophète.—Sacrifice offert par Elisée.—Guerre entre Benadad et Achab. 2e Victoire d'Achab sur les Syriens.—Achab veut s'emparer de la vigne de Naboth.—Jézabel fait lapider Naboth.—Elie menace Achab et Jézabel des châtiments de Dieu.—Pénitence temporaire d'Achab.—Mort d'Achab.—Accomplissement de la prophétie d'Elie.

Tsini kariwes wasakotkennisahate Akab ne raotiohkwa Eli rotokense wahatiatotarho tsi ion-

kwehne ahaterennaien. Akwekon eh iahonnete tsi tiononte Karmel konwaiats, nok oni ne konwaseronniennihakwe kaia-tonnik iawet ronaterihontakwe tsini hotiriwiiostontserotenne ne konwasennaiens Baal konwaiats. Wasakotati Eli kandenrakwekon, wahrenron : To nenwe etho nensewaiere tsiniiot ne iontsinokatha, arens R. entsisewasennaien, arens Baal entsisewasennaien ? Sewarako nonwa onka entsisewasennaien. Tokat ne R. Niio nihaia-toten, hetsisewasennaien, nok ne Baal Niio akenhake, ne ki ensewasennaien. Tsini hatihne rotitokense sakoiatarakwenne ne R. akonhaa ok tsionkkens nonwa 450 nihati kento ratiteron ne Baal ronwasennaiens, iawet ronaterihonte tsini sewariwiiostontserotens, akonhaa R. riwennenhawe, iah ki naa te ketsanis, rienteri ne R. risennaiens. Ontakonwatiiatenhawe tekenihase teiotinakares, enskat enhatirako ne ronwaseronnionnis Baal, akonwario ne teiotinakares, rontsio nok oientake ratiwararen, tosa othenon iontekat, etho oni nenkiere nii. Sewasennaien ne raia-tonnik Baal, nok nii enhisennaien ne R. Tokat takatsireenne ne karonhiake ontsa nahoten hetsisewawenniioston Baal, eniairon : tokenske Niio ne kaia-tonnik nok nii kisen etho naiawen,

eniairon : Tokenske ne R. Niio nihaia toten. Akwekon wahontontate. Ok saok tekonwatiatenhawiteiotinakares wahrenron ne Eli : Ise tesewatierent. Onen wahontasawen ne kaiatonnik ratisenaiens. Wahonwennite ne Baal, rontonhakwe : Baal, takwatontats. Iah othenon tethotati ne Baal. Akwa kati wahotisense ne ronwasennaiens ne Baal. Akwa ronasteniaronkon nok ronatorianeron. Oktatesakokanere ne Eli sakotentoriatakwe tsi raton : Iah akwa te sewawennowanen, iahte hahronkhas ne Baal, tokat kaneka iehawenon, tokat oni rotas, roserentahniron. Akwa rotisense ne Israelronon tsini haierha ne Eli. Onen wahonnehre : oriwakon onton, asare wathonnekwe wahontatrenanion ratiatakeson, oktishatinekwensonton, onen entie iotonhon tsinahe, arekho te iotonhon tsini hotinikonhrotens.

Ethone Eli wasakawenhase ne Israelronon : Sotsi onen naonnise tsi rotiiote ne Baal raonkwe-ta ; onen onte ii akatasawen : 12 nikanenhiake waharako, wahronni tsiniiot tsi iehasantakwa ; aktatie wahasonionniwateweienton oiente, wahario teiotinakares wahatsio oientake wahawararonnion. Wahatennhanne waetsienha 4 nikana-kwake ohnekanos nok owarake waenekaweron,

asen netho nahaiere. Akta warete tsi kahniote tsi iawet iehasentakwa, wahatewennowanate, wahrenron : Sewenniiio ise iesawenniiostakwe iakini okon kenha, Abraham, Isaak, Jakob, askwentenre ahotitokense nonwa wenniserate tsi tokenske sonhaa Niio nisiatōten, tsi iah othenon te sanoronse tsi nise takerihonte. Arekho te hotewennokte ne Elie, karonhiake takatsirenne, akwekon ontsa nowaronk nok oni noiente, nok oni onenhia, onwentsia ohneka oni. Akwekon wahotinehrako, onwentsiake wahontiskwentaren nok wahaniron : Tokenske ne R. raonha Niio nihiatoten nok ok sa ok wahnwatirio ne 450 ne kaiatonnik Baal konwatisennaienskwe. Etho irate tehakanerakwe ne ronontiio Akab. Wahawenhase ne Eli : Tkariwaieri, Senontiio, asatorisen nok tasatskahon. Onontoharake saset, satekonni, onen toha eniokennore, wakatonte onen karo taiotsatakwithatie. Onontoharake sarete ne Akab, wahatekonni wathatontsoten ne Eli; wahonitentase ne R. wahnhanne saiatat ahatkenser onontoharake, tokat ken othenon enhatkatho. Wahrenron : Iah othenon te wakatathon. Tahenron ne Eli : Etho saset 7 nentisatasawen. Onen 7^{ton} nahakkete, kenniwaa wahatkatho taiotsataratie. Tahenron Eli : Was, hetsrori Akab ahahtenti ;

onwatsiok eniokennore, kenok naheha wakaron-
hioroke, watkawerakwe nok waokennore ; wa-
hne Eli ne ronontiio. Tsi waotokense Jesabel
Akab rone tsi ronwatirio ne konwatisennaienskwe
kaiatonnik, akwa ionehrakwat waonakwen, iak
kati othenon te iotston tsini iawenhon ne ioriwa-
nehrakwat, ok eken ontennhanne ahonwaiatisake
Eli nahonwario. Wahateko kati Eli. Sewennise-
rat tsini kariwes ehtakeson ireskwe karhakon.
Tehowisenheion, onen karontakta wahawenhase
ne R.: Takitenr, onen kihei, onen iahte sewake-
rihonte tsi koniotense, sotsi kariwaksen tsini
iesaiierha: nok ethone wahotawe. Tsinahe tsi
rotas saiatat raronhiakehronon wahoiena nok
wahawenhase: Testann, tesatskahon. Wathatka-
kwarisi Eli, iah onka te sakoken; wahatkatho
skanatarat eh kaien nok oni ohnekanos katse-
taien, wathatskahon, nok wahahnekihra nok sa-
hotawe. Sekon etho tontarete raronhiakehronon,
wahoiena, wahrenron: Testann nok tesatskahon,
inon se wase. Wahatketsko ne Eli, warake nok
onen wahahtenti, 4 niwasontashen tsinahe rohten-
tionhaties, iah othenon te hokon tsinahe, nok
skennen iarawe tsi tiononte ne Horeb konwaiats.
Wahataweiate otstenrokon, nok etho wahatasete,
tiotkon sane ronwaiatisakonhatie.

Ethone wahrere ne R : Ahirihotasiën iawet wehne ahionniën Eli tsi nakiatoten, wahawen-
hase, wahrenron : Satsiakenn otstenrokon. Tio-
tierenton Eli wahahronke kawerowanen iahotatie
akwa iken kawerasatste iah etho tehenterontakwe
ne R. Onen nonwa tsiniiot watiaonwentsisonkwe
katsienhowanen waoteke, iah oni etho te henteron-
takwe ne R. Onen nonwa wakatsienhentane ne
ok rotonte Eli tsiniiot takaweriiake kennikawe-
raskat wahiahoteke ethononni thenterontakwe ne
R. Tsini iawenhon nethone, watenientenstakonne,
sotsi iah skennen te kenhne raonikonhrakon Eli,
tsi sotsi sakonakwasehne ne ratiriwahtontakwe
kariwiioston, iawet iahte horihontakwe tahoswa-
teten ne R. Ethone ok tsi skennen iotonhon rao-
nikonhrakon, R. wathoswateten ; ethone watie-
sen ahonwawennahronke tsi sakotatis othenon
sakonikonhratas ne tkariwaiëri. Wahatkonsaro-
roke Eli, wathatane tsi iotstenrakaronte, rotonte
nahoten rawennihakwe ne R. wahrenron : Ohni
satierha, ken tsiteron ? Tahenron ne Eli : Wa-
kenikonhraksens, ne karihonni tsi iesatewenteton
Israelronon ronwatirio ne sherihontakwe rotito-
kensehakwe, akonhaa tiskën, nok ionkiatisaks,
ronnehre : asakwario. Tahenron ne R. : etho ia-

onsase tsinonni tisenon, iahtaiesario enkoniatakenha ; saterientarak tsi thatinakere Israelronon 7000 nihati ne iah nonwenton te thonwatontsotani ne Baal, iah nonwenton te honwasennaen. Damas tsi tkanataien iahase, entsiatisake Hasaël ronwaiats enhetsenhase enhonwanontiioste Sirironon, ranontsine ensenhienaweron, ensenhienaweron oni ranontsine ne Jehu, aseken Israelronon enhonwanontiioste. Entsiatisake oni Elisée ronwaiats, ensenhienaweron oni ranontsine raonha sanaktake tenshatane, nonen ensiattaton. Etho nahaiere Eli tsini hoierenne ne R. Hasael nok Jehu ratiiatake. Etho oni warete tsi thenteron Elise raterakarhathoskwe, raialakta wathatane Eli, wahorase raotiatawit warate. Iahta tehiatatienterihne. Onen wahahtenti Eli. Wahosere Elise wahawenhase : Wakaterientare nahoten seniente. Asatontate eh iake tsi ieteron ionkienha, akiron ; onen wakeniiatonti ; ok sa ok tentke, nok tiotkon enkonnonteratieseke. Tehenron ne Eli : Ethoniawen. Sonsarawe Elisé teiotinakares wahario, watharite ne ratarakarhostakwe nok watrakwe noiente wahanatsiotakwe nahowenniioste ne R. nok ethonahe tiotkon wahne ne Eli.

Onen 17 nioserake tsinahe Akab thonwanontiioston Israelronon, Benadad Sirironon ronwanontiiio wahrere: aiakwaterio Israelronon, etho naontawe owista abatikariake tahontenniete tsi tkiteron. Iahte hotstonne ne Akab tsini hoierenne Eli ne ioriwanehrakwatanions. Wahrere kati ne R. ahiienawase tsi enhaterio, etho naontawe aon-sahatatrewate, wahonnhanne saiatat ne rotokense eh iahare tsi thenteron Akab nok ahawenhase: Kenni hawennoten ne R.: tosa ietsitsanik Sirironon aseken rotitiohkowanen, ensewatokense tsi iah othenon te wakenoronse. Ne ok ieken ensentiohkwenhawe ne sakotinnhas ne sassennowanata okon. Etho nahaiere Akab, nok tokenske waha-tesenni; wathonateronhienten Sirironon, wahonteko. Tenhnon ne ratisennowanens ne Sirironon wahonwenhase ronwanontiiio: Tosa sanikonhraksen tsi waesasenni, wasaterio ne ronwatisen-naiens onontoharakeson wesewaterio, kahentake nonwa ensewaterio nok ensatesenni.

Wahatontate ne ronwanontiiio Sirironon. Tsi ionsakahewe tsioserat, sekon sahonterio; akwa rotitiohkowanenne ne Sirironon, nok iah eso te ken Israelronon. Saiatat rotokense wahawenhase Akab: Tosa sahteron ne aoriwake tsi rotitioh-

kwatsanit, ioianere akwekon aiakotokense tsi iah othenon te honoronse ne R. kaneka ensakoriwawase, sate watiesen ahontesenni kahentake tsiniiot onontoharake. Onen kati iahonterio. Israelronon wahontesenni, 100,000 Sirironon wahonwatirio. Ne ronwanontiio Sirironon wahoriontonse Akab skennen aonsahiaton. Wahaton-tate Abab nok Samarika sarete. Ethone wehne iotonhon tsi raserohen, sakokenrenseronnis sate iakonkwe tsiniiot rokenhronniskwe ne R.

Wahanonsaseronnianion Akab raononsa okon; wahrere : akkwiroten onenhare. Saiatat ne ronkwe Naboth ronwaiatskwe Israelronon, raonwentsiaientakwe, Akab tehnonwentsianeken. Wahaskennhen Akab Naboth raonwentsia. Wahatennhanne iahonwanonke, wahawenhase : tetiataton sonwentsia, tokat oni akonhninon. Tahenron ne Naboth : Keni okon kenhra raononwentsia kenhra ; iah kati taonton akatenhninon, aseken Niio raoianerensera ionkwahtiawenratis etho nakiere. Akwa kati wahonakwen ne Akab ; waharate, tenhnon iahte iotonhon tahatskahon. Ne rone Jesabel tsi ioriwahronken nahoten iorihon-nihon tsi ronikonhraksens, wahawenhase, wakenron : Ionehrakwat, senontiio tenhnon iahtas-

kweni tasennonton tsi nensiere ; satketsko, nok tasatskahon, tohkara nonta en sewenniione Naboth raonwentsia. Wakoiatonse Jesabel ne ratisenno-
wanens Jesraelke ratiteron, wakawenhase : Ietsi-
atisaksek nonkwe sonha enhonwennowenten Na-
both, enhoniron : Rosennaiesaton ne R. nok ro-
sentenni ronontiio, ne iorihonnihon tsi ronwen-
nowentennihne, wahonwanenhioiake Naboth,
nok herhar sonha wakoutinekihra raonekwensa.
Ethone Akabke waete ne Jesabel, wahawenhase :
Tosa onen senikonhraksensek. Onen rawenheion
ne Naboth kenha. Etho warete ne Akab, wah-
rere : onen akatatewenniiost ne raonwentsia ken-
ha ne Naboth kenha. Ohahakeson ire ne Akab.
Wahonnhanne ne R. ne Eli, wahawenhase : Ats-
rori ne Akab tsini karihoten enkonnikonhrata.
Kawenniiio wahoken ne Akab ne Eli, wahawen-
hase, wahrenron : Onen satatewenniioston Naboth
kenha raonwentsia kenha ; satontek nonwa na-
hoten wahienhase ne R. raton : Eniesario tsinon-
we nihonwario Naboth kenha ; herhar enkontih-
nekihra ne sanekwensa kenha, aseken kariwak-
senke satatiation. Tsini iawenhon, wakewa-
tsirahtonten Jeroboam kenha nok Baasa kenha
raotiwatsira ; etho nensaiatawen, aseken sheri-

wanerahaktenni nakitiohkwa, nok ne teseniteron Jesabel herhar enkonwaiatakari ne kanatakon eniaiheie, herhar enkonneke kaieronke kenha, nok kahentake eniaiheie, tsitenha enkonneke.

Tahatonneke Akab tsi wahowennahronke Eli, wahaatsionko raotiatawit nok wahawentontiete, ethone sahatatrewate. Nok tohkara nonta tokenske sahatatrewate. Wahatsennonni ne R., wahawenhase ne Eli : Rotatkenhronnihon ne Akab, ne enkarihonni iah oksa etho taiawen tsinikon hetsrori. Tenhon iahte ionnisehon wahonttoke tsi iahte tsiottenion tsi haweriasaksen ne Akab, sekon sahasennaen ne kaiatounik. Tehiatatkenne Akab ne Josafat Juda raotiohkwa ronwanontiio ; thoriwaierikwe Josafat. Akab wahonikonhrehawite ahonterio ne Benadad Sirironon ronwanontiio. Akab wahawenhase ne Josafat : Satseronni tsini ieierha nakonontiio nok satita sasere-takon. Ikehre nonwa : ensenenrenhawe eniesakowanenhake ; iah nii takatseronni, sotar tenwakenenontakon. Wahatatontate ne Josafat, iahte hoterientarakwe sakonnhaonne ne Sirironon ronwanontiio ne raosotar ahonwario, tokat oni ahonwaiena Akab, ne ok resakskwe. Rerhakwe kati Akab : iah nii taionkerio, Josafat tenhnon enhon-

wario. Iah sane te hotston tsi ethoni hoieren ; wahonttoke ne Sirironon tsi tehonwaiataneraks nok akte sahonwaiatisake Akab. Kaienkwire wahonwaiante ethone tsi rentsckwarakwe raoseretakon nok wahrenheie, onen 21 nioserake tsinahe thonwanontiioston. Wahatinohare ne raosereta akta tsinonwe thonwariorhne Naboth kenha nok wahonttoke hêrhar wakontihnekihra raonekwen-sa kenha Akab tsini hotrorihne Eli. Iah tokenske teshotatrewatonne Akab : iahta teiohrihonne raweriasa tsiniiot teiohrihon Tafit kenha raweriasa. Ne rostonton tsi R. rohrewaton.

CHAPITRE XLIX.

Josaphat 4e roi de Juda, sa piété et son zèle pour l'instruction de son peuple.—Dieu bénit et fait prospérer Josaphat.—Josaphat fait la faute de s'allier à Achab.—Achab consulte les faux prophètes, Josaphat fait venir le prophète Elie.—Prophéties véridiques mais tristes de Michée.—Achab fait punir le prophète Michée.—Josaphat en guerre échappe à la mort.—Reproches du prophète Jéhu à Josaphat sur son alliance avec Achab.—Victoire miraculeuse de Josaphat sur les Moabites.—Butin fait par les troupes de Josaphat.—Il s'allie avec Ochosias.

Sahrenheie Akab Israelronon raotiohkwa ronwanontiio, onen 17 nioserake tsinahe ne Josa-

fat ronwaiats sakoteriwatsteristakwe Juda raotiohkwa R. roriwawasehakwe rowiskwe oni taha-teraswiio othenon nahaiere, aseken roianenhawiskwe Tafit kenha, rasatstekwe rotataskennhenne akwekon ahariwaierite Niio raoianerensera. Ioterontonnihne akwa karakwawerhotseriiohne tsinonni konwatisennaienskwe kaiatonnik, etho iontasetakwe ahontsteriste kariwaksenskwe okon; wahatennhanne Josafat aierisi, wahariwahtonten kariwaksen, wasakorihonten otiake ratisennowanens ratikwekon R. ronwawennenhawe ratiatonserenhawe kaiatonseratokenti tahontstekafwa tsi kanataienton aiontaterihonnien ne ratinakerenion tsi nahatiiere nahonwasennaien ne R. Raonha oni Josafat, ka ok nonwe niahare sakorihorentennihakwe ne tkariwaieri, rotataskennhenne oni naiontsennonni raotiohkwa tsi tkanatowanens, watesakotenniete ne tehatiiatoretha sakawenniskwe: Sewanikonhrarak tsiniiot tenietsiiatorete nonkwe, iah kaneka ne ronkwe raosennakon te ken teietsiiatoretha, R. raosennakon, raonha hetsisewarihonten, rariwaswens ne kariwaneren, iahta tehaiestasions. Kaneka enhaiena nahoten ronwawis tahonwanikonhrakenni enhohrewate ne R. Ronatateweiennentahonne oni a-

honterio raotiohkwa sotar ratisatstekwe, rotitiohkowanenne 1 million, eso ni kanatake ionatah-nironne, ronwatsaniskwe ne tehononwentsiane-khaons, ronwakonnienstakwe oni, aseken thori-waieri. Ne Filistins tenhnon Arabes ronwatiats ratikariakskwe tsioseratson, eso oni ne Israel raotiohkwa wahonennakerate onwe Sitaherononke. lawet shoieritihakwe ne R. nene ronontiiotseriio, wahaon ahasennowanenhake ahontsennonni oni ne raotiohkwa. Tsioriwat tenhnon ostonha tona-hateriwate tsi wahonatarenawira Israel raowatsira ronwanontiio, tiotkon iontkaronniatha aiakoten-rosentake iakonkwetaksens. Ethone wehne ion-tonhon tsini honkwetaksen Akab nok tsini thori-waieri Josafat. Sahoriwanontonse Akab ne Josa-fat ahoiatakennha, ahiatenrowe, ok sa ok Josa-fat wahatontate ahatste raowista ne raosotar oni ahonwariwawase, tenhnon wahawenhase ne Akab : Arekho ok te ionkeninenrison, hetsiteni-nikonhrisak ne R. Tahenron ne Akab : Tkariwai-eri, ok sa ok etho neniawenne. Wasakotiohkwa-roroke ne rotitokense kaiatonnik ratisennaiensk-we 400 tsi nihati, wasakawenhase Akab rotito-kense : Enwaton-ken naiakwateriosera ne Siri-ronon ? Tahoniron rotitokense : Enwaton, enie-

tsisenni. Wahawenhase Akab ne Josafat: Wesa-
tokense tsini hotinikonhroten akwekon. Tahen-
ron ne Josaphat: Senha aonkeriwanonwehon
noia natahotinikonhrotenhake: iah ken onka te
iiens rotitokense ne ronwasennaiens ne R.? Ta-
henron ne Akab: Saiatat ok ire, riswens tenh-
non, aseken tiotkon iontkaronniatha ok eken ro-
trori; tokat asenonwene iahtatsiteniwennarane.
Tahenron Josafat: Iah etho te wakenikonhroten
kenoronkwa nii naontaieriwaierite naiontrori.
Ethone wahatennhanne ne Akab; wahonwanon-
ksa ne rotokense Miché ronwaiatskwe. Ne iaha-
tennhanne wasakawenhase: Setsenhase ne Niio
tosa oia ni haierh tsini hatiiherha ne rotitokense.
Tahenron ne Miche: Iah taonton oia nakiere tsi
ok nihaierha ne R. Kawenniio warawe ne Miche
wahoriwanonton ne Akab: Aonton ken aiakwa-
reke Sirirononke? Tahenron ne Miche: Ok taha-
tentoriate, sewareko ensewatsennonni enhonteko
ne Sirironon. Tahenron ne Akab: Oh ni sierha
tsi sahtare? Tahenron ne Miche: Naserheke:
ontakeriwaierite nakonhrori, satontek: Wakhe-
ken rotiskenrakehte Israelronon. onontoharake-
son tatehonarenihon tsiniiot teiotinakarontonha,
nok rawen ne R. Iahte shotikowanatseraien, etho

ieshonne tsi thatinakere. Tahenron ne Akab : Oriwiiio tsi waken : Ne ok ne iontkaronniatha ratroris. Sekon sahenron ne Miche : Satontek tsini haierha ne R : riatkathon ne R. tsi thonitskwaratseranoron nok tehonitiohkonte ne raotiohkwa nok rawen : Onka ontaierihonni ahaterio Akab ne Sirironon, aiawen ahrenheie ? Oia nate onton. Ethone wakonwaken notkonseraksen wakenron : Ii enhinikonhrata ahaterio. Tahenron ne R : Oh nasiere ? Takenron notkonseraksen : Enkenikonhrata enhotinowentanion rotitokense ne kaiatonnik ratisennaiens nok ensakotontatse. Tahenron ne R. : Etho natsier. Wahrenron ne Miché : Tokenske kati etho naawen. Iesenni rotitokense ne kaiatonnik ratisennaiens ensatesenni, nok raton ne R : ensiheie. Akwa rotinikonhraksens rotitokense tsi nahaiere ne Miché. Saiatat wahokonreke, wahawenhase : Isehre ken : sonha hiariwaienni ne R. ? Ok eken tahenron ne Miche : Katke ki ok ensatokense tsini kariwaksen tsini sierha. Iahte honneron Josafat nok Akab : teiakateriwakenni. Wahrenron ne Akab : ronwaiena ne Miche, ronwannhoton nok onataraskon ronwanentonsek, tsi nenkatesenni enhihrewa-

te. Iahte iotonhon etho nahaiera, aseken wahrenheie. Iah akwa tatehoriwasniehon Josafat tsi nahoten rotrorihne ne Miché, senha ok wahiatenrowe ne Akab wahareko, wahonteriosera ne Sirironon. Tenhnon sahattoke Josafat, tsi Sirironon ronwanontiio Benadad sakonnhaonne raotiohkwa sotar ahonkwisron ahonwario tokat ahonwaiena Akab, tenhnon sotar tehonenontakonne Akab tosa ahonwaienterene, ethone kati Josafat wathonwanenrannhake, akwa wahaterio Josafat, onen kati toha isi ronwasennionhatie, wahariwaienterene tsi shoteriwatewatón, wáhonitentase ne R. ahoiatakennha, wathohenrete kati. Ethone wahotitokense ne Sirironon tsi tehonwaiatanehraks nok akte sahonwaiatisake Akab nok onen tsi teioteriwarenihon tsi rouwario Akab kenha, oktahonreni ne rontorioskwe nok Josafat Jerusalemke ionsahare. Ethone wathoteratana Josafat ne rotokense Jehu Anani roienha, wahrenron : Ka nontasete ? Satenrohon ne ionkiswens. Tkariwaiერი ahiahrewate ne R. iah sane te hiatewenteton aseken satonnrakwatón, iahte shonikonhrehon tsini saieren tsi seron : katataskennha akeriwahtont ne iesennaiens kaiatónnik, sasehiarann tsini hientenron, tsinahe ronnhekwe ne Josafat ronateweientontie-

ne Juda raowatsira. Senha wahatataaskennha ne ratiohkwa ahonwasennaïen ne R. Iakahewe tenbnon Moabronon wahontenrowe akte nithatina-kerenion ahatinatakarihatton tsi thatiteron Josafat raotiohkwa. Akwa rotitiohkowanen senha tsiniiot Josafat raotiohkwa. Josafat nok raotiohkwa wahonwaniahese ne R. wahonterennaïen, wahontontiete, wahontkennisa ononsatokentike ahonterennaïen. Saiatat ne ratsihenstatsi wahrenon : Oriwiiio ensewatkatho R. ensakohrewate Moabronon nok Ammonronon ok tsionkinenrentenni. Titkanenrahere ononsatokentike, akwekon ne ronatontenion, wahontiskwentaren nahonwawenniioste ne R. onen nonwa wathatitane nok wathatiriwakwe nahonwasennaïen. Saorhene wahanenraseronni Josafat ratihente ratitsihens-tatsi tehotiriwakwenhaties karennatokenti tehonwanonweratontha ne R. ionehrakwat tsini iawenhon. R. wasakoiatakennha ; tsiniiot ok sewatieren wathonateronhienten ne Moabronon wathontatawenthoseron. Josafat raotiohkwa wahatiantarane nok wahontkathonnion kahetake ieia-tahere nonkwe kenha. Onen nonwa tontahatiantatsnente, nok wahatiiena raonawenk kenha ne ronenneion. 3 nonwata iahte honatorisen nia-

tekon ahatiroroke. Etho takaientakwe ne akte nonwe thatinakerenion wathonateronhienten, wahotitokense tsi iah othenon te honoronse ne R. ronwasennaiens ne Sitaheronon.

Sahrenheie Akab ne roienha Okosias ronwaiats wahonwanontiioste Israel raowatsire. Iah kariwes te ken tsi roterihontakwe, iah oni te hotsennon-nihon aseken ethoni hoieren tsini hotiierenne noia rotinontiiison kaiatonnik rasennaienskwe. Wahiatenrowe Okosias ne Josafat wathiatieste wahiatennhanne kahonweia kowa. Saiatat roto-kense wahohroriana Josafat, wahrenron : Sekon tetsiatenrohon Okosias ne roswens ne R. saterientarak kati akwekon tiahonwarihon ne senihonweia kenha. Nok tokenske ethoniawenhon. Wah-rere Okosias : sekon iatonsaiakwatiest. Iahte hontaton ne Josafat.

CHAPITRE L.

Feu du ciel sur ceux qui veulent prendre Elie qui se laisse emmener et prédit encore à Ochosias qu'il mourra.— Elie fuit dans diverses places et veut en vain qu'Elisée le quitte.—Elie et Elisée passent le Jourdain à pieds secs.—Demande d'Elisée à Elie.—Elie enlevé dans un char de feu.—Elie et Jean Baptiste Précurseurs du Messie.—Elisée, ses premiers miracles : il passe le

Jourdain à pieds secs.—Elisée rend potable l'eau de Jéricho.—Enfants de Béthel dévorés par les ours.—Josaphat allié aux rois d'Israël et d'Idumée consulte Elisée.—Elisée par la vertu de Dieu remplit d'eau des fosses creuses, sans pluie.—Le roi de Moab sacrifie son fils aux idoles.—Mort de Josaphat.—Le roi de Juda et celui d'Israël ont tous deux le nom de Joram.—Joram époux d'Athalie fait tuer ses frères, il est puni par des revers.—Maladie et mort de Joram, il est privé de la sépulture royale.

Iakahewe tsi ononsakaronte ratakwe ne Okosias; tenhnon ok sewatieren tsi hononsakaronte tahaiatenne; akwa wahokarewate. Iahte ioken-tonne raiatake tsi rokarewatton. Wahatennhanne iakonwariwanontonse kaiattonnik tsi nenhoiatawen. Ethone raronhiakehronon wahowennarane ne Eli, wahrenron : ensheienhase Okosias raotiohkwa : Kennihawennoten ne R. : Enhrenheie Okosias. Etho nahaie ne Eli. Wahotinehrako Okosias raotiohkwa. Ionsahonwahreri Ronontio, wahonwenhase : Watiakwaterane ronkwe wasonkwenhase : Sasewaket nok entsisewahreri hetsisewanontio : Kennihawennoten R. : Iah katiken te hanakere Niio tsi thatiteron Israel raotiohkwa? Ohniiotieren Akkaronke wesewenon, sewariwaienni kaiattonnik Beelsebut konwaiats ? saterien-

tarak iahtaonsasaton. Tahenron ronontiio : Ohni hakonsoten ne wahiahrori? ohni honenoten? Wahoniron : Rotenonwerhon, nok ohna rotia-tannhaston. Tahenron ne Okosias : Onen wahiienterene, nene Elie ronwaiats. Ok sa ok Okosias wahatennhanne 5 nihononkwetashen nok saiatat rasennowanen nahonwennonksa ne Eli. Kawen-niio iahotkatho ne rasennowanen ne Eli onontoharake renterontakwe, wahawenhase ok tahotentoriate, wahrenron : Karokase, satokense : irehre ronontiio ontasatsnent. Tontahenron Eli. Tokat R. raktokense, karonhiake ontakatsirenne, akwekon aesewaiatateke. Etho kati naawen. Sekon onsahatennhanne ronontiio 5 nihatihataashen nahonwennonksa ne Eli. Etho nonsaiawen, akwekon wahotiatateke. Sekon are onsahatennhanne 3ton 5 nihatiiatashen sahonwennonksa ne Eli. Nonen iarawe ne rasennowanen raiatakta ne Eli, wathatontsoten nok wahawenhase : Iahte iakwehre : entiakwariwareke : takwentenr tenhnon, skwaiatanonstat, tosa ethonaionkwaiatawen tsini hotiataawenhon ne ronawentahon. Wahonikonhrata ne R. ahatotate ahahtenti, eh iahonwaiatenhawe tsi thenteron ne ronontiio Okosias. Sekon wahohrori tsi oriwiio enhrenheie. Nok tokenske

etho niawenhon. Wahrenheie Okosias onen teio-serake tsinahe thonwanontiioston. Ne roienha Joram raonaktake tonsahatane. Onen 11 niose-rake tsinahe tiotkon ihneskwe Eli nok Elise tiotkon rotahonsate Elise nahoten tahatati ne Eli roseronniennihakwe oni. Kennaheha tsinahe thawenheion Okosias kenha, R. wahotokaten Eli tsi iahtahrenheie tsini iawens iaiheions nonkwe, karonhiake nienhonwaiatenhawe. Rerhakwe Eli : tosa ahotokense Elise tsi etho neniawen. Tahah-tenti Galgalake ne Eli, rononteratie Elise, waha-wenhase ne Eli : Kento tsiterontak, tosa onen taknonteratie. Tontahenron Elise : Iahtakonia-tonti. Nonen Bethelke iahnewe, Eli wahawen-hase Elise : Bethelke tsiterontak, Jerikoke wake. Iahte hotontaton Elise ahoiatonti. Jerikoke iah-newe. Sekon sahoniron otiake rotitokense : onwa ienhoiatenhawe ne R. hetsitewakowanen Eli. Tahenron Elise : Wakaterientare, tosa iokenton-hak tsi sewaterientare. Sekon sahenron Eli : Etho ienke kaniatarakta Jourdain. Tahenron Elise : Iahtakoniati. Iahte hakwahtiawenrati ne R. nakonnonteratie. Iahte hattokhas 5 nihatiiatashen rotitokense ronwatinonteratiene. Onen iahnewe Eli nok Elise kaniatarakta Jourdain. Iahte rerha-

kwe Elise : senha ken isi nonwe iensre. Akwa kati wahoriwanehrako wahoken ne Eli ohnekake raotiatawit wahaientte watewatnekakhasi tsi kaneko nok waohatene. Ethone ne Eli wahawen-hase Elise : Wahonnise onen tsi konrihonnaenni nok tsi sknonteraties. Saterientare ise tensestane tsini hakerihontakwe ne R. onen koniatontiesere, ensennonton tsi nahoten enskeneken, enkoniatonnraseronse. Tahenron ne Elise : Ne ok konne-kennis ahakenikonron ne R. onikonhratokenti akkwenieseke aonktokense tsini iawensere nok nakatiere ioriwanehrakwatanions. Tahenron ne Eli : Kariwanoron ne takenekenni, serhek ki naa enwaton enionkon onen tenionkiatakwane ne nenskkensere tokenske wahakwatontatse ne R. nok niahtenskensere, iah ki nennee tahiatontatse ne R.

Onen tsiniiot ronahtentionhatie nok tehotihtaratie. Oktontaiawentsi takassere otsire nakaseret-toten nok oni iotiiatenton nakosatens, wathotikhasi Eli nok Elise kaseretakon iahentskwarane ne Eli nok ehneken wahoiatenhawite. Onen tsiniiot tehokanere ne Elisé raton : Rakeni, waskwaiatonti, ise sheterons Sitaheronon ? Onen iahte kakonte onhton ne Eli. Wahonikonhraksen

Elise, nok waharatsionko ne rotseronniatonne. Wahatieren ok kaien raotiatawit kenha ne Eli, watrakwe ne Elise. Ohnaken ne rotokense Malachi ronwaiats thotrori tsi onwentsiake tentre ne Eli karo ha tasakoiatorete ne R. nonkwe asakohaharate kariwiiostonke ne Sitaheronon. Raonha Jesus Sonkwawenniio, sahonwariwanontonse oti-ake ne Sitaheronon : Ohniiotiiieren tsi iontons : Ioteriwison niare entewatierente entre ne Eli ? Tokenske wahrenron tahretane Eli oriwakwekon aonsahakwatako tsi kiniiot tsi kaiaton ne raoriwাকে Niio Roienha tsi eso enharonhiaken nok enhonwakenrenseronniheke, wakwahreri kati tsi onen iro ne Eli nok iahte honwaienterehon, etho kati nenhonwaierase ne Niio Roienha. Sonkwarihonniennitha Jesus tsi San Watis Rti iawet teshiatierenne ne Eli tsini hoiatatokenti, nok iawet ne saoriwat hiaterihontakwe San Watis ahohahaseronnien ne Jesus tsi sesakoskontakohe, nok Eli ahohahaseronnien nonen tensakoiatorete nonkwe.

Eli rorharatstennihne Elise rawenhne : ne nenskensere tsi tenionkiatakwane, enwatenientenstakonhake tsi enhientenre ne R., ensatokense tsini iawensere, nok niatekon nensatieranion ne

ioriwanehrakwatenions. Elise wahoken ne Eli tsi-iahte kakonte onhton, etho kati niawenhon tsini horharatstennihne Eli. Watrakwe ne raotiatawit kenha ne Eli, ohnekake tsi kaniatare Jourdain wahakonreke, iah othenon te iawenhon, wahrenron : Oh niiot nonwa Niio ne roriwawasehakwe Eli kenha ? Sekon sahakonreke, ethone watewatnekakhasi nok tonsahaniatariake. Tehatikanerakwe ne rotitokensehakwe sonha, wahatiriwaientereste kati tsi sahonikonhratokenti rotiennihne ne Eli kenha, rotienni oni Elise, tsi sate hoterihonte Elise, etho wathontteratana, wathontiskwentaren nahonwasennaen ne R. ne sakowis rotitokense raonikonhratokenti. Kawenniio warawe Elise tsi tkanataien Jeriko, wahonwahrori ne ratinakere tsi kahnekaksen kahnekonnion. Wasakawenhase Elise : Tasewaksenha, kaksasehak, enkatsiketarake ostonha teioiotsis. Tsi tkahnekinekens etho warete etho nonwe wahoti teioiotsis, wahrenron : Kennihawennoten ne R : Onen wahnekiioste tsi kahnekaksenne, iah onen taonsakannrinestake. Etho kati naawen. Ethone Elise Bethelke warete nonen kanatakta iaharawe, rotitiohkowanen ratiksa okonha wahonwassere, oktahonwaieron, rontonhakwe : Saksten, kanata-

kon iasataweiat, sanonwarenhon, iasataweiat. Watesakotkaneren Elise nok wahrere : asakohrewate ne R. Ok sa ok tekenihase okwari karhakon nontakenitane nok wakotiiatakari 42 nihatihne ratiksa okonha. Ne ietokatha tsini hariwaswens ne R. nase tsi iakonnhe niahte iontatkonnienstha rotiksten okonha.

Josafat Juda raotiohkwa ronwanontiio sekon sahoriwawase Joram Israel raotiohkwa ronwanontiio tsi waharekohe. Iatontieste Idumeronon thonwanontiio nok oni waontnekokten ohnekanos tsi ronne. Wahonikonhraksen ethone Israel raotiohkwa ne aoriwa tsi iahte kahnekaien, wahrenron : Kanekhere irehre ne R : ahoniheie, aseken 3 niakion rotinontiio tsi oseronni itewe. Wahariwanonton Josafat : Iah ken kaneka te iiens rotitokense ne ronwasennaiens ne R. ? Saia-tat takenron : Kento ires ne Elise. Takenron Josafat : Wetewatsennonni, ensonkwatokaten tsi ni honikonhroten ne R. 3 nihati rotinontiio etho wahonnete tsi thenteron Elise. Tsi Elisé wahren Joram Israel raotiohkwa ronwanontiio, wahrenhase : Nahoten seniente ? Sewennisakha ne rotitokense ne kaiatonnik netsewenniiostha, iah nii othenon takiron ; ok eken takenron Jo-

ram : Nahoten karihonni sonkwatewentetha ne R. ? Tokat iahta senikwekonhake ne Josafat iah othenon taonkeriwasniehon nahoten saton, ensatsennonni ne karihonni tsiatenrohon thoriwaiერი ne ronontiio. Tetsiontiak sewasonhionni iahtaiekennore, sekon kati enkanane tsi iosonwe, enkahnekiiohake, akwekon ne sotar enhatihnekihra, sekon oia entsisewatsennonniaten ne R. enietiseni ne Moabronon nok entsionwentsiakari. Saorhene tokenske wakanane tsi iosonwe, iah sane te iokennoronne, wasakotisenni ne Moabronon nok wahatiriwentho tsi ratinakerekwe, kanatakweniioke iahatekwashen ne ronwanontiio Moabronon wathonwatinatannhake. Kawenniiio wahrere onontiio : onen waonkinatakari nene rakowanen roienha otstenrake wahoiatenhawite, wahrere : akhenikonhraseronni ne kaiatonnik, etho kati wahorio ne roienha, akwekon tehatikanere ne tehonwanatannhen. Wahotinehrako, tahontonneke ne Sitaheronon tsini ioriwatsanit tsi nahatiiere nok tsi nahatiriwaswen, oktonsahonteranentasi nok sahonthenti.

Kennaheha wahrenheie Josafat onen 25 niosera-
ke tsinahe thonwanontiioston kaiatonseratokenti
tsi watroriatha ne raoriwake eso tehorensaron-

nions tsini thoriwaierikwe, roriwiiostonne ; teio-
riwake tenhnon ronwariwastanis 1^{ton} tsi iah
akwekon tehuriwahtonton tsi konwatisennaiens-
kwe kaiatonnik tsi ionontenion, 2^{ton} ne aoriwake
tsi wahoniakten ne thakowanen roienha Joram
oseronni tahniterontake Athali konwaiatskwe,
Akab kenha sakoienha ethoni ieserohenne tsini
haserohenne ne ronikenha. Ne ionkwarihonni-
nitha tsi tiotkon iontkaronniatha tiakoriwaieri aia-
kotenrosentake niakoriwanerahakskon. Tetsiaron
Joram ronwatiiatskwe nethone ne Juda raotioh-
kwa nok oni Israel raotiohkwa ronwatinontiio.
Saiatat Joram Josafat kenha roienha Jerusalemke-
renterontakwe nok oia ne Joram Okosias tenh-
non Athali rontatienha tsi tkanataien Samari ron-
wennakeratonne. Roriwisonhonne Josafat kenha
ne thakowanen roienha Joram ronwaiatskwe
tenshatane raonaktake, rerhakwe tsi ethoni hoie-
ren tosa ahonterio satehatinakere nonen enkiheie,
nok noia ne sakoien okonha sakororihne enska-
tson owista tenhnon skanatat ionatahniron oni
enskatson ahonawenhake. Tenhnon sahonwa-
nontiioste ne Joram Athali ronekwe wahatenn-
hanne akwekon ahonwatirio rontateken okonha,
iahte hoianenhawi ne ronikenha Josafat tsini ho-

riwiiostonne ; ok eken etho nahaiere tsini ho-
tiierenne Israel raotiohkwa ronwatinontiio okon
kenha. Iah sane te haweron ne R. ahiwatsirah-
tonte aseken rorharatstennihne Tafit kenha tsi
iah nonwenton taontokten tsi enhonwennakeratse
raowatsire, senha ok tenhnon wahohrewate Jo-
ram, wahonwentsiakwa tsi thatinakere Idumero-
non ne Filistins tenhnon Arabs ronwatiiats, wa-
honwasenni wahonwanonskari, wathonnekwe tsi-
nikon itewat ne kanoron raononskon, wahonta-
tenaskonnien sakoien okonha, inon wahonwatiia-
tenhawe, saiatat ok ne kennihraa Okosias ronwa-
iatskwe iahte honwaiena. Raonha tenhnon Joram
akwa ionehrakwat wahononwakten akwa ionnra-
tsanit, iahte kanonkwatseraien ahonwatsiente ;
teioserake tsini kariwes, akwa ionehrakwat wa-
haronhiaken, akwekon ronwaswenskwe. Tsina-
he thawenheion iahte iakotontaton etho nahon-
waiataten tsiniiot iontatiatataskwe rotinontiio ken-
ha, iahontkennisa ratisennowanens ahatitsien-
haintake tsinahe thawenheion, iawet wathon-
waiatorete, wahatiriwisa tsi iahte horihonte Jo-
ram kenha nahonwaiatata tsiniiot iontiatatas
rotinontiio okon kenha.

CHAPITRE LI.

Elisée loge chez la Sunamite dont l'enfant meurt.—La Sunamite va trouver Elisée, le presse de venir.—Elisée resuscite le fils de la Sunamite.—Elisée multiplie l'huile chez la veuve.—Elisée à Galgala avec 100 prophètes ; l'un deux mêle des herbes vénéneuses au manger.—Pain multiplié avec la fleur de farine.—Elisée fait surnager une hache perdue dans un fleuve.—Naaman le Syrien lépreux va trouver Elisée.—Le roi d'Israël choqué de la demande de Naaman.—Elisée dit à Naaman de se laver 7 fois dans le Jourdain.—Guérison de Naaman.—Giézi puni de son avarice par la lèpre.

Ne roienha Okosias ronwaiatskwe tonsahatane raonaktake, tenhnon ronistenha Athali wahonikonhrehawite ahakenhronni kariwiioston, ahronkwetaksenhake oni tsiniiot hononkwetaksenne raowatsire nok wenheiontaksen wahrenheiate Joram. Tsi tehatstekafaskwe rotokense Elise iotkate rotohetstakwe tsi tkanataien Sunam konwaiatskwe, tiotkon kanonsatoken iahataweiatha tsi ratiens ioriwiioston ne iononsote. Ok are wahawenhase ne rone : Roiatatokenti ne rotokense kento ratiens, ioianere kennikanaktaa atsi-teninaktaseronnien tsinon enhenterontake, ens-

kat ahonitskwaraientake, enskat atekwarak, enskat ne kanakta tsinon enharate nok enskat iehaserotakwa. Ioriwakwenionne rotokense raoterennaientaksera tsi wahotiwiraiantane, akwa ronwanoronkwake ne ronwaienha, tenhnon iakahewe 5 satehaoseriiaakonhonne, wahaiakenne ne raksaa tsi thoiote kahetake ne roniha etho iarawe wahatiatatsa ne tsini iorakwatarihen, wahrenron: Akwa-wake nonwaranonwaks, tonkwisronne tsi rononwaktani nok wahrenheie. Watewakwe ne raieronke kenha ne roienkenha, etho iakaren tsi thonakte ne rotokense, sakannhoton, etho waete tsi itres ne rone nok wahawenhase : Enskat aiakene ne sennhas, tewahontes enkasarine, enhinonksa ne rotokense, iosnore tentke. Ok sa ok onhtenti. 6 niwateniententserake tsinonni itreskwe ne Elise tsi tiononte Karmel. Etho iatewatontsoten tsi irate ne rotokense nok ontstaren, wahonitentase ahentenre. Wahawenhase Elise ne Giesi ronwaiats tiotkon ihneskwe : Tesatennitserak nakwatennits ; satoron, sahtenti ; kawenniio iensewe tsi tiononso-te ne Sunamitronon, etho iensatennitseraren rakonsake ne raksa kenha, tokat ensonkwentenre ne R. Takenron ne Sunamitronon : Iah akte taonsakkete tsi ok nentsitene tsi wakenonsote. Wa-

hatontate ne rotokense. Onen nane tsi iero ne Giesi, etho rotennitserarakwe rakonsake ne raksa kenha, iah sane te shotonnheton. Wahohrori Giesi ne Elise tsi iah othenon te iawenhon, iahataweiate ne Elise, wahatieren ok rentakere raksa kenha ranaktake, tahatennhoton nok wahaterennaien. Tsinahe roterennaien, wahotokaten ne R. tsi nahaiere. Wathatane kanaktake, waharathen tsi rentakere ne raksa kenha nok tonsahatane, kanonskonson ires. Sekon kanaktake saharathen, nok sahatiataren raiatake ne raksa kenha, tonsahatkakwarisi ne raksaa 7 nontathatasawen wathoskarawe. Iahononke Elise ne Giesi nok wahawenhase: Iatsiron karo itewet Sunamitronon; etho waete Elise wahrenhase: Saesatkensera netsienha, onen shotonnheton, tetsiatak nok hetsiatenhafwa.

Ethone skaiatat ioterehons Samarike tkanakerekwe, eso konwakarotanihne, raniakatstekwe ne rakarotanihne, rerhakwe: Akheiena tehni-hase akoien okonha ratinaskwa aonton. Etho waete tsi itres Elise Samarike, watawatontsoten tsi itrate, ontstaren, wahawenhase: Takitenr, rawenheion teiakeniterontakwe, roriwiiostonne, ronwakarotanihne iah tenhnon tekkwenies akka-

riake, akwa raniakatste, rotatewenniioston ne kheienha tehniase ne rotatkariaktenni, rononha teionksniehakwe, oh kati nenwakiatawen? Elise wahrenhase: Iah ken othenon te tsisaien? Takenron ne ioterehons: Ne ok ostonha kenhie kaien akenonskon. Tahenron ne rotokense: Iatekaieri, oksa senniasa katse tsinikon entiesani, ohnaken tsi tisanonsote ensesette, nok ensennhoton, akwekon ensenhienaweron katsetakon tsi ok nenkanane, isi nensien. Etho nakaiere ne ioterehons. Waontatennhoton tsi iononsote akoienha tehatihase, tkonwawis ne katse nok aonha wenhienatas katsetakon, kariwes etho niiot, iahta tewatsahatha ne ioterehons aotse, wahawenhase saiatat ne roienha: Sekon enskat tontaketseton, sekon onsakenann. Tahenron ne roienha: Onen, istaa, akwekon kananon. Ethone onen ontkawe tsi tkaiakenskwe ne kenhie. Tahenron ne rotokense: Tetsenonweraton ne R. tsi naawen, satenhninon ne kenhie, entskariakse ne hiakarotani, nok tsineniotatenre entsionnhekon ne sheien okonha.

Ethone iahakwa teiotonnihne kaienthoseron, akwa wahontonkariake Israelronon, tiotkon etho renterontakwe Elise, Galgalake ranakerekwe

etho tiotkon raterennaientakwakwe nok sakori-honniennihakwe. Etho oni eso ne ratiterontakwe rotitokensehakwe, isinon 100 ne Elise ronwakowanen ; wasakotenre Elise tsi rontonkariakskwe. Enskat ne ronnhas wahawenhase : Tesetsetak nok shekonnien ne rotitokense, Wahennekeriaka ne ronnhas nok wathaieste ohonte senha ne iahte iieks nonkwe. Onen wakari, onen wahonnehre : aiakwak. Kawenniio wahontennhontha, akwekon wahoniron : Satokense, wakwennasenrake tsini iotskarat eniakwenheie aiakwake. Tahenron ne Elise: Iahte kanoron, iah othenon taesewaiatawen, tasewaha kennikonha otetsera, iaatetsero onontoharake, akwa waoianerene. Ok are warawe ne ronkwe, eren tarete, tekanatarashen wahonataron ne rotokense. Kennikonha ki naa, sotsi se rotitiohkowanen ne rotitokense raotiohkwa (100 ni-hatihne). Wahrenron ne ronnhas : Katiken etho ki ok nikon? Tahenron ne rotokense: Etho natsier tsini kierha, aseken kennikarihoten raktokatenni ne R. Oktenhonennonton tsi nenhatihake, nok sekon eniotatenre, wahatontate ne ronnhas: Tokenske kati etho naawen.

Onen iakorennhaon tsini ioriwanehrakwatons tsini haierha ne Elise, othenon aiakoiatawen,

wahonwariwaienhase. Tsinahe Galgalake rente-
rontakwe ne Elise, rontkennisaskwe rotitokense,
wahonwenhase : Saterientare, ionkwanonsastose,
iakwehre aiakwanonsannhonteron. Wahatontate
Elise, wahonhtenti kati akwekon, wahatihawe
nenhontste. Wahotiioten saiatat wahrere : ake-
rontiiak karontowanen kaniatarakta tkerhitakwe,
wakarontienenne, tontoarakwatte ne raotoken
nok kaniatarake iaonseronne. Akwa kati waho-
nikonhraksen ne raotoken kenh aoriwake, iah
se raonha tehawenniiokwe atoken, nok iahte
hoientakwe naonsahahninonte, akwa wahatstaren,
raton : Rakeni Elise onkaaseroise ionkenihennen.
Wahenron Elise : Ka nonwe ni iahoon ? Waho-
natonhase tsinonwe nioserohon. Wahenron Elise :
Skennen sennontonnionhek, hetseriwaienhas ne
R. Ethone ne rotokense waonnekerenhetsiake,
nok kaniatarake wahoti, nakon niahahe noneke-
renhetsa, eiho tontaseroroke natoken, ne tenhnon
sontakerakwe waseraniiontatie. Tahenron ne ro-
tokense : tonsasek satoken, iah othenon teion-
tkaronnis ne Rawenniioke iontennikonhrontietta.

Ethone tsi kahawiskwe saiatat Naaman ron-
waiatskwe ne ronwakowanen raotiohkwa sotar
ne ronwanontiio Sirironon rasennowanen sakoia-

tanonstatonne Sirironon, rokwatsehne, wahunon-
waken ionnratsanit, rotstawis onwe. Otiake rati-
nenskwas Sirironon watkonwaiatakwe skaiatat
kaiataseha Israelronon nakaiatoten, Naaman rone
ionnhaskwe. Wakenron ne kaiataseha; Aiawens
ne rakennhas iahare tsi thenteron saiatat ne ro-
tokense tsi thatinakere Samarironon, oriwiio
aonsahotsienton tsi rotstawis onwe. Naaman
onontioke warete, wahohrori nahoten tiotati ne
kaiataseha. Wahrenron ne ronontio; Etho iahase,
enhiatonse Israelronon ronwanontio. Wahah-
tenti Naaman, tahahawi owista, niatekon kano-
ronson nok iontseronniatha, roiatonserenhawi
oni ne thoiaton Sirironon ronwanontio, waho-
natonhase Israelronon ronwanontio. Kennikari-
hoten tsi kahiatonkwe: Kawenniio ensaiatonsero-
tase, saterientarak tehitenieton tsi tsiteron Naa-
man ne rinnhas, rotstawis onwe aiawen aonsa-
tsiente. Nonen wahatkatho Joram nahoten kaia-
ton, waharatsionko rotiatawiton nok wahrenron:
Katiken Niio niakiatoten oktakennonton akheion-
phiake nonkwe nok aonsakheionnhete? Kane-
khere nene thoiaton tehotonwentsioni ahakena-
konni. Sahotokense Elise tsi ethoni hoierenne
ronwanontio Israelronon, wahawenhase wahren-

ron : Ohniiotiieren wesaratsionko ne satiatawiton ? Aontare Naaman tsi tkiteron nok ahoterientarake isi saiatat rotokense nihaياتoten thenteron tsi thatinakere Israelronon. Warawe kati Naaman ronaskwaien akosatens, roseretaien oni kannhowakta wathatane tsi thenteron Elise. Wathoteniete Elise saiatat ahohrori : Satiatohare 7 naten-tesatasawen kaniatarake Jourdain nok ensewatia-tokewe tsi sonnhe nok ensesaton. Wahonakwen Naaman, wahrere : eren enskete, wahrenron : Wakerharekwe ne rotokense enhaiakenne, enhakwaterennaienhase, enhonitentase ne R. ne rowenniiostha, ken nahaiere tsinonni wakatstawis onwe nok enhaketsiente. Iah ken senha kahnekiiio tsi kaniatarenion tsinon tewakenon tsiniiot ne kaniatare Jourdain ? Ethone kati wathatitane raonkweta, wahonwenhase, wahoniron : Tokat kariwanoron ahiannhaon ne rotokense aiohtonhon etho naesaieren, to onte senha tkariwaieri asatontate tsi rawen : Satiatohare nok ensesaton. Eh kati iaare Naaman tsi kaniatare Jourdain, 7 natontasawen wahatiatohare, nok akwa sahaton ; etho naawen tsi ronnhe tsiniiot ne raksaa kennihraa. Ionsahare tsi thenteron ne R. ronnhas, ronwanonteraties raonkweta okon, eh wathatane,

wahenron : Onen nonwa onktokense ne ok raon-
hatsiwa R. nene Sitaheronon ronwasennaiens,
nonwentsiakwekon ronwawenniio. Rerhakwe
Naaman : Ahiion ne Elise owista nok kanoronson
tahinonweratontake tsini hakitenron. Iahte ho-
tontaton Elise ahaiena. Ethone Naaman wahori-
wanontonse Elise, wahenron : ken kaien nonwa
tewakenikonhrarha. Tsini wakaterihonte nonen
ronontiio wasennaientana tsi tiononsote ne kaia-
tonnik, waakene, kenentsake ratatiatierha enha-
tiskwentaren etho oni nenkiere, eniairon kati
ksennaiens oni nii, hetsennit kati ne R. aia-
wen tosa ahariwarako, enkatonheke sane R. ok
risennaiens. Tahenron Elise : Skennen sennon-
tonnionhek, nok tosa sanikonrhen tsini hiatsen-
nonniatenni ne R. Ethone sahahtenti Naaman.
Tsinahe rohtention Giesi ne Elise ronnhas waho-
sere Naaman, irehre othenon enhakon, nok Naa-
man wahaon owista nok teatiatawitserake. Son-
sarawe Giesi tsi thenteron Elise, wahawenhase :
Kanon tasete ? Tahenron Giesi : Iahte wakiaken-
hon. Wahenron Elise : Akwekon wakatkathon
tsina satiere, saterientarak kati ise entsisannra-
ranne tsini hoiatawenskwe Naaman ; etho oni
neniakoiatawen sheien okonha, ne karihonni tsi

wasennowente nok oni tsi saskennhase. Oksa ok wahotstawine Giesi. Ne ietokatha R. sakohrewatha ne iakotatewenniioston akoren akowenk, a-rens oni enionhriskon iontatere okonha.

CHAPITRE LII.

Révélation faite à Elisée.—Le roi de Syrie veut le faire prendre.—Cavaliers célestes pour défendre Elisée qui est rendu invisible.—Le roi de Syrie attaque Samarie qui souffre de la famine.—2 femmes de Samarie mangent leurs enfants.—Joram va trouver Elisée qui lui annonce la fin de la famine.—4 lépreux vont dans le camp des Syriens.—Les Syriens décampent saisis d'une terreur subite —Joram croit que les Syriens lui tendent des pièges.—Pillage du camp des Syriens.—Abondance de blé à Samarie.—Elisée annonce à Hazaël ce qu'il fera de mal.—Bénadad tué par Hazaël.—Elisée envoie un prophète chez Jéhu.—Jéhu sacré roi d'Israël.—Intronisation de Jéhu.—Il va exterminer la race d'Achab.—Jéhu tue Joram roi d'Israël et Okosias roi de Juda.—Jézabel mangée par les chiens.—Jéhu extermine la race d'Achab.—Les faux prophètes.

Etho ne tsi kahawiskwe iah skennen te kenhne Sirironon ronwanontiio nok Joram Israel raotiohkwa ronwanontiio hiaterioskwe. Sahotokense Sirironon ronwanontiio tsi rowihne ne R. roto-

kense Elise ahaienterihake niatekon ioteriwaseton nok tsi rohroriskwe Elise ne ronontiio Joram tsinikon rontroriatakwe ne raonkweta ratisennowanens tsi ratitsienhaientakwe, wahariwisa ahoiena Elise. Wasakonnhanne kati kentiohkwawanen rotiskenrakehte nahonwaiatisakha, tsi tkanataien Dothaïm wahonwaiatatsenri iathatintannhake. Orhonketsi wahatketsko ne Elise ronnhas, wasakoken rotiskenrakehte Sirironon; ok sa ok sahataweiate, wahawenhase ne Elise: Rakeni, oh nenionkeniatawen? kanatakta ratiteron ne Sirironon, wetewatkaronni. Akwekon roterientarakwe ne Elise nok rotokatenni ne R. tsinenhaiere, wahrenron: Tosa othenon setsanik, ronnehre: aiakiïena, senha eso nii ionkionkwetaien rotiskenrakehte, iahte sakokenskwe ne ronnhas ne Elise, senha sahohteronne. Ethone Elise wahaterennaïen, wahrenron: Atokaten ne rinnhas. Ok sa ok ne ronnhas wahotkatho ne Elise onontoharake nok tehonitiohkonte rotitiohkwa-tsaniit rotiskenrakehte rotisenontie, akwa iawet tehonateronronte.

Ethone wahne ne ronnhas Samarike, wahonwatiïena ne Sirironon tsi thenteron ne ronwakowanen, etho wahonwatiiatenhawite. Tsinahe ron-

watiiatenbawi roterennaientatie Elise aiawen iahta honwatiienteresere. Tokenske etho naawen. Wahonwariwanontonse, wahoniron : Ohniiot ne Elise? Tahenron : Watesewaterientawenrie, iah etho te henteron Dothaïmke. Takwanonteratie nok entsisewaken. Wahonwatontatse nok Samarike sahonnewe. Nonen iañontaweiate, wahennhotonnion tsi tkanataien, wasakonnhanne iahonwahrori onontiio asakotiohkwaroroke rotiskenrakehte, iahte hotihteronskwe ne Sirironon tsiniiot niahte shonttokha. Wahontieren tsi ok satekanonsiien ne iahatiteron. Wahrenron ne Joram Elise wahawenhase : Onen onte akatennhanne ahonwanawenthon ne ken ratiteron? Tahenron ne Elise : Iahtaserio, ise katiken sheiena nasewennioke? Shenont tenhnon nok skennen tenshontenti. Etho naawen. Nonen ionsahonnewe, wahonwahrori ne ronwanontiio tsini hotiatawen.

Rerhakwe ne Joram : onen iahte shakswens ne Sirironon ronwanontiio ; iah tenhnon te rerhakwe : onsañinikonhriiost ne R. ; ne karihonni tiotkon rohrewatakwe ne R. Onen 5 nioserake tsinahe tiotkon rontonkariaks ; akwa kanoronkwe iieks, ne senha ronakwenhon Sirironon ronwanontiio tsini hojatawenhon, wahariwisa,

wahrere : akaterio. Ok sa ok etho tahananrinette Samarike, akwa wasakononkariakte kanatakon. Akwekon wahonneke tsini hotinaskwaientakwe nok oni ne konnitaienskwe akotsenen sonha. Tsi watenhenrote ireskwe ne Joram, skaiatat ne tsiothonwisen rasiakta watewatontsoten, wahawenhase : Takitenr tosa akiheie. Tahenron ne Joram : Akkweni kati ken ? Iah othenon te skaïen, oh kati ni sanikonhroten ? Takenron : Satontek tsini kierha : ken ikate teiakenihase, wakenni : iakwenheions tsi iakwatonkariaks, nok oni ne iakistarontha onen toha eniaiheie, aiontatitenre naiontaterio, hetsitenirio nonwa nise hetsienha ; nonen entiatekwisa, ii rienha entetsitenirio. Wakatontaton, ririo ne rienkenha nok ionkiatekwison, ikehre kati nonwa aonha aonsahorio ne roienha, roiataseton, tenhnon iahte iawet ahonwaiatatsenri. Tsinahoteronhienten ronontiio, iahte iotonhon nontahotatike, waharatsionko ne raotiatawit, wahrenron : Elise raoriwa tsini ionkwaiaawens, ronwaniariak kati. Wahotokaten ne R. Elisée tsini honikonhroten ne ronontiio, wahrenron : Thotennhaon ronontiio taien ionkeniariakhe, sewannhoton tosa tiontaweiat, niare enrawe oni ronontiio. Sekon rohtare Elise, onen ok warawe

•

ne ronwannhaon, kennaheha onontiio oni warawe, shotatrewatonhatie tsini honikonhroten. Wahannhotonko Elise tahataweiate ne ronontiio. Wahawenhase ne rotokense : Isehre ken etho onte tsini sonkwahrewaton ne R. iieks ne iakoteweton ontatienha, sekon ken enseskretsiaron enskwennike R^{ke} satennikonhrontiittak ? Wasakawenhase Elise netho ratiteron : Sewatontek : Ken-nihawennoten ne R. : Eniorhene tsinitkare nonwa iahten skanoronke otessera. • Tahenron saiatat ne rasennowanen : Nok oni aiakennore otetsera iah taonton etho naiawen tsini haierha ne rotokense. Tahenron Elise : Ensatokense, ensatkatho sane, iah tenhnon tasatsennonniate. Ne wenniserate waokarawe 4 niakon teiakokonhentons iakotstawis onwe atste ieterontakwe tsi kannhokaronte tsi kanataien, iah onka othenon te iontatawiskwe. Watontatenhase rononha ok : Ohni tewatierha ne kento ? nonsetewataweiate kanatakon, ok naheha entewenheie, ne kento ok aetewenterontake, entewenheie oni nane. Etho kati ietewe tsi tkannenraien ne Sirironon, nene iahten ionkitenrane, ok sa ok nennée ionkirio, tokat oni enionkitenre. Ethone onen wahonhtenti. Kanenrakta wathatitane, iah onka te sakotiken, isinon iahonenon-

hatie, iahontaweiate tsi rononsotakwe ne rasen-
nowanen, iah onka te tsieteron, eso kaientakwe
owista atakwenia okon nok atennatsera, ne tahon-
tierente wathontskahon, ohnaken wathonnekwe
nowista nok atakwenia nok wahonssete isinon
nionsahonne, sekon are sahontaweiate tsi kanon-
sotakwe, iah onka te tsieteron, oktihatiweniio
tsina thonnekwe aiohtonhon akwekon niahona-
taweiaton iah se onka tetsieterontakwe.

Ohniawenhonne? Rotihteronhonne ne Siriro-
non, ronnehronne: Waonkinenhrente ken ne ken-
hen, ne karihonni, ronatekwenne sahatiwennat
iaonton: Tewateko okti ionkwati onkwawenk
kenha, sotsi rotitiohkowanen Israel ronon, akwe-
kon wetewenheie. Etho kati nihonatekwenne etho
niiohtonne nonen tsi iahontaweiate ne tehotiko-
konhentons tsi iakononsontonkwe ne Sirironon.
Nonen eso tsatehotikwen saiatat takenron: Iahte
ioianere tsini tewaierna ii ok tewatatewennonton-
nion, enionkwariwannhike ne iahta tenietiroriane
ne tewatatekenha: Onontioke oksa ok ietewe
entsitewahrori. Wahonwatinnhese kannhowakta
tsi tkanataien, wahonwennenhase: Nahoten se-
waniente? Wahoniron: Etho taiakwete tsi tkanen-
raientakwe Sirironon raotinenra, iah tsionkwe-

tat tetsiiens, ne ok ionkwathathon tsi rotinonsotakwe nok oni ne katsenen. Wahonwahreri ne ronontiiio nahoten ronatkathon ; wahrere tiotierenton ne ronontiiio : ronaterientare Sirironon tsi tewatonkariaks. Tehonateriatikhonhon tsi iahte ionkwawennaton ronnehre onte tsi ronatekwen taia-kinikonhrakenni, ronnehre : ientewe, iaetewakoha ne raonawenk, ethone nenionkiiena nok eniontatewenniioste tsi ionkwanataien. Tahenron saiatat ne rasennowanen : Iah ken taonton naiontkensera ? Sekon 5 nionkwanaskwaien akosatens, 5 nihati ahontkensera. Wahrere ronontiiio : Tehnihase ok ahiatkensera. Wahiahtenti kati. Nonen sahnewe ne iehonwatinnhaonne, wahniron : Tokenske shonatekwen ne Sirironon. Ethone onen waennhotonkwahaton tsi kanataien, nok wahatikoha tsinikon ronation ne ronatekwenne iah onen teskanoronkwe otesera. Nene rasennowanen ne ronowentonne Elise rannhowannonnhakwe. Nonen saieiakenne wathonwaiatahrite nonen tsaeiakenne. Etho kati naawen tsinihoierenne rotokense, rawenhne : Ensatkatho tsi iah taonsakanoronke otesera, iah tenhnon tasatsennonniate.

Tsioserat tsinahe ehniawenhon onen wahren-

heie Benadad ronwaiatskwe ronwanontiio Sirironon. Wahonnhanne ne R. Elise Damaske iahare etho tahiatatken saiatat Hasael ronwaiatskwe, tehotonwentsioni ahowennisake ahotokense oh nenhoiatawen ne ronontiio Benadad. Elise wahawenhase Hasael : Tsini kannroten rononwaktanitha ronontiio Benadad, iahte ionnratsanit iah ne tahoriohte ; tenhnon oriwiio tsi enhrenheie, raktokatenni ne R. Tsinaharihokten Elise akwa wathotkareren ne Hasael nok wathasentho. Tahenron Hasael ? nahoten karihonni satstarha ? Tahenron ne Elise : Waktokense tsi nensheronhiakente Sirironon, enshenatakari, enshenatentawe, ensheiawentho rotiskenrakehte nok oni ratiksa okonha, iahtashetenrheke oia nieiatoten. Tahenron Hasael : Katiken aonton etho nakiere ? iah se othenon te wakaterihonte ? Tahenron Elise : Onen toha ieiohe aiesanontioke Sirironon. Ok sa ok onontioke warete Hasaël, Benadad wahoriwanontonse, wahrenron : Ohni karihoten sariwenhawi ? Nahoten rawen Elise ? Tahenron Hasael : Kariwiio, iah iaken tasiheie. Saorhene rononha si hniterontakwe, wahassiranawente Hasael, etho wahasiraren rakonsake ronontio, nok wahatonriokten, nok wahrenheie Benadad. Onen raonha sahatenontiioste ne Hasael.

Onen tsi iakahewe etho naiawen tsini horiwi-son ne R. asakohrewate Akah kenha sakotere okonha Joram Israel raotiohkwa ronwanontio, wahonwakarewate tsi wathanathannhake tsi tka-nataien Ramoth Galaadne Jesraelke wahonwaia-tenhawite tahonwasniene nok wahorihonten Jehu ronwaiatskwe ne ronwakowanen tsi rotiohkwaen sotar ahatawenniioste tsi tkanataien.

Ethone Elise wahawenhase saiatat rotokense ; Tesetsetak kenhie iwat, nok iasetsetenha asah-tenti ; etho iensewe tsi tkanataien Ramoth ne ro-tewenniioston Jehu ensataweiate tsi thononsote, entsiatatsenri tehatiiashe ne ratisennowanens ; hetseriwanonton raonha taesenihtaren, ranontsi-ne enseiennaweron, nok entsenhase : Kenniha-wenni ne R. ne Jehu : Ii wakonnontiioste Israel-ronon, ise enseriwaierite tsini wakenikonhroten. Kawenniiio enseweiennentane, ok sa ok ensesenn-hotonko nok ensastorontie ensesiakenne. Waha-riwaierite ne rotokense tsini hoieren ne Elise. Tsi tkanataien iaharawe, iahataweiate Jehu tsi thononsote, wahawenhase : Iah ken taonton on-kenonhaa taetenihtaren ? Tahenron ne Jehu : Onka isehre taiakenihtaren ? Tahenron ne roto-kense : Ise. Wahatontate ne Jehu. Ok sa ok wa-

henhiennaweron ranontsine nok wahawenhase : Satontek tsini hienni ne R : Ii wakonnontiioste Israelronon enswatsirahtonte raowatsire ne Akab kenha. Sehiarak kawenniiio wakenheie Jesabel herhar enkonwaiatakari nene eniakostonte tsi iakorio ne ionkewennenhawe rotitokensehakwe. Ok sa ok sahannhotonko ne rotokense nok eren sarete. Wasakohrori ne Jehu ratisennowanens tsiniawenhon. Ethone akwekon wahatiwennentane, wahonwanontiioste ne Jehu akotseronniatha wae-ts-karonkwe nok wahatihonrawatanion.

Wahatirihowanate tsi Jehu ronwanontiiio Israel raotiohkwa, wahrenron Jehu : Rakwatenientense ne R. akewatsirahtoute Akab raowatsire. Joramke tewatierente entsitewario. Tsi tkanataien Jesraelke iehawenon ronwakentorani, etho ok sa ok itewe ; akwekon wahonwatontatse, etho oni renterontakwe Okosias Juda raotiohkwa ronwanontiiio, Kawenniiio wahonwatiken tsi tehatinenhrine Joram tenhnon Okosias wathonwateratana ne Jehu nok sekon inonha tsi itrate, wathohenrete ne Joram, wahrenron : Ohni karihoten seriwenhawi ? Skennenken nise ? Tahenron ne Jehu : Aontonken skennen aontake ? Iahken akwekon teiakotkathon tsini ioriwatsanit tsini ioieren sanisten-

ha Jesabel iaonwentsiaksaton ? Sotsi ohnaken wahattoke ne Joram tsini hojatawensere. Ok sa ok tonsahatkarhateni nok wahawenhase ne Okosias : Tiateko, wetiatkaronni. Ok sa ok ne Jehu waharensotarike ne raoenna, wahaiake tsi satehasonniontihen ne Joram wakaienkwiranientane, nok wahrenheie. Ethone Jehu wahawenhase ne rasennowanen : Etho iasati ne raieronke kenha tsinonwe thoientonne ne Naboth kenha (Akab kenha raonwentsiakwennihne) aseken ethoni honikonhroten ne R. Okosias nonwa wahateko, Samarike iahatasete. Wahatennhanne Jehu ahonwasere, ahonwaiena. Tahonwaiatenhawi nok wahatennhanne ahonwario. Jesraelke warete ethone ne Jehu tsinonwe kenterontakwe Akab kenha rone. Nonen saotokense Jesabel, ok sa ok ontiataseronni, tsi ononsakaronte etho watkatane, kawenniio wahoken wahawenhase : Tasataweiat ise watserio hianontiiokwe, etho nensaiatawen. Wasakawenhase ne Jehu ne kaiataкта Jesabel ratitakwe : Tasewaiatent ne ken ikate. Etho nahatiierre, tontnekwensoko otstenrakeson ionekwensaronnion, nok etho wakaiataientane tsi konne akosatens. Ethone Jehu wahataweiate tsi iononsotakwe, nok wasakawenhase ratisennowanens :

Akonwaiataten Jesabel kenha, aseken onontiio naiewatsiroten, tenhnon ne ok ieken wathatitsenri aonontsi nenha iesitake nok iesnonsake kenha ; herhar ionnekonne ne ieronke kenha. Wahonwahreri ne Jehu tsi etho niawenhon, wahrenron kati : Akwa ethoniawenhon isini hotrorihne Eli kenha Tesberonon. R. rotokatennihne ; waha-tennhanne Jehu ahonwatirio akwekon sakotere okonha, rontatenonkwe okonha Akab kenha. Akwa wahatsirahtonte Akab kenha raowatsire tsini horiwisonhonne ne R. ne wahohrewatakwe tsi sakoriwanerahaktennihne Israel raotiohkwa, eso oni sakoriohne R. ronwawennenhawe rotitokensehakwe.

CHAPITRE LIII.

Jéhu récompensé de son obéissance partielle par un long règne.—Athalie fait tuer ses petits-fils.—Joas échappe au massacre.—Athalie protège l'idolatrie.—Le grand prêtre Joiada réunit les partisans de Joas.—Joas sacré et proclamé roi dans le temple.—Athalie est tuée et l'idolatrie détruite.—Règne heureux de Joas.—Mort du grand prêtre Joiada.—Le roi Joas devient idolâtre.—Prise de Jérusalem.—Joachas succède à Joas.—Cruauté d'Hazaël.—Repentir de Joachas récompensé. Maladie d'Elisée.—Il fait jeter à Joas des flèches en

signe de ses victoires.—Mort d'Elisée.—Résurrection d'un mort jeté dans son tombeau.

Onen nonwa Samarike warete Jehu wasakotkennisahate ne konwasennaiens kaiatonnik Baal konwaiats ne iawet ronaterihonton tsini kariwiiostontseraksen, wasakonnhanne raotiohkwa sotar ahonwatirio. Wahatennhanne taiehrite ne kaiatonnik nok otsirake aiakoti, aienonsarisi oni tsi non iontkennisahatakwe akonwasennaïen ne Baal, iah sane te horiwahtonhon tsi konwasennaiens kwe teionnhonskwaron owira, iawet sakotsanikon nonkwe. Tenhnon tsi rowennarakwen ne R. tsi rowatsirahtonton Akab kenha raowatsire ne rostonton R. wahorharatsten 28 nioserake enhonwanontiioke, nok sakoien okonha eniontatenontiioste 4 natenionnanetaa tsina hawatsira enhotinontiioke.

Akwa ionehrakwat waonakwen Athali Okosias kenha ronistenha saotokense tsi wahonwario ne roienha. Tsini watatkonniienstha teiotonwentsioni akonhaa akonwennakeratse. Ontennhanne ahonwanasete iakotere okonha Juda rawatsiratie Roriwisonhonne tenhnon ne R. tsi Tafit ronontiiio kenha enhawatsiratie nensesakoskontako nonkwe. Iahte hotontaton akwa akwekon aho-

nenheie Tafit kenha sakotere okonha. Josabeth Okosias kenha hiatatekenha rone ratsihenstatsi kowa Joiada ronwaiatskwe wakowennahronke tsi tehotihenretanions akoien okonha ronwatiriosere ontharatate, wahoiatatsenri saiata Joas ronwaiatskwe, onen tsioserat tsinahe thonakeraton eh thenteron tsinonni ratiiatahere rontateken okon kenha ronwatiriohne, onttoke sekon ronnhe, onekwensoskon, wahoiatasete ononsatokentike, wahotstaronten, wathosniene oni, 6 nioserake tsini kariwes etho niiot wahonwehiaron tsiniiot iontatehiaronskwe ratitsihenstatsi rontonsere. Athali iahte ioterientare tsi saiata ronwaiatanonstaton, iah oni tehonaterientare Sitaheronon, ontatenontiioste kati Athali, eso wakokenrenseronni Juda raotiohkwa, ontataskennhen oni akonwatisennaien ne kaiatonnik, ontennhanne owistanoron nok kanoronson akonwakwa ononsatokenti Niio tsi rononsote ; aonha ontatenonsonni Jerusalemne etho konwatisennaienskwe kaiatonnik. Tenhnon ne akwekon thennontons tsini iawens nonwentsiake wathataste, wahannhese nene ionkwetaksen etho naieiere tsini ionikonhroten. Nonen 7 natehaoseriikon ne Joas, onen wahata-sawen ne Joiada ronwakowanen ratitsihenstatsi

okon ahariwaierite tsini honikonhroten ; wasakotkennisahate akwekon ne iakonikonhnanenta-konne Tafit rawatsirake, nok wasakorihotasiase, wasakawenhase, wahrenron : Onen 6 nioserake tsinahe ionkwaronhiakentha Athali, iab tenhnon te sewaterientare irehre ne R. : enkheienawase ; saiatat riatsteristha ne Tafit rawatsira, onen 7 tehaoseriiaakon. Iekhre onen aionkienawase, akwekon aontesewe Sitaherononke, ietsihrori akwekon ratitsihenstatsi Jerusalemke ienhontkennisa, tosa ietsihrori tsini karihoten. Etho kati naawen. Ratitsihenstatsi okon etho wahontkennisa Jerusalemne. Iahte iotokense Athali tsi etho niawenhon, waawentatokentane ononsatokentike wahontkennisa.

Wahatiriwisa akwa wahatiriwahnirate ahontaskennha onontiio enhaton ne joas. Akwekon wahatiriwanonwene. Etho wahonwentskwaren ne Joas tsi wennitskwaratseranoronke rotisonhonne. Wasakawenhase joiada : Ken renteron Okosias kenha roienha, irehre ne R., ne aonsahatenontiost. Ethone kati Joiada ratsihenstatsi wahawenhienarho ranontsine ne Joas nok wathihonrawatanion, wathotihenretanion, wahoniron : Ronnhek Joas sakwanontiio. Waonehrako

Athali tsi waorakarere, ontharatate ontaweiate ononsatokentike, wahotkatho ne joas wennitskwaratseranoronke rentsckwahere, rononwaroron tei-otstaratenion, tehonitiohkonte ratisennowanens nok sotar. Tsini ionakwenhon wakaratsionko aotiatawit; watiohenrete' wakenron : Wationkenikonhraren, waonkwatewentete. Etho nontare Joiada tsi itkate, wasakonnhanne ratisennowanens atste akonwaiatenhawite nok iakonwario. Ethone wahontekohaton Athali aotiohkwa kenhah. Akwekon wahoniron ne Sitaheronon : Iah nonwenton kaiattonnik taonsaiakwasennaaien ; waenonsarisi Baal raononsa, otsirake wakoti tsi raia-tare nok wahonwario Mathan ne ratsteristakwe. Wasakotkennisahate joiada rotiskenrakehte wahatihonrawate, uok etho wahonwaiatenhawite ne ronwanontiioston tsi thononsote ne Ronontiiio. Sekon tsi raksaa Joas ronwarihonniennihne R. raoianerensera, etho takaientakwe wahateweienton, wathononweraton ratsihenstatsi kowa roiata-keunhaonne, tiotkon oni rowennarakwa othenon ahenron, Wahatsteriste aontkanonni ononsatokenti aonsaioientake oni tsinikon iohtonton Athali kenhah, Wahariwaierite tsi sakoteriwatsteristha ne Sitaheronon. Wahononwene kati ne R.

tsinahe ronnhe ratsihenstatsi kowa joiada tiotkon
ronontiio rowennarakwa ; akwekon skennen^{ti}
ken. 100 nioserake 3 iosenserote natehaoseriia-
kon joiada sahrenheie. Tsini honwakonniienstha,
etho wahonwaiatata tsinonni ronwatiatatas ne
Rotinontiio, akwekon ne tiakoriwaieri wahon-
wannhaten tsi wahrenheie, ok sa ok sahotini-
konhrario ne Sitaheronon, iah akwa te shoni-
konhrahiron ne ronontiio joas onen 3 sathaose-
rashen, wathonwanikonhrakenni otiake ratisen-
nowanens, iahte shotahonsate nahoten rontons R.
ronwawennenhawe, rotitokense. Wahotewentete
ne R. wahasennaien kaiatonnik. Ne ratsihensta-
tsi kowa Sakari ronwaiatskwe teshotaonne joiada
kenha raonaktake, wasakohriste ne ratisennaiens
kaiatonnik, wasakawenhase, wahrenron : Ense-
watkatho R. ise sewariwa ensakohrewate kanen-
rakwekon Sitaheronon ; wahonakwen ne ronon-
tiio joas, wahatennhanne ahonwanenioiake akta
tsi kannhokaronte ononsatokentike. Iahte iaouni-
sehon wahohrewate ne R. Hasaël Sirironon ron-
wanontiio wahonterio ne Sitaheronon senha roti-
tiohkowanen Sitaheronon, senha ok wahakweni
Hasaël ahanatakari Jerusalem ; wahatenhanne
Joas ahonwariwanontonnira Hasaël nahoten onte

ronwanikonhraksaton. Wahattoke Hasaël tsi ronwatsanis. Wahatontate skennen aonsahiaton kawenniiio akwekon enhontewentete owistanoron sonha tsinikon kaien Ronontiio Joas tsi rononso-te nok oni ononsatokentike. Joas akwekon wahatewentete, akwa ionehrakwat tsi wahonwatehate, wahonwakenrenseronni ne raonnhatsera sonha wahonwario tsi ranatskwe. Iahte honwaia-taten Joas kenha tsiniiot iontatiatatas rotinontiio kenha. Onen 40 nioserake tsinahe thonwanontioston. Ne roienha Amasias tonsahatane raonaktake.—23 nioserake tsinahe thonwanontioston-ne Joas. Juda raotiohkwa, Joakas ronwaiats tonsahatane raonaktake ronikenha Jehu Israel raotiohkwake. Iahte thoriwaierikwe, ne iorihonnihon niatekon tsini hoiatawenhon. Hasael Sirironon ronwanontiio eso wasakokaronni Israel raotiohkwa, wahanatakarihaton eso wahaonwentsiakwahaton, raserohenne, sakorioskwe nonkwe nok ratekatanionskwe tsi iakononsoton. Teieswenkariakta ratakwe tsi fesakoiatorenskwe oia nieiatotenhne. Tsi wahatkatho Joakas tsini iontkaronnians raotiohkwa sahatawate, wahonitentase ne R. Wahotontatse ne R., ne roienha Joas wahoiatakenha. Teioserake watniiena ne roniha tsi roti-

nontiio nehniatoten, nok karoha nahrenheie Joas Juda raotiohkwa ronwanontiio, tonsahatane raonaktake ne ronikenha. Wathateraswiioste tsi wahaterio. Oriwakwekon wahakwatako tsi thanakere, tenhnon iah akwa te horiwaieriton tsini iakotenientense nonkwe Niio raoianerensera. Wahonwahrste kati R. ronwawennenhawē rotitokense sakokonniestakwe.

Kennaneha tsinahe thonwanontiioston, wahononwakten rotokense Elise, onen renheionsere ; ronontiio Joas wahotkensera, wathasentho tsi wahatkatho tsi onen sakoiatontiesere. Akwa wahonikonhraksen. Onen 100 nioserake tsinahe tsi ronnhe Elise. Joas wahawenhasē Elise : Rakeni, onen katiken takwaiatontiesere, ise ne kwaniahesen, oh nenionkwaiatawen ? Wahawenhasē Elise ne ronontiio : Tasenennenha nok oni tesek kaienkwire. Wahaon ne Joas ne rotokense, wahawenhasē ne rotokense ne ronontiio : Tesek nahenna. Etho nahaiere onontiio, iahatesnonsaren Elise onontiio rasnonsake, nok wahawenhasē ne Joas: Sennhotonko tsi ononsakaronte tsi nonkwati tkarakwinekens etho nonkati ietsionwentsiakwen ne Sirironon. Nonen onontiio wahannhotonko tsi tekatsiseraton, wahawenhasē ne Elise :

skaienk wirat iasati. Etho nahaiere, takenron Elisé : Ne watenientenstakon enshesenni ne Sirironon. Sekon tonsasek kaienkwire onwentsiake tisenttanion. 3 nahaierte ne Joas onwentsiake. Takenron ne Elisé, nahoten karihonni, iah 7 tatetisatasawen? Iah tasesahatton aseriioke ne Sirironon, ok eken 3 ok nioriwake enshesenni. Ethone onen wahrenheie Elise nok wahonwaiatata. Ioriwanehrakwatanions tsini hoierenne tsinahe tsi ronnhekwe, sekon oni ioriwanehrakwat tsini iawenhon tsinahe thawenheion. Ethone rotitiohkwaroronne ratinenskohatonskwe Israelrononke, nok eso sakotirioskwe. Sewatieren tsi iontohetsta nonkwe waontieren ieiationni onkwe kenha, wahonnehre asakwaiatata, wahontieren tahonne ratinenskwas. Ethone tahonati raieronke kenha tsi thaiatatakwe Elise kenha, nok wahonteko. Ok sa ok sahatonnhete ne rawenheionne, tonsahatane nok Samarike wahonwatkatho. Ok naheha watewateriwareni. Etho niawenhon tsini hohrorihne Elise kenha tsi renheionsere, 3 nio-tkararenkwaton wasakosenni Joas ne Sirironon, sahatatewenniioste oni tsi tkanataientons rotatewenniiostonne Hasaël kenha tsini kariwes hia-teriohne Joakas.

CHAPITRE LIV.

Heureux commencements d'Amasias.—Il veut faire la guerre aux Iduméens.—Amasias rompt l'alliance faite avec les Israélites, et tombe dans l'idolatrie.—Le roi d'Israël répond en parabole à Amasias.—Défaite d'Amasias, son endurcissement, sa mort.—Jéroboam II roi d'Israël.—Jonas envoyé à Ninive.—Il fuit devant la face du Seigneur.—Naufrage imminent; le sort tombe sur Jonas.—On veut mais en vain déposer Jonas sur le rivage.—Jonas est jeté à l'eau et reçu dans une baleine; sa prière.—La baleine dépose Jonas sur le rivage.—Jonas 13^e figure du Messie.—Jonas prêche avec succès la pénitence à Ninive.—Dieu pardonne aux habitants de Ninive.—Jonas se plaint à Dieu de ce qu'il a pardonné à Ninive.—Leçon que Dieu fait à Jonas en desséchant un lierre qui l'ombrageait.—Reproches faits par Dieu à Jonas sur sa colère.—Providence et miséricorde de Dieu.—Les petits prophètes.—Prédictions d'Osée et de 5 autres petits prophètes.—Prophéties d'Isaïe.—Temps et objet de ses prophéties.—Règne heureux et prospère d'Ozias.—Le roi Ozias frappé de lèpre pour avoir offert l'encens.—Mauvais rois qui se succèdent dans le royaume d'Israël.

Amasias teshotaonne raonaktake ne ronikenha
Joas, elhone tsi saiatat sahnisennotenhne Joas oni
ronwaiatskwe wahatasawen asakoteriwatsteriste

Israel raotiohkwa. Thoriwaierikwe Amasias ranoronkwakwe kariwakwarisionsera ; iah tenhnon akwa te hoianenhawi Tafit kenha. Tiotierenton wahatennhanne ahonwanasete ne ronwariohne ronikenha ronosaskwe tenhnon ne ronwanontiio Israelronon, wahrere : senha aionksenowanat nok aiakwaterio Idumeronon. Wasakotiohkwaroroke Amasias rotiskenrakehte akwa kentiohkowanen. Tenhnon rotitsanitonne Idumeronon, tsi ionontenion ratinakerekwe, wahonen Israel raotiohkwa ronwanontiio ahaonkwetani 100,000. Wahatontate, saiatat rotokense wahohriste Amasias tsi thonatenrohon ne iahte honwasennaiens ne R. Sahatateriwasten Amasias, wahonikonhraientane tsi iah ne te karihonni tsi iakotiohkowanen tsi iontesennies, R. akwekon thennontonties. Sakokariakihne sane Israelronon. Wahatewentete nennee, wasakawenhase oni Israelronon : Sasewahtenti nise, wahateriosera, wasakosenni Idumeronon. Tsinahe thotesennion, iah akwa te hoteweienton, sotsi wahatatskonnienste, wahatasawen ahasennaen ne kaiatonnik. Saiatat rotokense wahohriste. Wahonakwen ne ronontiio, wahawenhase : Tastotek, tosa ne satroriat. Tsi nahotisense Israelronon tsi rawenhne Ama-

sias : sasewahtenti, tahontorianeron, wahononwentsiakarihato ne Sitaheronon raononwentsia. Akwa wahonakwen Amasias nok iahatennhanne ahonwahreri ronwanontio Israel raotiohkwa iawet wathariwakenwatanion : Kenni karihoten hetsrori ne Amasias : Teionionwaronte iaontennhanne akonwariwanontonnira onetlakwententsera aontontate onteken ahotiniake ne ronwatiiienha tsina kontiriwaswen ne katsenen tsinakaiere teionionwaronte oktatkonswaseronkwate. Sateweienton, aseken iesanontio Sitaheronon, saton khesennion Idumeronon satenaieston, skennen tontatsiterontak tsi tisenakere, tosa serihonni aiesaswen, aseken ensatkaronni. Iahte horiwanonwehon ne Amasias nok rerhakwe ne R. ahatehen : wahonterio Sitaheronon nok Israelronon. Wahonwasenni Amasias, iekanihare wahonwaiena wathonwawistotarho, wahonwannhanne netho naiohton tenhanatiiake Jerusalem, wathonnekwe Israelronon tsinikon rowistaientakwe Amasias nok oni owistanoron ononsatokenti aowenk. Ethone Samarike sarete ne ronwanontio Israelronon teioserake tsinahe etho niawenhon, wahrenheie, ne roienha Jeroboam ronwaiatskwe, tonsahatane raonaktake. Sekon 17 nioserake

ronnhekwe Amasias, iah tenhnon te shotatrewa-ton, wahonwaswen raotiohkwa, wahatiriwisa ahonwario. Wahariwahronke tsi etho nihotini-konhrotens, wahateko tsi tkanataien Lakis konwaiats, ionatahniron kennioreha Bethleem ; etho wahonwasere nok wahonwario. Ne raieronke kenha Jerusalemke wahonwaiataten tsinonni ratiataronnion ronwani okon kenha.

Sahrenheie Joas kenha Israel raotiohkwa ronwanontiio, tonsahatane raonaktake Jeroboam 4 nioserashen enskat iawenre thonwennakeratonne. Rotsanitonne tsi waterios. Sahatalewenniioste tohka ni kanatake thonwakwennihne Sirironon. R. wahonikonhrata rotokense Jonas ronwaiatskwe ahohrori ohenton ne ronontiio tsi enhoriwawase ne R. Ronnhaonne ne R. rotokense Jonas eh iahare tsi tkanataien Ninive konwaiats ne aonhaa kanatakwenniiio tsi thatinakere. Assirironon ronwanontiioke nethone Ful ronwaiats Sardanapal roniha kaniatarakta Tigre konwaiats, akwa ionatahniron, 100 niwasitake ehneken tiotte tsi iotstenrote watenhenraien kanataktatie. Kanneka ahrerheke : takenatatase, 3 nonta tsini kariwes wathatstekafwa, rotitiohkwatsanit nonkwe ratinakere kanatakon. Ne rotokense Jonas wa-

howennahronke ne R. wahawenhase, wahrenron :
Ensahtenti, satokense, tsi tkanataien Ninive iahase,
aseken tsini iakoriwanerahakskon eh tienakere
tsiniiot iosakawentet nakoriwanerahaksera
ionkennhas akehrewate, sehrori tsi onen kehrewatane.
Iah akwa te horiwanonwehon Jonas, wahrere tsini
wahennontonnion : entsiontatre-wate Ninivronon
nonen enhotihteronne; ok tsini hotanitenraskon
ne R., iahten sakohrewate, ne kati enionkswate,
ne ki enionkeriohte, ne karihonni kaneka ieke
tosa onsahiwennahronke ne R. Kaniatarakta
warete tsi tkaniatare kowa, etho wahatita
kahonweiakowahne ratiiati Tharsiske iehonenontonthatie.
Rotekwenhatie ne Jonas nok rononteratie ne R.
Kawenniio onhtenti kahonweia kowa, ok sa ok
watkawerakwe. Onen ronnehre : tekahonwarisere.
Wathonateronhienten kahonweiakeronon, akwekon
awenke wakoti atakwenia kenha. Ok onen tsiniiot
skanoron's takahonwarine. Akwa nakon kahonwakon
ieho-taskwe ne Jonas. Saiatat etho warete, wahawenhase :
Skennen tsi sentas, nok ii ionkwateronhientenni.
Testann nok hetsennit ne R. netsennaiens,
iah nii te ionkwarhare enionkiatakennha ne iakisennaiens.
Wahaterennaian ne Jonas,

iahte hotontati ne R. Onen okton sahatiire ken-
ha watontatenhase: Kariwatoken kaneka nieia-
tare tsinitsion tsiakoteriwatewat, sakohrewaton
ne R. Tewaterienten onka ki ok enieiatokenne
tsinitsion, wahontieren ne Jonas raoriwa. Wa-
honwariwanontonse tsi nonkati thanakere, tsi oni
nonkwati wahawenontohatie, oh oni nahaiato-
ten, nok tsini karihoten teshoteriwatewat. Ta-
henron ne Jonas : Sitaheronon nakiatoten. Risen-
naiens ne R. rorohison raonwentsison oni. Sewa-
kateriwatewat, ne karihonni wakatekwenhatie
iahte wakatontaton nahiwenarakan. Akwekon
wahotihteronne, wahnwariwanontonse ne Jonas:
Nahoten karihonni iahtetsewennarakwen ne R ?
Oh nentewaiere naonsatsitewanikonhraseronni ?
Senha taiowerakwisrontie nok entewaskone. Ta-
henron ne Jonas : Wakaterientare ii akeriwa.
Kaniatarake takwaiatonti, ethone onen enwat-
kawe tsi iahote. Iahte hotiriwanonwehon, wa-
honiron : Senha ioianere atsiakta niaetewe asati-
tako, nok nii entsiakwahtenti. Iahte iotonhon
atsiakta iahotirarhon senha taiowerakwisrontie ;
ethone wahnwenhase R. : Iahte sanekherens
tsini ionkwaiatawens, ise seron : etho naiawen.
Iakwerhakwe enhronnheke ne Jonas, iahte skwa-

tontati, onen kati wasakwatewentete ne hetsre-watha. Tosa kati seriwarako tsi naiakwaiere. Ethone wahonwaiena ne Jonas, kaniatarake kowa wahonwaiatonti ; ok sa ok tonsakaweriiake ; wahotitokense niahte hotiriwiioston tsi iah otheon te honoronse ne R. nok wahonwawenniioste.

Jonas kanonwakon tsi kaniatare wahowenniioste ne R. tsi nahoiatawen. Iahte hotewenteton ne R. Etho ioskokerhakwe kentsionkowa tsionnhowane hotiatanekwanene Jonas ; iahte hokare-waton, 3 nonta tsinahe raiatatakwe kentsiakon Jonas wahawenhase ne R : Koniennitentase tsakeronhiaken nok takwatontati. Sewakateriwate-watonne, konwennontionne, kaniatarake kanonwakon ieskiatontion. Ethone waken : Sewenniio, tisariwaieri, iah taonton akatatitenre tsini skierhase ; koniatekwennihatieskwe, iah sane te kennikonhriiaks, ne ionsakataweiate tsi sanonsote ononsatokentike, waken : Sewenniio, ensheiatanonstatseke ne iesaseronniennis. Saheto akwa wakeronhiakenhon, sekon rieiaroon ne R ; wakaterientare ne kaiatonnik konwasennaiens oktioriwakon ne iesennitentasehakwe ; wakaterientare oni sheiatontati ne iesaniahesen enkonwenniiostake, koniennitha, enseskitenre, wakaterien-

tare enskwatontatse. Tokenske etho naawen tsini horharekwe ne Jonas. Kaniatarakta waette ne kentsionkowa tsionnhowane etho ionshontstike nene Jonas.

Tsini hoiatawenhon ne Jonas, watenientenstakonne tsinenhoiatawen Jesus Niio Roienha tsi asen nonta enhaiaataake nok asenhaton nonta enshatonnhete. Raonha Sonkwawenniiio ne wahatrori, wahrenron : Tsiniiot ne Jonas asen niwenniserake 3 oni niwasontake raiaataakwe kaiatakon tsionnhowane etho oni neniawen ne Onkwe Ronwaienha 3 niwenniserake, 3 oni niwasontake enhaiaataake kaiatakon onwentsia (onwentsiokon). Sekon R. wahawenhase ne Jonas : Ninivke iahase, ensehron, ensiron : kehrewatane, enhonwentane, ok sa ok sahtenti. Ok sa ok wahahtenti ne Jonas, nok Ninivke iaharawe. Akwa kanatowanen ne Ninive. Jonas wathatstekafwa kanatakwekon nontarette, tehohenretanes, raton : 4 niwasontashen enkanatentane ne Ninive. Ok sa ok kanatakwekon sahontatrewate, wahoniron : Tokenske ionkwariwanerahakskon. Ne oni ronwanontiio Ninivronon akwa sahatatrewate, wahatiatawitasionko nok okenrake wahatien. Ethone wahariowanate wahrenron : Wakeriwisa nonkwe

tsiniiakon ne kheiatsteristha sewenniserat aiakawentontiete, tosa oni skatstarat ohnekanos aienekihra, nok oni akwekon ne katsenen okon etho naiawen. Ionkwariwanerahakskon, irehre ne R. akheionwentsiahtonte, hetsitewennitentas aontiesenhake onsahonikonrhen, tewatka ne kariwaneren, akwekon tsieiatatson iontateronhiakent iontatkenronnihek nok tsiontatrewat, tokat ensonkwentenre ne R. Wahontontate tsi nahaiere ne ronontiio, wakawentontiete, wahontstaronion, nok akwa sahontatrewate onwe. Ethone wahrere ne R. Iahta kehrewate Ninive ronon.

Ne ietokatha tsini kasatste tsiontatrewatha nok iakawentontietha aonsahonwanikonhraseronni ne R. takonwataste raonakwensera. To onte ensakohrewate ne R. ne ionteraiatakwa iahte hontontats tsi Sonkwawenniio sakohretsiarons. Iken sakawenniskwe ne Sonkwawenniio Sitaheronon: tsi natensakoiatorete ne R. nonkwe tenhatitake Ninivronon, ensakotiriwasten nonwa kawatsiraien, aseken ok sa ok shonatatrewaton sontasakotati ne Jonas, nok senha raiatanoron nonwa hetsisewatatis tsini haiatanoronkwe ne Jonas. Sahaweiennentane Jonas asakotati Ninivronon, sahahiakenne kanatakon, nok kanataktatie waha-

tien, onerate sonha wahatste kennikanonsaa wahatatenonsonni. Kawenniio wahotokense tsi iahte sakohrewaton ne R. Ninivronon, wahonikonhramksen, wahawenhase ne R. : Satontek tsini katafitenre, etho niawenhon tsini wakenikonhrotenne tsi wakatekwenhatiene, wakaterientare satanitenraskon nok sanikonhriio, iahte watiesen asehrewate ; ostonha ok taonsaiontatrewate, ok sa ok wesanikonrhen, ne karihonni wakatekwenne ; onen nonwa, othenon enkiron enionkewenna-kenronni ; enhoniron : Ronowen : katiken etho neniawen nahoten raton ? Ne kati nonwa okti wakswatani tsi konnhe, askitenre kati akiheie. Tahenron ne R : Isehre ken : tkariwaieri tsi satatitenre ? Iah othenon te hawen ne rotokense. Akwa ionehrakwat tsi iorakote tsinonni henterontakwe. Wahrere ne R. : asonthenne tkanie karonta eso ionnhatotakwe, ioneratonte, ne kati waaterakwawerhostakwe. Waorhene tsi wahaie ne Jonas, wahatkatho tsi tkerhite, akwa wahatsennonni, waorhene wahannhanne ne R.otsinonwa takatoraweste nok wakarontaten. Akwa are wakarakoton, eso oni waharonhiaken ne Jonas, wahrenon : Tiotkon, Sewenniio, takeronhiakentha, onen koniennitentase nakiheie, sekon kati

etho ni wakenikonhroten. Tahenron ne R. : Iseh-
re ken tkariwaiერი tsi sanakwenhon, tsi wakaron-
taten, ne saterakwawerhostonne? Tahenron ne
Jonas : Ikehre tokenske tkariwaiერი osenontte a-
kwa taonkiatawen. Tahenron ne R. Satontek,
sanakwenhon, nok tesateriatikhon, senikonhria-
kstha tsi wakarontaten, iah se ise tesarontanios-
ton, senontsistakta tiionihon, iahte seweiennare,
sewasontat ioterontison, nok sewasontat tsioron-
tatenhon, serhakwe tenhasnieke tsi tkerhite, nok
ne tsi satrori kanatattenserene ne Ninive, isehre :
tosa onsasakotenr, akwa sane shonatatrewaton ne
Ninivronon, ii kheiatison nok ionkwennitentase
naonsakhetenre, ise tenhnon serhakwe : akwe-
kon ahoniheie etho kanatakon ratiteron isinon
(420,000) enskat tewenniawe niwenniawehetse-
rashen towasen iosenserote ratiksa okonha iahte
hatiienteri ka nonkwah ratiweientehtakon, kanon
shatinekwati, tenhnon eso oni nikanaskwake
kontiteron !

Tsi ehuihawennotenhne ne R. ne ietokathia
tsini hotanitenraskon, rateriwatsteristha tsini ia-
wensérons nonwentsiake, sakotenranions non-
kwe, tenhnon sakotenranions oni katsenen niahte
konttokha, iah ne tehaonweskwaniha eniontka-

ronni nonkwe, ne tenhnon tehotonwentsioni aon-saiehaharane.

Ethone wahotokense ne Jonas tsini horiwannhikon, wahatehen sahatateriwasten Israelrononke sarette nok wasakohrorianion tsini iawenhon Ninivke.

Ethone tsi ronnhekwe Jonas tohka nihatihne ne rotitokense ne thotiiaton tsini iawensere. Wahowennaronke ne R. Ose, wahawenhase : Ensheienhase Israelronon : Kennihonikonhroten ne R. : Kehrewatane Israelronon ienaskwa enhonton, onen kheiatewenteton, katke ki ok sane onen enhotitiohkwannhaon, sekon kheien okonha enkenhake, iatenhontieste Israelronon nok Sitahe-ronon, skentiohkwat enwaton, skanontiiotserat ensakonontiioke, Jerusalemke akwekon ienhonwasennaen ne R. Iah kati tatenshontatenosaseke. Ne rotokense Joël ronwaiats rotroriaton oni tsi nenhotiiatawen Israelronon nok tsi ensakotienhase katke sonha ne Rotkon Rti. Amos nok Abdias ronwatiiatskwe ne oni ronatroriaton tsiniiot R. ensakohrewate Israelronon. Onen nene Miche ronwaiatskwe rotrori ohni kanatoten tsinon nenhennakerate nensesakoskontako nonkwe rawen : Iahte ionatakenron, Bethleem Sitahero-

nonke tkanataien, eniakotohetsten ne kanatowans, aseken eh enthaiakenne nenhonwennakeratse ne raotiohkwa ne R. Israelronon.

Tafit kenha rawatsiratatieskwe Isaï ronwaiatskwe Amos roienha. Ethone tsi ronontiiokwe Osias hiatatenonkwe, wahatasawen ahaiatonserisa. Kaieri nihati rotinontiiio teshonattenionkwen tsini kariwes ronnhekwe toha 700 nioserake karo ahennakerate Jesus. Eso tesakotennientennihne ne R. rotitokensehakwe asakotirihonnien, niatekon tsini honatieranionne ioriwanehrakwatenions, iah tenhnon rononha tethotiiatonne nahoten ronatrori. Saiatat ok, nene Jonas ronwaiatskwe wahaiatonserisa. Onen nonwa Isaï tiotierenton wahaiatonserisa kaiatonserowanen, tohka nihati oni ethoni hotiieren ratisennaronnions raotiiatonserake, 200 nioserake tsini kariwes teshonattenionkwenhatie rotitokense ronatroriaton tsi neniawen nonen enhoketote nonwentsiake nensakoskontako, tsi nenhaiere tsi nensakorihonnien, tsi enhotiohkonni kentiohkwatokenti, tsi niate kentiohkwake nonkwe eniontiataren. Rotkon R^{ti} wasakotokaten ohenton tsi neniawen nethone, watesakoswateten, iawet ronwawennahnoton.

Sahrenheie Amasias Juda raotiohkwa ronwa-

nontiio, tonsahatane raonaktake Osias ronwaiatskwe, 16 tehaoseriiaakonne sahonwanontioste. Thoriwaierikwe tsini kariwes ronnhekwe roto-kense Sakari, aseken rowennarakwakwe R. wahoriwawasehatie. Ne tahatierente sahanatahnirate Jerusalemke ; niatekon wahatennhanne eniakonni ionteriohtha, wahatatakkenna oni aiontsteniaron aiakojotenionke tsi nahoten iakonnhekon nok ahatiienthoseke, wahasennowanna inon wateriwareni tsini hattokha, skennen kowa tihatinakere ne Sitaheronon, tenhnon wahanaiene, etho takaientakwe tonsahateriwatewate. Wahataweiate ononsatokentike, watrakwe teieienkwarentonstha, wahrere : tahienkwarentonts ne R. Tahenron ratsihenstatsi kowa ne Asarias ronwaiatskwe : Salka, senontiio, iah ne te saterihonte, ratitsihenstatsi nennée ronaterihonte, akte saset ; ok eken hetsewennarakwak ne R. Iahte hotontaton ne Osias, ok eken tahonakwen, ok sa ok rakenkwarake waokentane enotstawine. Kawenniio wahontkatho ratitsihenstatsi okon 80 ni-hatihne tsinahoiaawen, wahonwenhase : Satsiakenn : aiohtonhon se naesenheion tsina satiere. Wahatehen ne Osias, nok wahohteronne, ok sa ok wahateko, eren tkanataien iahatien, iahte kakonte etho iahatasete nok iahrenheie.

Sahonwanontiioste Ozias roienha Joathan ronwaiatskwe, 25 natehaoseriiaakhonne, thoriwaierikwe, tkariwaieri tsi sakotsteristakwe ne Sitahe-ronon, tiotkon rotesennion nahaterio, 16 nioserake tsinahe ronontiiokwe, etho iahrenheie.

Ethone tsi ionwesenhne tsi thatinakere Juda raotiohkwa, iah skennen te kenhne tsi thatinakere Israel raotiohkwa. Tohka nihati teshonattenionkwenne rotinontiioson iahte thotiriwaierikwe, otiake ronwatirio. Onen saiafat ne Manahem ronwaiatskwe wahatatenontiioste, eso wasakokenrenseronni Israelronon, roterientarakwe tsi ronwaswens, nok tsi ratsaniskwe aonsahonwarihontako, wahniriwisa Assirirronon ronwanontiiotahiatenrowe.

CHAPITRE LV.

Corruption dans les royaumes de Juda et d'Israël.—Isaac voit la gloire de Dieu.—Règde de Joathan.—Scélératesse et impiété d'Achaz.—Prophéties d'Isaïe sur les noms et caractères du Messie, son précurseur, ses prédications, sa douceur, ses miracles, sa justice, sa patience dans sa passion, sa résurrection, sur l'extension de son règne, sur l'Eglise, la conversion des gentils, sur les ministres de l'Eglise. A. M. 3262.

Sahrenheie Manahem kenha, ne roienha Fa-seia ronwaiatskwe sahatatenontiioste, wasako-

sennaïen ne kaiatonnik, 18 niwennitake tsinahe
thonwanontiioston Faia Romelie roienha waho-
sete nok Samarike wahatatenontiioste ahonwen-
nakeratse Israel raotiohkwa, 28 nioserake tsini
kariwes roterihontakwe. Ethone tsi kahawiskwe,
akwa ionehrakwat tsiniiot kariwanakerekwe ne
kariwaksen tsi thatinakere Israel raotiohkwa nok
oni Juda raotiohkwa. Sekon sane iakaonwes-
wanihakwe aia^{ak}wentatokentase wentanoronson,
tenhnon iotkate ion^ttatasetakwe sate iakonkwe,
ronwasennaiesatanionskwe ne R., iontsteristakwe
ohneka, kanakwaiesatsera oni. Ne tehatiatore-
tha iahte konwaïanenhawiskwe kariwakwarision-
sera. Kaneka tehotonwentsionihakwe tosa tahon-
watsa kaïanerenserake owista sakowiskwe teha-
tiatoretha tasakonikonhrakenni. Ne tsiakothon-
wisen iawet teiontkennieskwe onka senha kano-
ronson akontseronniate, kontinaïehne. Kentioh-
kowanen nonkwe ne kariwaneren iakonikonh-
rakarhatonne tsiniiot iahte tsieïenterihne naho-
ten kariwiio, nahoten kariwaksen. Othenon ne
ioïanere ienatonkwakwe wahetken, othenon wa-
hetken ienatonkwakwe ioïanere, tekaswatetatse-
ra ienatonkwakwe tetiokaras, nok tetiokaras
ienatonkwakwe teïoswathe. Tiotkon iotehiaron-

tie kariwaksen tsi thatinakere Sitaeronon ; wahariwisa kati ne R. asakohrewate nok wahorihotasion ne rotokense Isaï tsi sakohrewatane.

Ne ioserate ne ronontiio Osias. rawenheion, wathotieronnionse Isaï tsi rotroriaton tsi nahoten rotkathon : Wahiken ne R. akwa iken ennitskwaratseranoronke rents kwahere, iawet kanaan ononsatokenti tsi rotiatawiton ronwennitiohkwaton ratironhiakehronon. Tenihronhiakehronon Serafin tsini hotitiohkoten etho ihnete, enskatson 6 nihotinerahentsonte 2 wathiatkonsorokte, ne oni 2 wahiaterrhorokte hniatake, ne oni 2 hiatstakwe tahniten nok hiatonhakwe tetsiaron wathiatatewennarane : Saiatatokenti, Saiatatokenti, saiatatokenti Sewenniiio Niio Sabaoth, iaonwentsiananon onwentsiakwekon saiatanehrawatsera. Tsini howennatsanit ne rohtare, watewatkarenron tsi kannhokaronte ononsatokenti titkaienkwarahere kanonskon. Ethone wakennon-tonnionwe : wakitentasere, kanoron tsi nenwakiatawen ; aseken iahta tewakatati. Ethone wahi wennahronke ne R. wahrenron : onka enhi tenniete ? Wakiron : Tontaskiatenniet. Nok wahakwenhase ne R. : Watkoniattenniete nok wahrenron : lakotewennotatskon ne ienakere, enies-

wennahronke nok iawet tenhontahontakweke to-
sa aionhronke, iah taonton aonsaketsienten.
Ethone ok enshontatrewate nonen enienatakari-
haton tsi tkanataientons, iah onka etho taonsaie-
nakereke.

Etho nahaiere Isaï tsini honnhaonne ne R. Wa-
sakohretsiaron Sitaeronon aonsahontatrewate,
iah tenhnon te honatontaton, ok eken senha wa-
hontatenikonhrahnrirate kariwanerahakserakon,
iekanihare otiake wahonwatentoriate ne Roto-
kense, oktahonwaieron. Etho takaientakwe R.
wasakotewentete. wasakohrewate, aseken iah ne
atsokowatsera, iah oni ne kasenna takarihonni
iahtasakohrewate ne R. ne ronwanikonhraksata-
nions. Thoriwaierikwe ne Ronontiio Joathan,
eso oni sakoiatakennhaonne Sitaeronon. Waton
noiatonseratokenti : Roriwiiostonne, roriwaieri-
ton oni tsi sakoteriwatsteriston. 16 nioserake tsi-
nahe thawenheionne ronikenna, etho nahe rote-
rihontakwe. Sahrenheie, tonsahatane raonakta-
ke Akas ronwaiatskwe. Tsini hati rotinontiio sa-
konateriwatsteriston Sitaeronon Jerusalemne iah
kaneka te iakotkathon netho nahaserohenhake,
netho nahakenhronni kariwiioston. 20 tehaosese-
riiakonhonne sontahonwanontiioeste. Ok sa ok wa-

hotewentete ne R. ne ronwawenniiostonne ronwani okon kenha ; waharihonti oni kariwiioston, wasakosennaïen kaiatonnik, wasakononsonnia-nion oni wasakowentho katsenen sonha asakowenniioste kaiatonnik ; ieiohe ne roienha otsirake wahoiatonti nahowenniioste Molok ronwaiats tsi ronnhe. Rasin ne ronwanontiio Sirironon tenhnon Fasee ne ronwanontiio Israël raotiohkwa wahiatenrowe, wathatinatannhake tsi tkanataïen Jerusalem, wahnere : aiakiawatsirahtonte Tafit raowatsire, tenhnon ahonwarihontako ne Akas. Iahte hononwehon ne R. akonwawatsirahtonte Tafit raowatsire, ne wahonni wahonikonhrata ne R. ne Rotokense Isaï ahohrori ne Ronontiio, ahenron : Tosa tesatonharenron, tosa shet-sanik lehotinontiiotserake ronatenrohon aietsionwentsiakari ; iah tahiátkweni, iah etho taiawen tsini hotinikonhrotens. Iahte iotonhon ahiatiatakweniioste tsi tkanataïen Jerusalem, tenhnon sonsahiahtenti wahaonwentsiakari, wasakotinas-konni oni kentiohkowanen wasakotiiatenha, tahnihawe oni niatekon ne kanoronson raonawenk ne ratinakere. Fasee Israel raotiohkwa ronwanontiio roriwakwenionne sewenniserat 100 niwenniawetserashen ronwatiriohne, nok 200 ni-

wenniawetserashen ronwatiienahne, ronwatinas-konnihe, Samarike sarete, wathonterane ne rotokense Obed ronwaiatskwe, wasakoriwahesten Israel raotiohkwa, wasakawenhase, wahrenron : Sewaserohens, sewaweienatsanit, akwa ioneh-rakwat ietsikenhrenseronnihaties sewatateken-okonha Sitaeronon, eso ietsirio, eso oni ietsinas-konni ase tsi iakonnhe, ensewatkatho entsise-wahrewatakwe ne R.

Wahatontate ne Ronontiio Fasee etho nahaiere tsini hororihne ne Rotokense Obed, sahonwanatkawe ne Sitaeronon, akwekon sahonwennon ne raonawenkson okon, wahonwanatiatawite iahte honatiatawitonne, kaseretake sahonwatiteronna ne sotsi tehotiwiseheion, ne oni ronatkarewatonne, nok ionsahonwatsiatewe tsi thatinakere. Wahotenrate ne R. ne Fasee tsi ethoni hoierenne, sahoieritse ; wenheiontiio wahrenheiate.

Ok eken Akas ronwanontiio Sitaeronon iahte hotston tsi rotkathon tsiniiot R sakohrewatonne Israelronon, niatekon wahontkaronnianion ne Sitaeronon, Idumeronon Filistins nok Teklatfalar Assirironon ronwanontiio wasakononwentsiakari ne Sitaeronon nok tohka nikanatake wahontatiakwenioste, nok etho wahontien onwe. Waho-

nikonhraksen ne Akas, iah tenhnon etho te tio-
ientakwen aonsahatatrewate, ok eken senha wa-
hataatenikonhrahnnirate kariwanerahakserakon,
wahoriwasten ne R. iahte sahatateriwasten ne
raonha. Wahatennhanne aiennhoton tsi kanon-
sote ononsatokenti, oktiwakwekon wahontkatho
tsi kontiatare kaiatonnik iah Niio te ken. Wasa-
konikonhrehawite Sitaeronon ahonwatewentete
ne R. nok ahatisennaien kaiatonnik ne ratisen-
naiens akte tienakere. Tenhnon wathotaste ne
R., wahrenheie Akas onen 36 tehaoseriiaakon-
honne, 16 nioserake tsinahe thonwanonttioston.
Ne rotkaronniatonne Akas sotsi ase tsi ronnhe-
kwe sahonwanonttioste, sotsi oni ratatkonniens-
trkwe, rerhakwe : akonhaa kattokha, iahte ha-
tontatskwe othenon ahonwahreri.

Ethone tsi kahawiskwe karoha tsi iotkwentioh-
kwarisionhe Israel raotiohkwa ethone tsi Osee ron-
wanonttiokwe, ne Rotokense Isaï tsi thatinakere
Sitaeronon renterontakwe. Tsiniiot iahtahatka-
tho, iahtahattoke tsini iawensérons tsi thanakere,
ne ok ieken wahatkatho tsineniawen nonen on-
wentsiake enhreseke nensesakoskontako nonkwe
tsiniiot nahonikonhrowannha wahotokaten ne R.
ohenton ahatkatho tsi nenhoiatawen, tsi nenhaiere.

Tsini hatihne Rotitokensehakwe raonhaa Isaï ohenton irate sakotohetstennis. Onwa kati aonsakwehiarakwen ne kontiriwakweniioson ne thoia-tonnion, thowenninekenhon ne raoriwake, toha 700 nioserake karo ahreseke nonwentsiake ne nonwentsiakwekon nonkwe ronwarharekwe.

Ohenton thotrori Isaï Rotokense tsi nensesakoskontako nonkwe enhonistensentaké iahte kana-kwaienteri, rawen : Katkeha kaiatase iahte kana-kwaienteri oia nenieiatotenhake nok eniowiraienantane roskenrakehte Emmanuel enhonwanatonkwake (ne sakawennat Emmanuel naiairon : tewakwekon ne R.). Rawen oni : Tesannhohonti karonhiake aontahatsnente nonwentsiake ne Thoriswaieri kowa ; taonwentsiatoren nok ahoketote nensesakoskontako.

Tsiniiot ahatkatho ronakeratonhaties, rawen ne Rotokense : Saiatat ne raksaa sonkwennakerati ranensake karatie raoteniententsera enhonwanatonkwakwe raonhaa roiatanehrakwat, rasatste enhonwennakeratse nonkwe, enthahawe ne skennen, R. enhaiatotenhake. Enthonne Rotinontiiioson enhonwaiatisake, kanoronson tenhonwawenniiostana. Ohenton thotrori Isaï Rotokense tsi San Watis Rti enhohaseronnien Iesos tsi ensa-

konikonhraseronni nonkwe naiontste tsi ensakotati, rawen : Enhonwawennahronke saiatat karhakon enhatonna : Hetsisewahahaseronnien ne R., sewahahakwarisi ne raohaa okon. Akwekon tsi ionhrakwaienton enskaharataton, nok akwekon tsi ionontenion tsi ionhniaronnions oni enskanontienenton tsinikon teiotsakton enskatakwarision, nok entsionwentiakwarision tsinonwe ni iononniokotonkwe, nok akwekon nonkwe eniontkatho tsi sakotsennonniatennire ne R.

Ohenton thotrori Isaï tsi nensesakoskontako nonkwe enhaterihonten asakorihonnien nonkwe nok tsi nenhaiere ahariwaierite tsi roterihonte tsi ensakotati, enhonikonhriiohake, niatekon nenhaiere ioriwanehrakwatenions, iakonoronse nonkwe eh naieiere, rawen : Niate ionkwetotenson enhoniron : hasewe, tewanontarann tsi tiononte raonontatokenti ne R. ensonkwarihonnien tsi nentewaiere, entewahatitakhe tsinon iohahiio ensonkwanatonhase, aseken Sionke entkaiakenne R. raowenna (Oriwiiio Jerusalemke tioiakenhon kariwiioston taonreni nonwentsiakwekon) Rawen ne R : Riiawi ahariwahnirate nakianerensera tsi kentienhkwaienton nonkwe, ahonwakowanenha-ke nakasakorihonnien akwekon nonkwe. Isaï oni

rowennahnoton ne Niio Roienha tsiniiot ahatro-
riate tsi nenhaterihonten asakorihonnien non-
kwe : R. raonikonhra wakatienni, ne aoriwa ra-
kiataseronni, rakennhaon nakherihonnien kari-
wiioston ne iakotent, naketsientanion oni ne
teiontonnhakarias nakonikonhrakon, nakehrori
ne iennhoton tsi onen entsiontatennhotonkwase,
nok ne teieronwekon tsi onen ensiekenseke
naonsakheiatatako ne iakotkenrenseronni, nake-
rihowanate R. raotanitenrasera awennisera, nok
oni awennisera ne raosatstensera tsi ensesakoie-
ritse nonkwe.

Onen nonwa Isaï wahowennahnoton Niio Ro-
niha ohenton thotrori tsi nenhonikonhriiohake
tsi ensakorihonnien nonkwe, rawen : Ken kaien
ne Rienha,ii riatarakwen,raonhatsiwa rinoronkwa
raonhatsiwa iotonweskwaton nakenikonhra, en-
hinikonhron nakenikonhratokenti nok raonha
ensakorihonnien ne tkariwaiერი nienakerenion ;
iahta tahariwakennha, iah oni tahatewennaien-
tonwe, iah oni tahonwawennahronke tsi iontkeron-
takwaokon, iahtatahaiake okwire ne iotakwara-
son, iahtahaswate ne sekon ioienkwarote tsi
iotekha nokare enhakweni aontensenni takaren-
saronke oni ne tkariwarieri nok akwekon ne

ienakerenion raosennakon eniakorharekwenhake. Ietsihrori iakonikonhratsiioha : Sewasatstek, tosa sewahteronsek, ken ire netsisewaiatison Ethone entsiekenseke ne teieronwekonne, entsionhronke teionhontakwekonne ; ne iontsinokatakwe netho neniontsionnionkwakwe tsiniiot tsiononnionwane, nok ensewatnerensi nakawennasa ne iahte ionta-tiskwe.

Ne oni rotroriaton Rotokense Isaï tsi nensesa-koskontako nonkwe enhatatatewentete ne raonha naonsahonikonhraseronni Nii Roniha nok nasakoriwakwatakwise nonkwe Rke tsi tensakone-kwensarise, ensakawenheiasse, rawen : Eso nonkwe rotketaton nakoriwanerahaksera nok sakoteren naienni ne teshonateriwatewat. Hetsitewat-kathon iahte shaiatiio iah othenon te skaieronni tsini haiatanoron, roiatanehrakwat, iah taonton aonsahonwaienterene tsiniiot rotstawis onwe ronwakenhronnihon tsiniiot akwa ehtake nahaiatotenhake, karonhiakensera roiatontakwen, roienterhaon iononwakte okon iahte shakonsaieronni tsini honwakenhrenseronnihon, ieiohe iahte sewaseton tsini honwaieren. Tokenske tehotatekwenni nonkwaronhiakensera okon tsi tetsitewakanere onekwensoskon, ronwawarharatsionkwen

tsiniiot kaneka ne ronkwe R. rotewenteton nahohrewate. Ronwakarewatanion, nonkwariwanerahaksera iotikwenion, ok tateiohrihon raiatakwekon ne iorihonnihon kariwaksenskwe okon tsini ionkwatieranion, raonha wahorane kahrewatatersa okon naonsahonwanikonhraseronni ne Roniha ne sesonkwatsientakwen tsi rotkarewatanion Rotatatewenteton, aseken raonha thennon-tonhon, rotaterakwenni etho nahoiatawen, iah skawennat tethowenninekenhon ahatatiatakennha ok skennen kowa tsi sakowenniioston tsi ronnhe, tsiniiot ne teiotinakarontonha konwariosere, tsi ok nakonwaierase, iah othenon taontatiatakennha, iah kaneka tetsiotatenron raiatake, iahtahoroniakenhon rasitake tiotasawe ieiohe ranontsine titkahere raiatake iononwakte okonha. Tehokwen ne R. nonkwariwanerahaksera roketaton ne raonha taonsahariwarekwate. Raonha thoriwaiერი rakseronniennis ensakoiatatokentiste kentiohkwawanen enhatketate nahoriwanerahaksera okon.

Rotroriaton oni Isaï Rotokense tsi neniawen nonen enhonwaiesate nensesakoskontake nonkwe tsi enhonwatewentete ne sakonoronkwakwe, enhonwakonsoiake enhonwakonreke, wahowennahnoton Niio Roienha, rawen : Wakatkathon nok

iah onka te ionkiatakennhaon, wakesakon nok
iah onka te tsionkennhe. Iahta tewakatahkonsa-
konhatenihon tsi niatekon ionkisinorakwen waon-
kennitskeroserawe oni. Ronahriskonhon ronon-
kwetaksens. Ne oni rotroriaton ne Rotokense
Isaï tsi enshatonnhete Jesus. Entewenniseraien-
take Jesse raohtera (rotereha) tenhatane enhania-
tarenhawake nahonwaientereste nonkwe okon,
kentiohkwakwekon nonkwe enhonwennitentase,
enioiatanehrakwat on tsi enhaiatatake.

Ne oni rotroriaton ne Rotokense Isaï tsi neni-
awen nonen karonhiake ensrete Jesus, tsi non-
wentsiakwekon tentewateriwareni kariwiioston,
tsi niate ionkwetotenson niate iewennotenson eni-
eiena raoianerensera, enhontiataren raotiohkwat-
tokentike, rawen : Testann, tetswatek Jerusalem
(ne sakat ahenron Jesus raotiohkwatokenti) ase-
ken onen iio tesaswatatsera nok R. raoiatanehra-
kwatsera ioketote tsi tsiteron ; teniokarawe tsinon
akte tienakerenson ; ok eken R. enhatiatotasi tsi
tsiteron, etho eniontkatho tsini hoiatanehrakwat.
Niahte iakoriwiiostonne iahte kakonte enhonne
tsinon tesaswathesatsera, ratikorakowatson tenho-
tiswathetakwe tsi teioteronronte ne tesaswathes-
atsera. Satkahraketsko nok satkatho tsini iotioh-

kwatsanit iakotkennison iseke ienhonne, inon
tenthonne ne sheien okonha rotiskenrakehte nok
sheien okonha tsionathonwisen. Ethone ensatka-
tho, ensanehrako enionwesenhake seriane nonen
ken neniontierate tsi tsiteron isinaskaniataratiko-
wahne tienakerenion niate ionkwetotenson tsi
tsiteron enthonne, eso nikanaskwake ionaskwa-
tsanit eniontkatho enkonneseke. Sabake enthon-
ne nonkwe enthatihawe owistanoron otsinekwar
nok kahnetanoron teieienkwarentonstha enhon-
wasennowanate R. tsi tionnhe.

Ateniententsera enkhenatonhase nok enkheia-
tenniete nonkwe sonha ne sekheskontakwen eh
iahonne inon tsi thatinakere isi nakaniatarati tsi
thatinakere Afrikronon Lidironon ne ratiiaks tsi
thatinakere Italironon Greks nihatiiatogens kawe-
noke thatinakere ne iah nonwenton othenon te
hotiriwahronken ii akeriwake iahte iakotkathon
akiatanehrakwatsera nok enhatirihowanate tsi
thatinakerenion tsini kiatoten, enionksennowana-
te enkananon nonwentsiakwekon tsi enhonwai-
enterihake ne R., otiake ne inon thatinakerenion
enkheiatarako enionkewennenhawake. To onte
ni ioianere tsi onontoharakeson ronahtentionha-
ties ratirihowanatha sakonatatis ne skennen, ro-

natroriatonhaties ne ioianere, sakotirihonniennis
tsi naieiere karonhiake aiontsennonni iontatennis
nonkwe : Ronwennak eraton netsisewawenniio.
Oriwiio tsi iawet rotkathon Isaï raonikonhrakon
600 nioserake karo eh naiawen ne kariwanoron-
son kariwiiostonke. Iawet ronikonhrowanaton ne
Rotkon Rton iawet rowennahnoton. A. M. 3262.

CHAPITRE LVI.

Salmanazar assiége et prend Samarie.—Fin du royaume
d'Israël.—Tobie emmené en captivité avec les 10 tri-
bus, est fidèle à Dieu, exerce les œuvres de miséri-
corde.—Il devient aveugle.—Sa résignation.—Afflic-
tion de Sara fille de Raguel.—Avis de Tobie à son
fils.—Il l'envoie à Ragès chercher l'argent que lui
doit Gabelus.—L'ange Raphael s'offre pour accompa-
gner le jeune Tobie, et console son vieux père. A. M.
3299.

Tsi thatinakere Israel raotiohkwa wahatatenon-
tiioste saiatat ne Osee ronwaiatskwe. Iahte saha-
tiwatsira kenhne ne Israel raotiohkwa ronwanon-
tiio. Wahosete ne Fasee ronontiiokwe nok tonsa-
hatane raonaktake, etho takaientakwe kentioh-
kowanen iahte honatontaton ahonwanontiiohake.
9 nioserake tsini kariwes ethoni iohtonne onen

akwekon wahontontate. Ethoni haserohenne, ronkwetaksenne tsiniiot noia Israel raotiohkwa ronwatinontiio. Onen kariwes tsinahe thonatasawen Rotitokense asakotihretsiaron Israel raotiohkwa aonsahontatrewate, tenhnon iahte iontontatskwe, iotkate oni R. sakohrewatonne tsi eso wahontkaronnianion tsi waterioskwe Assirironon ronwanontiio Teklatfalasur ronwaiatskwe, eso ronatakarihatonne sakonowentsiakarihatonne oni, eso oni sakonaskonnihne Israelronon inon sakoiatenhawitonne. Iah tenhnon etho te tioientakwen aonsahontatrewate Israel raotiohkwa, ok eken sakotinakeraniskwe ne iahte honwaienteri ne R. tsinahe thonatekhasion Israel raotiohkwa Tافيت raowatsire nok tsinahe ronatkawen Jerusalemne Niio tsi rononsote ahonterennaienna ok he niieheiot tsini iakoriwanerahakskon, wahariwisa kati ne R. iahte kakonte asakotewentete, wahoiatarako, iawet wahorihonten Salmansar ronwaiatskwe Assirironon ronwanontiio asakohrewate. Wahariwaronke tsi Osee thonatenronhon Egiptonon ronwanontiio ahaienawase tosa ahonwasenni Assirironon. Wahatiohkwaroroke sotar, nok wathanatannhake tsi tkanataien Samari kanatakweniio tsi thatinakere Israel raotioh-

kwa. 3 nioserake tsinahe thotasawen tahanatannhake, wahatatewenniioste tsi tkanataien, wahana-takari, eso wasakokenrenseronni netho thatinake-re, wahoiena ne ronwanontiio Osee, wathowistotarho, wahonnhoton tsinihronnhes, wasakokwa netho ratinakerenion tsinikon raonawenk, akwekon inon wasakoiatenhawe, ne ok sakowi ahaterontake ne ratitarhakarhathos nahatiiatoten nok oni onenhare rotiienthon, nok oni katsenen rati-nonnaties. Otiake wahatikweni ahonteko, ahontekwashen tsi thatinakere Juda raotiohkwa. Tsiniiakon wasakoiatenha tsi thatinakere Assirironon wathontieste niahte honwaienteri ne R.; wasakotenniete Salmanasar Assirironon etho ahonennakerate tsi thatinakerekwe Israel raotiohkwa. Iawet sahatiohkwarisi Israel raotiohkwa-kenha. Ieioierihon kati tsinikon ronatrорihne rotitokensehakwe tsi nakoriwanerahaksera entkari-honni R. iahte kakonte ensakoiatahtonten. Onen 253 nioserake tsinahe thonatekhasionne Juda raotiohkwa.

Ethone tsi Fasee ronwaiatskwe ronwanontiio-kwe Israel raotiohkwa ronakeraton ne Tobi Neftali rawatsirake. Sekon siraksaa rariwaieritskwe tsinikon iakonnhas Sitaeronon Niio raoianerense-

ra, iahte kaieronni ne raksaa ahaiatotenhake. Ethone tsi toha akwekon ne satehatinakere rati-sennaienskwe ne tionnhonskwaron owira owistanoron otsinekwar nikaiatonniseroten rotennhaonne Ronontiiokwe Jeroboam akonwaiatonni, Tobi ratatiatohtarhoskwe tsini kentiohkwa etho iehonn-etakwe nok Jerusalem ne ierettakwe ahaterennaienna nahosennaien ne R. Onen tsi rotehiarontie wahotiniake skaiatat Anen konwaiatskwe nihiatatenonkwe, enskat roskenrakehte wahowiraientane, wahosennon Tobi tsiniiot ne raonha nok wahorihonnien sekon si raksaa ahotsaniseke ne R. nok tosa ahatsteriste ne kariwaneren. Sahanatakari Samari tsi tkanataien Salmanasar ne Ronwanontiiio Assirironon, wahonhriskon ne Tobi, rone nok ne roienha tsi wahonwatinaskwenhawe Israel raotiohkwa ne sate hatinakerekwe, Ninifke wahonwatiiatenhawe. Saheto iahte hata-tewenniio iah nonwenton te horihontion kari-wiioston, raonikonhrakwekon rawehiaraskwe ne R. etho takaientakwe R. wahotenre wahonikonhrata ne Ronontiiio Salmanasar ahonoronkwake wahorihonten oni raononskon, wahaon oktahawenniioke ka ok nonwe ahreseke nok oktahennonton tsi nahaiere.

Sahrenheie Salmanasar kenhane ne roienha Sennakerib ronwaiatskwe wahonwanontiioste. Akwa ionehrakwat tsi sakoswenskwe, sakokenrenseronnihakwe ne Israel raotiohkwa. Tsinahe thonwatikenrenseronnihakwe, niatewenniserake Tobi sakotkensereskwe, sakonikonhrahnratskwe tsini hakwenieskwe, sakoiakhonniskwe tsi nahoten roien, otiake atennatsera, otiake atakwenia sakoiatataskwe oni ne ronwatiriohne. Iakahewe Sennakerib Sitaerononke iahare rerhakwe akhenatakari Jerusalem, ratonhakwe: Iahtahakweni ne R. asakoiatakennha raotiohkwa, wahosen-naiesate ne R. wahokenhron. Wahohrewate kati ne R.: sewasontat 185 niwenniawehetserashen ne raotiohkwa sotar wahonwentane. Wahateko Sennakerib. Sonsarawe tsi thanakere Ninifke ronakwenhon, etho takaientakwe wahatennhanne eso ahonwatirio Sitaeronon nene ratinaskwa kenhne Ninifke. Iahte hotkawen ne Tobi asakotenranion nontatekenson nok oni asakoiatata ne iakawenheionne. Wahonwahreri ne Ronontii. Wahatennhanne ahonwakwa ne Tobi tsikon roien. Wahotentane ne Tobi tenhnon tsi eso ronwanoronkwakwe tsini hotanitenraskon iotonhon ahontasete raowatsire wahonwatinaktotase.

Onen tsi iotohetston kaieri niwasontashen wisk iawenre, wahrenheie ne Ronontiio Sennakerib, sakoien okonha wahonwasete. Sonsarawe Tobi raononskon, sahaiena ne raowenk sonha thon-watekwennihne.

Iakahewe tsinonni wentanoron, wahatennioten ne Tobi. Sekon tsi tehontskahonhatie wahon-wahrori ne Tobi tsi saiatat Israelronon nahaiatoten eh raiatahere ronwasetonne. Wathaséntho ne Tobi, tahawenninekenne nahoten thotrorihne Rotokense Amos tsi nensewentatokentase wentanoron iatensewataton sewatonwesentsera, kanihonhraksensera enwaton. Ok sa ok tonsahatane Tobi; eh iaharawe tsi raiatahere ne ronkwe kenha; wahonensaren, nok otasetonke tsi rononsote niionsahawe, aseken tsi ok iatenwatsotho enwaton ahoiatata. Akwekon ne rontatenonkwe sahonwariwasten tsi ethoni hoieren wahoniron: Ne toha sastonton aesario tsi ethoni saieren, serekha asiheion, nok sekon sheiatiatatas ne iakowentaon. Iah othenon te hotahonsataton ne Tobi tsi nahoten rontonhakwe, ok onen tsina tahaiere sakotiatataskwe ne iakawenheion, senha wahotsanike ne R. tsiniiot ne Ronontiio. Iakahewe eso sakoiatatenhenne. Sewenniserat, tehowisen-

heion sonsarawe tsi rononsote, kentstenrakta wahotawe, katarakonhaa ota iotarihen wakarane rakahrake, nok watharonweke. Tihaweton ne R. ne wahotenie, etho naontawe ahontkathoseke nonkwe tsinenwe enionwentsiateke tsi etho nihonikonhkatste tsini honikonhkatstekwe rokstenseratokenti kenha Job ronwaiatskwe. Iah ostonha tatehoteriatikhonhon, ok eken wahowenniioste ne R. tsinahojatawen, iah othenon tateiotkarenrenhon raonikonhrakon tsi rotsanis ne R. Iah etho te hotinikonhrawenhon ne sakononkwe tsini hotierenne Job kenha sakononkwe, oktihonwaieronne, ethoni hotiieren Tobi sakononkwe, wahonwatentoriate, niatekon ronwennihakwe. Wasakohriste Tobi, wahrenron : Sewatka tsi sewariwakate : saonkwane kensa iakisot okon kenha rotiiatatokenti, ionkwarhare tenhnon ensesonkionnhete ne R. etho iaetewe tsi sakotsennonnia-tennis ne iahte honwatewentetha.

Tsinahe iahte shakens ne Tobi, wahotentane. Kanataronnihakwe ne rone, ne ionnhekwenne konwawihne enskat ne kaia takeras, waharonke ne Tobi tsi watioherente, wahrenhase ne rone, wahrenron : Senikonhrarak, iah ken akoren akowenk te ken ne kenhen ? seriwisak, iah se te

ioianere naiehawake akoren akowenk ; ok eken waonakwen ne rone, wakenron : onen nonwa akwekon teiekanere tsi ok sewatieren hetseniahesas ne R. iahte hiaiatanonstaton tasateronweke. Ethone wahaonsenne ne Tobi, wahatstaren nok wahaterennaien, wahrenron : Tisariwaieri, Sewenniio, takwehiarak, sasanikonhren tsi wakeriwaneren nok tsi iakoriwaneren iakisot okon kenha Israel raotiohkwa, ne karihonni ionkinaskwaien. Tsionkwariwarision tsini skwariwisahanihne, ethoni wakiatawen tsini sanikonhroten. Kaskaneks sane nakiheie ; iah othenon te sewakerihonte onwentsiake nakonseronnienniheke.

Etho nonwe niioriwiistonne tsiiothonwisen nok ioronhiakenne, Sara konwaiatskwe nok ne roniha Raguel ronwaiatskwe. Rakeske kanakerekwe, 7 onen nionakwakenheiasenne : kawenniio ens iaontaweiate tsi tiononsote, noneshonronon teiakohonriakskwe, ne karihonni akwekon ne rotiskenrakehte konwatsaniskwe, wahatteten ne ionnhaskwe, aseken ioriwannhikon, onen waonakwen ne ionnhas, waawenhase ne Sara aontiesenhake iah nonwenton tasatewetonne sherio se ne wesaniake, katiken ii oni enskerio ? Waonikonhraksen ne Sara, iah tenhnon tateioteriatikhonhon. Tsi

tionakte etho waontatennhoton, 3 nonta kenteron, onwentsiake ontiskwentaren, watstarha, wahonitentase ne R. wakenron : Aiesasennaientake, Sewenniio, onkwariwanerahaksera karihonni tsi takwahrewatha, aiesennitentase ne iakoronhiaken, ethone sasanikonhrens tsi iesanikonhraksaton. Onwa kati, Sewenniio, ise ken katennikonhron-tietha satokense tsini wakatehenhon, takitenr tosa onen aonsakeronhiaken, tokat se oni enkiheie. Iahte sonweskwani takwa askwaronhiakente, iahte sanoronse kariwes tsi watkawerakwe, tasennon-ton taonsakaweriiake, iahte sanoronse asheiaton-weskwaten kariwes iakotstaren nok iakonikonhraksenhon. Ise iesawenniio Israelronon iahte kakonte aiesasennanentonseke. Wasakotontatse ne R. Tobi nok Sara tsi ronwennitentasehakwe, wathotenniete ne raronhiakehronon Rafael asakonikonhrahnrirate.

Rorharekwe ne Tobi rerhakwe abakitenre ne R. akiheie. Iahononke ne roienha onen tehaoserashen nok wahohretsiaron, wahawenhase, wahrenron : Satontek, kien, tsi nahoten enkiron. Onen katonnhoktane, tosa nonwenton sasanikonrhen. Kawenniio enkiheie, ensewatha ne kieronke kenha : shekonniienstak sanistenha tsinen-

we enionnheke ; sehiarak tsini ioronhiakenhon tsi iesehiaron. Nonen enkenheie, etho enkonwaia-tatha akta tsi nonwe enkiatatake. Niate wennise-rake tsinenwe ensonnheke, hetsehiarak ne R. sata-tenikonhrarak tosa nonwenton othenon aseriwane-rake, seriwaierit akwekon tsini sonkwariwisaha-ni. Shetenrhek ne ieiesas, etho nentewe enhien-tenre oni nise ne R. Eso ensaientake, eso sheten-rhek, kennikonha ensaientake, kennikonha shei-awisek sanikonhrakwekon. Sewaterakewatha ne kariwaneren ne iontatitenras. Nene iakotenniten-raskon iah ok teniakohteronseke nonen tensakoia-torete ne R. Satatenikonhrarak, kien, tosa othe-non satsterist ne kanakwaiesatsera, etho ok tenserre nensaniake. Tosa senaiehak sennontonniontse-rake sewennake oni ; aseken kanaiesera iakoia-tahtonton nonkwe. Kaneka hiaiotense, oksa ok hetskariak. Tosa shawak sanonskon nowista rao-wenk ne hiakarotani. Etho ok nensiere tsi ok nasehre etho naionkierase. Sateweienton tsi ens-heiatarako nensheriwaienniheke, tosa othenon natsierh niare seriwaienhas. Tiotkon hetsen-naientak ne R ; hetsennitentas ahiatanonstatseke tsi ok nahoten ensateriwahtentiate, hetseniahese ne R.

Ken kaïen nonwa akonhrori : Sekon si seksaa, riwistanihen ne Kabelus ronwaiats, Rakeske ranakere Medes ronwatiiats raononwentsiake, kaia-tonseraien tsinikon rikarotani. Ikehre : ahakweni ahakariake. Tetsiatoret tsi nasiere nensahtenti, tosa othenon setsanisek, tokenske ionkwentent, tiotkon sane iatenkaierike tsi nenionkwaientake nentsitewatsaniseke ne R. nok entewateriwatekwaseke ne kariwaneren nok tentsitewariwaserakwatake.—Akwa rotonte ne roienha tsinikon tahatati ne roniha. Iahte irehre : onen ken toha ahrenheie arekho iaiak tehaoserasenne, takenron ne roienha : Enkeriwaierite tsinikon wasiron, ikehre tenhnon sekon enionnise ensonnheke. Onen kati enkahtenti tsini saïeren ; iah tenhnon te hienteri Kabelus ronwaiats, iah oni ne raonha te hakienteri. Oh nenkiere ? Enkiron ken : takkariak : iah oni te kehahaienteri. Takenron ne Tobi : Aonton, kien, naskweni ; wakaterientare thoriwaieri ne Kabelus. Ikehre, kawenniiio entetsiatonseron, oksa ok enhiakariakse ne ok nensesheiatisakha enies-anatonhase tsini ensene, ne sheiatarako nentiakoriwaierike iakoriwiioston, entsitewakariakse.

Kawenniiio Tobi roienha wahaiakenne ensakoiatisake nenhonwanonteratie, iahotkatho thare

ranekenteronha akwa ranekenterontseriio rotse-
ronniaton tsiniiot ne ionhtentionhatie. Raronhia-
keronon Rafael R. thonnaonne enshotsiente tsi
teharonwekon ne Tobi, nok oni Sara tsi ionikon-
hraksatonne noneshonronon. Oksa ok Tobi
roienha wahoriwanontonse, wahrenron : Ohna-
siatoten ? Tahenron raronhiakehronon : Iawet
Israelronon nakiatoten. Tahenron ne Tobi : Iah
ken te sahahaienteri tsini ieiothahinon ne Medes-
ke ? Tahenron ne raronhiakehronon : Onen eso
etho iewakwatton etho iekiterontakwe Rakeske
Kabelus tsi rononsote. Tahenron ne Tobi : Aski-
tenre, takronwas, niare ieshihrori ne rakeniha tsi
nahoten takrori. Wahatsennonni rokstenha ne
Tobi, wahawenhase ne roienha : Sastoron, iaht-
senhas ranekenteron, karo aontaret. Ok sa ok wa-
hatontate ne raronhiakehronon, wahawenhase
ne Tobi tsi wathonoronkwanion: Kaskaneks asa-
tsennonni. Tahenron ne Tobi : Tosa ne satrori :
aonton ken akatsennonni, iah se tekkens, iahte
katkathos teioswathe. Tahenron ne raronhiake-
hronon : Tokenske kanoron tsini saiatawens ;
tsiaken tenhnon, tosa sanikonhrokten. Sekon sa-
henron ne Tobi : Ne rienha iatstsiaterane, sakoia-
tisakon onka ahne tsinon ware Rakeske. Enwaton

kati ken aesene ? enskenikariakse. Tahenron ne raronhiakehronon: Enwatton. Enhiatenhawē netsienha, iahtahiatonti, akwa ok tentiakene. Tahenron ne Tobi : Ohnaswatsirotens ? Tahenron ne raronhiakehronon : Tosa ne tesianikonhraren ; sheiatīsaks onka ahatenrohne netsienha, onka ki ok tīkenhak, kawenniio onkwe enkenhake. Saterientarak sane, Asarias ionkiiats, Anani ronwaiats rakeniha. Tahenron ne Tobi : tsennowanen, tosa sanikonhraksen tsi kerhakwe : akwa ok enhienterhane. Tahenron ne raronhiakehronon : lahte waksensenion. Onen aiakiahtenti. Skennen sen-nontonnionhek tsi wakene nhetsienha, iah othenon tahoitatawen. Tahenron ne Tobi : Kaskaneks skennen akenhake tsi ensene, enkiiaterennaienhase ne R. atsiseniienawase nok oni ne raronhiakehronon aesewakwekonhake. Ethone watesakonweraton nok wahiahtenti.

CHAPITRE LVII.

Le vieux Tobie et son épouse se consolent.—Voyage du jeune Tobie.—Il prend un énorme poisson.—Arrivée de Tobie chez Raguel.—L'ange lui dit ce qu'il doit faire pour se marier saintement.—Mariage du jeune Tobie avec Sara fille de Raguel, sa parente.—Prière de

Tobie et de Sara avant de consommer leur mariage. Noces célébrées.—Raguël lui donne la moitié de ses biens.—L'ange va chercher l'argent chez Gabélus.—Festin de noces.—Peine des parents de Tobie.—Adieux et conseils de Raguël à sa fille qui part avec Tobie.

Onen tsi honahtention ne ranekenteron Tobi nok ne rononteraties, ontstaren ne ronistenha nok wahawenhase ne rone, wakenron : Wasehre : inon iahare netsiteniiienha ; enskat ok ionkeniwi-raien, raonha raienskwé ne tionnhekon. Aontiesenhake iah nonwenton taesawistaientaon netse-nihen ne Kabelus. Etho sane tsini ionkwaientakwe. Skennen rotonte ne Tobi, roterientare tsini ionikonhraksens ne rone tsi wahahtenti ne roienha, wahrenhase : satka onen tsi satstarha, nok tosa tesanikonhraren, hetsennhatens netsienha tsiniiot iah nonwenton taonsatskensere, serharek tenhnon tsi enrawe Rakeske nok oni skennen nensrawe. Akwa ikehre tokenske tenhatihasehatie raronhiakehronon nok enhoiatanonstate, iah sane te hoterientarakwe ne Tobi raronhiakehronon onkwe rotiatontakonne. Etho nakaiere ne Ann tsini haierha ne rone.

Onen nennée ronahtentionhatie ne Tobi roien-

ha nok hiatenro, skennen tehotihtaratie. Sontontierende tsi wahianonwete kaniatarakta Tigre konwaiats. Wahrere ne Tobi roienha akatasitohare. Kawenniio ohnekake wathatane, wahatieren ok kentsiowanen etho nontaiawenonhatie tsi irate tsiniiot nawerheke ahikari. Akwa wahohteronne Tobi roienha iahotkatho ne ihne, wahrenon: Karo kase; iwehre aonkiatakari ne kentsionk. Tahenron ne ihne: Iah othenon taesaierre wahontake nonwe natsiena, nok tatsiatihenthoh. Etho nahaiere ne Tobi roienha; etho wakenheie ne kentsionk. Sahenron ne ihne: Tetsiatoren, serako naotwensa, nok aweri, nok notsate; ensatste nenserheke: ensketsiente. Wahiateskonten otiake ne kentsionk nok tsinaotatenre wahni tsiketarho. Waorhene onen sahiahtenti. Wahre ne Tobi roienha ahiriwanontonse ohnahoten enkatste ne wakateweienton. Tahenron ne ihne: Otsirake ieherha naweri tsi watienkwaronnis ne iakotekwatha noneshonronon, nok ne otsate ne nennee tsiakotsientha ne teieronwekons.

Tekeni watontha tsinahe thonahtention, iahnewe tsi tkanataien Ekbatane konwaiats 420 miles tsinatekiatere kanatowanen Ninif. Wahawenhase Tobi ne ihne: Kanon entiataweiate?

Tahenron : Iahte saterientare kento thanakere shenonkwe Raguel ronwaiats, enskat ok rowiraien kaiatase Sara konwaiats, sewenniio tsini hoiën, ne kati ioianere aeseniniake ne sakoienha, etho nonwe ientiataweiate, ioianere natseriwanontonse, iah onte tahateraiatakwe aeseniniake ne sakoienha. Tontahenron ne Tobi : Wakahronken 7 onen niioniakonkonne, akwekon ronênheion, noneshonronon teiakohonriiakon, ketsanis ii oni etho naonkiatawen, ketsanis oni nahniheiate ne ionkwateweton tsinenhotinikonhraksen. Tahenron ne ihne : Satontek tsi nahoten enkiron : Tokenske ki nennee noneshonronon iakowenthon ne Sara ioniakskwe, ne iorihonnihon tsi iahte thotiriwaierikwe. Iokweniatseraien noneshonronon aiakoni-konhraksate, aiakokaronni oni tsiniiakon iahte shonwehiaras ne R. iahte shonwatsanis tsi iakoniaks, ethoni hatiierha tsiniiot ne kario ; iah nise etho tasiere, tosa kati setsanik noneshonronon, enseniniake ne Sara ; 3 nonwata karo aeseniniake ensatonnhakanonni, ensaterennaienseke. Nentewatierente eniokarawe ensatsahate naweri ne kentsionk, nok iahte kakonte eren ensewete noneshonronon. Tekeni watontha entsiokarawe, entshennitentase ne R. entsiahriskonhatieseke sheni

okon kenha ne iakoriwiiostonne. Asenwatontha eniokarawe entshennitentase ne R. naontwatsirahetiharon Abraham sakoien okonha, nentsitsenitanisek oni ne R. tsi enseniriwaierite tsini karihoten ne iakoniaks, nok enhientenre ne R.

Ethone iahiataweiate Raguel tsi rononsote akwa hiatatenonkwe Tobi nok thoriwaierikwe. Akwa wahatsennonni tsi wahonwanonsorenne, iah sane te sakoienterihne. Nonen akwa wathotkaneren ne Tobi roienha, wahrenhase ne rone : teshiatieren nonkiaraseha Tobi. Wasakoriwanontonse tetsiaron, wahrenron : Ka nonkwati tsi seninakere. Wahniron : Neftali nakwawatsiroten nok ionkinaskwaien. Tahenron ne Raguel : Ne kati tsi Neftali niseniiatoten, nok Ninifke tiseninakere, hetsienteri onte nonkiaraseha ne Tobi ? Tahenron raronhiakebronon : Sakeniienteri. Ethone ne Raguel wathorensaronnion ne Tobi. Tahenron raronhiakebronon : Ken irate ne roienha nhetse natonnnions. Ok sa ok ne Raguel wathonoronkwanion ne Tobi roienha, wahawenhase : Aia-wens, kien, R. ahiatsennonniaten, akwa thoriwaieri ne hianiha. Ethone akwa wahontsennonni ne rone nok oni ne sakoienha. Wahrere ne Raguel : Akhenont tahiatskahon. Teiotinakaronton-

ha kenniakaa wakonwario. Tsinahe iakoritten, ethonahe tehotihtare, nok onen wathontskahon, wahrenron ne Tobi roienha : Niare eniontontate tsi nahoten enkiron : ethone tenkatskahon, ikehre ensatontate enionkeniniake ne sheienha. Wahoh-teronne ne Raguel tsi nahaiere ne Tobi roienha, aseken ronoronkwa, ratsanis enhatkaronni tsi enhotiniake ne sakoienha netho nahoatawen tsini hotiatawenhonne 7 nihatihne ne ioniakskwe. Iah othenon te thatatis. Ethone wahohretsiaron raronhiakebronon, wahawenhase : Tosa setsanisek nahotiniake ne sheienha ne tsiatenro roienha, rotsanis ne ranekenteron ne R. akwa ok enwaton ensatontate nahotiniake sheienha, ne ok enskat seniwiraien, nok oni raonha enskat ok ronwate-weton, nok oni sewatatenonkwe. Wahariwa-nonwene ne Raguel tsi nahaiere raronhiakehronon, tahenron : Onktokense onen R. wahakeni-konhraseronni, raonha roriwison tsi kento tasette. Wahrenhase ne sakoienha : Irehre ne R. ne aeseniniake. Wahawenhase ne Tobi : Ne karihonni tsi konnoronkwa, tekiatoretakwe, onen kati nonwa wakatontate.

Ethone ne Raguel iahanentsa ne sakoienha etho iahasnonsaren rasnonsake ne Tobi, nok wahren-

ron : aontiesenhake tetsiaron atsiatsennonniaten ne R. Aiawens tiotkon aesewakwekonhake ne Niio ne ronwawenniiostakwe Abraham, Isaak, tenhnon Jakob, aiawens oni raonha tatsisenirahneken etho naiawen tsi nentsiseniriwisahani atsi-senitenranion oni. Ethone wahatiiaton nok wathontskahon.

Sahatikwentane nokarasa ethone onen ne rotikstenha wahonwanatonnira ne Tobi tsinonwe tkenteron ne rone. Tobi skennen kowa tsi iahataweiate, iahte hatsanis othenon nahoiatawen. Sahrehiarane tsinikon rohrorihne raronhiakethronon tsini iohahes ; wahrenhase kati ne rone, wahrenron : Tkariwaieri natsiteniwenniioste ne R. tsi ionkeniniakon tsiniiore asen nonwata nok nehnikariwes hetsiteninekennihek ne R. nasonkenitenre, nok nohnaken enteniriwaierite ne iakoniaks, aseken saonkenekwensat iakisot okon kenha rotiiatatokenti, iahte tkariwaieri etho naeteniilere tsini iontierha niahte honwaienteri ne R. Wahiatasawen kati ahiaterennaaien kariwes tsini wasontes, wahonwaneken ne R. nasakotenre ne skennen tahononnheke. Wahrenron ne Tobi : Sewenniiio, ise iesawenniiostakwe iakisot okon kenha, aiawens kati aiesasennaaien karonhiakwekon

nok nonwentsiakwekon nok oni ne kaniatarenion iohnaweroton nok oni ne kahionhatenion akonwanentonseke oni sasennatokenti tsini sateweienison. Ise Sewenniio onawatsta sonniaton raieronke Atan, nok Eva hetsiatenroserawi. Teskanere, Sewenniio, tsini iawens nakeriane. Saterientare oni tsi iah ne te wakenienton tsi waonkeniniake : akenikonhraierite tsi konnhe, ne ok ieken kaskaneks nakatwatsiratehiaron nok ohnaken aiesanentonseke tsinenwe. Watonhakwe oni ne Sara : Saterientare, Sewenniio, tsi iah nonwenton te iothaharakwen nakwennontonniontsera tsini saianerenseroten. Keninekennis kati naskenitenre, skennen kowa tataiakenonnheke, skennen kowa oni tiotkon tataiakeniniasehake tsiniiore iateniakeniheie.

Onen tsiniiot rohterons^{ne} Raguel, irehre : onwa oni nennée enhrenheie ne Tobi. Oktahatasete, wahatennhanne naiesonhionni tsi nonwe enhonwaiatata nahrenheie. Akwa kati wahatsennonni sahatketsko ahariwahronke tsi iah othenon te hotiatawenhon ne hiataatronna, skennen rononnhe. Raonha nok ne rone wathiatontsoten, wahiaterrennaien, wathonwanonweraton ne R. tsini saketenron ne rotiniakon, wahatennhanne aiontennio-

ten, wasakohonkaron ne rontenro nok teienons-
anekhaons oseronni tahontskahon. Etho tiotkon
raiatate raronhiakehronon iahte hototasion tsi ra-
ronhiakehronon iken. Ethone Raguel satewasen-
nen tsini hoién wathakhasi, wahaon ne Tobi,
nok wahariwisa nonen enhrenheie nok oni ne
rone akwekon enhatewenniioste. Wahoneken ne
Tobi sekón teioiaiakserake ahenterontake, wa-
thonikonhrarhen ne Tobi, aseken tehotsterihens
etho iahare tsi tesakotikarotani nok oni ronineha
iaonsarawe. Wahoriwaienhase ne ihne, waha-
wenhase: Oh isehre nakiere? Saheto tsinenwe
enkonheke enkonseronnienniheke, enkonioten-
se, iah taonton takonnonweratonte tsinikon was-
kiatakennha. Asatontatseke tenhnon tsioriwat
akonriwanontonse, askitenre asennhanne aese-
we nok oni nakosatens aesewaiatenhawe nok aese-
wakoha owista ne rakeniha sakokarotani, nok
oni karo aontarete ne Kabelus. Wahatontate ne
ihnes. Wasakoiatenha 4 nihati Kabelus raonnhat-
sera Rakeske iahare Kabelus tsi rononsote waha-
taweiate. Kabelus wahatkawe nowista nok wa-
haiena kaiatonsera etho kaiaton onen rokariakon.
Wahohrori hoiatawenhon ne Tobi, tsi onen ro-
niakon, nok tahne tsi tontahiahtenti.

Nonen sahnewe Raguelke, sekon ronatekwahere kawenniiio wahotkatho Tobi ne Kabelus wathonoronkwanion, iahte hokwenion ne iahtahokaserarihon, wahrenron tsi wathononweraton ne R. : Aiawen ahientenranion ne Israelronon ronwawenniiio, aseken tronkwetaierikowa ne hianiha, roriwiioston nok rotsanis ne R. tenhnon rotanitenraskon, kowanen sakoiatakennhas ne iakotent. Aiawen satatsitenitenre ne teseniteron akwa raonha hiaiatarakwen ne taeseniterontake, akwekon oni tsini swatsira tsi oni niiakon ieteron raononskon, asakotenre oni ne R. ne sheien okonha, sheiatere okonha enkenhake tsinenwe enswatsiratatieseke, asakotenrheke ne Israelronon ronwawenniiio ok si ronnhe, nok iahte kakonte tsinenwe enhanakereke. Tsini hati ronatekwahere wathonsaroke ok nennée tontahonniron, nok tsi iahatirihokten, wahoniron : Ethonaiawen. Ethone onen atekwaratserakta wahonnete nonwarhshoti nok tiotkon kahteronhonke ne Rke nonkwati tsi wahontonwesonnion.

Tsini kariwes iakotenniiote Raguelke, ne rotikstenha Tobi hiataatronna oia ok nennée tehona-terientarhe tsi iahonisko ne ronwaienha ; akwa rotinikonhraksens, wahiatstaren ; senha ioni-

konhraksen ronistenha ; iahte iekwenies aonten-
nikonhriioste, watonhakwe : Konhienha, nahoten
kati karihonni, ietsiatorihon, iontsaterientaratsion
tsi ise ok tenskenisniene neniakiatiatisa, sonhaa
ok enskeniwatsirowanate ? Akwekon nieionke-
nientakwe tsi tekenikanerakwe, sonhaa ok keni-
niahesenne, nok onkiatsokowatserakenhne, teio-
tonwentsiohonne onteken nakte akeniiaten-
hawite tsini ionkeniieren ?—Nok ne Tobi roni-
konhrahniiron, wahahriste ne rone, wahrenron :
Tosa sotsi satatenikonhrotako ; skennen kowa tsi
ronnhe hetsiteniienha, onen toha ieiohe aonsatsi-
teniken ; hetsiteniniahesenhak, thoriwaieri netsi-
tiatenroserawi. Iahte watontats ne rone, onen
tsiniiot ionikonhraksens.

Onen tenhnou nennee ne ranekenteron Tobi
tonsahonikonhraren naonsahahtenti ; roterien-
tare tsi rotinikonhraksens ne ronwaienha tsi ka-
riwes roniskohon, wahariwisa kati naonsahah-
tenti ne ronwennihonsekeha. Oia tenhnou tsini
honikonhrotenne Raguel, tehotonwentsioni sekon
ahenterontake, wahonikonhriiake tenhnou tsi
wahattoke thonikonhrakontakwen rawennhonsa
ahahtenti, wahatontate ahaiatenha Sara ne sa-
koienha, wahaon ashennen ne raowenk sonha,

wahahretsiaron, wahrenron : Hetskonnienstag ne hiasafwa nok oni sasafwa, hetsenoronkwak ne saniakon, sheiateweienton ne sheien okonha enkenhake, sakonnienstag ne kanonskon, tosa sariwakatek, tosa oni othenon natsier ne iahte tkariwaieri. Ethone onen sahiahtenti ne hiata-tronna, ronne ne raronhiakehronon, aseken rotathonkariakon ronineha nenshoteron ne Tobi.

Enskat iawenre nonta tsinahe thonahtentionne, onen iahonnewe Karan tsi tkanataien, etho ashen-nen tsiniiore tahonhtenti ok ne kanatowanen Ninif. Raronhiakehronon wahawenhase Tobi : Tiatohetst nii, sotsi wahi teionkwakasaian tsi ietionteratie ne katsenen, ne kati nenseriwanonwene aonsetiatathenteste nok ne teseniteron nok aotiohkwa skennenha tsi enhonhtenti, onen ientsiontiatrorike ienhonnewe. Tobi wahariwanonwene, nok sekon sahenron ne raronhiakehronon : Kawenniio iensesataweiate hianineha, ensatsi-kwentarhen nok entshennaian ne R., ohnaken tentshenoronkwanion ne hianiha tensekwe kentSIONK notsate, enserhoroke rakahrake ne hianiha; ok sa ok enshaken.

CHAPITRE LVIII.

Tobie de retour chez ses parents.—Son père recouvre la vue —Arrivée de Sara.—Remercement de Tobie à l'ange.—Discours de l'ange à Tobie, puis retour de l'ange au ciel.—Cantique prophétique et d'actions de grâces du vieux Tobie.—Il prédit la ruine de Ninive, la restauration de Jérusalem, les destinées de l'Eglise.—Heureuse vieillesse et mort de Tobie puis de son Fils.—Prophéties de Nahum sur la ruine de Ninive et leur accomplissement.

Tsinahe rohtare raronhiakehronon, onontoharake iekentskwahere ne Tobi ronistenha, iatekanere tsi iwehre : tenthne onte. Iaontkatho ontieren tehniase tahne, ok sa ok wahoienterene ne roienha, tsi tiononsote sakatakette, waha-wenhase ne rone : Onen tontare netsienha ; ok naheha wahotokense Tobi tsi tokenske, aseken Tobi roienha ronenonne raotitsenen herhar, nok onen ok etho ihne, takahente nherhar sonhewe, ok sa ok raiatakta ne rokstenha Tobi iatewennitaskarenron. Ok sa ok tontahatane ne rokstenha, iah sane te hakens, wathoterattana ne roienha, etho wathiatatenoronkwaniion, wathiatstaren ne hiatatronna tsinahiatsennonni, wathontontsoten nok wahonterennaïen, wathonwanonweraton ne

R. Ethone tonsahatitane nok wahontien nok wathathtaren. Ethone ne Tobi roienha watrakwe ne kentsionk otsate, nok rakahrake ne roniha waharho. Satewasennen tsi wakawistaheke tsinahe waharonhiaken. Ethone saierako kenraken niiot ne rakahrake, ok sa ok tonsahatkahtonnon, wahoken ne roienha, nok wahawenhase : Tekonnonweratons, Sewenniio, nok tiotkon tenkonnonweratonseke, aseken iah othenon te sanoronse, ise takeronhiakenton, nok ise sasketsiente, seron inon iahare ne rienha nok seron skennen tensrawe. Etho oni nennee nakaiere ne Anen, wathononweraton ne R. tsiniiakon rotenrosen ne Tobi nok tsiniiakon ronwaienteri wathatiiena tsi wathonwanonweraton ne R. 7 nonta tsiniiore onhwawe ne Sara skennen tsi ionnhe, akwekon kahawe tsinikon rawi ne roniha. Kawenniio onhwe, ok sa ok wathontennioten. Ok onen tsiniiot etho renteron raronhiakehronon. Onen ronnerhakwe : asakwatonraseronse tsinasakotsennonniaten. Tobi iahononke ne roienha nok wahawenhase : Oh naetewaiere atsitewatonraseronse nene ranekenteron senenonne ? Tahenron ne Tobi roienha : Iah taonton aetenikweni aetewakariake tsinikon sonkwatsennonniatenni. Akwekon niiehakiata-

nonstaton tsinenwe tei-tonwensiohonne: raonha iehokwen nowista hetskarotanihne ne Kabelus, raonha rorihonni tsi ionkeniniakon ne Sara, raonha shatekwaton noneshonronon iakonikon-hraksatakwe, raonha oni rakiatanonstaton ne kentsiowanen aonkiatarihen, nok nise nonwa tsi tesaronwekonne, raonha rorihonni. Oh kati nentewaiere natsitewatonraseronse tsini iaweta sonkwatsennonniatenni? Ioianere kati satewasennen natsitsion tsinikon iakwahawine. Heren tkanakte rononha etho iahonwaiatinionte raronhiakehronon nok wahonwarihotasiase tsini hotinikonhroten. Tahenron raronhiakehronon: Tetsisewanonweraton ne R. karonhiake thenteron nok akwekon nonkwe aiakotonteke tsi nentsisewasennowanate tsinikon hetsisewentenranion. Sewatierens iahte ioteriwison naiontrori tsini hontierha nonwentsiake rotinontioson, nok tenhnon tsini hoieren ne R. tekarensaron aierihowanate, aiontroriate oni. Wesewatokense nonwe tsini kasatste tsi watkiatieste tsi ionterennaiens nok tsi iakawentontietha, senha iotsennonniat ne iakotent okonha aiontatitenrate nahoten iakoien tsiniiot aionteweienton nakowista karontotserakon. Atanitenrasera konwaiatakennhastha nako-

tonnhetston, tetsieriwaserakwatha etho nentewe R. ensakotenranion nonkwe nok ensakoiatinionte tsinonni iakonnhe iahte kakonte ne karonhiake ; ok eken niahte tkariwaieri tsini iekoierenhaties, konwaswens nakotonnhetston, iontatoniennis nakaonha aiontkaronni.

Onen nonwa wahawenhase raronhiakehronon ne rokstenha Tobi : Ethone tsi saterennaienskwe kanikonhraksenserakon tsi oni tsi sheiatataaskwe niakowentaon, tsi ok he tisaikawaskwe ne tasatskahon nenseriwahronke ka nonwe taiaheie, tsi sheiasetakwe sanonskon tsini wenniseres, nok okarasneha nonkati sheiatatahaskwe, akwekon ii riienniskwe ne R. tsini saierenhatieskwe nok tsi saterennaienskwe : ne tenhnon iorihonnihon tsi hianoronkwakwe ne R. ioteriwisonhonne ahiatenientense karonhiakensera. Rakennhaon tenhnon aonsakontsiente nok aieronhiakenserentane ne sesafwa Sara naonsakatekwate notkonseraksen ionaskwaientakwe, netsienha nonwa rone. Onen kati akwekon wakeriwaieriton tsini hakennhaon ; onen kati enkonhrori tsi nahoten ionkiiats ; nok senha atsenonwehake ne R. tsini hotanitenraskon. Ii ne raronhiakehronon Rafael ionkiiats : kiatare ne 7 nihati raiatakta ne R. ronnete neh

naontahotiierenhatie tsini honikonhrawenhonhatie.

Kawenniio wahotitokense hiatatienha tsi raronhiakehronon nahaiatoten, wathonateronhienten nok onwentsiake wahontiskwentarhen. Wasakonikonhrahnrirate ne raronhiakehronon nok wasakawenhase : skennen sennontonnionhek, tosa senihteronsek, ise hetsiseninoronkwa ne R. nethone tsatetewaiasehne raweron : etho neniohton ne R. hetsisewasennaientak sewerhakwe : tehatskahons onte ken nok rahnekihra, oia sane konnhekon ; onen kati iakahewe etho niaaonsake tsi thenteron ne rakennhaon ietsitokaten nonkwe okon tsi iah othenon te honoronse ne R.

Ethone onen oktonsontton tsi ratakwe raronhiakehronon. Tetsiaron ne hiatatatienha tsina hotinehrako 3 nakawistaheke tsini kariwes okenrake wathiatkonsanentakte wathonwanonweraton ne R. Onen sahotinikonhrote nok tonsahnitane wasakotihrori nontatenonkwe tsini ioriwanehrakwat kowa tsini sakoierase ne R. Ne rokstenha Tobi wathononweraton ne R. wahatrrioriate : R. raoiatanehrakwatsera tsi iah othenon te honoronse, nok tsi enskanattonniheke nok tsi neniosennanehrakwaton Jerusalem, wahrenron : Sonhaa sko-

wanen, Sewenniio, iesaniha ne iakeni okon ken-
ha, ise shehrewatha, ise oni seshetenras, ise
sesheionnhetst iaiheionsere, iah oni tsionkwetat
taiesahniakense, ioriwentaon tsi akwekon tenshe-
iatorete nonkwe. Ise Israelronon hetsisewasennen-
wanat ne R. nok ietsisewanentonsek tsi ienakere-
nion nonkwe sonha, ne se karihonni tetsisewaren-
naton tsinonwe ienakerenion niahte honwaien-
teri naietsihrorianion tsini ioriwanehrakwate-
nions tsini hoieranion, nahonwaienterhane tsi
raonhaa ok ne Niio, raonhatsiwa iah othenon te
honoronse. Ne se ok ne raweron taonsahatiriwa-
serako tsini tsitewanikonhraksaton tsi nonwa
niionkinaskwaien, nok ensesonkwanerensi naka-
rihowannha tsini hotanitenraskon. Tesewaiatoret
tsini thoriwaieri nonkwe ieiataake, sewennon-
tonnionkwak oni tsini hotanitenraskon ; tetsise-
wanonweratonsek, tetsisewarensaron sewaweien-
nake ne tiotkon si honontiio tenhiresaronseke
ne R. tsinonwe niionkinaskwaien ; aseken wasa-
konatonhase tsini hoiatanehrakwat tsi sakohre-
watha niakoriwanerahakskon. Sasewatatrewat
kati sewariwanerahakskon, tesewatonnhateni,
sewariwaierit tsinikon tkariwaieri tsi tetsisewaka-
nere ne R. ; sewarharek ensewarane raolaniten-

rasera. Ii tenhnon nakenikonhra enwatonnharen Rke. Ise hetsisewaiatarakwen ne R. sewakwekon hetsisewanenton, wesewatonnharonnion nok tetsisewariwakwas.

Jerusalem, ise Niio raotenata, hiahrewaton ne R. tsi seweiennaksenne, tetsenonweraton tenhnon tsini hiatsennonniatennire, tetsenonweraton ne R. aseken ensesanatoronke, tsi tesete, enshanonsonni ne raononsatokenti, iensesakononke nakwa raononskon nahonwasennaien naonnise tsi ronwasennaiens ne nonwa ronwatinaskwaien nok iahte kakonte tsinenwe eniakotonnhahere. Eniakahewe tsinenwe tewenniseratenion noia tsi nenskanatotenhake onwentsiakwekon eniesanentonseke, etho ienientake enhonwasennaienheke ne R. nok enhonwariwaienthoseke tsinikon eniakotieseke iawet enienonsaseronniate ne raononsatokenti, enkonwanentonseke oni tsi raonwentsiatokentiston ne R. aseken Niio raosennatokenti enkonwanentonseke. Iakotentasere tsiniiakon eniesakenrenseronni sakohrewatane ne R. iontkaronniane neniesasennaiesate. Enshetenranion tenhnon neniesanoronkwake, nok tiotkon skennen enienontonnionheke. Eniontsennonni ne sheien okonha, akwekon ensakonoronkwake aseken raqiatanera-

kwatserakta enshonteroroke. Iakotaskat ne iesa-
nonwes nok ne ok iontsennonniatakwa satsoko-
watsera. Akenikonhra, hetsennaïen ne R. tsi te-
sesakowistotarision ne raotenata Jerusalem tsini
konwaiesatonne, senha isinon nenkatsennonni ne
sekon akwatsiratie niahontkatho tsinensaiata-
nehrakwaton. Jerusalem, Jerusalem, sanatanehra-
kwatasere kanenhianorons ok enwatston nok tsi
ok nonwe entierennaketskwanionheke ne teiesa-
nonweratontakwake areriia ahonwasennnaïen,
iahte kakonte ne Niio R. nonwa rasennanorons-
ton Jerusalem nonwa nok tiotkon tsinenwe enh-
ronnheke. Etho naiawen.

Kaieri nioserake tsinahe teharonwekonne iaiak
onen tsihaoserashen tsonsahton ; sekon kaieri
nioserashen kaieri iawenre tsinahe shronnhekwe,
iah nonwenton te shonikonrhenhon tsini hoierase
ne raronhiakehronon. Akwa thoriwaierikwe,
roriwiiostonne ; wahattoke onen toha ieiohe ah-
renheie. R. wahotakaten ne ienakere Assiro-
non ne sakotinaskwaientakwe ne Israelronon o-
nen toha ensakaonwentsiahtonte wasakohrori
Tobi ne roienha nok ne sakotere okonha tsini
hotokatennihne ne R. wasakawenhase : Onen to-
ha iakahewe tsi kanatentasere ne Ninif, tosa

sewenterontak nethononwe aseken onen toha eu-
sakohrewate ne R. akoriwanerahaksera karihon-
ni. Onen kiheionsere, nok iahte iorharats naion-
nise aionnheke ne sewanistenha. Nonen kiataкта
ensewaiatata, ok sa ok ensewahtenti, eren iense-
wennakerate. Kennaheha onen wahrenheie ne
Tobi 112 natehaoseriiakonhonne, iahte kariwes
wakenheie ne rone kenha. Tsinahе thonenheion,
ne roienha wahne ne rone ranonfwake iensahien
nakerate, tohka nioserake Raguelke onseronni
wahontien. Onen watniheie ne ronekenha ne Ra-
guel, tetsiaron watesakoiatata. Eso wahotiwirai-
entane, rotiriwiiostonne R. sakonoronkwakwe,
nonkwe oni ronwatinoronkwakwe, onen 127
tsatehaoseriiakon skennen wahrenheie ne Tobi
kenha roienha.

Ethone si ronnhekwe Tobi, saiatat ne Roto-
kense Nahum ronwaiatskwe ohenton wahatroři
tsi enkanatentane Ninif konwaiats, tsiniiot aha-
tkatho tsi neniawen : Sanatatsanit Ninif, wahren-
ron ; tsi tesete eso nonkwe tiakonekwensarihon,
ne iawet sonnhekwenne tsi sanenskohaton, nok
sheiawenthon nonkwe, satkatho tsi iohahatatie,
ahontkatho ne tehatinenhraiens, onen tare ne
enshanatarisi, onen enthianatannhake. Ensha-

tatieritse ne R. tsinikon shekaronnihon Jakob nok Israel. Wakatonte waorakarere, kontitakhenonties ne kasere sonha, ethoni iosnore tsiniiot nowera, tiotih tare akosatens. Teiostaratenion asarekowa, asikwe oni neronteriosere, ethoni teioswathe ratikahrake tsiniiot otonkwa, ethoni iosnore ronahtentionhaties tsiniiot natiewenninekarawe.

R. rotataskennhen ahasennowannha, enshatatieritse tsinikon ronwasentenni. Nonwentsiakwekon nok ne ienakere nonwentsiake iakoiatisonkwa tsini honwatsanis. Enskweni ken asatakatsate tsi enhonakwen? Rawen ne R: Etho iake tsi tsiteron, enkhennhanne ne iesaswens: sewaiena, sewatatewenniiost owistanoron, aotsokowatsera okon ne Ninif, akerat sonha tsini iawetowanen iah taonton aontaionsete. Onen tsiotenatari-sion Ninif, tsiotenonsarision oni aononsatokenti, aotiohkwa sotar ronwatiiena konwatinaskwenhawenson tsiakothonwisen okon. Tsi tekanatohenhatons tekkanere iotiohkwatsanit nonkwe ronwaticarewatanion, iotiohkwatsanit oni iakowentaon ieiatahere. Wahonnise netho thatinakerekwe tsiniiot kenreks kowatson sakotikaronniskwe Israel raotiohkwa, ohni ioiatawenhon nene ionatatsanit etho iontasetakwe Kenreks kowa (ne ken-

ton nonkwe etho niieserohens tsiniiot ne kontirio) sakotinontenskwe nontatien okonha nahoten rotinenskwenne. Assur, ise senatiio, senatatsanit, ensenatentane iatensewatafon tsi tesete, etho neniohton tsiniiot ne karhakon tsinouwe iah onka te iiens, etho kontirio sonha enkonneseke ohofa sonha enkontohetste asonthenne. Eniairon nonkwe : kento ionatatsanitonne, kanatowanenne ne ratinakerekwe rontatkonniienstakwe tsini hotikwatsenionkwe, rontonhakwe : iah kaneka te tkanataien nonwentsiake nethonakanatiiohake, iah noia taonsaiontkatho netho nakanatotenhake. Iahhtaiesentenre, etho enhontohetstanion tsinonwe tesetakwe, ne ok eniontkatho tsiontenonsarishaton, ok eken eniontsennonni ahontkatko tsi tsiotenatarision, tenionsaroke enienakarere tsi okteniesaieron.

Tokenske etho niawenhon, tokenske tiotierenton Ninifronon ronwanontiio wahosenni tsi watterios Siaksar ronwaiats teshotaonne raonaktake Arfaksat kenhha Medesronon ronwanontiio. Tenhnon tsinahe thawenheion Holoferne Siaksar wathanathannhake Ninif, eso wasakokaronni ne ratinakere, iah tenhnon te honaktotaon ahanatakari aseken eh sarete tsinon thawenonne asakoia-

ta^kennha ne raotiohkwa, etho iehonenonne Sithes
ronwatiiats ahononwentsiakari tsi thanakere.
Ohnaken iakahewe akwa iotenatarision Ninif.

CHAPITRE LIX.

Ezéchias succède à Achaz, il rétablit le culte divin, détruit l'idolatrie et ses vestiges, ramène les Israélites schismatiques, célèbre la Pâque.—Le roi d'Assyrie lui fait des menaces, il fait la paix avec lui, puis il envoie Rabsacés qui blasphème contre Dieu et menace Ezéchias.—La prière d'Ezéchias exaucée.—L'ange exterminateur détruit en une nuit l'armée de Sennachérib.—Maladie d'Ezéchias et sa guérison.—Son cantique d'actions de grâces.—Sa vanité en montrant ses trésors aux ambassadeurs du roi de Babylone reprise et punie par Dieu.—Il meurt en paix.

Ethone Sitaeronon ronwanontiiokwe Esekias
ronwaiatskwe Akas kenha roienha 29 nioserake
tsini kariwes roterihontakwe. Thoriwaierikwe
Esekias wahoianenhawi Tافيت kenha tsi wahonia-
hese ne R. nok tsi roriwaieriton Niio raoiane-
rensera. Tsinahe Akas ronwanontiioston, akwa
ionehrakwat iakoriwanerahakskonne ne Sitaero-
non, aseken kannhotonkwe tsi kanonsote ononsa-
tokenti, teiakokwenne oni tsini iontsta ononsato-
kentike katse okonha,kaiatonniko kteskonwatiiien-

kwarentennihakwe, ok sa ok Esekias wahatennhanne waennhotonko ononsatokentike, wasakotkennisahate ratitsihenstatsi okon, nok wasakawenhase : sewatontek nok takwawennarakwak. Etho nensewaiersh tsini kaieren tsi watenienten naontonseke aiontaweiate ononsatokentike, rotirivaneren iakiniokon kenha, ronwatewenteton ne R. rotinnhoton tsi kanonsote ononsatokenti. Onen kariwes iahte tsiehaserotha iah oni tatetsieinkwarentons, iah oni teshonwawenniiostha ne R. ne ionkwastonton sonkwahrewaton ne R. nok ionkientoriaton ne ionkiswens, kentiohkowanen ne tewatateken iehonwatinaskwenhawe. Tsi tewatatrewat, tenkatane oni tsi ionkwatkaronnionhaties, takwaienawas, tosa sasewennikonrhen tsini hetsisewarihonte ne R.

Akwekon wahonnehre : ensakwatontatse : oierinonta tsinahe wahatiseronni ononsatokentike tohkaraniakon onontioke waentte, wahonwenhase : Tsionkwansaseronni ononsatokenti nok oni tsinikon iontsta. Esekias waorhene wasakotkennisahate akwakentiohkowanen wahontkennisa nok wahonwawenniioste ne R. akwa wahatsennonni ronontio tsi wahonwatontatse ne Sitaeronon nok ronatsennonni Sitaeronon tsi naawen. Esekias

wasakotkennisahate ne ratisennowanens nok oni ne ratitsihenstatsi, wasakawenhase : Ikehre aonton onte aionkwentatokenfase ne kenkwitehne iawentatokentas. Akwekon wahontontate. Sekon wahrenron Ronontiio : Wahonnise onen tetionkwatekhasion tewatatekenha Israel raotiohkwaronwätewenteton ne R. nok enskatsonha ok tetionterennaiennes ken kanonsote ononsatokenti. Ikehre nonwa ostonha ronatonnhakanonni iah oni te sakonnhese Assirironon ronwanontiio naionterennaienneseke ne kento, ikehre aonton kati ne iahietiiatonse nontaionterennaienna ne kento ionkwentatokenfasere. Akwekon wahatirivanonwene.

Sasakoiatonse Esekias Sitaeronon nok oni Israelronon ne aiaheiatonserenhawe Israelrononke, sakawenni : Nahoten sewatsennonniatakwa tsi hetsisewatewenteton ne R. hetsisewanaskwaien ne Assirironon. Sasewatatrewat nok entsisewariwawase. Nahoten karihonni ietsinakeranihatie ietsini okon kenha? Tosa iohnironhak sewanikonhra. Karo kasewe, akwekon ononsatokentike, hetsisewasennaian ne R. akwa sewateweienton, hetsisewaseronniennihek nok enshonikonhriiohne : iah othenon tentsisewatsaniseke nok

aonton ensewarhareke, nok nonen entsisewata-trewate ensetsisewatontatse, aseken rotaniteraskon. Iah sane akwekon te honatontaton Israelronon, otiake ok eken tahontentoriate. Kentiohkowanen ne Sitaeronon Jerusalemke wahontkennisa, eso tehonatieston Asa, Manasse nok Sabulon raotiwatsirake tehotiakenhon Israelronon. Akwekon wahatirisionko tsi nonwe kaiatonna tsi konwasennaientakwakwe. Wahonterennaen nok wahonwawenniioste ne R. 7 nonta tsinahe ronatatoken-tase wentanoron. Tsinahontsennonni ne Sitaeronon iahonwennite Ronontiio ne sekon 7 nonwata aiawentatokenntonhake, wahatontate ; iawetowanen wahonwawenniioste ne R. nok wahatiriwisa akwekon iatenhatiritte kaiatonna tsi konwasennaientakwa Sitaerononke nok Israelrononke, iekanihare wahatennhanne aierisi ohniare ne karistatsi nakaiatonniseroten naonnise roniaronni hne Moïse ethone tsi ohniare sonha iakorioskwe Sitaeronon, ne iontkathoskwe ne roniarison tsion-tonskwe tsi iakokariaskwe ohniare sonha ne wahonni saharisi Esekias, aseken otiake Sitaeronon konwasennaienskwe tsiniiot R. akenhake nohniare. Tohka ni sakosennion Esekias Filistinronon. Ethone wahrere ronwanontiio Assirironon :

akaterio ne Sitaeronon. Kawenniio wahahronke Esekias, wasakotkennisahate ne rotiianer, wasakohrori tsini honikonhroten ne Assirironon. Wahatiriwisa onsaienatahnirate Jerusalem nok wasakawenhase : Thare ne ronwanontiio Assirironon, kentiohkowanen tahananhrine tasonkwariosere. Kwaienteri, tosa sewahteron, ensonkwariwawase ne R.

Tokenske tahareko Assirironon ronwanontiio, eso wasakonatakarihaton ne Sitaeronon, onen toha Jerusalemne iahare ahatenatakari. Sahattoke Esekias tsi iah onka te thonnes ne rotinontioson aontahonwannhe, wahrere : skennen aonsaiakiaton. Wahatontate Assirironon ronwanontiio, nok wahatikariake ne Sitaeronon tsinikon rotiriwison eso owistanoron, iekanihare, wahonhion owistanoron otsinekwar ne ioseronniaton ononsatokeniti. Nonen rahawe onontiio Assirironon tsinikon ronwawi, ok sa ok sahariwarisi, aseken ronihon, wasakotenniete tenhnon nonkwe sonha tsi thenteron Esekias nahonwatetsaniten, tenhnon tahonwatinikonhrakarhatho raotiohkwa, waherre Assirironon : akatiatakwenioste Sitaerononke tsiniiot wakatiatakwenioston tsi thatinakerekwe Israel raotiohkwa kenha. Saiatat ne rasenno-

wanen Rabsases ronwaiatskwe ne iawet rowen-
nenhawi Assirironon ronwanontiiio Hebreuneha
wahatewennotakwe aontonseke akwekon ne Sitae-
ronon ahonhronke nahoten enhenron. Wahrenron
Esekias : Onkenonha tetenihtaren, tosa akwekon
ahonhronke ne ken ietaraian. Ok eken senha
wahatatewennakwisron Rabsases, wahrenron :
Jerusalemronon, sewatahonsatat nahoten rakenn-
haon Assirironon ronwanontiiio, akwahreri. Ra-
ton : ohniiotieren sewateraiatakwa ? onka hetsi-
sewaniahesas aontatsisewannhe ? Tosa hetsisewa-
niahese Egiptonon ronwanontiiio ne teskiateri-
watieren kaneka ne ronkwe ahatennitseroten
okwire iotakwarason tenkasnonsaweheste. Tosa
oni aesewenron : wasakwaniahese ne R. ne sa-
kwawenniiosta. Raonha rakennhaon kento aonta-
ke akenatakarihaton, akwekon aonsakerisi ; ietsi-
enni sewentiohkwa : Sewatsiaken, ensonkwaiata-
nonstate ne R. tosa ne sewennontonnionkwak
hetsisewenni Esekias : Tosa othenon sewatsani-
sek : ensonkwaiatakennha ne R. Iah ken te se-
waterientare tsini kentiohkowanen khesennion
eren nonwe thatinakerenion ? Katiken rotikwe-
nion ne Niio sonha ronwatisennaiens asakotiata-
nonstatseke ? Iahte hotikwenion : iah senha ta-

hakwenii ne R. netsisewasennaiens atsisewaia-tanonstate. Hetsisewatontats kafi tsini haierha Assirironon ronwanontiio hetsisewenni sewate-
weienton tsi naesewaierenhatie, naonton akwen-
tenrheke, sewerhek nene ken sakwanontiio,
skennen entsionnheke, iahtakwario nok skennen
ensewaientak sewawenk sonha, nok iahtens-
kwawennarakwane, ensewenheie.

Ronatontenion Sitaheronon tsi nahaiere ne Ra-
bsases, iah othenon te thonatati. Onen tehotasa-
wenne ne ronwanontiio Assirironon Sennakerib
ronwaiats tahanatannkake Jerusalem, tenhnon
wahariwahronke ne ronwanontiio Ethiopironon
Tharaka ronwaiats ronenhrenhawi iotiohkwatsa-
nit sotar wahareko ahiaterio, wahatenienten Sen-
nakerib tahonikonhrakenni Esekias, wahoiatonse
nahotetsaniten, wahosennaiesate ne R. wahren-
ron : iahtahakwenni ne R. asakoiatakenha ne
Sitaeronon.

Ethone ononsatokentike warete ne Esekias, ra-
hawe kaiatonseraksen ne thoiatonnihne Senna-
kerib: onwentsiake wahatiskwentaren, nok wa-
haterennaaien, raton tsinahe roterennaaien: Se-
wenniio, ise sason nonwentsia nok karonhia,
sonhaa sewenniio, tosa satontat aiesasennaiesate

ne iesaswens. Tokenske nene ronontiio Assirironon eso ronatakarihaton neren thatinakerenion, ehtake ronation raotiiatonnaik nene etho thatinakere ratisennaienskwé, tenhnon iah tokenske Niio teken nennee, ise ok eken sonhaa sewenniio, ronnehre : oriwakon tsi takwaienawase, shetokatesten tsi sonhaa Niio niasiatoten.

Karo nahaterennaién Esekias rotennhaonne otiake ratisennowanens etho iahonnete tsi thenteron ne Rotokense Isaï, wahonwenhase : Akwa ionkwanikonhraksens ; isehre-ken : iahte hotonte ne R. tsini hoieren ne Assirironon ; hetsennitentás ne R. asonkwentenre. Tahenron ne Isaï : Etho ionsesewe Esekiaske ; hetsisewenhas : Kennihawennoten ne R : Tosa ietsinikonhratton ne Assirironon ionkiasennaiesaton, ikehre : enkehrerate. Takwaniahesenhak enshahtenti Assirironon ronwanontiio nok enhonwario.

Tokenske etho niawenhon : wahatennhanne ne R. saiatat raronhiakehronon eh iahare tsi tethonnenraien Assirironon ronwanontiio. Akwekon rotitaskwe 100 tiohtonietiiiosenserote natewenniawetserashen sekon wisk natewenniawetserashen wasakorio ne wasontate, iahte iorakarenihon. Nonen wahaie ronwanontiio Assirironon, iasako-

nonke ne ratisennowanens, iah enskat te tiakotati. Tahaiakenne tsi roteniataroten, wasakoken otiake ratisennowanens, akwa tahotinikonhraksensere, wahatkatho ne raotiohkwa wahatieren ken-nionekwensanotes, nok ratiatakwentaren rona-wentaon. Tsi nahatehen tsi thanakere ok sa ok sarete, kennikariwesa tsinahe iesro, wahonwario sakoien okonha tsi onen rerhakwe aksennaien ne raoiatonnik.

Tsinahe shotention Assirironon, wahotenien-iense ne R. Esekias, akwa wahononwakten, ronitskarenseronni serekha ahawenheion. Wahon-nhanne ne R. Isaï eh iahare tsi renteron, wahawenhase : Senontio, ken ni hawennoten ne R. : Seriwaseronni tsi neniawen tsi sanonsote, onen ok siheionsere. Iahta tehoteriatikhonhon Esekias, ok eken wahatstaren, wahrenron : Sewenniio, sasehiarann tsi tiotkon konseronnienni. Arekho akwa tieshoiakenhon ne Isai, wahawenhase ne R. : sasakket, satokense, hetsenhas ne Esekias : kennihawennoten ne R. Wakahron-ken tsi takennitentasehakwe, koniatkathon tsi satstarhakwe, iahtasiheie, sakontsientte, 3 non-wata ononsatokentike iense, tentsenonweratonna ne R. sekon 15 nioserake ensonnheke, nok iah

othenon tahiaieiere Assirironon ronwanontiiio,
iahta hanatakari Jerusalemke. Rotennowenton
Esekias, wahawenhase sane ne Isai : Nahoten wa-
tenientenston tsi tokenske ? Tahenron ne Isai :
sataterakwas kanonkati niwenwaterakwahten-
ti, tokatken kanonkwati ensewette. Tahenron ne
Esekias: Wakerako ohnaken ensewette. Ok sa ok
wahaterennaaien ne Rotokense, nok tokenske etho
naawen. Ethone ne rotokense wahokentorhase
ne Esekias oksa ok sahaton. Asen nonta tsinahe
ononsatokentike warete, wathononweraton ne R.
raton tsi roterennaaien : Sekon tsi kenekenteron
tiseron : enharonhiaken, waken : enkiheie kati,
kerhakwe enkatsennonnihake ken tsi enkon-
heke ; oriwakon tsini wakenikonhrotenne, iah-
taonsonton aonsahisennaaien ne R. raonsato-
kentike, iahtaonsakheken iakoriwiioston : Rori-
wison ne R. onen wakiheie, akateko tsini ieierha
katsenen konwatinonnaties nonen ratinenskwat
ronwatinenrentta. Tehohritton ne R. akstien
okon kenha, oh nakiere ! ttotkon ken enwakon-
sennhake tsiniiot norite ? tewakkakenheionhon.
Wakeronhiaken iahte sanekherens, sewenniiio,
oh kati nakiere ? ise takeronhiakentha, iahtas-
kwatontatse, sekon kati konwennaraseronnion,

enskonhiehiarakwen tsi takeronhiakenton, tiotkon ken etho nenwakiatawenseke ? ethoni wakenikonhrotenne tsinahe wakeronhiakenne. Oia nonwa, Sewenniio nisewanikonhroten, enskrewate nok tahtakiheie. Tisarakewen tsi wakeriwaneren tsi-sanikonhrehon. Seron sekon skennen ronnhek, ne iakonnhe iesasennaiens teieriwakwa karenna-tokenti. Onen, Sewenniio, tsini saierenhatie, takienawasehatie, takiatanonstatsek tiotkon tenkonrensaronseke. Inon wateriwareni tsini ioriwanehrakwat tsini iawenhon tsi shotonhon Esekias. Iawetowanen kaientakwe ne raowenk kenhä As-sirironon atakwenia, nok oni atennatsera, saskowenthö ne thonnhaonne R. raronhiakehronon. Sitaeronon akwekon wathonnekwe ne warate ne Esekias sahanatonnianion nok wahanaiene. Ne ronwanontiio wahrere, aonktokense tsini ioriwanehrakwatons tsini hoieren ne R. tsi wahrere ne Esekias aionkenehrako, akwekon niasakonatonhase tsini kanoronson roien, akerat owistanon, owista nok oni wenserakonson, iah tenhnon te hawen : R. ethoni hakierase, tsiniiot wahate-naiestakwe, wahatatkonnienste. Wahosense ne R. tsi ethoni honikonhroten ne ronontiio niatekon rotenronne. Kawenniio sahönhtenti ne Babilonro-

non, rotokense Isaï etho warete Esekiaske, waha-
wenhase : Oh ni hatiiatotens ne kento ronnes-
kwe, nahoten wahoniron ? Tahenron Esekias :
Inon thonenonton, ronwanontiiio Babilonronon sa-
konnhaon. Sahenron ne Isaï : Nahoten shenaton-
nihakwe tsi sanonsote ? Tahenron ne Esekias :
akwekon wakhenatonhase tsini wakien. Tahen-
ron ne Isaï : Wakaterientare sane tsini senaie.
Satontek kati nonwa tsini hawennoten ne R. :
katke ki ok ienkahewe, akwekon tsinikon roien
Babilonronon ienhahawe. Roriwison ne R. etho
naiawen. Satontek sekon tsi néniawen. Ensatere-
senton ienhonwatiiatenhawe Babilonronon rasti-
naskwa enwatton.

Ok sa ok wahaienterene Esekias tsini hori-
wanrhikon, wahatatkenronni Rawenniioke, nok
wahrenron : Wakeriwaneren, tkariwaiieri aion-
krewate, akwekon aontahennouton ne R. ahaki-
tenretenre tenhnon tsinenweenkonnheke skennen
akenhake tsi thatinakere Sitaeronon. Wahoton-
tatse ne R. skennen kowa kenhne Jerusalemne
tsini kariwes ronnhekwe Esekias. Teioserashen
satekon iawenre tsinahe ronontiiokwe onen wa-
hrenheie wisk nihaoserashen kaieri iawenre
(54) tehaoseriiaakonne sahrenheie.

CHAPITRE LX.

Manassé 14e roi de Juda.—Ses crimes et sa pénitence.—

Le roi d'Assyrie envoie Holopherne soumettre les Juifs qui lui résistent. Le chef Ammonite Achior lui donne des informations sur ce peuple.—Holopherne le fait enchaîner.—Les juifs prient Dieu.—Holopherne assiège Béthulie.—Ozias et les chefs Juifs veulent se rendre après cinq jours d'attente.—Discours que leur fait Judith pour les reprendre de leur témérité et relever leur courage.—Elle leur fait part de son projet, adresse une fervente prière à Dieu, se rend dans le camp des Assyriens avec une servante.—Elle est bien reçue par Holopherne à qui elle promet de l'aider à vaincre les Juifs.

Sahrenheie Esekias, Manasse ronwaiatskwe ne roienha sahatenontiioste onwarh 12 natehaoserii-akonhonne. Otiake rononkwetaksens wahonwanikonhrehawite iawet aonsaharisi tsini hoierenne ne ronikenha, wahatennhanne, waakonnianion tsi enkonwasennaientakwe ne kaiatonnik, akwekon iehasennaaien ne karakwa entiekekha, asontekha nok iotsistokwaronnion. Kentiohkowanen ne Sitaeronon wahonwanakeren ne ronontii, iontaterioskwe ne iahte iontontatskwe ethonaieiere. Wasakotenniete ne R. otiake rotitoken-

se ahonwahrste ahonwahreri iahtaonsahatatrewatane enhohrewate ne R. nok enhanatarisi Jerusalem tsiniiot ronatarisionne Samari. Iahte hotahonsataton Manasse tsini hatiwennotens Rotitokense, ok eken senha wahaserohenne, aseken raweriasaksen, wahatennhanne tohka nihati ahonwatirio rotitokense. Onen tsi rotiatison Rotokense Isaï isinon 100 nioserake tehaoseriia-konhonne, hiatatenonkwe ne Manasse thoriwaieri Isaï, rattokha raiatanaron oni iah oni te hotahonsataton Manasse tsi wahohretsiaron, ok eken wahonakwen, senha wahokenrenseronni tsiniiot notiake . wahatennhanne tahonwasonkariake satehaiatien oiente ioswenkariaktha wahontste. Kariwiioston kati wahonwariohte Isaï raonha tsini honikonhrowanen tsini hatihne rotitokensehakwe rotiiatonserison. Tsi ethoni hoieren Manasse, iawet wahatienite raoriwanerahaksera, wahariwisa ne R. ahohrewate. Ne Assirironon ronwanontiio Sitaerononke iahare, ok tahonenhrenten Manassé, wahoiena, wathowistotarho nok Babilonke iahonwanaskwenhawe, akwa wahonwatehate, wahonwannhoton tsinon akwa tetiokaras. Ethone tsi roronhiaken sahatatienterene Manasse, wahennontonnionwe, sahatatrewate. Rotaniten-

raskon ne R. iah nonwenton tesakoiatonties teio-
hrihon nakaweri tsi teiontatswens nakaonha, wa-
hotontatse wahonikonhrata Assirironon ronwa-
nontiiio Assarhaton ronwaiatskwe ahotenre ne
Manasse nok aonsahonontiioste. Ethone ok sa ok
saharisionko tsi raonianionkwe tsi konwatisen-
naientakwakwe ne kaiatonnik, akwekon wathati-
hritanion, otsirake oni wahoti ne kaiatonnik okon,
wahosennaen ne R. ononsatokentike nok akwa
wasakohretsiaron ne ratisennowanens aonsahon-
tatrewate. Wahonnise tsinahe ronontiiohwe ne
Sitahronon, Jerusalemke wahrenheie. Ne ieto-
katha tokenske tsiakotatrewatoni eniakorihonti ne
kariwaneren entsiontsiakwarisi tsi iontatkaronni-
hon nonkwe iontateriwanerahaktenni. Roienha
Amon sahatatenontiioste.

Ethone tsi rannhotonkwe Manasse, ne ratsihens-
tatsi kowa Eliasim ronwaiatskwe sakoteriwatste-
ristakwe Sitaeronon. Nabukodonosor ronwaiatsk-
we ranwanontiiio Assirironon wahatenaiaestakwe
tsi eso sakosennionne tsi waterios, wahrere :
niate hononwentsiake aionksennaen. Otiake iahte
iakotontaton ; wasakotiohkwaroroke rotiskenra-
kehte, saiatat ne rasennowanen Holoferne wahren-
nenhrehawe' wahawenhase : Sheient ne ionke-

nikonhraksaton, akwekon serisionko tsi kaiatonnik
konwasennaiens, nok akonhaa enionksennaien-
heke. Wahonhronke ne Sitaeronon tsini iawense-
rons, rotihteronskwe naienatakari Jerusalemke
nok aienonsarisi ononsatokenti, wasakotiteron ne
sotar tsi iohahate tsi ionontenion nok wahonteren-
naien, waakawentontiete aiawen R. aontasakon-
nhe. Wahonehrako Holofernet si ronnehre Sitaero-
non: entia kwatorianeron entia kwatatiatakennha.
Akwa tahonakwen. Sasakononke tohkara nihati
rotiiianer Moabronon, wasakawenhase: Wakah-
ronken, ronnehre Israelronon: entia kwatoriane-
ron- Takwahrori ohni hatiiatotens? esoken ni-
hatinatake? ionatahniron onteken? rotitiohko-
wanen ken? ranenhrenhawis onte ken ne ron-
wanontiiö? nahoten karihonni rononha ethoni
hotinikonhrotens? Saiatat rasennowanen akior-
ronwaiats, takenron: Tsi isehre: aonktokense,
satontek tsi nahoten enkiron: iahtakennowente,
iah oni takeriwasete. Saiatat ok Niio ronwasen-
naiens. R. roriwison tsi etho ratinakere. Wahon-
nise ontonkariakon Egiptke iehonatekwasenta-
kwe, 400 nioserake etho iehatinakerekwe, akwa
rotitiohkowannhaon. Eso sakoronhiakentakwe
Egiptronon ronwanontiiö, wahonwennitentase ne

R. nok sakohrewaton ne R. Egiptonon. Ethone sesakonatkawen. Kennaheha ronnehron ne aon-saiakiiatannhe, tasakoriwawase tenhnon R. ne Sitaeronon, tehoniatarakhasion, etho kati ronatohets-ton. Wasakotisere ne Egiptonon, nok oni nennee tahontahita. Satekaniatarhen nihonne tonsontnekawenheke nok wahatiskone. Ethone Sitaeronon tsi tiononte Sinaï etho niahonne; kahnekaksenne, rohnekiiston ne R. raweron: enhatinekihra. Kaieri nioserashen tsinahe tewasenskwe ronnekaskwe, tiotkon ronatesennihon othenon nenhonwatiere, iah nonwenton te saketewenteton ne R. ne ronateweientontie tsi ronwaseronnienni nok ne kaiatonnik wahatisennaiens sakohrewaton ethone. Nonen sahontatrewate, shonikonrhens ne R.: Ethoniawenhon tsi sakotisennion ne Kanaanronon, tiotkon ronatsennonni tsinikon ne tkariwaieri tsini hotierenhaties, ratironhiaken ne wahatiriwanerake. Nonwa shonatatrewaton Israelronon nok ne Sitaeronon, Jerusalemke ronwasennaiens ne R. Seriwisak kati nonwa: rotiriwannhikon onte ken? netho neniohton tewateriosera, enietisenni, tokat entkariwaierike tsini hotiierenhaties, tosa othenon nietsiierh, aseken Niio ne ronwasennaiens iah

othenon te honoronse entesakonnhe. Akwa ione-
hrakwat wahotinakwen Holoferne nok ratisenno-
wanens sahonwawennahronke tsi rohtare Akior.
Holoferne wahawenhase; aseken satokense tsi
entesakonnhe ne R. Israelronon, ensatenrosenta-
ke rononha, nok nonen eniakisennion ensewa-
hriskon, ensiheie oni nise. Ethone ensatkatho tsi
Nabukodonosor raonha nonwentsiakwekon ra-
wenniio. Iah noia tehanakere Niiio akenhake.
Ok sa ok ne raonkweta Holoferne wahonwaiena
wahonwaiatenhawite akta tsi tkanataien Bethu-
lie ne Sitaeronon raonatenata. Tsi iahennewe
onontakta wahonwanerenke rasnonsake rasitake
oni, nok sahonteko. Tehatikanerakwe Israelro-
non tsinahatiiere, etho tahonnete tsi ronwaneren
Akior, sahonwanerensi, kanatakon wahonwaia-
tenhawite, wahontkennisa nokwahoniron: satro-
ri tsini saiatawenhon, wasakohrori. Onen tenhnon
tsi wahatewennokten akwekon ne iakotonte on-
wentsiake wahontiskwentaren nok wahoniron:
Sewenniio, ise saronhison, saonwentsison oni,
satkatho tsini hatinaie Assirironon nok tsini iakwa-
tatkenhronni nii, shetokaten tsi iahte sheiatewen-
tetha ne iesaniahesen nok sheiatehatha ne iakon-
aieskon, iontateniahesen nakaonha tsini hatisatste.

Wahonwenhase ne Akior : Iahtasiheie, rononha tenhnon enhoniheie, nok nonen ensonkwaiatanonstaton ne R. tosa sanisko tsi entshennaien.

Waorhene, wasakohonkariake Holoferne raotiohkwa tahatinatannhake Bethulike. Iahte kahnekokwe kanatakon, wahatatewenniioste Holoferne tsinon tkahnekokwe kanaktakta, wasakonekanhoton ne ratinakere onsteske kati tsi iohnawerotakwe kanatakon, wahotiniatahten ne ratinakere akwa wathontonnhakari. Etho wahontkennisa ne Sitaeronon tsi thenteron ne ronwakowanen Osias ronwaiatskwe, nok wahonwenhase : Ise sariwa tsi sekon nonwa tiakwatorianerons, iahte satontaton aesewariwaseronniheke Assirironon, ne karihonni nonwa onen ionkwententaon. Skwarharatstennihakwe ensonkwaienawasə nə R. nok ionkwarharekwe. Onen sane iakwenheions tsi ionkwaniatathens, nok iahte sonkwaiatakennhas ne R. Satennhann kati iahonwennarane ne Holoferne nok ionkwawennat. Nonen wahontkawē tsi tehotihenretanions nok rontstarha, wathatane Osias ne ronwakowanen, wathakaseraniserenne nok wahrenron: Sewatsiaken, tewatateken, tosa sewennikonhriakt. Sekon 5 nonwata enionkwarhareke asonkwentenre ne R. tokat enshonikonh-

riione nok ensonkwariwawase ; ienkahewe 5 nonwata niahtensonkwatontaton ne R. ethone eniakwawennate. Wahontontate Israelronon, nok ethone wahrere ne R : tsiakothonwissen enkierate tsi enhiatebatakwe Holoferne, judith konwaiatskwe tioniakonne, ioterehons, iah akwa te kariwes tsinahe tehiaterahnekenne, wahrenheie ne rone kenha. Onen 3 nioserake tsinahe thawenheion, wakariwisa iah nonwenton taonsaioniake. Kaia-taseha iotsokowahne nok ionkwetiiohne, iah oni te iowiraientaon, waehre: raonha ne R. ahise-ronnienniheke, ehneken tkanaktaientakwe tsi watientakwakwe, tsiakothonwissen ok ononhaa iakonnhasakwe. Saheto tsi tiotkon tioriwaierikwe, sekon iotateronhiakentakwe niate wenniserake iawentontietton, ne ok Niio rawenniserake, nok tsinonni wentanorons iahte iawentontietakwe. Tsini tioriwaierikwe, iah nonwenton othenon te-konwennihakwe, akwekon konwakonnienstakwe. Ethoni kaiatotenne ne R. raiatarakwenne tsi raweron : enkhetenre ne Israelronon.

Wakariwaronke tsini hotiieren ne Osias nok Israelronon. Onterennaien, ethone onthennhanne wahonwatinonksa ne rotiiianer Israelronon, wakenhase, wakenron : ohnikarihoten wakahron-

ken, tewatateken ? Nahoten roriwison ne Osias ?
Ionton : 5 nonwata onen enhowennate ne iahten-
sonkwaienawasere ne R. Nahoten karihonni
ethoni sewaierha ? Iahetho te ieierha niienhre :
enhakitenre ne R. Ronikonhriio netsitewaseron-
niennis ; tsitewatatrewatak, nok hetsisewenniten-
tas ne R. onsahtonikonrhen tsini hetsitewanikon-
hraksaton. Tosa sewerhek : ii entiakwennonton,
raonha enthennonton, katke nentkahawiseke en-
sonkwentenre ; tewatstarakwak tsi ionkwariwa-
neren, tewatatkenhronhihek, ionkwarharek
tenhnon ensonkwanikonhrahnrirate. Ise sewaianer,
sewakstenokonha, ietsihretsiaron sewentiohkwa,
saetsiiehiarakwen tsi rotironhiakenhon ietini
okon kenha ; senha Abraham, Isaak, Jakob,
Moïse tsini hotironhiakenhon, iah sane te honwa-
tewenteton ne R. otiake tenhnon iahte iotonhon
naiakoteweienton tsi iakoronhiakenhon ne kari-
honni iawenheiontatsanit ronenheiaton, eso sako-
rio raronhiakehronon, nok otiake nohniare sonha
iakorio. Tosa kati tetewateriatikhon tsi ionkwa-
ronhiaken, tewerhek tikenha tsini sonkwahrewa-
tha ne R. senha tsini ionkwariwaneren nok
iahte rehre aiontkaronni.

Tahoniron Osias nok rotiiianer : Akwa oriwiio

nahoten saton ; takwaterennaienhas kati, aseken tisariwaiერი ნოკ ზეჲსჲსანის ნე R. Takenron ne Judith : Niawen tsi wesewariwaienterene raonha ne R. wahakenikonhrata tsi ikehre nakiere ; se-waterennaien oni nise, hetsisewennitentas ne R. nahakenikonhrahnrata. Onwa asontatatieha kannhowakta tsi ionkwatenataien, etho ensewatake, enkiakenne, eniakene skaiatat ne khennhas. Tosa tesewaterientharen tsi nenkiere, tosa othenon noia tontakwariwanonton, iah noia taontakatati, ok eken tenhnon takwaterennaienhas.

Tahoniron : Skennen eh iahase, ahiaienawase ne R. Tsi tiononsote sawete ne Judith, okenra ontenontsistorokte, onwentsiake ontiskwentaren, ნოკ ვაჲავენჲსე ნე R. : Ise, sewenniio tsi iakionnhe niatekon tsini satieranion ne ioriwanehrakwatenions, akwekon niieseriwisas ნოკ აკვეკონ ნიევატონს ნაჲჲრე: etho naiawen, akwekon sakwatakwenhaties, tisennontonties oni tsini iawensersons nonwentsiake; ise sariwison wahnise akwa kentiohkowanen rotiskohon ne Egiptronon. Teskanerak nonwa tsi tehotinenhraien ne ne Assirironon, senha tkariwaiერი ნენნეე აჲჲრეჲთე ; rotniahesen tsi sotsi rotitiohkowanen, rontennowentha tsi Niio nasiatoten, ნოკ იაჲთე

tiotasawe tsi senakere, sehrewat, shetokaten tsini hotitsiioha. Ronnehre: aiakwatentoriate tsi sanonsote, nok aiakwarisi tsi iehasentakwa; sheiawenthonok ne ronwakowanen ahakenonwene nok nii ahikenhron, nok ahirio. Tiotkon sheienawase ne iontatkenhronnis nakaonha, sonhaa konniahesen tsini satanitenraskon, tenikwekonhatiesek, takenikonhrataasek othenon enkiron, takenikonhbrahnirat aonton akkweni iahtaienonsarisionhe sanonsatokenti, Onwentsiakwekon kati eniakotokense tsi Niio sonhaa nasiatoten.

Saonterennaientako Judith, watkatane, iaononke skaiatat ne ionnhas, waawenhase: ikehre nonwa: enkatiataseronni, enkatseronniate nakwa ioianere akwatiatawit; tosa takeriwanontons tsinon wake nok tsini wakenikonhroten, ienshaweskatsetat otsitsia nok skatsetat ne kenhie, kanatarok, kahik okonha, nok taknonteratie.

Tetsiaron wakiahtenti, asontatieha kannhohwakta tsi tkanataien iaakenewe. Etho wathatitane Osias nok ne rotiianer wakonhwaronwase. Waho-tinehrako nonen wakonwatkatho ne Judith, ok sa ok wahotitokense R. rarihonten. Iah othenon tekonwariwanontonni tsi ontohetste, wakonwenhase: Etho iaase tsi R. hiannhaon, ahientenre

raoianerenstakwa, ahianikonhrahnnirate, aiawens asheiatanoronste Jerusalemronon, iahte kakonte tsinenwe aiesasennanentonseke. Akwekon ne ietaraientakwe wahoniron : Etho naiawen.

Tontakianontatentsnentonhatie, onen taiorhenhonhatie raotitenhenrakta Assirironon etho wakenewe, watkonwatitaste, wakonwatiriwanonton kanon takene nok kaoni wakene. Takenron ne Judith : Israelronon nakiatoten, wakatekwenhatie, aseken wakaterientare onen toha enietsisenni, wakeron ; ahiwennarane netsisewakowanen Holoferne : ioriowanens wakeriwaian ahihrori. Sahariwaronke Holoferne, wahatennhanne akonwaiatenhawite tsi thenteron, nok kawenniiio wahren, ok sa ok wahanonwene. Tentskwahere Holoferne tsinonni tawennitskwaratseranoron, wathotkaneren ne Judith nok onwentsiake ontiskwentaren nok wahawenhase : Ensatontate tsi nahoten enkiron : hiarihonten Nabukodonosor asehrewate niahte honwawennarakwane, ise serihonni tsi sakosennion eso ionwentsiake. Ronakwenhon ne R. tsi sakwasentenni nok sakonnaon rotitokense ionkihrori tsi onen hetsisewawenniiostane tsi iakwanakere. Rontonkariaks Israelronon, rotiniatathens oni ; wakeron : aka-

teko tsi hatinakere ne rotiriwanerahakskon, nok akonhrori akwa tsini karihoten. Saterientarak tenhnon, risennaiens ne R., ikehre iah onte taseriwaswen arens isinonweha iaake akaterennaien. Enhiennite ne R. ahaktokaten nonen ensakohrewate Israelronon, nok ethone Jerusalemke ientene. Holoferne nok ne ratisennowanens iahte honennowenton. Holoferne wahatennhanne nakonwanaktarakwase ne Judith nok oni nakonwanontenra. Takenron ne Judith: Akeriwanerake nii nakeke tsi nahoten isewaks; wakatenatseraien. Wahatontate Holoferne aonke ne iotennatserahawihne. Areko te ieiataweiaton tsi tkonwanaktarakwenni, wakenron: Aonton ken nakiakenne asonthenne nakaterennaien? Wakonwatontatse. Niate wasontake tkaiakenskwe ne Judith nok ronitentasehakwe ne R. nasakotenre Israelronon, enniserakwekon iawentontietton, okarasneha ok tewatskahonskwe. Tiotkon rorhare Holoferne tsi nahoten enkenron ne Judith nahoten enhatokaten ne R. onen tsiniict ranonwes.

CHAPITRE LXI.

Judith tue Holopherne, se sauve à Béthulie où elle montre aux Juifs la tête de ce général.—Louanges qui lui sont données.—Déroute des Assyriens, pillage de leur camp.—Cantique de Judith.—Sa vie sainte et sa mort.—Piété de Josias roi de Juda capable d'arrêter les fléaux de Dieu (A. M. 3365). Regrets qu'excite sa mort.—Joachaz puis Joakim roi de Juda ce dernier emmené captif à Babylone.—Il se révolte et est mis à mort.—Le roi Jéchonias à son tour est emmené captif.

Kaierihaton nonta tsinahe etho tsitkenteron Judith, wahrere Holoferne : aiakwatennioten ne ratisennowanenson nok akaiatarake ne Judith, Saiatat wahonnhanne wakonwaroriana : wahiahonkaron ne Holoferne ratenniotane, tosa sahteron tsi oseronni entsiatekwaren. Takenron ne Judith : aonton katiken ahiwennonti ? nok ok sa ok ontseronni. Takenron ne Judith : akwa wakataterihon tsini saieren. Saterientare iah akwekon ni iakeke tsinise isewaks, tewakha nii ne konnhekwen. Tsinahe iohtare ne Judith, etho nahe tehotskahon nok rohnekiren Holoferne. Akwa rononwarahtonhon, rotehon, wathonwaia-takwe, etho wahonwaiatinionte tsi ronakte, ok

sa ok iahotawe. Etho oni naawen ne ratisenno-
wanens. Etho wakonwaiatenhawite ne Judith tsi
thonakte ne Holoferne nok taiennhoton. Kanata-
kta watkatane nok wahonitentase ne R. waton
tsi ioterennaian : Sewenniio, iesennakeraton Is-
raelronon, satokense akwa tewakatonwentsioni
naskienawase, takwarharatstenni iahtaienataka-
ri Jerusalemke, waktsiioha, takienawas, etho
naiawen tsini wakenikonhrawenhon. Ethone
wakawanerensi ne raosikwe Holoferne kanatak-
ta kawanerenne, taiotsi ohonrotakon tsi wata-
kwe ; raononkwis wakaiena wahoniariake, wa-
kaharako ne roteniatarotarakwe, wathononwera-
ton ne R., tontakaiakenne, kanontsistenhawi ne
raonontsi kenha ne Holoferne. Waonhwenhase ne
ionnhas : ken kaien Holoferne kenha raonontsi
kenha ; kahiarakon iasetaa, taknonteratie nok
tsitiahtenti, Onen skennen kowa tonsakiahtenti
nok Bethulike kannhowakta ionsakenewe. Waa-
kawenhase ne Judith ne iennhowanonnhakwe :
Sewannhotonko, tewatateken, sonkwaienawase
ne R. Wakonwawennaienterene ne ratinnhowa-
nonnhakwe, niare iahonwatihrori ne rotiianer
onen toha tsi ronnikonhriiaks. Akwekon Israelro-
non etho tahonnete kawenniio sontaweiate ne

kanatakon, onontoharakeha watkatane nok wakenron : Tewatateken, tetsisewanonweraton ne R. iah nonwenton tesakotewenteton ne raonhaake iontennikonhrontietta. Ii roieraton tsi raweron : enkhetenre Israelronon, ken wasonte ririo ne hetsisewaswenskwe. Ethone wakonatonhase raonontsi kenha Holoferne kenha Assirironon ranenrenhawis, kenkaien ne roteniatararakwenne, tosa sewerhek othenon kariwaksen tsini iotieren, rotonte ne R. iah othenon te wakeriwannhikon, thotennieton ne raronhiakehronon rakiatanonstaton, tosa othenon akeriwanerake, wakatsennonni tsi rakitenron, sahakiatewe tsi sewenteron. Tewakwekonhak tetewariwak, tewenron : tetsisewariwakwas ne R. tsini honikonhriio, tsi iahte kakönte rotanitenraskonkowa.

Akwekon tahoniron : ahonwasennaientak ne R. wahariwawase, ise wahaierate tsi sakorio ne ionkirioserene. Wahrenhase Osias ne Judith : Ronwasennaientak ne R. roson ne karonhia nok onwentsia ne hiasnonsenhawine tsaetseniariake Holoferne. Tiotkon eniesanentontake, satkathon tsini hotironhiakenhon sewatateken okonha, satawentetonne tsi seron : akheionnhete tewatateken okonha. Aiawens aionnise asonnheke.

Ethone Judith ontennhanne ahonwanonksa ne Akior, wahawenhase: Karo kase, tsiatarak tsina onkwaiaatateri : ken wasonte, ii roieraton ne R. tsi raweron ahonwaniariak Holoferne kenha rathonhakwe, nonen enkhesennion Israelronon, enkonrio oni nise, onen rawenheion tosa othenon sassetsanisek. Tsi onen tehakanere ne Akior wahaiatienenne tsiniiot nahonikonhrahton. Onen sonsahonikonhrote, tsi ikate ne Judith etho wakatiskwentaren, nok wahrenron: Onen nonwa waktokense tsini haiatanoron ne R. Tsina honehrako Akior tsini iawenhon, wahatkawe tsi rassennaienskwe ne kaiatonnik nok wahatiataren tsini hotiriwiiostontseroten ne Sitaeronon, wahossennaien ne R. Onen nonwa Judith waakawenhase ne Bethulironon: Irehe ne R: aeseuariwajerite tsi wakatasawen. Sewanontsistiharen ne raonontsi kenha otstenrakenhiate tsi watenhenrote. Kawenniio entkarakwinekenne tensewahonrakwe, ensewaterakararaste, onotoharake ien-sewanenraseronni, iah tenhnon tatontesewatsnente. Nonen eniatsiiatkatho Assirironon, ok sa ok etho tsi thoteniatarote Holoferne ienien, kawenniio enhontkatho, iahte shanontsistonte, ethone enhotihteronne, kawenniio eniatsiiatkatho enhonteko etho iensewete, entsisewawenniioste ne R.

Ethoni hotiieren Israelronon, wahonwanontsis-tanionten, onontoharake iahontenenraseronni nok wathontonkarikte. Ok sa ok etho wahonnete Assirironon tsi thoteniatarote Holoferne kenha, iennhohaiakskwe tsi nonwe nihonaktakwe, nok tsi iahte thatatiskwe, saiatat iahataweiaste. Waha-terakareraste tahatiienthon tsi ioniatarenton tsi ronakte, wahatkathon raiationni, iahte shanontsis-tonte, wathohenrette, waharatsionko raotiatawit, etho warete Judith tsi tioteniatarotakwe, wahaia-taioha, wasakohrori ne Assirironon wahrenron : Kasewe sewatkathon tsi nahoten wakatkhon, ak-wa tensewatanonhianitten ; iahte shonontsistonte Holoferne. Skaiatat ne tsiotonwisen Israelronon roniarikon ; ehtake watakwentare raieronke kenha. Ethone wahotinikonhrattonseron Assirironon, wahatiratsionko ne raonatiatawit, wahonati ne raonasikwe nok raonatennatsera, nok wahontekohaton. Ethone wasakotisere ne Bethulironon, kentiohkowanen wasakotirio, iawetowanen ne wathatikwe, nok wahontatewenniioste tsinikon hoientakwe Holoferne kenha. Ratsihenstatsi kowa Eliasim ronwaiatskwe Jerusalemke tahahtenti raonha nok oni ne rotiianer Sitaeronon Bethulike wahonnete tsi ronnehre ; taiakwanonweraton

ne Judith. Kawenniiio Judith waonhronke, watia-
koterattana. Kawenniiio wakonwaken, akwekon
wahoniron : Ise wateserensaron Israelronon, ise
sheiatsennonniatennis Sitaeronon, ise skwanak-
tiiostennis, ise skwatsennonniatennis ise sheiata-
noronstha sate sewanakere, ise sheiatakennhaon,
ioriwanehrakwat tsini saieranion, sanikonhrah-
niron, ne iorihonnihon tsi seron : tiotkon enwa-
katerehonseke, nok R. hiaienawase aseken tsi-
nahe thawenheion ne saniakon kenha iah non-
wenton te saienterhaon kariwaksen, ne ensastonte
iahte kakonte tsinenwe eniesanentonseke. Ethone
Judith wakarennisa orennatokenti waton tsi ioren-
nison : Hetsisewasennaen ne R. ranenrahtontha
ne ienenhrines R. ronwaiats thotinenhrinonne
Assirironon ronnerhakwe : aiakwatiohkwahtont
raotiohkwa ne R. Ronatiatahtonhou tsi ethoni ho-
tinikonhrotens, sakosokwawesons ne R. nok tsia-
kothonwisen roieraton tsi ronwaniariakon ne ron-
wakowanen. Tetewariwak orennatokenti, hetsi-
tewanenton ne R. tewenron : Sonhaa Sewenniiio
tsiatanoron, onka aiekweni aiesannhese etho na-
siere tsini sanikonhroten ? Tsinikon sheiatison
aiesatontatiheke, iah onka taiesasenni kawenniiio
enserheke : aontakennonton, nok oni onenhia

okon tenwatorenseron. Enshenonwehake ne iesat-
sanis, iah othenon taiontkarõnni. Iakotent kane-
ka tienakere naienrheke, akherio nakitiohkwa,
ensakohrewate ne R. nonen tensakoiatorete iahte
kakonte eniakoiatatekhake.

Ethone waeriwisa Judith wahonwasennaen ne
R. tsi kanonsote ononsatokenti, wakentiohkwen-
hawe ne Bethulironon, wahowenniioste ne R.
tsinikon konwawihne Holoferne kenha rawennii-
o-kwe, 3 niwennitake tsinahe Jerusalemke ratite-
ron. Iahte ionaiehon ne Judith tsi konwaiatano-
ronstha, onen tsini ioierenhatie, roseronnienni ne
R. ne ok ieken awentatokentike kaiakenskwe
tiotkon ioterennaen, 115 teiaoseriiakonhonne sa-
kenheie. Etho naieiere tsakonwaiatata tsini ieie-
rha ne akonontiiokowa waiaiheie.

Satekon tehaoseriiakonhonne Josias ronwaiats-
kwe sahonwanontiioste raonaktake ne ronikenha
Ammon ronwasetonne. Roiatarakwenne ne R. Jo-
sias asakonikhrenhawite raotiohkwa aonsaion-
tatrewate nok aiakoriwiiostonhake. Tsini kentioh-
kwa teshonattenionkwenhatie rotinontiioson Jeru-
salemne, raonha Josias thoriwaieri. Akwa rori-
wahtonton tsi konwatisennaienskwe kaiatõnnik,
wahatataskennhen aienonsaseronni R. raononsa-

tokenti, akwa akanonsiiohake. Ethone waeiaton-seratsenri ne Moise roiatonkwe. Nonen wahon-wahrori ne ronontiio, wahatsennonni nok waha-wennahnoton kaiatonsera. Akwa wahohteronne nonen wahotokense tsi waton kaiatonsera : ensa-kotewentete ne R. nenhonwatewentete ne Sitaeronon. Waharatsionko raotiatawit nok wahatennhanne ahonwennisake ne R. Wahotokaten, ne R. tsi oriwiio ensakohrewate ne Sitaeronon, tenhnon ne tsini thoriwaieri nok rotsanis ne R. iah raonha tahatkatho, aseken karo etho naiawen enhrenheie.

Saheto thoriwaierikwe Josias iahte iotonhon ahonnhese ne R, asakohrewate ne raotiohkwa, aseken iahte honwanakerani noia rotinontioson, tenhnon aseken toha akwekon iahte honatorisen ne Sitaeronon ahonthaharako ne tkariwaieri nok ahontsteriste niate kariwanerahakserake. Ne tio-tierenton sakohrewatakwen ne R. tsi wathoiatakwe ronwanontiio Josias. Nekao Egiptironon ronwanontiio tsi wahareko ahonterio Assirironon, wahrere : akatohetste tsi thatinakere Sitaeronon, Josias iahte hotontaton ahatohetste. Wahatennhanne Nekao ahonwenhase Josias: Iah othenon te ikehre aesewatkaronni, eren nonwe kateriosere,

rakennhaon ne R. etho iaake. Iahta tehuriwas-niehon Josias nahoten thotati, wahrere: ahinn-hese ahatohetste, wahaterio kati nok wahonwakarewate etho takaientakwe wahrenheie: 31 nioserake tsinahe ronontiiokwe Josias nonen tsahrenheie. Wahrere ne R. akehrewate ne Sitaeronon. Etho wahonwaiataten tsinon ratiatatarion sakoniokon kenha rotinontiioson kenha. Akwekon wahonwannhaten, senha wahotstarase Rotokense Jeremi ronwaiats. Tsinahe thonontiiokwe Josias thotasawenne ahatrori tsini iawensere. Tohka nihati rotitokense ethone si kahawiskwe thotiiatonserison ikare kaiatonseratokentike. Baruk hiatenrokwe Jeremi Abakuk, Sofoni oni rotitokense. Kaieri nihowiraientakwe ne Josias; iahte honwanontiioston ne thakowanen Joakas ronwaiatskwe wahonwanontiioste. Nekao Egiptonon ronwanontiiio sahateriosentane wahatohetste Jerusalemmen, wasakosteronse Sitaeronon eso nowista ahatikariake sahorihontako Joakas, onen 3 nioserake tsinahe thonwanontiioston nok wahonontiioste ne rokenha Eliakim. Wathosennateni Joakim wahonatonkwe. Ne satekonhaton iawenre tsini hatihne rotinontiioson Jerusalemmen, 12 nioserake tsini kariwes roterihonta-

kwe. Ethone si kaawiskwe, tohkanihati rotitokense wahotiketote, wasakoiesate, wahakenhronni nahoten thonatati, ieiohe otsirake wahoti kaia-tonseranoron thoiatonne rotokense Jeremi. Tenthnon sahaiatonseronni Jeremi ne watroriatha raoiatonsera tsi R. sakohrewatane Sitaeronon nok ronwanontiiio. Tohka nioserake tsinahe ehniawenhon Nabukodonosor Assirironon ronwanontiiio wahoiena Joakim wathowistotarho nok Babilone wahoiatenha. Ohnaken wahatontate Jerusalemke iaonsare, kawenniiio eso owista ahakariake. Tiotkon rakariakskwe Joakim 3 nioserake tsini kariwes, tenthnon ethone iahte hotontaton ahakariake. Wahonakwen kati Nabukodonosor, wathanatannhake Jerusalem wahonwario Joakim, tenthnon tsiniiot ne kario ronwaiataten. Ne roienha Jekonias tonsahatane raonaktake, wahonwanontiioste, akwa oni raserohenne, roriwanerahakskonne tsiniiot ne ronikenha. R. wahonnnhanne Jeremi, wahrenron : Hetsenhas : Babilonronon enkhewenniioste ne sanontiiio, ieniesanaskwenhawe, nok etho ensiheie, ensawiraientakake, iah tenthnon ne tonsahotinontiiioke. Ethoniawenhon. Nabukodonosor wathanatannhake tsi tkanataien Jerusalem, wahontonkariake ne

ratinakere, arekho ok tehonaterio, onen ok taho-
tiwennate ne Sitaeronon. Akwekon Nabukodono-
sor wahatatewenniioste owistanoronson nok ak-
wekon ratisennowanens akwekon oni nok oston-
ha tehonaterihontakwe, nok iotiohkwatsanit Si-
taeronon 10,000 ronwanontiio, ne rone nok sa-
koien okonha Babilonke wasakoiatenhawe, wa-
thowistotarho ronontiio Jekonias. 37 nioserake
tsini kariwes rannhotonkwe. Ne ronohaa Jeko-
nias, Sedesias ronwaiatskwe Nabukodonosor wa-
honontiioste.

CHAPITRE LXII.

Jérémie établi prophète.—Ses reproches aux juifs.—Fidé-
lité des Réchabites donnée en exemple.—Il est mis
dans une citerne.—Siège de Jerusalem par Nabucho-
donzor.—Sédécias fait captif.—A. M. 3405 Jérusalem
saccagée.—Jérémie sauve l'arche d'alliance, reste en
Judée, pleure sur les ruines de la ville.—Conspiration
contre Godolias par les juifs qui fuient en Egypte
contre l'avis de Jérémie, Jérémie et Baruch les y sui-
vent.—Durée de la captivité, 3 migrations des juifs à
Babylone.—Commencements d'Ezéchiél.—Vision de
son char mystérieux.—Vision des os desséchés à qui
l'Esprit de Dieu souffle la vie.—Significations de cette
vision.

Jeremie ronwaiats ne tekenihatontha tsini ha-
tihne 4 rotitokense eso rotiiatone. Karo ahennake-

rate, R. wahoiatotokentiste, 15 sathaoseriiaakohonne, wahorihonten asakotati Sitaeronon nok asakohrori tsini iawensere. Tahatonneke tsi wahowennahronke ne R. wahrenron : Ah ! ah ! ah ! Sewenniio, iawet keksaa, iahte keweiente aontakatati. Tahenron ne R.: Etho iahase tsinonwe enkoniatenniete, enkonnikonhrata nahoten entesatati. Jeremi wahowennarakwe ne R. ; etho nahe tiotasawe tsiniore Babilonke wahonwatinaskwenhawe ne Sitaeronon, iahte hotorisen ne Jeremi asakohretsiaron rotinontiiison nok ne Sitaeronon aonsahontatrewate, asakohrori oni tsi R. sakohrewatane. lah tenhnon te honatontaton aonsahontatrewate, ok eken wahotinakwen, etho takaientakwe ratisennowanens wahonwaswen, wahonwakenrenseronni oni. Wasakawenhase ne Jeremi Sitaeronon : Sewaterientare onen teioserashen 2 iawenre tsinahe tsi kwahretsiarons aonsesewatatrewate, sewakenhronnihon tsi kwahrerihakwe, sewatontat kati nonwa : kennihawennoten ne R. Aseken sewakenhronnihon tsi kwahrerihakwe, enhinnhanne ne ronwanontiio Babilonronon ne entsisewanatakari nok entsisewario ientsisewanas-kwenhawe tsi thanakere, 7 nioserashen iensewanaskwaientake.

Shotitiohkwat kenhne Sitaerononke Rekabites ronwatiiatskwe, iahte hatihnekirhakwe otsitsia, iah oni te hononwentsiaientakwe, iah oni te hontenonsonniskwe, ok eken ronatoserontonkwe, aseken ronnerhakwe, entsiakwehiarakwake tsi iawet iakwatohetstha nonwentsiake. Jerusalemkwe kati ronatekwasentakwe, aseken sotsi sahoronhiakentakwe Babilonronon. Wasakotkennisahate Jeremi ononsatokentike, wasakawenhase : sewanekirha otsitsia, sewatatenonsonni, ehni sewaierh tsini ieierha akwekon nonkwe. Tontahonniron: Onen 300 nioserake tiotasawe tsinahe sakwasot kenh Jonabab Rekab roienha sonkwannhaon, sonkwariwisahani etho naiakwaiere, tiotkon ionkwariwaieriton, satontat kati etho naiakwaierehake. Ethone tontahatkarhateni Jeremi tsi thatikenniate Sitaeronon, nok wasakawenhase ; Sewatonte tsi nahoten rontons, ratiriwaierits ne Rekabites tsini horihotenston ne ronwasot kenh, wentore sane etho nahatiere nok nii Niio nakiatoten, tiotkon kwahretsiaronskwe, watiesen etho naesewaiere tsini kwannhaon, iahte skwatontati, iet-sienni ne rotitokense okon ii kerihontakwe sase-watatrewat, tosa sewasennaian kaiatonnik, iahte skwatontati. Onen ieiohe akehrewate Sitaeronon.

Ethone tsi Sedesias ronwanontiiokwe Sitaeron, tsi wahattoke Jeremi tsi iahte honwatontati nok tsi ratisennowanens ronwaiatisaks nahonwario, otasetonke tahaiakenne Jerusalemke, iahatekwashen Anatothke tsi rotonnisentakwe. Tenhnon ne tehatinenhraiens wahonwaiena, ronontiioke wahonwaiatenhawite; ronontiiio wahatennhanne ahonwaiesate. Etho nonwe iosonwekwe iahte skahnekokwe, ok eken skanawatstokwe, etho wahonwaiatoroke, wahonnehre; ne enhoriohte tsini kanawatstakeras, nok oni tsi nenhatonkariake. Oia tenhnon nihonikonhrotenhne ne R. Saiatat rasennowanen onontiioke renterontakwe, akwa ronoronkwakwe ne Jeremi. Etho warete tsi thenteron ronontiiio, ratstarha, waha-wenhase: Iahte saterientare tsini honwaronhiakentha ne Jeremi, onawatstakon iahonwaiatoroke, tokat iahtaionnise enhrenheie. Wahatontate ne ronontiiio Sedesias ionsahonwaiatotsi onawatstakon ne Jeremi, aseken iah akwa te hoswens-kwe, tenhnon wahatennhanne ahonwannhoton. Ken ok naheha onen 9 nioserake tsinahe thonwanontiioston Sedesias, nene ronontiiio wahatkatho, etho niawenhon tsini thonatrorihne rotitokense. Onen roriwison ne R. asakohrewate Sita-

eronon, iawet wahnikonhrehawite Nabukodonosor Jerusalemke iahare, wathanatannhake. Iahte ionthon ahatiakenne Sitaeronon ; akwa kati ionehrakwat wathontonnhakari teioserake tsini kariwes, wahontonkariake, akwa rotironhiaken, iontatiatakarihatons nontatienha nok oni ontenro okon iontatiatakarias. Sedesias wahatennhanne wahatitstenrarisiate tsi tekentstenrote, etho wathatohetste tsi wahateko rawatsirakwekon eso oni Sitaeronon etho wahontohetste asonthenne. Kawennio wahahronke Nabukodonosor tsi rotekwen ne Sedesias, ok sa ok wahatennhanne wahnwasere, akwekon wahnwatirio ne kanataton ratiterontakwe, wahnwatiiena Sedesias nok oni rawatsirakwekon tsi thenteron Nabukodonosor etho wahnwaiatenhawite. Rawennihne ohenton Jeremi : tsi tkanataien Babilon etho eniesaiatenhawe tenhnon iahtasatkatho tsini kanatoten. Wahatennhanne Nabukodonosor ahonwatirio Sedesias sakoien okonha, tehakanere raonha tsi etho niawens, nok ok sa ok Sedesias wathonwakahranekare, wahatennhanne Nabukodonosor akwekon iahehawa tsini kaientakwe onon-satokentike, nok waenatentawe. A. M. 3405. Wathonwawistotarlo Sedesias nok Babilonke wahn-

waiatenhawe. Assirironon akwa wathatinatakari tsi tkanataien Jerusalem ne raotitiohkwa sotar wahatinenskohaton tsinikon wahatitsenri ne karon raotinonskon ne Sitaeronon. Onen nonwa wahatinekwentane tsi rotinonsoton ne ronontio nok ratisennowanens, wahatitstenrarisi tsi iostenrote kanataktatie, akwa waenatentawe, inon wahonwatiiatenha ne ratinakere, wahonwatinaskwenhawe, otiake ok ratiienthos wasakaon ne ronontio Nabukodonošor ahatiterontake, aontonseke ahonterakarhatho nok tahatisnie onenhare kowa ne aiontste raonkweta. Sahonwannhotonko ne rotokense Jeremi tsini honwakonnienstha, wahontontate ne iahte honwaienteri ne R. tosa ahatiiena karontotseratokenti owistanoron otsinekwariotiatawitonne, ehneken tsi iorontotserakta ihnete tenihronhiakehronon raotinenhatsa rotirhorokton. Wahasete nennee Jeremi tsi tiononte Hebo, etho oni nonwe wahasete atekwaratseranoron etho ronwawenniiostakwe ne R. wenserakhonson. Wahatennhanne oni Jeremi otiake ratitsihenstatsi ahatihawe ne katsiratokenti konwaiats, tiotkon iotekhakwe Niio tsi rononso- te, wahonsete oni nennee onwentsiokon tsi iohnawerotakwe onen iostathen, iahte skaneko, nok

wahatinonteke. Saiatat rasennowanen wahawen-
hase Jeremi : Ionkwaterientare raiatanoron ne
Niio netsisewasennaiens, onen iahte skanataien
Jerusalemke, iahte tkariwaieri naseronhiakem,
Babilonke ietene, tenkonsniene, iah othenon ta-
taesatonwentsiose, tensennonton oni nenserheke
kiterontak. Waharako ne Jeremi ahenterontake
asakonikonhrahnrirate ne sate hatinakere iahte
honahtention. Etho kati wahaiatonserisa, ne wa-
troriatha raoiatonsera tsi wahatstarhase tsi tkana-
taien Jerusalem nok tsi Sitaeronon raotiriwanera-
haksera iorihonnihon R. sakohrewaton. Tokenske
sakonoronkwakwe ne salehatinakerekwe, wasa-
kohriste, wasakohrori tsi R. sakohrêwatane iah-
taonsaiontatrewatane. Onen tenhnon tsinahe eh-
niawenhon, wahatkawe tsi wasakohriste, ne
ok ieken wasakotenre, wasakonikonhrahnrira-
te. Ne ronontiio Nabukodonosor wahorihonten
saiatat ne rasennowanen Kotolias ronwaiatskwe
ahonwakowanenhake ne Sitaeronon. Iakahewe
tenhnon saiatat ne ronkwe Ismael ronwaiatskwe
ranosaskwe tsi ronwakowanen ne Kotolias, wa-
hrere ahirio. Otiake wahotitokense tsini honi-
konhroten, wahonwahreri ne Kotolias, raonha
tenhnon iahta tehoriwasniehon, rerhakwe : kati-

ken etho nenhatiire ? Etho kaŋi niawenhon, wahunwasete nok oni wahunwananasete ne ronwanonnhakwe. Tsi wahotitokense ne Sitaeronon tsi naawen, wahotihteronne, aseken ratitsaniskwe Nabukodonosor asakohrewate, wahatiriwisa ahonteko Egiptke iahonennakerate, wahunwariwaienhase sane ne Jeremi ; raonha wahonitentase ne R. ahokataten tsi nahatiire, wasakawenhase : Skennen kento sewenterontak, iahtaesewawentane nok nensewehre : Egiptke ieiakwe, etho nonwe enkwahrewate, etho iensewenheie. Wahotinakwen ne Sitaeronon ; wahuniron : Sadowen. Iahte hiatokatenni ne R. Sahenron : ok tsi wakaterientare iahtaesewatontate. Tsini sakanoronkwakwe Jeremi ne Sitaeronon, wahonne, roterientare sane tsi senha enharonhiaken Egiptke. Ne rotokense Baruk ronwaiats etho oni iahare. Kariwatoken etho tetsiaron watniheie, iah othenon te watroriatha kaiatonseratokenti ne raotiriwake tsinahe thonahtention. Ethone wahatatewenniioste Nabukodonosor raononwentsia, akwekon wasakorio ne ratiatarakwe Sitaeronon. Ethone iawetiohtonhon Juda raotiohkwa raotinakeratsera onen 386 nioserake tsinahe tehonatekhasionne Juda raotiohkwa nok Israel raotiohkwa.

Rotrorihne rotokense Jeremi 70 nioserake tsini kariwes ienhatinaskwaientake Babilonke tsinon ienhanaskwenhawe ne Assirironon ronwanonttio. Tiotasawe tsinahe thonwaiena Joakim ne 18^{ton} tehotaon asakoteriwatsteriste ne Sitaeronon tsinahe ronwanonttioston Sirus ronwaiats tsi thatinakere ne Perseronon, 3398 nioserake tsinahe thaonwentsison ne R. tsiniiore iaonsakahon, 3468 nioserake tsinahe thaonwentsison. Asen iotkararenkwaton Babilonke iahonnawe tiotierenton 4 nioserake tsinahe thonwanonttioston Joakim tekenihaton, ethone tsi Jekonias roterihontakwe, asenhaton sahatinatarisi Jerusalem, wasakaon ne ronwanonttio Assirironon etho nahatiere tsi hotiianerenseroten, otiake ne Sitaeronon ronaterihontakwe tasakotiiatorete nok asakonateriwatsteriste.

Sahonwatiiatenha Babilonke ne rononttio Jekonias, ratisennowanens nok iotiohkwatsanit ne Sitaeronon raiatarakwe ne rotokense Ezekiel ratsihenstatsi kenhne wasakorihonnien, wasakotati ne Sitaeronon tsinonwe ratinaskwa kenhne 12 nioserake karo nahrenheie Jeremi, thotasawen ahatrorate tsi nahoten rotokatenni ne R. kariwanoronson tsini iawensere, sekon oni ehnahaiere 10 nioserake tsinahe thawenheion Jeremi kenha.

Ohenton rotrorihne tsi enkanatentawe Jerusalem nok tsi inon ienhonwatiatenhawe ne Sitaeronon. Ohenton oni wahatrori tsi Nabukodonor enhatatewennioste Egipteronon raononwentsia nok tsi iah taontahotinontiosentane ne satehatinakere. Akwa oriwii etho niawenhon. Iakahewe wathotieronnionse, wahowennahronke ne R. wahatkatho teiotennhohontien karonhiake, tiowerenhaties, nok tetewenninekaraons, etho takaseretinenne kasere 4 nihati ratironhiakehronon kontisere kaseretakon tsiniiot wennitskwaratseratotonkwa tiken, tsiniiot ne R. ahentskwarake, ne watenientenstakonne onen toha Babilonronon Jerusalemke wahonnete tsi raweron ne R. : enkehrewate ne Sitaeronon. Tsina hoteronhienten Ezekiel, iaassatane, wahawenhase ne R. : Testann, Ezekiel, enkonhrori tsini wakenikonhroten ; onen nonwa wakonrihonten enskewennenhawiseke. Sitaeronon rotinikonhrahiron, iahte hontontats, tosa othenon shetsanisek, enkonriwawaseheke.

Rotroriaton Ezekiel tsi nenhaiere nensesakoskontako nonkwe, tsi enhotiohkonna kentiohkwa-tokeniti, thotienienston : tsiniiot, wahrenron, kaneka ne ronkwe sakononna teiotinakarontonha iah-tasakotewentete atoserakon enhatien akta tsi

kones, ensakoiatororoke enskatne kanonskon, etho nenhaiere nensesakoskontako nonkwe, tensakosnie raotiohkwa nonkwe, iawet sahotitiohkwa enwaton.

Iakahewe oni wathotieronnionse Ezekiel, wathatkatho kahetowanen etho iawetowanen iostientakeron iostathen R. raonikonhratokenti waha-wenhase : Sonkwe, wahrenron, isehre ken enwaton ensewatonnhete ne ken kakeron ostien okon kenha ? Tahenron Ezeziel : Sewennii, sonhaa saterientare, etho kinaa. Tontahenron ne R. : Saterennaienas nene ken kakeron ostien okon kenha. Etho nahaiere rotokense. Ok sa ok akwa ionehrakwat waorakarere watkontitane ostien okon kenha. Tsinikon ostien raonawenk tsionkwetatson tonsaharikhon, enskat sonton tsini ioh-tonne sekon si iakonnhekwe. Tontakenhnareke raotitsinonhiaton okon, saiowararane sakenhnaren, iah tenhnon eh te kaien onikonhra naia-kaonnhete. Wahonnhanne ne R. Ezeziel iawet ahononke ronikonhratokenti. Wathohenrete ne rotokense wahrenron : Sanikonhratokenti, kare kase tsi kakeron ne ken ostien okon tesarontatowera tsi kahere ostien okon naontonseke aonson-tonnhete. Ok sa ok nieronke kenha sakonton-

nhete wathatitane nok wahatiketote tsiniiot ka-
nenrowanen nonkwe aiakotkennison. Rontons
rotinikhrowanens : tsi etho niawenhon, ne ia-
wet watenientenstakon tsi ronatkaronnihon ne
Sitaeronon tsi R. sakohrewaton, tsi otiohkwar-
sion raotitiohhwa, tsiniiot ronenheion, iawet ent-
siontonnhete tsi etho ienshonne tsi thatinakere-
kwe, ne oni watenientenstakon Rotkon R^{ti} en-
haonnhete nakotonnhetston nonkwe nonen enie-
nitiohkonni Kentiohkwatokenti, tsi eniontene-
kwaheste, ne oni watenientenstakon tsi neniawen
nensewatanwentsiarisi nonkwe okon entsionton-
nhete. Iahte ionkwaterientare katke si kahawis,
nok kanon thawenheion rotokense Esekiel. Ion-
tons etho ronwaiataaten otstenrokon tsinon kaien-
takwe Semkenha Noe roienha raostien okon
kenha.

Onen asen nioserashen 7 iawenre tsinahe than-
nhotonkwe Jekonias Efelmerotek ronwaiatskwe
Assirironon ronwanontiio teshotaon raonaktake
Nabukodonozor kenka. Wahatennhanne ahon-
wannhotonko onen tsi rotiatison. Wahatennhanne
ahonbion nowista nok kakwanoron ahonwanon-
ten tsiniiot ronontiio akenhake. Ne ietokatha R.
thennontons ensakokenhron, ensakosennowanate

oni ne rotinontiiison ioianere tenhnon nok tkari-waieri akwekon tsini hoierenhaties.

CHAPITRE LXIII.

Daniel et 3 autres juifs placés dans le palais du roi d'Assyrie pratiquent l'abstinence de viande.—Sainteté de Suzanne : 2 infâmes vieillards veulent la séduire, mais en vain.—Ils la calomnient, mais Daniel confond leur imposture et sauve Suzanne de la mort.—Songe de Nabuchodonozor : il voit une grande statue à la tête d'or, à la poitrine d'argent, aux cuisses d'airain, et aux jambes de fer.—Daniel explique ce songe : la statue figure les 4 grandes monarchies qui se succéderont avant la venue du Messie qui détruira ces empires et régnera éternellement.

Nene 4 ratontha tsini hati ne rotito kensehakwe eso thotiiaton tsi neniawensere Daniel ronwaiats-kwe, Juda rawatsiratatatie ne rotinontio nahawatsiroten. Sekon ase tsi ronnhekwe sahonwaiena ne ronontio Jekonias hiatatenonkwe ne Daniel, sahonwarihontako, Babilonke wahonwaia-tenhawite ; Daniel tohka oni ratisennowanens wahonhriskon. Nabukodonozor onen tsi iaharawe tsi thotinataien raotinatakweniio Assirironon, wahonnhane ne Asfenes ronwaiats ne ronwakowanen raonnhatsera okon raononskon ratiteron

asakoiatarako tohka nihati ratinekenteron Sitaeronon nahatiiatotens nene rononkwetiio tenhnon ronttokhas ronontiio raononskon ahatiterontake nok ahontiatonseraweienste tsiniiot iontaterihonniennis Babilonronon. Wahonwatiiatarako kati Daniel, Anani, Misael, nok Azari ronwatiiatskwe. Watesakowennateni wahariwisa Balthasar, Sitrak, Misak, nok Abtenako ahonwatiiatseke. Akwa kanonsiio tsinonwe wasakoteron ; wahatennhanne ne ronontiio akwa kakwanoron wahonwatinonten tsiniiot raonha. Tenhnon wahonnehre ratinekenteron Sitaeronon : aiakwariwaierite tsini ionkwannhas R. raoianerensera, tosa aiakwawarake tsini hatiwaraks Babilonronon, tosa oni otsitsia aiakwahnekirhake. Wahrenron ne sakoteriwatsteristha : Tokat etho nensewaiere, ne ok ohonte sonha aesewake, ensewatiwenheke, nok ronontiio enhakwatteton. Iahte honatontaton 4 nihati ratinekenteron, wahoniron : Asatontatseke 10 nonta tsini kariwes aiakwatanienten. Wahatontate nok tsi iotohetston 10 nonta, ok eken senha rona-resen. Ethone wahrenron ne sakotsteristha : ok-tensewennonton tsi nensewaiere nahoten ensewake. Ne ietokatha iah ne te iakaonnhiostha nonkwe ne kakwanoron aieke tokat taiakoriwaierike

nok eniakawentontiete, ne ensakotenrate ne R. Wasakaon oni ne R. iosnore nahatiweientehtahonhatie tsi rontiatonseraweienstha nok ahotini-konhrowanenhake, senha ki ne Daniel, akwa ionehrakwat R. wahonikonhrowanate, wahaon niatekon ahonikonhraientane ne kariwanoron ne ioteriwaseton. Sekon ase tsi ronnhekwe wehne iotonhon tsi rattokha.

Ethone tsi Sitaeronon ratinaskwakenhne tsi tkanataien Babilon, saiatat ne ronkwe Joakim ronwaiatskwe rokwatse wahotiniake nene Susann konwaiatskwe akwa ionkwetiio, teionkwetaren-saron, akwa oni tioriwaieri, akwekon konwakon-nienstakwe. Sekon si eksaa, akwa ioianere tsiniot ne konwaienha konwehiaron, wakonwarihonnien aieriwaierite Niio raoianerensera nok tosa aontonwesen. Etho tioientakwen tsini ionnhes onteweienton. Akwa tsi rononsote ne rone rothenraientakwe tsi kaienthoseronkwe niatekon ; eso tkerhitakwe ne waianiiontha. Etho iontkennisahatakwe ne Sitaeronon, aseken raonha tsini hasennowanen. Ethone kati tehniase ne rotikstenha wahonwatirihonten tasakotiiatoretake ne satehatinakere iotkate hiataweiatakwe tsi rononsote Joakim, etho oni thonnetakwe onka ki ok

othenon rotiriwaientakwe ahonwatiriwaienhase
tasakotiiatorete. Iaontenniserihewe entie ni ikare
akwekon sahatiakenne nok Susann aonhatsiwa
tewatnanetarionskwe raotenhenrakon ne rone,
niate wenniserake konwatkathoskwe tenikstense-
raksen, waoteke raoneriane katsiraksen, wakon-
waskaneke tsiniiot wathiatatenikonhrakarhatho
ne rononha tosa ahiatkatho karonhiake nonkati,
tosa oni aonsahnehiarane tsini hariwasatste ne R.
tsi tesakoiatoretha nonkwe. Iaontenniserihewe
kati, wathninenhraien nonen enwatonkwiihake
akonwaken. Ontaweiate Susann atenhenrakon
tsini iorennhaonne niate wenniserake, wakene
tekenihase ne iakonnhaskwe, waenhre : akata-
wen atenhenrakon, aseken akwa ionehrakwat tsi
iorakwatarihen, iah onka te iiens ne ok ne tehni-
hase rotikstenha hniteron, tenhnon hiatasetonne
nakonwatkatho. Wakawenhase Susann ne iakonnh-
has: Kento tesenihaf ne kenhie nok iontatiatokhas-
tha sonha wenserakhon, nok seseniiakenn, senin-
nhoton tsi kannhokaronte aontonseke akatatiatoha-
re. Onwarh si iotiiakenhon ne iakonnhas Susann,
tontahiahtenti tenonkwetake tsinonni ronataseton,
wathiaratate, wakonwenhase, wahniron : Nonwa
kannhotonnion atenhenrakon, iah onka tateion-

kikanere, ehnaiawen tsini iakiaskaneks, kariwiiio naskiatontatse tsini ionkenikonhroten, nok ne iahten satontathe, onen nonwa enkeniwennotane, eniakeniron : Saiatat ne ranekenteron ihneskwe ne Susann, ne aoriwa iakohrori ne iakonnhas aonsakeniiakenne. Iaonsenne ne Susann, nok wakenron : Oh nakiere ? Tokat akatontate etho naiawen tsini seninikonhroten, ioriwatsanit enkeriwanerake ; nok tenhnon iahta katontathe, iah-takenihniakense. Senha ioianere akataterakwase tosa eh nakiere nok askeniwennotane, tsiniiot ahinikonhraksate ne R. tesonkwakanere. Ok sa ok watiohenrete Susann oni ne tehniase rotikstenha. Saiatat wathosterihen nahannhotonko ion-taweiatakwa atenhentrakon aonhatsiwa iken ne Susann. Sahonwatiwennahronke, ok sa ok wathonratate ahontkatho tsini iawenhon. Tenhnon sahotitokense nahoten thotiwenninekenhon tehniase rotikstenha, akwa ionehrakwat wahontehen ne ronatonte, aseken arekho nonwenton teiakoriwahronken netho naieiatotenhake ne Susann. Saorhene wahontkennisa niate ionkwetake tsi rononsote Joakim Susann rone, wahnikwatto oni tehniase rotikstenha ne hiaskanekskwe kariwaksen, hiaskanekskwe oni akonwario Susann.

Kanenrakwekon ronatonte tsi wahniron : Kento takonwataste Susann Helsias sakoienha Joakim rone. Ok sa ok wakonwanonksa wahonnewe oni ne konwaienha, akoien okonha nok iontatenonkwe okon, tehonsenthoskwe akwekon ne ieienterihne tsi tioriwaieri. Ethone tehniase rotikstenha watnitane tsi titkanenhrahere, wakonwanisnonsaherhase enontsine Susann. Aonha watewasenthon, iaontkathon karonhiake nonkati, aseken aweriasakwekon roniahesaonhatie ne R. Wahniron tehniase rotiksten okonha : Tsi teiakiatanetarionskwe tetsiaron atenhnenrakon, aonha ontaweiate, tekenihase kannhatsera kenineskwe, wahrenhoton, wakohrori aonnhatsera akeniakenne. Ethone warawe saiatat ranekenteron rotasetonne, akwa iakeniken tsi rotiriwaneren. Iakiatasetonne, saiakiatkathon kariwaksen tsini iawenhon watia-kiaratale, akwa iakiatkathon, iahte iontonhon asakeniiena ne ranekenteron, aseken senha rasatstekwe tsi nii niit, wahrenhotonko kati nok sahateko. Saiakiiena aonhaa wasakeniriwanontonse onka nene ranekenteron ? iahte iontontaton asakenihrori ; tetsiaron wakeniriwahnirate tsi etho niawenhon. Kanenrakwekon ne ratiataraien wahrenhotontate nahoten wahniron tehniase rotiks-

tenha, aseken ronaterihontakwa, tehniiatoretha hniiatotens nok wakonwariwente Susann nakenheie. Ethone kati ontewennaientonwe Susann, wakenron: Sewenniio, ok si senakere, tsienteri tsinikon ioteriwaseton, oriwakwekon tsienteri tsini iawensere, saterientaratsihon tsi ionkenno-wentenni. Onwa tsi ok enkiheie, iah sane othenon te wakatieranion niotaksen, iah etho te iawenhon tsini hiatons ne waonkiwennotane. R. waha-wennahronke nok wahatontatse. Onen etho wakonwaiatenhawihne ne Susann, tsinonwe enkonwario. Wahonikonhrata ne R. raonikonhratokenti saiatat ne ranekenteronha Daniel ronwaiatskwe, wahatewennaientonwe, wahakwison tsi wathohenrete. Iahte keribanonwes tsini sewatierane; iahte kiatare nii tsi konwariosere. Kanen-rakwekon wahonwatkatho, wahoniron: Nahoten onte saton? Wathatane Daniel nok wahrenron: Israel hetsisewaien okon, sewanonwarori, iahta tesewaiatoretha tsi naesewaiere. Ensewakweni ken skaiatat Israel sakoienha aesewariwente niah othenon taesewariwisakon tokat oriwiio etho niawenhon? Sekon tontatesewaiaret, aseken konwennowentenni, aoskon onowen nahoten thotiwenninekenhon. Akwekon wathontsterihen etho

saiante tsi tiontatoretakwa. Wasakawenhase Daniel, wahrenron: Ronwatiiena ne rotikstenha, tahonwatikhasi. Akte natahontatiteron, ii tenkheiatorete. Wathonwatikhasi; ethone saiatat ia-honwanonke, Daniel wahawenhase: Sakstense-raksenskwa sariwanerahakskonkowa, onen ieiohe aonterihotasi tsinikon satieranion wahonnise ne kariwaksen, tesheiestasjonskwe tsi tesheiatoretakwe ken ratinakere, shehrewatakwe ne iah othenon te tsiakoteriwatewatonne, nok sheiatkawaskwe, tesherrhotonniskwe iakonkwetaksens, rawen sane ne R.: Tosa sherio ne tiakoriwaiერი iah othenon te iakoriwannhikon. Saton: wakheken tsi ioriwaneren, ok sa ok kati takrori kanonwe, ohnakakwiroten tsi nonwe niskakennion kariwanerahakserakskwe ne Susann? Tahenron roks-tenha: nene kakwiroten. Tahenron Daniel: Wessennowente, ne ensastonte eniesario. R. enhonnhanne ne raoronhiakehronon tahiaiatoren. Ethone Daniel sahotekwate ne rokstenha, ionsahowennonke ne saiatat, wahawenhase: Kanaanron non nasiatoten sawatsiraksenskwa, iah Sitaeronon te ken, tsiakothonwissen iesanikonhrotakwen; kariwaneren sanikonhrakarhaton, ethoni seniierhakwe ne senikstenha ietsiriwanerahaktenni tsi-

akothonwisen Israelronon. Tenhnon tsini iona-
tsehiaron iontontatskwe taesewahtaren. Kenkaien
nonwa ne Sitaeronon nakaia toten, iahte iotonta-
ton netho naiawen tsini seninikonhrotenne. Onwa
kati takrori, ohni karontoten tsi nonwe senika-
henhion Susann tsi ioriwaneren. Tahenron ne
rokstenha: Karitton karontotakwe, oia tsi nate-
karontoten tsi wahninaton. Tontahawenhase Da-
niel, wahrenron: Sanowen, ne ensastonte eniesa-
rio, kên irate R. raoronhiakehronon rasakwa-
renhawe, tenhiaiatoren oni; ne tsiatenro enseni-
heie. Kanenrakwekon wahontewennaientonwe,
wathonwanonweraton ne R. sakoiatanonstaton-
haties ne ronwaniahesas. Wahonwatiiena tehni-
hase rotikstenha, sakotokatennihne Daniel tsi ro-
tinowen, rononha ronatrori. Etho nahonwatiie-
rase tsini hiaskanekskwe akonwaierase Susann;
wathonwanasete tetsiaron, nok wakonwatkawe ne
wenniserate ne iah othenon tetsioteriwatewatan.
Etho nahe tiotasawe akwekon senha wathonwa-
konnienste Daniel tsini hattokha kowa. 12 teha-
oseriiakonne tsi wahaia tanonstate Susann akon-
wario.—Teioserake tsinahe Babilonke thonwanon-
tiioston Nabukodonosor, iakahewe tsi rotas waho-
tetsen, wahatennhanne karo ontaientte nene ion-

tienteristha. Nonen wahontaweiate, wasakawenhase, wahrenron : Onkteronne tsinon katetsente-rotenne nok sewakenikonrhenhon. Taiairon ne iontienteristha : kawenniiio ki enskwahrori tsi satetsenhon, ethone enkwarihotasien tsini karihoten. Tahenron ne ronontiio : Akwa ki ikehre aionkrori tsi nahoten wakatetsenhon, nok etho naesewaiere akwa enkwatonraseronse, nok ne ensewariwanoronse, akwekon ensewenheie. Taiairon ne iontienteristha : Iah taonton aiekweni tsini sanikonhroten. Akwa tahonakwen ne ronontiio, wahrenron : aontakariwaierike tsi sewatienteristha, aesewakweni ; wasewe, ietsinikonrhateennis nonkwe, ikehre kati : akwekon ensewenheie. Ethone onontiooke warete ne Daniel, wahoneken tosa ahonwatirio ; eniorhene, wahrenron, enkonhnikonhraierite Rawenniooke wahonikonhrontiette. Daniel etho sarete tsi thononsote wasakohrori asen nihati ne tehatihase tsiniawens. Wahonterennaaien, tsinahe ronaterennaaien, wahotokaten ne R. ne Daniel tsi nahoten rotetsenhon Nabukodonosor.

Etho warete Daniel tsi thonakte ne ronontiio, nok wahrenron : Ne R. akwekon raienteri nahoten ioteriwaseton raktokatenni tsini sanikonhra-

wenhon tsi satetsenhon. Sennontonnionhakwe tsini iawens nonwa ne sonwentsiake nok oni tsi neniawen ohnaken. Ethone wesentawe nok wasatkatho teskiatieren ne kaiatonnik akenhake kahnenhies tsi ikate nok teiokahratsanit; otsinekwar owistanoron ionontsistotakon nok aontskwenake nok kanentsake, owistakenrat nennée; iken onekwentake, nok kanitsake iowistahniron otsinekwar takiatieston karistatsi nennée iken, nok ne wasitake satewasennen karistatsi nok satewasennen onawatsta. Akwa senikonhrarakwe, takanenhienne tsi iononte nok watiositarite ne teskanere kaiatonnik nakaiatoten. Ethone oni okenra tonton owistanoron nok karistatsi nok oni nondak kenha nok tonsontton, nok nonenhia iononte kowa iotonhon iaonwentsiawerho nonwentsiakwekon.

Tokenske ethoni hotetsenserotenhon Nabukodonosor, akwa roriwanehrakwas. Wahrenron ne Daniel: Onen nonwa enkonnikonhraientasten nahoten watenientenstakon tsi satetsenhon: Akwa sanontiio kowa, iken ne R. ne roronhison, hiawi tsi sesatste, saiatanehrakwat oni. Ise kati tsi satkathon owistanoron otsinekwar ionontsionontakonne. Nok nonen ensiatahton, oia entsio-

tenontiioste tikenha nennée tsi nenhaiatanoronke, nene Perses ronwatiats ronwanontiiio, ne watenientenstakon nowistakenrat. Nok are oia entsiontenontiioste 3^{ton} ne ontak, watenientenstakon ne Greks ronwatiats nennée, nok ne 4^{ton} entsiontenontiioste karistatsi nennée, watenientenstakon nene Romains ronwatiats. Ethone onen tateniekatsionko nonwentsiakenha ne watenientenstakon tsi wasetatte satewasennen karistatsi nok onawatsta nok 5 watontha entsiontenontiioste nene iahtaonterihokten, ne watenientenstakon onenhia, ionontakowa iotonhon. Ethoni karihoten ne satetsenhon. Nene onenhia iononte kowa enwaton nene tsi Jesus Niio Roienha enhonwennakeratse nonwentsiakwekon enhotiohkonna kentionkwatokenti nonwentsiakwekon tentewareni, iah nonwenton taiekweni nonkwe aietiohkwarisi ne Jesus enhotiohkonna tsi iahte kakonte enhonwennakeratse.

Sahawennentane Daniel, Nabukodonosor wahrenron: Tokenske raonhaa Niio nihaia toten netsewenniiostha, akwekon raienteri tsi neniawen. Wasakosennowanate Daniel nok 3 nihati rontenro, wasakorihonten raonwentsia ahontsteriste nok roriwison tiotkon raiaakta ahatiterontake.

CHAPITRE LXIV.

Nabuchodonosor voit en songe un grand arbre qu'on abat.—En punition de son orgueil pendant 7 ans, il est changé en bête.—Les 3 compagnons de Daniel, pour avoir refusé d'adorer la statue en or érigée par Nabuchodonosor, sont jetés dans une fournaise ardente (A. M. 3417).—L'ange de Dieu les préserve du feu.—Edit par lequel il rend hommage au vrai Dieu. Daniel découvre au roi Evilmerodac la supercherie des prêtres de Bel et la vanité des idoles.—Il empoisonne un dragon adoré par les Babyloniens.

Tohka nioserake tsinahe ehntiawenhon Nabukodonosor ne ronwanontiio Babilonronon wasakosenni Egiptronon, etho takaientakwe wahatenaiestakwe, wahennontonnionwe tsini haiatanorron. Wahrere ne R : ahihrewate etho naontawetosa sotsi aiontatkonnienstake nonkwe tsi ensakosennowanate. Wahotetsen, akwa wahoteronhienten tsinahoserentawen. Iahte hotikwenion ne rontienterista ahonwarihotasi tsini karihoten. Wahatennhanne iahonwanonke ne Daniel, wahonwariwanontonse ahohrori tsina hatetsenseroten. Wahatati ne Daniel, wahawenhase: Satkathon, wahrenron, akwa iken karontowanen, karontesoni sateonwentsiien nonwe kerhite, niate, ioron-

hiokoke nok ne tsini ionnhateson tsi ieiolonwen-
tsiokte iatekannhataniharon akwa kaneratiios ne
ioneratontte eso oni ioianiionte. Tsi ioterakwa-
werhon etho konterakwawerhostakwa ne konti-
rio, etho oni konitskwaherha ne tsiten okonha
nok akwekon etho kontekonniatha. Nene karon-
towanen satkathon ise na nee, nok ne kontirio,
ne tsiten okonha, tsini ionkwetake ne saterihonte
asheiatერიwatsteriste. Wasatkatho oni saiatat ra-
ronhiakehronon karonhiake nontare, wahrenon :
Sewarontiak etho karontote, sewannhatoskare se-
waianiiontako oni, onsakonhtenti tsitenha nok
kontirio ne ok nentsiotsinenharatotake taieristan-
nhakon notsinaara iahtenieieste nok etho kahon-
toton. Ne kati ne watenientenstakon ne tentsion-
tieren tsini katsinenaroten ohonte eniakonnhe-
kon, nok kario enieiatontakon. Ne watenientens-
takon ne R. iahtiaiehewe tsini haiatanoron rori-
wison tsiatak nenioserakehake ise senontiio enie-
satekwate tsi ionkwehne, ensewahriskon ne kon-
tirio, ohonte nahoten ensonnhekon, netho nen-
saiaatawenhon, iensatokense tsi ranakere Nio
niate haiati Rawenniiio, thennontons tsini iawen-
serons nonwentsiake, ronwakowanen rotinontiio-
son, enthennonton onka ensakonontiioste, ohna-

ken sane sekon ensesatenontiioste. Tosa senikonhriak, shetenr ne ieiesas, tokat onsahientenre ne R.

Tsioserat tsinahe Daniel ethoni hawennoten-
hne, ok are tsi ratnanetarions Nabukodonosor tsi
rononsote, tehakanere tsini kanatii Babilon, eso
ni kanonsake iononsanehrakwatenions, ratatenni
tsini hanaie : Ii akwekon wakson tsini kanatoten.
Ethone wasakowennahronke iontons : Akoren
tsiontewenniiostane ne sonwentsia, eniesatekwa-
te, kontirio oseronni enseweseke, ohonte sonha
ensonnhekon, 7 nioserake etho nensaiatawenhon,
tsiniore iensatokense tsi ranakere Niio iah othe-
non te honoronse. Ok sa ok kati etho niawen-
hon. Wahatseronniasi tsi rotseronni, wathohen-
rete tsini kontiwennoten tionnhonskwaron, etho
ok ni shakoten ohonte sonha iraks, ositake rah-
tentiatha nok oni rasnonsake. Wahonwaiena nok
wahonwasaronten, wahateko. Karistatsi wahon-
wasarontakwe, wataristiakon, nok are sahateko,
karhiakon tires, entiekehne ratonnnhisaks, nao-
karawe okti kawenniiio tsi nonwe ires, etho wa-
hotawe, waohnirha ne raoserosa, iah othenon te
hoiatawens, saheto ne wenniseraksen, raiatakwe-
kon iononwerote, nok ne rasnonsake, ethoni hos-

nonsotenhon tsiniiot ne katsitenseraks, skennen sane tsi ronnhe, kasennonnonwe tires. Onen 7 nioserake tsinahe ethoni hoiatawenhon, irehre : kario ni kiatoten. Ethone sahotenre ne R. Tsiniiot ne sahaie Nabukodonosor wahrenron : Aiesasennaientak, Sewenniio, tisennontonties tsini iawenserons nonwentsiake. Nok wahariowanate tsi tokenske R. iken ne ronwasennaiens ne Sitaeronon. Shotatrewaton onwe, nok etho rawenheion. Tsi sotsi rotatkonnienston ne rostonton R. rohrewaton. Sahotenre ne R. tsi wahatkatho wahatkenhronni raonha tsinikon tehokwennihne, sahaon ahattokhake, ahokwatsehake, ahaiatanorinke. Etho kati niiot kanaiesera iakokwas nonkwe tsinikon iakoien ne kanoron, Niio raoianerenstakwa, tsi iakonaktaien ne karonhiake, nok eniontatkenhronniheke nakaonha entsiontatrewate, akwekon entsieriwatsenri tsini iakokaronnihon ne kariwaneren.

Tosa taieriwasnie niatekon iakonikonhrawens tsi iontetsens. Kaiatonseratokenti ionkwarihonniennis arens R. niatekon ne kanoron sakorihonnienniton nonkwe tsi ronatsenshon. Iah iotkate etho te iawenhon. Kowanen aieiahton nonkwe aienrheke : etho nakiere tsini wakenikonhrawen-

hon tsi wakatetsen, aseken tokat Rke naontawe iahtahoriwaioha ne iah othenon te honoronse akwa otokenhon asakotokaten nonkwe tsi raonhake ni-trawenon. Toha tiotkon kati aieriwanerake aie-wennioste tsi iontetsens.

Ethone Nabukodonor wahonaktonnien tsi nonwe enkahniotake owistanoron kaiatonnik tiob-ton niwasitashen tsini tiotte, nok tiohton niwasitake tsini waseratie. Wahatennhane akwekon ahontkennisa ne ratisennowanens ahatiiatarake tsi iawet enkonwaterennaienhase, wasakonnhanne ne ontakonwasennaien, nok wahrenon : Ne iahteniontontate tsi eniakosonfwatarihaton etho ien-iontatiatonti. Akwekon etho wahonnete, etho .oni nennnee wahonnete Daniel nok asen nihati rontenro. Nonen wakonwasennaien ne kaiatonnik, Daniel nok asen nihati iahte honatontaton takon-watontsothase. Ok sa ok nene Babilonronon ne ronwatinosas aseken sakokonnienstha ne ronon-tiio, wahonwahrori, wahoniron : Oriwakon sari-wison akonwasennaienseke kaiatonnik ne tsiatison, otiake iahte iontontats ; sotsi shetenras ne Si-taeronon.

Tahenron Nabukodonor : Karo thonwatiaa-tenhawi. Nonen wasakotkatho, wasakawenhase :

Tokenske tsionhaa, iahte sewawenniioston kaia-tonnik ? iahte tesewatontsotanis ? Tosa hetsisewatsterist ne Niio netsisewasennaiens, iahtahakweni atsisewaienawase askwahniakense. Tahoniron Sitaeronon : Nene R. sakwasennaiens iah othenon te honoronse, aonton nasonkwaitanonstatseke, saheto ne sate katsienhien iken aiakwenterontake. Tokat tenhnon iahte hanonwes asonkwaitanonstatseke, iaweronhatien aiakwenheie, ionkwatierientashon iahta iakisennaien ne Niio sonha shesennaiens, iah oni tasakwatontsothase ne kaiattonnik.

Wahonakwen Nabukodonorok nok wahatennhanne aesonfwatarihate, wahonwanasaronten nok etho nahonwatiiatonti. Oia ok nahotiiatoken, skennen tsi honnes otsienhakeson. Saiatat raton : Aiesasennaientak, Sewenniiio, tiotkon tisariwaieri. Tkariwaieri tsi skwaronhiakentha, sotsi ionkwarivanerahakskon. Tosa takwatewentet. Tiotkon ionkwarhare enskwentenre, ionkwattoken ionkwarhare enskwentenre Serhek, eniakotokense niahte iakoriwiioston tsi iah othenon tehonoronse ne R. Tsini iotsiratsanit ne iotekha, tohka nihati ne atste ronnete wahontiatatsa R. tahotenniete saiatat raronhiakehronon, etho wathatane

tsi ronnete 3 nihati Sitaeronon, wahohtarho otokwa, nok tsiniiot wakaweratase iowerano tsi iotekhakwe, teskiatieren aiohaweieke, ne ok ieken ontsa ne raotironkwasa, iahte iotson raonatiatawit. Skennen kowa sate katsienhiien nihatitakwe, tsinahotirihonweskwon, wahatiriwakwe rontonhakwe : Tsiniioriwake roteweiennison ne R. ahonwasennaian ; karonhia, tsi kanatarenion; otsire, ower, iothore, iotarihen, teioswathe, onwentsia, tsi ionontenion, tsinikon ne kanen watonnis nonwentsiake, tsi iohnawerote, ratironhiakehronon, nonkwe okon, ahonwasennaian, tahonwanonweraton ne R.

Kawenniiio wahahronke Nabukodonozor tsini iawens, wahonehrako, nok wahohteronne, wah-rere : iiakwa aonktokense, wahrenon : iah kati-ken otsirake teiehonwatiiatontion ne Sitaeronon tsini wakeriwison? Taiairon: Ethoni ionkwaieren. Tontahenron ronontiiio : Kaieri sane nihati khekens iahte onsaronte, iah ostonha te hotitsiraraon, nok saiatat ahnio senha raiatanoron tsiniiot nonkwe. Ethone wasakawenhase Nabukodonozor 3 nihati ne Sitaeronon : Sasewaiakenn, onen nonwa tewatenro iken. Tokenske etho tahonnete, akwa iah ostonha othenon tehotiataawenhon, iah oni othenon te iotson raonatiatawit.

Ethone Nabukodonor wahenron : Ronwasen-
naien nene Niio ronwawenniiostha Sitaeronon,
thotennieton ne raoronhiakehronon sakoiatanons-
taton ne raonhake thonehtakon, ronwawennon-
tion ne ronontiio, ronatewenteton tsi rononnhe
tosa ahonwawenniiostake ne iah Niio te ken.
Nok wahatennhanne ne ronontiio aierihowanate
raonwentsiake, waton ne raoiatonsera : Nene iah-
tiiiaiehewe tsini haiatanoron niate ioriwake iori-
wanehrakwatanions tsini hoieren, tsi tiakwana-
kere, wakerihowanate tsini hotieranion, aseken
akwa iken kariwanoron, akwa iken ioriwanehra-
kwat oni. Iahte kakonte tsinahe thonwennakera-
on iah othenon te honoronse, oktenhennonton
tsi nahaiere tsinenwe iahte kakonte. Tsini hotia-
tawenhon 3 nihati ratinekenteron Sitaeronon iahte
honatiatatson ne iawet teskiateriwatieren tsini
iakoiatawens iakonikonhraksensersons, tsiniiot
otsirake ahontohetste, iaweronhatien aontsa tsini-
kon iahte ioianere nakaweriane, tsiniiot iahte
ionsarontakwe 3 nihati otonkokon, tosa tenhnon
kanikonhraksensera aontakarihonniate aontsa tsi
iakoiatatokentistha ioianerenstakwa. Iawet ia-
koiatanoston otsire aseken ne Niio ronwanonwes-
tha iotekhakwe raoneriane senha iotsiratsanit tsi-

niiot nene iotekh^hakwe tsi iesonhwatarihatakwe Etho neniawen ne tiakoriwai^heri iakoronhiaken, ensakaon ne R. raoianerenstakwa eniakaon weskwaten, eniakonikonhrah^hnirate tsi eniakorhareke iahte kakonte ne R. ensesakoierit^hse ne karonhiake. Nase tsi iakonnhe ahonwatinakeren 3 nihati rontenro ne Daniel ; ahatisatste^hke kariwiiostonke tosa akonwatewentete Niio raoianerensera, arens iakonkwetaksens ensakotinikonhrata ahon-tonwesen. Tokat ahontontate etho nahatiiere enhonwatewentete ne R. enhatiriwanerake, tokat ok eken iahtahontontate, tsiniiot asen nihati ne Daniel rontenro ronwawennontion ne ronontio, etho nentewe nonkwe enhonwatikenhrenseronni, iah tenhnon taiekweni nonkwe aiontatkaronni, iah oni tahoriwaioha ne R. etho naontawe ahon-watikonnienstake nok ahontsennonni, saheto nonkwe ahonwatikenhronni.

Sahrenheie Nabukodonor kenha nene roienha Efelmerotek ronwaiatskwe sahonwanontiioste Babilonronon, roienterihne ne ^hDaniel, wahariwisa etho enhenterontake tsi renteron ; wahotenre oni ne Jekonias ronwanontiiokwe Sitaeronon, rannhotonkwe, wahaon ahatawenniioke wahonenanoronste, etho wahoteron tsi renteron,

iawet wahoiatanoronste, wahariwisa oni Daniel etho nahasennowanenhake tsini hasennowanenne. Sekon si ronnhekwe ne ronikenha Nabukodonor, iahta te horiwasniehon tsi eso ronwanosaskwe ne ratisennowanens.

Ethone tsi kahawiskwe Babilonronon konwasennaienskwe skaiatat ne kaiatonnik Bel konwaiatskwe, niate wenniserake konwanontenskwe 12 nikawinotserake othesera, 40 teiotinakaontourha, nok 6 nikatsetkae ikare otsitsia. Ne ronwanontiio Babilonronon niate wenniserake iehaterennaienneskwe, rawenniiostakwe ne kaiatonnik, ok eken Daniel rowenniiostha ne R. Ne ronontiio wawenhase Daniel: Ohniiotiieren iahte sewenniiostha ne kaiatonnik Bel ? Tontahenron Daniel : Iahte kewenniiostha kaiatonnik nonkwe iakoson ; raonha riwenniiostha ne R. ronnhe onwe, roronthison, raonwentsison. Tontahenron ne ronontiio : Isehre kati ken iahte ronnhe ne Bel ? iah ken tateskanere tsi niate wenniserake iwaks, kahnekihra oni ne kaiatonnik Bel ? Wahoieshon Daniel, nok wahrenron : Senontiio, tosa siatahton, iahte ionnhe kaiatonnik Bel, iah oni nonwenton te iokon. Tahonakwen ne ronontiio. Wasakononke ne iontsteristakwe kaiatonnik (iawet rona-

terihontakwe tsini hotiriwiiostontserotenne Babilonronon) wasakawenhase : Ensewenheie iahten sewaroriane onka iieks tsinikon konwanontens ne kaiatonnik, nok akwa ensewariwatokenste ensewenron kaiatonnik iwaks, enhrenheie ne Daniel. Tahenron ne Daniel : Etho neniawen.

Ronnerhakwe ne rontsteristakwe kaiatonnik : tokenkse enhrenheie ne Daniel ; 7 nihatiatasenne, onwentsiokonson rotisonwisonhonne tsi ieieiakentakwe tsi kanopsote, etho thontaweiatakwa kwe asonthenne nok etho iehatihaskwe tsinikon konwanontenskwe kaiatonnik, ne kati karihonni rotikwatsehne. Wahonwenhase Ronontiio : etho iehawit tsinikon konwanontens ne kaiatonnik, akwekon eniakwaiakenne. Ensenhhoton, eniorhene tentese nok ensatieren sekon enkaientake atekwarakne tsinikonkonwanonten ne Bel, akwekon eniakwenheie, nok ne iahtenskaientake, onen ki enhrenheie ne Daniel. Wahrenron ronontiio : Etho ionsasewet tsi tisewanonsote. Waha-tennhanne aiekareni notsitsia, othesera nok teio-
tinakarontonha. Onen tsahrere : aiennhoton Daniel wahrenron : Testann, niare wahokenronti kanonskon (iahte honatkathon ne rontsteristakwe kaiatonnik). Wahonehrako ronontiio : tosa

othernon tsiron nonwa, wahotontatse ne ronontiiio, nok ethone waennhoton, ronontiiio raoteniententsera waehnetarhoste.

Skennen kowa wathatasontohetste Daniel nok oni ne kaiatonnik rontsteristha. Satewasontatihen iahontaweiate kaiatonnik tsi iononsote tsi nonkati rotisonhionni onwentsiokonson, akwekon iahatihawe tsinikon konwanontenskwe ne kaiatonnik, otsitsia, otesera nok teiotinakarontonha, nok wahontennioten tsi nahontsennonni.

Orhonketsi wahatketsko ronontiiio raonha nok Daniel etho wahnete tsi tiononsote ne kaiatonnik. Kawenniiio kanonsakta watnitane, wahrenron ne ronontiiio : Iah ken othernon te iakoieren tsi kannhokaronte? Tahenron ne Daniel ; iah othernon. Wahatennhanne ronontiiio waennhotonko, watenetiake nok tsi wahotokense iah othernon te skaien tsinikon konwanonten ne kaiatonnik, wahrenron : Kaiatanoron ne kaiatonnik.

Tahenron ne Daniel : Sotsi watesatsterihate tsi watsennowanate ne kaiatonnik. Sasehiarann tsiini wakieren, wakakenrontion. Satkatho niare tsi ieianonni. Tontahenron ronontiiio : Okti ionkatentoriatha ieianonni akoskenrakehte nok tsia-
kothonwisen nok eksa okonha. Taktokatasten

tsini iakoieren tsi tiakataweiaton. Tahenron ne Daniel: Satennhann ontahonne ne kaiatonnik rontsteristha, nok ok sa ok rontrori tsini hatiierha. Tokenske etho tahonnete, nok tsi ronahteronskwe wahatinaton tsinonwe nitontaweiatakwa. Wahatennhanne ronontiiio akwekon wahonwatirio nok ne Daniel wathahrite ne kaiatonnik.

Ohnaken wahawenhase ronontiiio : Ethoni kontiiatoten ne sewawenniiostha tekontikahronte, iah sane te kontikens, tekontihontakaronte nok iahte konhronkha, tekontisnonsonton nok iahte kontiienas, tekonsitonton, nok iahte konnes, tosa onen tisesaiatahtont. Tahenron ronontiiio : Onen iahtaonsaksennaaien ne Bel, ne ki ok aksennaaien ohniare kowa, iah ne te sanekherens ionnhe, ise kati oni hetsennaaien. Tahenron ne Daniel : Iah taonton ne aksennaaien, sotsi kariotaksen. R. risennaaiens, aseken tiotkon si hanakere, nok nohniare kowa aonton akonwario. Isehre ken, sanontiiio, asatokense ? Iah sane te waksekwaraien, iah oni te wakeniaaien, sekon ki aonton ahirio. Tahenron onontiiio : Etho ki neniawen. Sateweienton tenhnon, aseken nensesatewatte, ise eniesario. Tahenron ne Daniel : Iahte ketsanis ne kenheion. Daniel wathanekontiette ohneta ononwe?

ha nok kenhie, wahawenonnianion, nok wahnonte nohniare kowa. Iaonhnekwane, ok naa wakenheie. Wasakawenhase ne Daniel : Ethoki kontiiatoten ne sewawenniiostha, otiake ne akonwanonten, iah taonton aiawekon nok otiake ionekonhatie koniheions.

CHAPITRE LXV.

Daniel est jeté dans la fosse aux lions où le prophète Habacuc transporté par un ange vient le nourrir.—Le roi d'Assyrie rend hommage au vrai Dieu et publie ce miracle.—Vaine sécurité des Babyloniens pendant le siège de leur ville.—Terreur de Balthazar en voyant une main mystérieuse écrire sur le mur pendant un festin.—Discours de Daniel au roi.—Explication des mots : Mane, Thécel, Pharès.—Daniel élevé en dignité.—Les grands par jalousie forcent le roi à publier un décret qui ordonne de n'adorer que lui.—Daniel jeté de nouveau dans la fosse aux lions pour n'avoir pas obéi à ce décret.—Il en sort de nouveau sain et sauf.—Décret de Darius publiant les grandeurs du Dieu des Juifs.—Prière de Daniel pour demander la fin de la captivité.—Sa prophétie des 70 semaines d'années sur l'époque de la venue du Messie.—Explication de cette prophétie.—Textes de Daniel et des autres prophètes sur l'éternité des peines de l'enfer.

Akwa ionehrakwat wahotinakwen ne Babilonon sahotitokense tsini hoieren Daniel, waha-

rio nohniare ne konwasennaientakwe. Wahontewennaksatanion, wahoniron : Onen Sitaeronon enhaton ne ronontiio. Etho wahonnete tsi thenteron, wahonniron : Iakwehre : ahrenheie ne Daniel nok ne iahtenskwatontatire, ise ensiheie. Tsi nahahteronne ne ronontiio wahotewentete ne Daniel. Oksa etho iahonwaiatonti tsi tkontiteron ne kenreks 7 nikonti, iah othenon te skonwatinnontenne. Iaiak nonta etho iehenterontakwe ne Daniel.

Ethone si kahawiskwe, saiatat ne rotokense Habakuk ronwaiatskwe inon iehenterontakwe Sitaerononke. Sakokonniennihakwe ne sakonnhas okon ratinatsiakskwe. Raronhiakehronon wahowennarane, wahawenhase : Babilonke shawit ne tsini sakwison, hetsenontenra Daniel iehonwaiatontion tsi kontiteron kenreks kowatson. Tahenron ne Habakuk : Iah nonwenton etho te wakenon Bakilonke. Ethone ne raronhiakehronon raononkwisne tahaiena, etho iahoteron kanonsakta tsi thenteron ne Daniel. Habakuk wahawenhase ne Daniel : Tesek ne ken kekwenhawis, R. hiatenniotasehatie. Tahenron ne Daniel : Sewenniio, takehiaraon, iahte sheiatewentetha ne iesanonwes. Warake

nok raronhiakehronon iokontatie etho sahoia-
tenhawite Habakuk tsi thenterontakwe. Onen
7^{ton} nonta iakahewe tsinahe etho renteron ne
Daniel, etho warete ronontiio wahotkensera ; wa-
horiwanehrako tsi wahoken skennen kowa ti-
henteron ne Daniel tsi kenreks kontiteron, wa-
henron : Sonhaa saiatanehrakwat, Sewenniiio, ise
hiasennaiens Daniel. Ok sa ok sahonwaiatineken
ne Daniel, nok etho iahonwatiiatonti ne ronwas-
wens ; ok sa ok nennee akwekon waakotiiatakari.

Ethone wahariowanate ne ronontiio, wahren-
ron : Nonwentsiakwekon nonkwe ahonwatsani-
seke nok ahonwasennaen ne R. ne Daniel rowen-
niiostha, raonha sakoiatanonstats ne ronwasen-
naiens. Niate ioriwake ioriwanehrakwatanions
tsini haierha nonwentsiake, sakoskwekon kenre-
kskowsatson sakonnhese ahonwaiatakari Daniel.
Sahrenheie Efelmerotek kenha, ne Babilon-
ronon wahonwanontiioste nene roienha Bal-
thasar ronwaiatskwe, Nabukodonosor kenha
rotereha. Ethone si kahawiskwe Sirus, nene
Perses ronwanontiio, wahentiohkwenhawe io-
tiohkwatsanit ne sotar, roriwawase Darius Me-
des ronwanontiio, wahninatannhake kanatowa-
nen Babilon wahiatatawenniioste oni tsi tkana-

taien. Etho kati niawenhon tsini honatrorihne rotitokensehakwe. Toha teioserake tsini kariwes wathatinatannhake Babilon. Ethoni kariwes ne kanatakon ratinakere wahontonwesonnion, ronnehre : iah nonwenton tahatikweni ahontatewenniioste tsi ionkwatenataien, akwa iken ionatahniron. Ne ronontio Balthasar wahatennioten, 1000 ratikowanens tsinihati ratiiatare, oseronni tsi ratitskwaronnions ne rotikstenha, nok oseronni ratitskwaronnions ne ratinekenteron. Akwa ionehrakwat wahahnekira ne ronontio. Tsinahe rononwarahtonhon, wahatennhanne waekoha katsetokon kawistanoron onosatokenti aowenk Jerusalemke ne Nabukodonosor rosotkenha rotatewenniiostonne, ne wahatihnekirate, nok wahonwatehate ne R. Tsinahe etho nihatiiherha, wahatkatho onontio tsiniiot osnonsa onkwe otsenrake ieiavons. Iahte watons ahatrori tsini kaieren tsi kahiaton. Wathonikonhraren, wathatskanenonte, wathosinisonkwe tsina hoteronhienten ; iahte watons onsaahatake, ok eken, wahrenon : Akwekon karo thonnet ne rontenhennaras. Ok sa ok etho naawen, wasakawenhase : Ne nentionkrori tsini kaieren tsi kahiaton, ne 3^{ton} enionton tsi ionkeriwawase ne kowanen ronaterihonte. Iah kati te iotonhon.

Senha wahennikonhriiake onontiio. Etho tawette ronistenha, waawenhase : Tosa senikonhriiak, aonton nakonnikonhraierite. Saiatat Sitae-ronon rotokense, Daniel ronwaiats, satennhann ahonwanonksa ; ne enhianikonhraierite. Wahatennhanne ahonwanonksa. Kawenniiio iahotkatho, wahawenhase : Iseken ne Daniel ? Ionkrori, iakawen, sonhaa tesienteri, akwekon khewennisa-kon ne rontenhennaras, iahte hotikwenion. Ikehre : aonktokense tsini karihoten. 3 nitewatati tka-iaton otstenrake, naskweni askrori, akwa enkon-iatonraseron. Tahenron ne Daniel : Iahte kaskaneks othenon aonkientane nok oni naksennowannha : enkonhrori tsi nahoten waton tsi kahiaton. Akwa ionehrakwat, roiatanoronstonne ne R. ne hiasot kenha, rowihne ahoiatanehrakwaton, niate ionkwetotenson oia niiewennotounion inon thatinakere oni ronwawennarakwakwe, ronwatsaniskwe, raonha thennontonskwe asakosennowanate nonkwe nok oni asakokenhron, ronaiehon, shonwarihontakwen tsi ronontiiokwe, kontirio ronahriskounhon tsiniïore ahonikonhraientane tsi ne ranakere karonhiake sakokweniatserawis, sakorihonten rotinontiioson ; iahte satston tsini hojatawenhon ne hetsot kenha ; satatkonniens-

ton, sanaiehon, iahte hetskonnienshon ne akwekon thennontons karonhiake ; iahtetsennowanaton nene R. tsi sonnhe, satentoriaton otsetatoken-tison, raonha kati rotennhaon aieiaton otstenrake ; kenni karihoten ne kahiaton : Mane, Thesel, Fares, ne sakat aiairon : *tewakaseton, wakatenienten tewakhiakon. Tew kaset n* tsini wenniserake sekon ensonnheke, iahtaionnise ensiheie ; *wakatenienten*, iesakontserihare, iahta tsiatakste, *tewakhiakon* akoren iesekheiawi sonwentsiakenha, Medes nok Perses ronwatiiats enshatiiena sonwentsiakenha. Ne wasontate ethoniawenhon tsini thotròrìhne rotokense Daniel. Medes tenhnon Perses ronwatiiats kariwes wahotiitoten wathonnontiake tsi kahionhate Euftrate konwaiats, akte nonwe niaonsakonne ohneka, tosa othenon akaio-tate kanatakon Babilon konwaiats ahontaweiate. Wathatinatakarihaton, wathonwasete Balthasar, nok Darius Medes ronwanontiiio onen 62 tehao-seriiakonne wahatatenontiioste tsi thatinakere Babilonronon.

Ne ronontiiio Darius wasakorihonten ne ratikorason tsi ratinakerenion asakonateriwatsteriste, nok tenhnon tsi raweron : tosa sotsi ahotiweien-nharaon, 3 nihati wasakoiatarako akwa ehneken

ronaterihonte raiatakta ratiteron, othenon ahoti-riwaientak ne ratikorason, wahariwisa ahonwariwaienhase 3 nihati. Raiatarakwe Daniel 3 nihati ohenton ronaterihonte, raonha ohenton irate, aseken rowihne ne R.senha ahattokhake. Akwa rokonnienstha ne ronontiio, iekanihare rerhakwe : raonha akwekon aontahennonton tsi neniawen tsi tiakwanakerenion. Etho takaientakwe wahonwanosa ne ratisen nowanens, wahatiriwisake othenon ahonwariwarhoseron ronontiioke tsiniiot iahtahoriwaieriton tsi roterihonte, iah kati te iotonhon, aseken akwa iohnehrakwat thoriwaieri. Ken kati kaien wahonterientatsenri ne ronwaswens nahonwakaronni. Wahonwenhase ne ronontiio : Tkariwaieri aseriwisa sonhaa ok aiesasennaientake asen niwasontashen tsini kariwes, tosa onka noia ahonwennitentase, nok ne iahten iesawennarakwane, kenreks tsi kontiteron etho eniontatiantonti. Ronaterientaratsihon iahtabatontathe Daniel etho nahaie. Waerihowanatanion kati tsi ronontiio, akwa raonha roianerenserison, wahatiriwanonwene ratisennowanens ; nok tsi iah taonton ne ronontiio oni aonsahariwarisi.

Onen tsiniiot ronitentasehakwe Daniel ne R. iah othenon tatehoriwasniehon tsini hoianerense-

rison ne ronontiio, raononskon warete, wathaten-
nhotonti tsi tekatsiseraton tehakanere tsi nonkati
Jerusalem : 3 iotkararenkwaton sewenniseratson
wathatontsoten tsini horennhaonne nahowen-
niioste ne R. nok tahononweraton. Nene ronwas-
wens ratikahenhions tsini hoierenhatie onontiioke
wahonnete, nok wahonwenhase, wahoniron : Iah
kente sariwison,sonhaa ok aiesasennaientake,nok
ne iahten iesatontatire, kenreks eniakoiatakari ?
Tahenron ronontiio : Tokenske ethoni wakeriwi-
son. Tahoniron ne ratisennowanens : Tkariwaie-
ri etho ki naiawen. Saiatat iahte hotontaton ne
Daniel tsiatenro iken. Wahonikonhraksen ne ro-
nontiio aseken ronoronkwakwe ne Daniel, nok
roterientarakwe tsini haweientehtonne. Wahren-
nontonnionwe tsi nenhaiere tosa ahatkaronni Da-
niel. Sekon are wahoniron ne ratisennowanens :
Iah taonton aonsaseriwarisi tsini sariwaieren. Ia-
hatennhanne iahonwanonke Daniel wahawen-
hase : Etho iahase ieniesaiatenhawe ne iesaswens,
wakenikonhraksatakwa ne enhiaiatanonstate ne
R. netsesennaiens.

Ronontiio wahononteratie tsinon iahare ne Da-
niel, nonen iahonwaiatinionte tsi tkontiteron ne
kenreks, ok sa ok waennhoton wahatinonteke

kanenhiowanen etho itewat raoteniententsera ne ronontiio nok raonateniententsera ne ratisenno-
wanens tosa aonsahonwannhotonkwase. Ethone sarete ne ronontiio tsi thononsote. Tsina honi-
konhraksen, iahte hotontaton nahokonke, waha-
rate, iahte iotonhon nahotaonke. Orhonketsi wa-
hatketsko wahatkensera tsi iehonwaiatontion ne
Daniel, tehosenthoseron, wahawenhase: Daniel,
ise hetsewenniiostha ne R. ronnhe onwe, nene
Niio hetsesennaiens hiaiatanonstaton ken? Ta-
henron ne Daniel: Ethoniiot R. thotennieton ne
raoronhiakehronon, sakonikonhriioston ne ken-
reks, sakoskwekon, iah othenon te ionkiieren,
aseken iahte hinikonhraksaton ne R. iah oni nise
te konnikonhraksaton. Wahatsennonni ne ronon-
tiio, wahatennhanne aonsahaiakenne ne Daniel,
iah othenon te hoiatawenhon ne raiatakeson, ase-
ken roniahesaon ne R. Wahrenron ne ronontiio:
etho ietsiontatiatontati ne ronwaswens ne Daniel
tsi lkontiteron ne kenreks, nok oni ne rotiniakon
nok oni ne sakotiiien okonha. Etho naawen nok
ok sa ok akwekon wahonwatiiatakari: ne ken-
reks waakonastientahrite arekho tsi nakon iehon-
enon. Wahariwisa ne ronontiio akwekon nonkwe
nenhonwasennaen ne R. ne Sitaeronon ronwa-

sennaiens, aseken raonhatsiwa iah othenon te honoronse.

Sahonwanontiioste Darius roterientare Daniel tsi onen toha ieiohe aontokten 7 nioserashen tsini kariwes Sitaeronon enhatinaskwa enkenhake, onen ieiohe ahontatewenniio. Wahonitentase ne R. ahatatewennaierite tsini sakonnhaonne ne rotitokense ahonwatihrori Sitaeronon. Wahawentontiete Daniel, okenra wahatatenonwarorokte nok wahonitentase ne R. wahrenron :

Sewenniio, saiatanehrakwat, aietsaniseke, ionkwariwaneren ii nok iakini okon kenhä, ionkwathaharakwen tsini skwannhaonne, iahte iakiwenarakwen ne rotitokense shennhaonne aionkiri-honnien. Ise tisariwaieri, nok nii teionkwatentson askwatehate, askwakenhronni. Onen nonwa, Sewenniio, koniennitenlakwa tsini tisawennaieri ; asatkawe tsi shehrewatha, iawet shenakwase sanatatokenti Jerusalem, nok sanontatokenti. Satahonsatat tsi hiennitentase ne hiaseronnienni, teskanerak tsini ionkwentent. Takwatontats, Sewenniio tsi kwanikonhraseronnis, tosa sanisko askwentenre. Ne takwentenrat tsi satatenoronkwa aseken ne satenata Jerusalem, sheien okonha Sitaeronon, sasenna tehontaterensaronkwatha.

Sahaterennaientakō, ne raronhiakehronon Kabbriel okontaiawentsi eh wathatane tsi irate Daniel ; ken nahaiere tsi renteron nok waháwenhase : Daniel, ne aoriwa take tsi tsiteron akonrihonnien nok akonnikonhraientaksten. Sontasatasawen asaterennaien, rakennhaon ne R. aontake nok akonrihotasien ioteriwaseton, aseken akwa ionehrakwat tsi saskaneks. Satahonsatat kati nahoten konhroriane, nok sanikonhraientakstann nahoten ensatkatho : Rotenniseratokenston ne R. 7 nioiaiakserake enwatohetste tsiniiore asakotenre ne sentiohkwa nok raotenatatokenti, aonteriwhaton tsi tsionteriwatewatonnions, takatane ne kariwaneren akwa aonsonterakewe, aontare ne enhaiatinionte iahte kakonte ne tkariwaiერი nonwentsiake, akwa iakaierine tsinikon thonatatitotokense nok ahonwenhienarho ne iahtiaiehewe tsini hoiatatokenti. Saterientarak kati nok satahonsatat : tsinahe entkawenninekenne eniontenuhanne aonsaienonsonni tsi lkanataien Jerusalem tsiniiore aontare nene Kristos ne ronwakowanen raotiohkwa nonkwe, enwatohetste 70 nioiaiakserake. Akwa enwentoreke aienonsonni aonsaiakonni oni tsi iotstenrote kanatakatie, enhonwatikenrenseronni ne enhotiioten, nonen enioto-

hetston 69 nioiaiakserake, enhonwario ne Kristos, nok nene enhonwalewentete, iah raotiohkwa taonsakenhake. Inon nenthonne rotiskenrakehte ratikwekonhatie saiatat ne ronwakowanen enhanatarisi Jerusalem, enhanonsarisi oni ononsatokenti, tsioiaiakserat tsini kariwes ne Kristos enhariwahnirate tsi eso nonkwe tenhonterahneken ne R., sateioiaiakseriien tenkatane tsi katsenen sonha konwanawenthoskwe nahonwawenniioste ne R. tenwatenonhianite tsi kanonsotakwe ononsatokenti, enienonsaksatanion, nok etho neniohton tsiniiore ensewatonwentsiarisi.

Tsi ratinaskwa kenne Sitaeronon 7 nioserashen tsini kariwes, ne iawet watenientenstakon tsi nonkwe okon iakonaskwaientakwe notkonseraksen tsinahe thotiriwaneren thonatierenton nonkwe. Onen toha tsi iotohetslon ne 7 nioserashen tsinahe Sitaeronon ratinaskwa kenhne Daniel wahoneken ne R. asakotenre ne raotiohkwa, R. tenhnon senha kariwanoron wahorihonnien, iken katke nenlkahawiseke ensesakonerensi nonkwe okon tsi enhoketote nonwentsiake nensesakoskontako, wahniseratokensten, wahrenron : Tsiniiore etho naiawen, niare aontohetste 70 nioiaiakserake tsini hawennoten ne Kabriel raronhiakehronon tsijoi-

aiakserat sakat ahenron 7 nioserake, 7 nioserashen kati ne sakat ahenron 490 nioserake tsiniiore ne Kristos ensesakonerensi nonkwe tsi iakonas-kwaientakwe ne kariwaneren. Tsi rotatatewonteton ne Kristos sasonkwenheiasse, roriwahtonton tsi konwanawenthoskwe katsenen sonha ahonwawenniiostakwe ne R. Ne Romronon ratikwekon ne ronwakowanen Titus ronwaiatskwe sahatinatarisi Jerusalem, sahatinonsarisi oni Sitaeronon raotinonsatokenti. Akwekon kati ieioierihon tsi-nikon ohenton thotrorihne Rotokense Daniel.

Wahatrورية oni ne Rotokense Daniel tsi neniawen nonen ensewatontentsiarisi, rawen : Tsini kentiohkwa okenrokon iontorisens, entsieie entsiontonnhetakwe otiake aiakonnheke iahte kakonte, otiake aiontehenseke iah nonwenton taontokten.

Moise oni rotroriatonne, rawenhne : raonha rohtare ne R. : Akenakwenserakon wakatekaton iotsiratsanit, tenwatonkohte nakon nonwentsiakon tsini iotekha. Sahonwatkarenrako ne Moise Kore, Dathan nok Abiron, wahonwasennaiesate ne R. sekon tsi rononnhe noneshon iahatiiatenne, etho takatsirinekenne otsire 250 ne satehotinikonhrotens wakoriohte. Rokstenseratokenti Job

rawen : Rotiriwanesahakrkon atonwesentserakon
rononnhe nok iokontatie onwentsiakon ienhati-
iatenne. Ethononni teniokarawe onwe; ieniako-
tentane iah nonwenton skennen te ken, iahte ka-
konte teniontonnhakariaseke.

Tafit oni rotroriaton, rawen : ensakoken-
noretenhase ne R. notsire niakoriwanerahaks-
kon, otsire, ionatentatstha, ioweratsanit ne enia-
kowenhake.—Isai Rotokense rotroriaton, iawet
sakawenniskwe niakoriwanerahakskon : Onka,
wahrenron, tsinitision enhakweni ahatakatstate tsi-
nonni iotekha iotsiratsanit, iah nonwenton taons-
wa ?... iah nonwenton takenheie otsinonwa enia-
kokariaseke, iah oni nonwenton taonswa notsire
ne eniakoiatektakwe.— (Ok ne sakawennat tho-
tati Jesus onwentsiake tsi reskwe).

Oriwiiio kati kaiatonseratokenti kaiatonsera-
kaion akwa otokenhon ionkwarihonniennis tsi
kaien noneshon nok tsi etho enieronhiakenseke
iahte kakonte niakoriwanerahakskon.

CHAPITRE LXVI.

Edit de Cyrus roi des Perses permettant aux Juifs de rebâtir le temple de Jerusalem.—Obstacles qu'on leur oppose.—Ils se découragent.—Le prophète Aggée leur relève le courage.—Le roi Darius fait reprendre les travaux.—Joie des jeunes gens ; peine des vieillards qui se rappellent la magnificence de l'ancien temple.—Prophétie d'Aggée sur la venue du Messie dans le second temple.—Prophéties de Zacharie sur le Messie.—Dédicace du temple 4 ans après la reprise des travaux A. M. 3489.—Commencements d'Esther nièce de Mardochée.—La reine Vasthi refuse de venir au grand festin d'Assuérus.—Esther élevé au rang d'épouse du roi et de reine.—Complot déjoué par Mardochée.—Aman demande au roi un édit pour faire tuer tous les Juifs afin de se venger de Mardochée.—Esther priée d'intercéder pour eux.

Iahte iaonnisehon ne R. wahotontatse ne Rti rotokense Daniel. Wahrenheie ronontiiio Darius teioserake tsinahe thonwanontiioston. Ethone kati Sirus ronwaiats Perses ronwakowanen wahonwanontiioste. Raweron ne R. : akatatewen-naierite etho naiawen tsini thotatihne rotokensehakwe kenhà Jeremi, wahonikonhrata ne ronontiiio Sirus kennaheha ronwanontiiostonne ahaia-

tonserisa ratonhakwe tsi kaiaton : Rawenniio rakonwentsiawi tsini wakonwentsiaien rakerihonte ahinonsonnien ononsatokenti Jerusalemke. Ise kati Sitaeronon nasewaiatoten, sewatarharats aesewariwaierite tsini honikonhroten ne R. Aonton etho ionsesewe Jerusalemke nok ensewanonsonni ononsakenti, etho nonwe irehre aionksennai-entake. Akwa kati ionehrakwat wahontsennonni ne Sitaeronon ; wasakaon ne Sirus katsetatokenti okon owistanoron aowenk ononsatokenti Jerusalem, rotatewenniiostonne Nabukodonosor. 42, 000 natewenniawetserashen nionkwetake wahonhtenti, Josue wahonwaiatarako ratsihenstatsi kowa akenhake nok Sorobabel wahonwaiatarako nenhonwakowanen. Ne Tافیت thawatsiratatie Sorobabel. Eso owista wahatiroroke ne enienonsonniate ononsatokenti, eso oni ronontiio wasakaon. Onen wahonhtenti, kariwes tsinahe ronne 300 niwateniententserake tsiniore nok sakotiiatenhawi ne rotiniaikon nok sakotiiien okonha nok raotitsenen, 4 niwennitake onen iahonneuwe.

Kennaheha wahontkennisahaton Sitaeronon Jerusalemke ahonentatokentase wentanoron ne kanennakehne, sahontasawen akonwanawenthokatsenen sonha nahonwawenniiostake ne R.

tsini hotiianerenserotenhne. Onen tsi ioto-
hetston tsioserat, wahontasawen ahatinonson-
ni ononsatokenti, ronatonnhahere, tehonwanon-
weratons ne R.; tenhnon nok etho ratinakere-
kwe Samarironon ne sakotiswens Sitaeronon wa-
hatinnhe, otskeronke kati tonton. 16 nioserake
tsini kariwes iahte iotonhon ahatinonsonnihatie
ononsatokenti; wahonennikonhriiake kati ne
Sitaeronon wahontataskennhen ahontatenonson-
nien tsinon enhatiterontake rononha iahte shona-
tataskennhen ahonwanonsonnien ne R. rontonha-
kwe: Arekho te ieiohe nahonwanonsonnien ne
R. iahte shonsteristakwe. Wasakohrewate kati ne
R.: iahte iotonnihon kaienthoseron, wahonton-
kariake. Onen nonwa teioserake tsinahe thoteri-
honte ne ronontiiio Darius ronwaiatskwe Histaspe
roienha, wahonnhanne ne rotokense Aggee ron-
waiats asakohrori ne ratsihenstatsi kowa Josue
nok ne Sorobabel ronwakowanen: Kennihawen-
noten ne R. Ronton ne Sitaeronon: irehre ne R.:
aetewanonsonni ononsatokenti, sewatatenonson-
nienni sane **k**anonsiios, tesewaiatoret: hetsisewa-
nikonhraierits onte ken? tsinahe tesewatasawen,
eso sewaienthos nok iah akwa te sewaientakwas,
sewatekkonnis nok iahte sewahtas, sewanekihra,

nok iahte sewaniantanawens, sewaientas owista, nok iahte sewatsokowahon. Sewatokens tsi sewariwannhikon sasewatasawen, sasewaioten ononsatokenlike. Tkariwaieri onte ken tsi iahte sewaiote ononsatokenlike, ne ok sewaiote tsi sewanonsonon, ne karihonni kwahrewaton, tewakennen-tonhon tsi iahte iokennoron, iahte iotonnihon kaienthoseron, sewanonsonni kati ononsatokeni, ethone enkwanonwene, etho nonwe enkwarihotasiens tsini wakiatanehrakwat. Ethone onen wathotiioten nok wahontataskennha.

Ethone tsi kahawiskwe tonsahatane Darius raonaktake ronontio Sirius kenha, wahatikahenhion tsi kaiatonseraienton wahatitsenri ne roiaotoserisonhonne Sirius kenha sakowihne Sitaeronon ahatinonsonni ononsatokeni, wahatennhanne tosa onka ahonwatiiotatse Sitaeronon ahatinonsonni ononsatokeni, wasakaon oni raonha niatekon tehonatonwentsionihakwe nahatikwenieseke ahatinonsonni. Akwa ionehrakwat wahontsennonni nase tsi rononnhe tsini honatonnhahere wathotihenretanion, ne ratitsihenstatsi tehotitsterihens ahatiriwaiierite tsini honaterihonte, ne rotiiotens, ratihawinonties otstenra, karonta oni. Ok eken ne rotiksten okonha ronatkathonne tsini kanonsiiohne

ne raotinonsatokenti kenhā shononsarisionne Nabukodonosor, iahte hotikwenion ahontatennhese tahonsentho, sahontkatho iah etho te skanonsiio, iah etho te tsiononsanehrakwat tsini iohtonne ne rononsisonne Salomon naonnise. Ethone R. wahowennarane rotokense Aggee, wahawenhase: Sehrori ne Sorobabel ronwakowanen ne Sitaeronon nok Josue ratsihenstatsi kowa nok kanenrakwekon, asiron: Akwa tsinitSION iakotkathon tsini kanonsiiohne tsi kanonsotakwe kanonsakaion ne wahonnise iakononsison, iah ken te isewehre: iah etho te skanonsiio ionkwanonsonnihatie nonwa tsini kanonsiiohne nononsakaion? tosa tenhnon sewennikonhriiak, sewatataSKENNHEN aesewaioteke tsi sewanonsonnihatie, aseken kennihawennoten ne R. rasatstekowa: Iah akwa taionnise ioriwanehrakwat tsi neniawen, onwentsiakwekon etho entienttake. Nene ronwaskaneks akwekon nonkwe, etho enhaterennaienna, etho enhonwaken ken kanonskon enkerihotasi akiatanehrakwatsera. Senha kati enkanonsanoronke ken kanonsote sewanonsonnihatie tsini kanonsanoronkwe ne tsiotenonsarision, aseken ken kanonskon enkheion ne skennen entsionton nonkwe ne R.

Ne rotokense Sakari ronwaiats wasakonikonh-
rahnirate oni ne Sitaeronon, wasakohretsiaron to-
sa ahonentoren ahatinonsonni, wahowennahronke
raronhiakehronon R. rawenni : Katke ensitenre
Jerusalem nok Sitaeronon tsinonni ienakerenion,
onen 7 nioserashen tsinahe rotironhiaken. Waha-
wenhase raronhiakehronon : Satewennowanat
kennihawennoten ne R. Kenoronkwa ne Jerusa-
lem wakenakwenhonne, tentke nok entsiena-
tonni. Wahatrori oni Sakari tsi neniawen nonen
tenhonwateratana Jesus Jerusalem karoha na-
honwario : Ietsihrori ne Sionronon : sewenron :
Onen thare ne hianontiio watonsere, kenseri ta-
hose. Rotrori tsi asen nikawistashen enhotkaria-
kse ne enhotenhninon, tsi Ratikwekonne enhon-
watewentete. Rawen ne R. : Enhiente ne ranon-
nhe nok tenkonreni ne teiotinakarontonha. Ro-
trori oni tsi nonkwe tsinenwe enionwentsiateke
enhonwehiarane ne sesakoskontakwen, entsion-
tatehiarakwen raaronhiakensera, etho nentewe
niakoriwanerahakskon entsiontatrewate : enhon-
watkatho ne ronwahason. Ethone ienkahewe
akwa tenionsenthoseron Jerusalemronon nok eniai-
ron : Nahoten kento iotewiraronnion sesnonsake ?
Nok enhenron ne raonha : Ionkesnensaweheston

nene ionkenoronkwakwe. Rotrori oni tsi enhasa ne Jesus oriwatokentikowa ne ensewaterakewahte ne kariwaneren ; ethone eniohnawerotake Jeru-salemne iawet ohnaweratokenti, etho entsiontatiatohare, entsiontiatokewe niakoriwanerahaks-kon.

Akwekon kati ieioierihon tsinikon thonatrorihne rotitokensehakwe ne aoriwake tsi 7 nioserashen enhatinaskwa enkenhake ne Sitaeronon. Kariwes wahotiioten nahonwanonseronnien ne R. ononsatokenti tsinahe thonatasawen eso nioserake wahontorisen, aseken ronwatinnhesehakwe, one 4 nioserake tsinahe thonatasawen, wahatinonsisa, kanenrakwekon wahontkennisa sakonwaterennaiehase ononsatokenti, etho raiatarakwe ronwakowanen Sorobabel nok ratsihenstatsi kowa Josue, etho nahe wahonwawenniioste ne R. Onen asen niwenniawehetserashen, kaieri niwenniawehetserote, satekon iosenserote tiohton iawenre (3489) tsinahe thaonwentsison ne R.

Ethone tsi ronwanontiiokwe Perseronon Assuerus ronwaiatskwe, tsi tkanataien Suse ne raonatenatakweniio etho thatinakere, renterontakwe saiatat ne Sitaeronon Mardochee ronwaiats Jeru-salemne thoiatenhawitonne Nabukodonosor sa-

hoiena Jekonias Sitaeronon ronwanontiio. Tesa-
kosniehakwe ne sakaonfatenha Esther konwaiats-
kwe, sekon si eksaa, iakawenheionne ne kon-
waienha.

Ethone ne ronontiio Assuerus wahrere : aia-
kwatennioten akwekon ne ratisennowanens tsini
hati tsini haonwentsia, iah othenon te tiotokta-
kwe ; 6 niwennitake tsinahe rotenniotte tsi iaka-
hewe onen tsiniiot onwarh sontahatasawen. Oh-
naken akwa waeseronni atste tsi nonwe aioiane-
reke. Etho iaenaktanianion owistanoron nikanak-
totens : ehtake kanenhianoronson iakonenhia-
kwentarhon, nok waeniataroton ne nenwatera-
kwawerhoste : raonwentsiakwekon etho wahon-
tennioten 7 nonta tsinahe, ne ok ne iontsta owis-
tanoron otsinekwar nakerat okon nok oni ne nato-
kwa okon, iah ne taiontrori otsitsia tsini iaweto-
wanen. Tsinahe rononwarahtonhon Assuerus,
wahatennhanne wakonwennonksa ne rone Vasthi
konwaiatskwe, iahte iotontaton aseken ioterien-
tarakwe rononwarahtonhon, kariwaksen tsini ho-
nikonhroten. Ok sa ok akwa wahonakwen ne
Assuerus, wahatewentete ne rone kenha, ohna-
ken kinaa ne shonikonhraksens, wahatennhanne
oia saiontatiatisakhe nene tenshiaterahneken.

Esther wakonwaiatatsenri akwa ionehrakwat tsi ionkwetiio. Mardochee ne ronohaa wahatontate, aseken roterientarakwe tsini tioriwaieri nesakaonfatenha, wahrenron : R. roriwison etho neniawen. Wahahretsiaron tiotkon aioriwaieritonhatie ne tkariwaieri, nok tosa aontrori tsi Sitaeronon nikaiatoten. Kanoronson wakonwaseronniate satkonwataste tsi thenteron ne ronontiio. Sahaken, ok sa ok senha wahanonwene tsiniiot noia tsia-kothonwisen, wahanonwaroroke ennonwaratseranoron nok wahariwisa ionontiio akenhake aonak-take rone kenha Vasthi. Wahatennioten sahotiniake kawenniio iaaonhwe onontiio tsi thononsote, wakonwariwanonton tsi nonkati kanakerekwe, takenron : iaweronhatien ka ki ok tkenakerekwe. Enskat ionsakahewe skennen tsi kenteron, tiotkon kannhowakta ratakwe ne Mardochee tsi irehre aonkwaterientarak tsi neniakoiatawense-ke. Tiotkon Esther rowennarakwa ne ronohaa tsiniiot rowennarakwakwe sekon si eksaa, ioterientare wahi tsi ioteriwison nase tsi iakonnhe aiontatewennarakwarake ne iontatehiaron nok oni tsinahe iakotehiarontie.

Tsinahe kannhowakta ratakwe ne Mardochee, rotonte tehniase hnisennowanen hniriwisas tsi

nahniiere nahonwario ne ronontiio. Kawenniio wahotokense Mardochee, wahahrori ne Esther sakaonfatenha. Ok sa ok ronontiio wahatennhanne nahonwatiiena tetsiaron hnisennowanens, nok tetsiaron wathonwatirio, waeiaton tsi naawen, iah akwa onontiio tehotennraseronse ethone ne Mardochee.

Ethone ne ronontiio Assuerus wahosennowa-nate saiatat ne ronkwe Aman ronwaiatskwe Agag rawatsiratie, wahonakton ahatien tsinon akwa ennitskwaratseranoron, senha ehneken tsiniiot noia ne ratisennowanens. Ne ens ne wahaiakenne, akwekon nonkwe wathonwatontsothase tsini honwasennaiens. Roriwisonhonne ne ronontiio etho nahatiiere. Iahte hotontaton ne Mardochee etho nahaiere, aseken R. rosennaienkwe. Otiake wahonwariwanontonse tsi iah etho te haierha, wasakawenhase : Sitaeronon nakiatoten, iah ta-
51
onton etho nakiere. Kawenniio wahotokense ne Aman, ok sa ok tahonakwen, wahrere : enskatatkariakse, tsi nenkkweni, enhisenni. Wahrere : akwekon nahonwatirio ne Sitaeronon Persesne thatinakere. Onontiooke warette nok wahawenhase : Tkariwaieri akonhrori tsini iawens, saterientarak kati, ratinakere sonwentsiake ne Sita-

eronon ronwatiiats, iahte hontontats ahatiriwaierite tsini sariwaierha, ioianere kati nasheiatewentete, iah oni sate teionkwaianerenseroten, iesawennakenhronnis, iahta sehrewatane senha eniotaksenne tsi tiakwanakerenion. Tahenron ronontiiio : Etho ki niawenn tsini sanikonhroten; wahatiiaton kati tsi nahatiriwisa. Waeiatonseranentakte tsi kanataientons; kenni kawennoten ne kaiatonsera : Ii akenontiiio iahte wakeron : okta keriwaksat tsi wakaterihonte, tsi kheiatsteristonhatie nakitiohkwa, tiotkon ikehre skennen takenhake. Rakrori ne Aman, otiake ieiatare iekenhronnis tsini keriswaierha. Ne karihonni wahirihonten ne Aman, aiawen akwekon ahonwatirio nethoni hatiiatotens. Aman akwekon ni-asakohonkariake tsini hononwentsiake, wahrere akwekon kati enhonwatirio ne Sitaeronon. Wahatiriwaronke Sitaeronon Suseke thatinakerekwe nok oni ne Mardochee waharatsionko ne raotiatawit wahawentontiette, wahaterennaaien nok wahatstaren. Kawenniiio waotokense ne Esther, akwa ionehrakwat waonikonhraksen, waehre : kanoron tsinenhoiatawen ne Mardochee, nok ontennhanne ienhehawe atiatawit ne ahatiatawite. Iahte hotontaton ne Mardochee na-

hoienake. Wakenron ne Esther : Oh kati onte nioriwawenon ? Ikehre: onktokense. Ethone wanhannanne waeriwisake. Etho warete ne Atak, wahoiatatsenri ne Mardochee kanathen tirate. Wahrenron ne Mardochee : Iasrori ne Esther : Onen ne Aman sakowenthosere akwekon ne Sitaeronon. Aonhaa ok akakweni ne iah etho taiawenne, tosa kati iakotewentet nontatekenson. Atak saahrori ne Esther tsini tahaiera ne Mardochee. Takenron ne Esther : Katiken aonton etho nakiere tsini honikonhroten ne Mardochee, oktaontakennonton etho iake tsi thenterono nontiio, ok sa ok enhatennhanne aionkerio. Ethoni karihoten sahetsroriana ne Mardochee.

CHAPITRE LXVII.

On demande à Esther d'intercéder pour sa nation ; elle conseille de jeûner et de prier.—Prière touchante adressée à Dieu par Mardochée et Esther.—Elle se présente chez le roi qui l'accueille avec bonté et dîne chez elle avec Aman.—Orgueil de ce favori du roi.—Il fait préparer une potence pour Mardochée qui refuse de fléchir le genou devant lui.—Honneur que le roi fait rendre à Mardochée par Aman malgré lui.—Esther découvre au roi qu'Aman veut faire tuer les Juifs.—Aman est pendu.—Mardoché élevé en dignité;

le décret contre les Juifs est révoqué.—Parallèle entre Esther et Marie.

Saiatat ronkwe thonhaonne ne Mardochee tsi thenteron Esther ahariwanontonse iaiakotatiase Sitaeronon tsi thenteron ne ronontiio Assuerus, aiawens ahatontate tosa eh naiawen tsini horiwi-sonhonne Aman sewenniserat akwekon ahonwatorio ne Sitaeronon, Ronontiio raonwentsiake thatinakere. Sonsarawe nene ronkwe, Mardochee tontahotenniete ahahreri ne Esther ahenron : Tosa serhek : akonhaa Sitaeronon ronontiio raononskon tkiteron, iah nii taionkerio. Nok oni aonton ne iahtaiesariosere, iahte tkariwaieri ne tho nasanikonhrotenhake, enhakweni sane ne Rasonkwaiatanonstate, saheto iahtasiatarake. Tokat ne wahonni R. hiaiatanoronston askwenieseke askwaiatakennha othenon aionkwaiatawen.

Ontennhanne Esther ahonwahreri ne ronohaa Mardochee, aiairon : Was, sheiatkennisahat akwekon Sitaeronon tsi tkanataien Suse thatinake-re, 3 nonta tsini kariwes sewentontiet nok takwaterennaienhas. Ii oni 3 nonta enwakentontiete, nok ethone skennen onontioke ienkete.

Ok sa ok wahahtenti Mardochee, etho nahaiere tsini iotrorihne Esther. Wahaterennaien, waho-

nitentase ne R. raton tsi roterennaian : Sewenniio ise tisennontons tsini iawens nonwentsiakwekon, iahte sanorouse askwaiatanonstatseke. Akwekon sateweiennison, akwekon tsienteri, saterientare sonhaa konsennaiens, ne karihonni iahte wakatontaton ahisennaian ne Aman nok tahitontsothase, iahte hikenhronnis, iah oni tekehre : sotsi akatatkonnienste. Akkweni takenoronkwanion tsi raianonni etho naontawe tosa ahontkaronni Sitaeronon, iah tenhnon te wakenonwehon nene ronkwe ahisennaian tsiniiot raonha R. akenhake. Ise kati, sewenniio ne hiasennaienskwe Abraham kenha, tsitenr ne sentiohkwa, ne iesaswens iienhre : aionkirio, tosa takwatewentet, takwatontats tsi kwennitha, aiawens iatonsontaton tsi ionkwanikonhraksenskwe, onen nonwa aiakwatsennonni, onka entsiesasennaientak naiakwenheie ? Akwekon Sitaeronon wahonwanakeren ne Mardochee, wahonwennitentase ne R. ronnerhakwe ki wahi onwatsiok akwekon eniakwenheie.

Aonha oni Esther tiotkon ioterennaian, ontseronniasi, ethoniiot ontseronniate tsiniiot ne iakotsonnionkon, okenra ontenonwarorokte nok waawentontiete, ethone kati wahonitentase ne R., waton tsi ioterennaian : Sewenniio saterientare

sonhaake ok katennikonhrontietta, takienawas nonwa tsi ionkiiatewenteton ; Sewenniio, rake-rihonnienni ne rakeni kenha tsi sheiatarakwa-tonne Sitaeronon ne sentiohkwa akenhake tsi nenwe. Niatekon shetenranion, ethoni saieren tsini sherharatstennihne. Kwanikonhraksaton, ne ionkwastonton takwahrewaton, iahte shenn-hese ne ionkiswens aionkikaronni ; tenhnon tisi-ariwaieri, teionkwatentson etho naionkwaiata-wen. Thonatoktanihon tsi ionkinaskonni iahte iakoriwiioston, ronnehre nonwa : aiakiiatah-tont, aiakirio, ronnehre : iah onka taonsaiesasennaientake, enhatiriowanate tsi iotikweniatserowanen ne kaiatonnik sonha konwatisennaiens. Tosa, Sewenniio, etho naiawen tsini hotinikonhroten. Takwehiarann, Sewenniio nonwa tsi ionkwani-konhraksens, takenikonhrahnrirat, takenikonhrata tsi nenkiere nenhiwennarane ne ronontiio ne teia-keniteron, aiawen ahinikonhriioste. Kawenniio etho ienktane enthonakwen, aontiesenhake atso-katesten tsini haiatoten ne Aman nok ahohrewate. Takiatakennha, sonhaa konniahesen. Saterienta-re, Sewenniio ioteriwison nonwa kanoronson akatseronniate, tiotkon wakeriwaswenhon ka-naiesera, ethone ok kanoron wakatseronniaton

nonen ieiohe taktane ronontiioke. Sewenniiio iah othenon te sanoronse, sheiatontatsek ne iesasennaiens, nok takiatakennha, sonhaa konniahesen. 3ton nonta tsinahe ehniawenhon wakawenhase Esther ne iakonnhas ; Kasefwaa nakatiatawitseranoronson, akwa onteweienton tsi iotiataseronni, ioterennaen, tekenihase iaakononke, skaiatat ioharatontonhatie naotiatawit, nok ne skaiatat ionentsine iotteronsere, ethoni ioierenhatie tsi ontohetste tsi ronakte ronontiiio ennitskwaratseranoronke rentsckwahere, rononwaroron owistanoron nok teiotstaratenion tsi iahatkatho Esther iotaweiaton, iah sane te konwanonkon, wathatkahratsaniten, tsiniot tahonakwen. Iaonikonhrattontakwe Esther nok watewateronwekon.

Nonen tsahotokense ronontiiio tsini ioiatawens ne Esther, tsiniiot R. taonsahonikonhratteni, wahonikonhriioste. Tontahatane, etho warette tsi kenteron, wahaiena, wahrenron : Oh ni saiatawens, Esther ? Sanekherens kati ken tsi kiatatekenha iken ? tosa sahteron, iah ise sariwake tsi iakoianerenserison tosa onka ahataweiate ronontiioke iahte honwanonkon, oktikawenniiio nonkwe akoriwake tsi ethoni kariwison, iahtasiheie kati, kennatsier ne ikhawe atennitseranoron

owistanoron. Arekho teiotonhon ontaiotatike ne Esther, ne ronontiio wahasente ne raotennitseranoron tsi ikate Esther, watharhoton, nok wahrenhase: askitenre aontasatati. Ethone ostonha Esther saionikonhrahnrha, wathatkaneren ronontiio nok wahawenhase: tose sanehrako tsi naonkiatawen tsi tekonkanerakwe tsiniiot ahiken saiatat raronhiakehronon, ne karihonni tsi onkwateronhienten tsini tsiatanoron saiatanehrakwat. Etho ok tonton nontontati. Ethone are saionikonhrahton. Tsi rentenrhakwe ne ronontiio wahrere: onsakenikonhrahnrat. Ethone saionikhrote ne Esther, akwa wahanonwene ne rone Assuerus wahrenron: oh isehre nakiere? Aonton akweken koniatontatse, saheto askenen akonion ashennen tsini wakien. Takenron Esther: Ikehre: iatensatskahon tsi tewakenonsote, nok entisene ne Aman ne tsiatenro iken. Takenron ne Assuerus: Etho ki neniawen, aontare Aman nok etho nahaiera tsini waskaneks teiakeniteron. Akwa ionehrakwat onteweienton tsi waekonni. Sahatikwentane ronontiio nok ne rone tenhnon Aman, Assuerus wahrenhase ne Esther: Naboten saskaneks? sekon sakiron akwekon enkoniatontatse. Takenron ne Esther:

Askitenre sekon eniorhene tentsitewatonte nok oni ne Aman: ethone enkonhrori tsini wakenikonhroten.

Asontakwekon onterennaian ne Esther. Akwa tenhnon wahanaiene ne Aman ne tsini hokonienstha ne ronontiio. Onen tsini honikonhroten irehre, aionkewenniiostak. Kannhowakta ratakwe ne Mardochee tsi wahaiakenne ne Aman, okti irate tsi wahatohetste ne Aman, iahta tehotontsotani. Wahonakwen raonikonhrakon ne Aman. Sahataweiate tsi rononsote, wasakononke ne rone nok oni rontenro sonha, ne wahatroriate tsini hokwatse kowa tsini hasennowanen, eso rowiraien, nok wasakawenhase, wahrenron: Ne ionontiio onwarh wakehonkarawi taiakwatonte ne ronontiio tsi watiakwatskahon, sekon eniorhene etho nentsiawen. Nok tenhnon iawet katatitenre, iah skennen takennontonnionwe tsinenwe enhiken ne Sitaeronon Mardochee irate kannhowakta tsi rononsote ne ronontiio, aseken iahte hatontats nahaksennaian. Tahoniron ne rontenro: Tkariwaieri tsini sierha; asatennhanne aiakonni iontatniaterenktha akwa ehneken tiotte nok ientsrori ne ronontiio eniorhene atsnia-terenke Mardochee.

Wahariwanonwene ne Aman, wahatennhanne
waakonni iontatniaterenktha akwa ehneken tiotte.
Tsinahe tehotskahonkwen ronontiio Assuerus Es-
ther tsi tiononsote, iahte iotonhon ahotahon ; wa-
hawennahnoton kati kaiatonsera tsi kahiaton tsini
iawens tiotkon tsini haonwentsia. Sahariwaien-
terene kati tsini iawenhon tsi otiake ratisennowa-
nens iienrhakwe : ahirio nok tsi roiatanonstaton
ne Mardochee. Wasakoriwanontonse nahoten
ronwatonnraseronni. Tahoniron ne ratisenno-
wanens : Iah akwa te honwatonnraseronni, iahte
kahiaton aseken sotsi nikonha. Waiairon : Ok etho
irate ne Aman. Wahrenron ne ronontiio thataweiat,
wahawenhase : Wakatsennonni tsi kento ises.
Ikehre : akonwennisake : oh onte naieiere nah-
rerheke ne ronontiio : akwa akheiatanoronste ?
Ok sa ok tahrere ne Aman : ii rakiton, tahren-
ron : Ne ahatiatawite ronontiio raotiatawit, etho ia-
hanitskwaren ne ronontiio raotsenen ne roses, ne
ahonwanonwarorokte onontiio raononwarore, ka-
neka ne rasennowanen nakwa hetsenoronkwa
enhaiena tsi hotkonsotarhon, tenhatenatase, en-
hassarine nok enhariowanate, enhenron : etho
niiiontatierase nirehre ne ronontiio : akhesenno-
wanate. Tahenron ne ronontiio Assuerus : Tka-

riwaiერი tsi nasiere, etho neniawen. Iatesek ne katseronniatha nok aketsenen akosatens ; hetsienteri Mardochee Sitaeronon ; kannhowakta entsiatatsenri, raonha ikehre : ahisennowanat nok nise entsarine akosatens tensatenatatase. Senikonhrrak akwekon aseriwaierte tsini konhrrori. Tsina honikonhrraksen ne Aman, tsiniiot nahawenke ne ronontiio : ensiheie, iah sane othenon tethotati, watrakwe ronontiio raotseronniat, wahoiaatawite ne Mardochee, akwekon teiekanere, etho wahotskwaren raotsenen ronontiio nakosatens, wahononwarorokte ronontiio raononwarore nok wathonatatase, ratonne : Ethoni sakosennowatha ronontiio kaneka irehre : akheiatanoronst.

Akwa ionehrakwat tsini hatehens ronikonhrraksen oni ne Aman tsinahe ehniawenhon, tsi kannhowakta ne ronontiio rononsote sarette Mardochee nok Aman, etho sarette tsi thononsote, wasakohrori ne rone nok ne rontenro sonha tsini iawenhon, wahonwahrori, wahoniron : Tosa siahton, iah othenon te honoronse Niiq ne ronwawenniiostha Sitaeronon. Nene Sitaeronon enkehake ne Mardochee, oriwakon nenserheke : ahikaronni, ise tenhnon ensatatkaronni. Sekon rohtare wahonwahrori Esther tsi tiononsote iahare

iatahatskahon. Akwa ionehrakwat iakoteweienton tsi iakokonni. Sahariwanontonse ne ronontii Esther tsi nahoten waskaneks, takenron ne Esther : Onen nonwa wakonhrori : iahte ikehre aonkatsokowann, ok eken ikehre : akonnheke nok oni aiakonnheke nakitiohkwa. Koniennitentase, ashetenre, ionkiiatewenteton, ionkikaronniane teionkiskwaserakwane, iakoriwison akwekon ionkiiawenthosere, tokat aiakoriwisa aionkinaskonni, aionkiatenhninon, aionkwatakatstaton, tenhnnon nene sonkwaswens ise oni enhianikonhraksate. Tahenron ne ronontii : Onka kati ethoni hoieren ? onka netho nihokweniatserowanen ne ahariwisa ? Takenron Esther : Nene tsiatenro Aman, tetskanere, sonkwaswens, raonha ethoni horiwaieren.

Okti honikonhrinekenhon ne Aman tsi wahniototasi. Akwa ionehrakwat tsi wahonakwën ne ronontii sahaiakenne. Wathatane Aman, wathatontsothase Esther, wahanitentase ahoiatanonstatseke, aseken roterientare tsi roriwison ne ronontii ahonwario. Sahataweiate ne ronontii, saiatat wahrenron : Rotennhaon ne Aman iakonni iontatniaterenktha ne iaken nenhoniaterenkthe Mardochee ; tahenron ronontii : Raonha Aman ronwatniaterenk, renhei.

Ok sa ok etho niawenhon, nok watkatane ne ronontiio raonakwensera. Ne wenniserate eh wathatane Mardochee tsi thenteron ne ronontiio onen Esther rohrorihne tsi ronohaa iken. Ronontiio akwekon wahron ne Esther tsini hoientakwe Aman kenha nok wahorihonten Mardochee tsini hoterihontakwe ne Aman kenha, wahaon oni ne ronontiio ne raonison sawit kenha Aman kenha, ne aontenientenstakonhake tsi akwa kowanen roterihonte raonhatsiwa ne ronontiio enhotohets-ten. Tsinikon enhaiakenne ne ronontiio raiatak-ta ires ne Mardochee, akwa kanoron rotseronnia-ton owistanoron otsinekwar rononwarorokton. Kanatakwekon wahontsennonnnianion nok ne Sitaeronon teskiatieren taoswatheke tsinonni tienakere asatakon ratiterontakwe. Sahariwahtonte saharisi ne ronontiio tsini horiwisonhonne ne Aman sakorioserene akwekon ne Sitaeronon. Akwekon nonkwe wahatiriwanonwene tsinahariwaiere ne ronontiio. Akwa ionehrakwat wathontonnharonnion ronwatikenhronnihakwe onen nonwa ronwatikonniienstha. Wahatiriwisa ne Sitaeronon awentatokentihake ne wenniserate tahonwanonweraton ne R. tsini sakotenron. Tsinikon kaneka ne ronkwe tenhaterien : tawenrie,

iahte iotehat taousahateriwatenion, ok eken teka-rensaron. Ethoni hoieren ne Assuerus ronontio. Tiotierenton rotenhaonne ahonwatirio Sitaeronon raonwentsiake, onen tsinahe thottoken tsi ronwanikonrhatenni, sahatateriwasten, sahariwarisi tsini horiwisonhonne nok wahohrewate ne rasennowanen ronikonrhatennihne.

Rontons rotiiatatokentison : Tsini ioiatawenhon Esther, ne iawet ohenton tiotennakeraton tsi nenioiatawen Wari ioiatatokenti. Ne ronontio senha wahanonwene tsiniiot noia tsiakothonwisen. Aonhaa Wari tsiakothonwisen okon rakon-nienston ne R. Assuerus wahrenhase Esther : Iah ise sariwake te ken tsi iakoriwison eniaiheie onka ki ok enhakiatorene iahte honwanonkon, nokti kawenniio nonkwe akoriwake tsi iakoianerenserison. Ethoniiot aonhaa Wari raiatanonstaton ne R. tosa aioiatoron aotonnhetst kariwanerahakserakaion. Wakonwennitentase Esther iaia-kotatiase ronontioke aiakoiatakennha Sitaeronon, wahoniron : Ne aoriwa R. hiaiatanoronston askwieneseke askwaiatakennha, sehiarann tsini siatotenhne arekho tsi iesanontiioston. Ethoniiot R. ne wahonni rasennowanaton Wari aiakoiatakennha nonkwe, aonton iontekwasentakwa nia-

koriwanerahakskon, nok tsinahe karonhiake iotsennonni iahte watorisen iaionkwatatiase Rke niatekon asonkwentenranion.

CHAPITRE LXVIII.

Commencement des 70 semaines de Daniel.—Néhémie obtient de reconstruire Jérusalem.—Difficultés et combats —Miracle après la découverte du feu sacré.—Néhémie use de son autorité pour faire réparer les injustices commises par les riches.—Il visite les juifs établis en Perse, réforme les abus.—Les juifs sur l'exhortation d'Esdras pleurent leurs péchés et renouellent solennellement leur alliance avec Dieu.—Résumé des prophéties de Malachie.—Alexandre le grand reçu à Jérusalem par le grand prêtre Jaddus lui témoigne du respect.—Seleucus roi de Syrie.—Version grecque des Septante. (A. M. 3550 à 3727).

Rotrorihne ne rotokensehakwe Daniel ronwaiats nahoten R. rotokatennihne tsi 70 nioiaiakserake (ne sakat aiairon 490 nioserak e tsini hawennotenhne Daniel tsioiaiakserat satekenat 7 nioserake) enwatohetste tsiniiore ahonwario ne Kristos nensesakoskontako nonkwe. Rawenhne Daniel : Nonen ienkahewe saiatat ne ronontiio ensakaon ne kaiaatonsera, enhariowanate oni tsi sakowis aonsahatinatonni tsini kanatotenhne Jerusalem

nok tahatistenroten kanataktatie ahatinatahnirate tsiniiore enhatotasi ne Kristos enhatasawen asakorihonnien nonkwe enwatohetste 69 nioiaiakserake nok tsini sateiaiaiakseriien ne 70^{on} nioiaiakseres enhonwario ne Kristos. Etho niawenhon 453 nio-serake iotohetston tsinahe ronontiio Artaxerxes sakowi aonsahatinatonni Jerusalem tsiniiore ahennakerate Kristos. Ashen nioaserashen sathaoseriia-kon wahatasawen asakotati nonkwe, 483 nio-serake tsinahe ronwanawi Sitaeronon aonsahatinatonni Jerusalem, asen nio-serake nok 6 niwennitake tsinahe thotasawen Jesus asakorihonnien nonkwe, wahonwario. Oriwiio kati sateioiaiakseriien wahonwario, aseken tsioiaiakserat satekenat 7 nio-serake, sate ioiaiakseriien kati 3 nio-serake nok 6 niwennitake. 486 nio-serake kati nok 6 niwennitake ionatohetston tsinahe sakowi ronontiio Artaxerxes aonsahatinatonni Jerusalem tsiniiore ahonwario ne Kristos.

Nene rotinontiiison ronaterihontakwe tsi thatinakere ne Perses ronwatiiats Sirus, Darius oni sakonawihne Sitaeronon ahonwanonsonnien ne R., iah tenhnon te sakonawihne aonsahatinatonni tsini kanatotenhne Jerusalem nok tahatistenroten kanataktatie, etho kati tkaientakwe iahte ionatah-

nironne Jerusalem onen 82 nioserake tsinahe ethoniihtonne, watiesenhne akta thatinakere ahontaweiate kanatakon nok tahatina takarihaton. Saiatat ne Sitaeronon Nehemie ronwaiatskwe rononronkwakwe Artaxerxes Perses ronwatiats ronwanontiio, iahonwaiatonse ne Sitaeronon Jerusalemke ieshonenonne nasakotontatse ne ronontiio naonsahatinatonni.

Roterihontakwe Nehemi ronontiio tsi rononso-
te; iakahewe tsi wahonekarhase ne ronontiio,
wahawenhase ronontiio: Ohni saiatawens, Ne-
hemi? tsiniiot asanikonhraksenseke, kariwatoken
otheron seriwaseta, ikehre: akerihotasien. Ta-
henron Nehemi: Tsinahe skennhas, tiotkon wa-
kerhare, ikehre: enseriwawase ken ne Sitaero-
non, aonton ken skennen akennontonnionheke
tsi iahte skanataien Jerusalem? Takenron ronon-
tiio: Iahte wakeriwanehrakwas nahoten kari-
honni iahte skeriwaienni tsi nahoten saskaneks.
Takenron Nehemi: Ne nenskenoronkwake, ens-
kitenre Jerusalemke iaonsakennakerate, iah taon-
ton aionatahniironhake iahta katstenrotake, nene
serihonte ratiriwaswens etho naiawen, askitenre
kati askerihonten aiawen tonsaietstenroten kana-
taktatie. Ne ronontiio wahariwanonwene, waho-

tontatse Nehemi ; wahahtenti Nehemi etho iara-we Jerusalemke. 3 nonta tsinahe rakahenhon-nions Jerusalem, ohnaken wasakotkennisahate ne ratikowanens, wasakawenhase : Onen wahon-nise tsi sewatkathos tsini ionkwentent iahta kats-tenrote tsi ionkwatenataien, takwaienawas tsi te-watstenronni Jerusalem kanataktatie, tosa sewah-teron, rakerihonte ne ronontiio, tenhnon tewas-toron, ok sa tewatasawaa, ensonkwaienawase ne R. Tenhnon ne iahte hotiriwiioston tehononwen-tsianekhaons wahonnehre: aiakinnhes tsi rotiiote, ok taiakinenhrente tsi enhotiioten.

Sahotokense Nehemi tsi onen tahonnewe ahon-watiiotatse ahotiioten, wasakohretsiaron ne Sita-eronon tosa ahatitsaniseke, ahonterennaaien nok ahontatiatakennha. Wahariwisa Nehemi satewa-sennen tsini hati ahotiioten, nok satewasennen rotiskenrakehte ahatinonna, nok oni eso ne rotiiotekwe shatimentsakarati ratihawwe ratisnonsake ienawatstarhostha, nok shatimentsakarati, ratiha-we asare, asikwe nok iontatientha, iah kati te ion-tonhon ahonwatinnhese aonsahotitstenrotake, wa-sakoriwawase ne R. wahatinatahnirate kati tsi tkanataien Jerusalem tosa akta ahonwatinenhrenten naherenthatinakere tosa nahatinatakarihaton.

Onen tohka nioserake tsinahe shotinonsote ononsatokenti Jerusalem skaseronnianion oni kanonskon iawet iehasentakwa ne atekwaratseranon etho konwanawenthos ne katsenen sonha nahonwawenniioste ne R. tsini hotiianerenseroten Sitaeronon, tenhnon arekho te hotitakwen katsiratokenti konwaiats rotennhaonne rotokensehakwe Jeremi aionsete otsiratokenti sahanonsarisi Nabukodonosor kenha ononsatokenti. Sekon ronnonhekwe sakotere okonha nene ratitsihenstatsi sakonnhaonne Jeremi kenha ahonsete otsiratokenti tsi iohnawerote akwa iken osonwakon akwa iosonwes tenhnon iahte kahneko etho nonwe. Onen ioswahon katsiratokenti, ne ok wahatitsenri ohneka onawatsta tekiatieston. Wasakonnhanne Nehemi ahatitsiente ohneka, aiehnekaweron tsi tekaientote nok tsi kontiatahere, katsenen sonha konwanawenthos nahonwawenniioste ne R. eh ahatihnekaweron, ioranhioronne ethone, iahte iorakote tsi etho watioiake. Oktontaiawentsi wakarakotasi nok onen tsi wakarakoten tsinon tekaientote nok tsi kontiiahere katsenen, ok -sa ok waoteke katsienhowanen nok akwekon ne tehatikanere wahotinehrakohaton tsini iawenhon. Tsini kariwes wakonwanawenthos ne katsenen

sonha ratitsihenstatsi wahonterennaïen nok wathatiriwakwe. Nehemi tenhnon wathatontsoten nok wahaterennaïen, wahrenron : Sewenniiio, ise akwekon sateweiennison, iah othenon te sanoronse, satanitenraskon kowa, iesennakeraton, ise sanikonhriio kowa, asiena nahoten nonwa wakwawenniioste ashetenrate ne sentiohkwa Sitaeronon, shenerensi tsiniiakon ronwatinaskonni niahte iakoriwiioston, aiawens ahontatewenniiio nok aonsasheiatenhawite sanonsatokentike tsini thotrori Moïse kenha wahonnise.

Ne ronwanontiiio Perseronon rorihontenne Nehemi asakoteriwatsteriste Sitaeronon iawet ronwakora akenhake. Wahatataaskennhen kati ahariwahtonten kariwaksen, takatane tsi teiontataronniianions satehatinakere, nok akwekon ahatriwaierite tsini iakonnhas Niio raoianerensera wahontewennaksatanion otiake ne Sitaeronon nene ratiiesas okonha, kontons tsiakothonwisen okon : Ionehrakwat tsini ionkwentent, eso ionkwawiraients, iah tenhnon othenon te ionkwaien naiakonnhekon. Sotsi ratiniakatste ne rōti-kwatsenion, ienkahewe eniakiiatenhninon nen enionkiiion neniakionnhekonhake. Otiake kontons : Ionkwentent, ne ok iakwatsenries ne ia-

kionnhekon tsi aiakwatewentete onkwaheta, ion-
kiwistanihen ; nonen tenhnon sotsi eso watehia-
rons iah taonton aionkwatatenre naiakwahninon
naiakwake, iah katiken akwekon tetewatateken-
ha ? iah ken sakanekwensat te ken ne ieiesas nok
nakotsokowa ? Akwa wahonikonhraksen Nehemi
tsi rotonte nahoten kontons, rohteronskwe, nok
tonsaiontkawe tsi rotiiotatie, iah sane te honi-
konhrakenheionhon wahaterennaen. Ohnaken
wasakotkennisahate ratisennowanens wasaka-
wenhase : Tokenske ken ietsironhiakentha ne
sewatatekenha ? Iah onka tatiakotati. Nehemi
wasakoiatinionte ieiesas okonha, nok wasaka-
wenhase iakotsokowa : Sewaterientare tsini ion-
kwaronhiakenhon tsi tsietsiatenha ne sewatate-
kenha, otiake enaskwa kenhne, nok tsionkwah-
ninon, isewehre ken sekon entsiakwahninon nok
nise ensewateninonste ? Akwa tsini sewahetken
tsinahe tetewako, tiotkon kewistanihas ne ieiesas
nok oni natennatsera, iah nonwenton te wakeron :
isi nonwe onsaionkon, are oktakheion tsi kheni-
henne. Takwanakeren nonwa, saietsiion ne ieie-
sas, akowenk sewahawe. Ethoni wakieren aseken
ritsanis ne R. iahte wakonwentsiahninon, akwa
ii wakioṭekwe tsi iakonatonni, kariwes 150 ne

rotiiotens akwa ii khenonten. Eh kati nisewaiernih
etho naontawe R. atsisewentenre.

Ethone oia nonsahotinikonhrawen nakotso-
kowa. Akwekon wahoniron : tosa tsiakonikonh-
raksenhak ne ieiesas, akwekon entsiakiion tsini-
kon iakwahawe nakowenk. Wahatsennonni ne
Nehemi. Kaneka iahteniontontathe eniontatate-
kwatte. Akwekon tahoniron : Etho ki neniawen.
Iakahewe kanennakehne akwekon Sitaeronon
nok oni inon thonarenihon Jerusalemke wahon-
tkennisa ahonentatokentase ne wentanoron saon-
tenerationniate konwaiats, aseken 8 nonta atose-
rakon ratikanerekwe aonsaiakehiarane tsi ethoni
hatiierhakwe sekon karhakon tsi roneskwe,
wahonwaneken ne Esdras ronwaiats ratsihensta-
tsi akwa raienteri R. raoianerensera aontahahawi
kaiatonsera tsinon kaiaton Niio raoianerensera
iaharathen Esdras tsi ratatiatha tsiniiore nentie
wahawennahnoton R. raoianerensera, kanenra-
kwekon ratikenniate nok ronatahonsate. Akwe-
kon tsi ronatonte nahoten thowenninekenhon ne
R. sontasakoianerenseron Sitaeronon nahonnise,
wahontstaronnion. Nehemi tenhnon Esdras wa-
sakotinikonhrahnnirate, wahoniron : Ne ken wente
wenniseratokenti R. raowenk, tosa sewatstaren,

ok eken tesewatonnharonnion Rke etho nentewe ensewasatsteke.

Sontenniserokten wenniseranoron ne Sitaeronon wahonwahreri Esdras tsi akwa ronskaneks tosa ahonwatewentete ne R. nok tsi shonatatrewaton tsi otiake ronwawennontion sahotiniake iahte hotiriwiioston. Wahonentontiete, okenra wahontatenonwarorokte, wahontkennisa ononsatokenlike, wahatiwennahnoton enskatson tsini kawennoten Niio raoianerensera kaiatonseratokenlike, wahonwawenniioste ne R. wahoniron: Tsionkwatatrewatonhaties saiakwatateriwasten tsi sakwanikonhraksaton ne R. teionkwatentson tsi ionkiatehaton ionkikenrenseronnihon, ionkisen-nion ne ionkiswens. Akwa otokenhon wahatiri-wisa akwa iahte kakonte tenhonterahnekenhake ne R. tsini hotiierenne ronwatini okon kenha. Wahatiriwahnirate tsi iahtaiakoniake niahte iakoriwiioston iah othenon taientenhninon awentatokenlike, akwekon eniakoti ononsatokenlike niate wakennhake. Raonha tahatierente wahatatsennaren Nehemi, wahontatsennaronnion oni ratisennowanens nok wathontekhasionko.

Eh ionsahare Nehemi tsi thenteron ne ronontio sakowihne Sitaeronon aonsahatinatonni Je-

rusalem ; wahattoke tsi Sitaeronon etho thatina-
kere ronathaharakwane Niio raoianerensera ;
niatekon tehatikarenieskwe awentatokentike ron-
tenhninonskwe, wasakotiawenratse etho nahatiie-
re, wasakotteten oni ne ronaterihonte tsi iahte
honwatinnhese. Oh niio tiieren, wahrenron, se-
watenniseratiesatha Niio rawennisera, iah etho
te hotiieren ietini okon kenha, ne sewastonton ne
R. hetsisewahrewaton niatekon tsini sewaiata-
wenhon. Ne rotokense Malachi ronwaiats wasa-
koriwawase Esdras nok Nehemi rotiiote ahniri-
wahtonten ne kariwaksen, wahatrori raoiatonse-
rake tsi saiatat enhohahaseronniien nensesakos-
kontako nonkwe, tsi ienkahewe iahtaonsakon-
wanawenthon katsenen sonha nahonwawenniioste
ne R. tsi nonwentsiakwekon enhonwawenniioste
ne R. nene iahtiaieheuwe tsini hoiatatokenti, en-
hatatewentete nok etho neniohtonhake tsiniiore
ensewatonwentsiarisi. Wahatrورية oni tsi R.
tensakoiatorete akwekon nonkwe. Tsinahe tho-
tiriwahniraton Sitaeronon tsi iahte kakonte ten-
honterahnekenhake ne R., nok enhatiriwaiertse-
ke raoianerensera, Esdras nok Nehemi wasakoti-
wennakaratate, skennen rononnhekwe sakonate-
riwatsteristakwe ne ronwanontiio Perseronon,

teshonattenionkwenhatie tsinahe thawenheion
Sirus kenha. Nene ratsihenstatsi kowa tsi thati-
nakere roterihontakwe asakoteriwatsteriste, iawet
ronwakowanenne, akwekon rakwatakwaske tsi-
niiot watroriskwe Moïs raoianerensera, sakoiata-
raskwe tehatiatoretha nok ratisennowanens sa-
korihontakwe oni. Skennen kowa tsi thatinake-
re, ronatsennonnihne onen tsiakononsison onon-
satokenti, ionwesenhne tsi ionterennaienneskwe,
sakotenranions ne R. ethoni sakoierasehakwe tsi-
ni thonatrorihne rotitokensehakwe, sakotonni-
nihakwe ne R. kaienthoseron, etho takaientakwe
wahontatenikonhrahnrirate kariwiiostonke, iah
otheron te shonennontonnions akonwatisennaien
kaiatonnik.

Onen 120 nioserake tsinahe ethoniihtonne.
Etho kati ioriowanen tsi naawenne tsiniiot
thotrorihne rotokensehakwe Daniel ne Greks
ronwatiiats wasakotisenni ne Perses. Alexandre
Masedonronon ronwanontiio wahosenni Darius
Perseronon ronwanontiio, wathanatannhake tsi
tkanataien Tir konwaiats, wahoriwanontonse ne
ronwatsihenstatsi kowa Sitaeronon Jaddus ron-
waiats asakotennatseron ne raotiohkwa sotar.
Iahte hotontaton Jaddus, wahrere : iahte tkari-

waieri ahoiwawase nene ronontiiio akte nitha-
wenon, iah sakwanontiiio te ken, iahte ioianere
ahiatewentete ne sakwennakeraton Darius. Wa-
honakwen Alexandre. Sitaerononke iahare asa-
kohrewate. Jaddus ratsihenstatsi kowa waha-
tennhanne ahonwateweienton tsi Jerusalemne
enhataweiate. Wakoti otsitsia tsinon enhatohets-
te, waennhotonko tsi iotenhenrakaronte, nok
wathoteratane Alexandre. Etho rotseronniaton
tsini honenoten ne ratsihenstatsi kowa, ratitsi-
henstatsi okon nok ne ronaterihonton ononsato-
kentike. Sahoken Alexandre, oktontaiawentsi
sahonikonhriiohne, wathotontsothase ne ratsi-
henstatsi kowa Jaddus ahosennaien ne R., ase-
ken tehakanere rasennare ne R. raononwaroroke
ne ratsihenstatsi kowa, wasakoteweienton ne Si-
taeronon, wasakaon ahontatewenniio etho naha-
tiere tsini iakonnhas raotianerensera ; wahari-
wisa tenhnon tsioseratson enhatikariake. Otiake
ratisennowanens wahonwenhase Alexandre : Ion-
kwanehrakwas tsiniiot oktontaiawentsi tetsiotte-
nion sanikonhrakon ; sanakwenhonne, nok ten-
hnon satennikonhriioston. Nok raonha tontahen-
ron : Sekon tsi tkiterontakwe tsinon tkenakere
wakatetsenhon, akwaserontakon wahiken saiatat

ne ronkwe ethoni honenoten tsiniiot ratsihensta-tsi kowa, wahakrori tsi enkatesenni tsi waterios. Tsinahe thohtention ne ronontiiio Alexandre, inon iehawenon toha tsi iotonwentsiokte nok oktiwak wekon wahatesenni. 12 nioserake tsinahe thonwanontiioston, wahrenheiate tsi rononwarahntonhon nok sotsi eso tehotskahon onen 30 tehaoseriiakon. Tsinahe thawenheion 4 nihati ratisennowanens wathatiiake Alexandre kenha raonwentsia kenha, enskatson wahontatenontiioste (A. M. 3680) Etho takaientakwe Seleukus ronwaiats ronwanontiiio Sirironon wasakoteriwatsteriste Sitaeronon. Kariwes wahonterio Egiptronon ronwanontiiio nok Sirironon ronwanontiiio. Wahiatataskennha onka enhaowenhake raononwentsia Sitaeronon. Arens Egiptronon ronwanontiiio raowenk kenhne, arens Sirironon ronwanontiiio. Tsi iotohetston 4 nioserashen ethone tsi Egiptronon ronwanontiiokwe Ptoleme Filadelfe ronwaiats 72 nionkwetake akwa ronronkha tsini iewennotens Sitaeronon tenhnon tsini hatiwennotens ne Greks wathontewennateni kaiatonseratokenti Hebreuneha kaiaton, wahatiwennakwarisi Grekneha akahiätonke. Kaiatonseratokenti Hebreuneha tsi kahiatonne ethonahe tiotasawe

Greksheha wakaiatonke noiatonseratokenti. Esdras wahanaton tsini kentiohkwake kaiatonseratokenti nok wasakonatonnion ne skaiatonseratson rōtīiatonserisahannhon.

CHAPITRE LXXIX

Générosité du roi Seleucus Philopator envers les juifs et leur temple.—Il envoie plus tard Héliodore s'emparer des trésors du temple.—Opposition du grand prêtre Onias à ce projet.—Prières et désolation des juifs.—Héliodore fouetté par les anges s'en va honteusement.—Onias déposé.—Josué puis Ménélaus usurpent, à prix d'argent, la souveraine sacrificature.—Mort d'Onias.—Signes effrayants dans les cieux au-dessus de Jérusalem.—Meurtres, cruautés et sacrilèges commis par Antiochus dans Jérusalem.—Il veut faire apostasier les juifs.—Raisons pour lesquelles Dieu permet ces malheurs.—Le vieillard Eleazar refuse d'adorer les idoles et d'user de feinte.—Son martyr. (A. M. 3873).

Skennen kowa kenhne tsi thatinakere ne Sitae-ronon tsini kariwes sakonateriwatsteristakwe ne Sirironon ronwatinontīio. Ethonīiohtonne tsiniio-re ahonwanontīioeste Seleukus Filopator ronwaiatskwe. Saheto nene ronontīio iahte horiwiīoston akwa ionehrakwat rokonniienstakwe ne ratsi-

henstatsi kowa Onias ronwakowanenne Sitaeronon, akwa ionehrakwat tsi rattokha tsiniiot sakteriwatsteristakwe, iekanihare ne ronontiio eso owista rowiskwe ne ratsihenstatsikowa tsinikon tehotowentsiohon aieriwaierite tsi konwanawenthoskwe ne katsenen sonha ononsatokentike Jerusalemne. Tenhnon saiatat ne Sitaeronon Simon ronwaiatskwe ne ronwakowanen ne ronaterihonte akonwanonsanonna ononsatokenti roswenskwe ne ratsihentatsi kowa Onias, wahariwaksate, wahawenhase ne ronontiio : Iawetowanen owistanon kaen ononsatokentike Jerusalemke aonton nasehre : tekek. Ne ronontiio Seleukus akwa ranoronkwakwe nowista, wahrere : akatatewenniiost. Wahnhanne saiatat ne rasennowanen kowanen roterihonte Heliodor ronwaiatskwe Jerusalemke iahare ahatkensera nok ahatatewenniioste owista. Ne ratsihenstatsi kowa Onias iahte hoterientare nahoten raniente, wahoteweienton. Wahohrori Heliodor tsi owista rataatewenniiostane. Tahenron ne ratsihenstatsi kowa Onias : lah taonton akatontate etho nasiere. Ne ronatkawen owistaronnehron : akowenk enwaton niakoterehonskon nok eksa okonha, niahte iakonisen ahonwatinonten. Iahte wakweniatseraien onka ki ok akheion.

Kanonsanoron ne ken kanonsote nonwentsiakwekon nonkwe ienonsakonnienstha, ensenonsaksate etho nasiere. Wahariwareke Heliodor, wahrenron : Rakennhaon ne ronontiio : akekwa owista ; ioriwentaon etho nenkiere, tentekhave enhiion ne ronontiio. Wahenniseratokenste wahrenron : Ne wenniserate tentke tenkekwa tsini kaien owista. Ne Sitaeronon kanatakwekon thatinakere wathonateronhienten. Ne ratitsihenstatsi okon atiatawitseratokenti ronatseronniaton wathontontsotanian akta tsinonkanaktanoron ononsatokentike wahonwennitentase ne R. roianerenserison tosa onka aienonsaksate raononsatokenti, tosa ahatontate ne ronkwe iahte horiwiioston ahatatewenniioste nowista tkaien ononsatokentike. Ne kontiiatase sonha okenra kahiarakon watarion nok ok ne wakkontsarorokte watkonnianeken esnonsake ne karonhiake nonkati ahonwaneken ne R. asakotenre. Akwekon iakonikonhraksens iakorharenion tsini iawensere. Wathatane Heliodor ratikwekonhaties ne raotiohkwa akta wathatane tsinon tkaien owistanoron ononsatokenti aowenk, wahrere : tekek. Tenhnon ethone raonikonhratokenti ne R. iah othenon te honoronse wehne raonni tsini hasatste. Akwekon ne ronwawennarakwen Heliodor iaha-

tishatane tsinon tahontonneke iahte shatisatste, iahte hatikwenies othenon nahatiiere. Kawenniio etho wahonnete ne tehatiasenhne ronne ; wahonnehre : onen taiakwak ononsatokenti aowenk, wahatissataseron, oktatewatiaseronnion ronatkathon akosatens akwa iotsironni, roiatanehrakwat rentsckwahere, tehokahratsanit, rassakwarenhawe owistanoron, warassentonkwas akosatens tsi raia-taien ne Heliodor. Ethone teninekenteronha akwa ionehrakwat tsini hononkwetiio wahonwasokwaweson. Wathonwaiatakwe ne Heliodor ok eh-niiot tihawenheion. Nene ronkwe onwarh rotaweiatonne ononsatokentike ronwanonteratiesckwe iotiohkwatsanit ne sotar nonwa ehtake raia-taientakwe, iahte shatatis. Ethone akwa ionehrakwat wahontsennonni ne Sitaeronon wathonwanonweraton ne R. tsi ranonsanoronston raononsatoken-ti, sakohrewaton ne ratinonsaksatanionsckwe. Otiake ne rontenro Heliodor wahonwaneken ne ratsihenstatsi kowa Onias ahoterennaienhase Heliodor. Etho nahaiere nok wahotontatse ne R. Ethone saiatat ne raronhiakehronon ranekenteronha roiatontakwe wahawenhase Heliodor : Onias tetsenonweratonna, raonha waharihonni tsi sekon sonnhe, nok sehrori ne iahte hotiriwiioston

tsi raonha ne R. ronwasennaiens ne Sitaeronon roiatanehrakwat, iah othenon te honoronse. Nok sahonahtonse teninekenteronha kason tithonenon iahte shonwatiken. Ethone Heliodor sahata trewate, wathononweraton Onias nok sahahtenti : Wahariowanate tsini hoiatawenhon. Ok are wahoriwanonttonni ronontiiio, wahrenron : Onka isehre ioianere akheiatarako sekon Jerusalemke onsaientte. Tahenron Heliodor : Ne ensheiatarako kaneka sheswens, etho enhonwasokwaweson, iah oni katooken taontare ne kento. Onen wakaterientare Jerusalemke renteron ononsatokentike ne Niio ne iah taonton skennen oktatahonwaieronnon. Etho niawenhon A. M. 3828.

Sahrenheie ne ronontiiio Seleukus ronwaiatskwe wahonwanontiioste Antiokus Epifane ronwaiatskwe. Akwa ionehrakwat tsi raserohen ronkwetaksen ne Antiokus. Wahonwarihontako ne ratsihenstatsikowa Onias akwa thoriwaieri roriwiioston oni nok ne hiatatekenha Jason ronwaiatskwe eso owista rokariakonhonne ronontiiioke raonaktake tonsahatane ; iawet kati rohninon nene ronkwetaksen tsi kariwiiostonke roterihontakwe. Iah tenhnon kariwes te hotston. Saiatat ne ronkwe Menelaus ronwaiats, senha raserohen

wahorharatsten ne ronontiio Antiokus senha eso nowista enhakariake nenhatontate naonsahonwarihontako Jason nok raonaktake tonsahatane. Eso nikatsetake akerat oni owistanoron ononsatokenti aowenk wahanensko nene ronkwetaksen nok wahatennhanne ahonwasete ne ratsihenstatsi kowa Onias, aseken rohristakwe. Tsini thoriwaieri roriwiioston Onias, sate honwakonniens-takwe ne Sitaeronon nok ne iahte honwaienteri ne R. Sahotokense ne ronontiio Antiokus tsi rawenheion, wathasentho, wahonnhaten ne tsi roterientare tsini thoriwaieri, wahatennhanne ahonwasete ne roriorhne Onias kenha. Iawenheiontatsanit oni wahnibeiate Jason nok Menelaus ne ronasteristonne aonsahonwarihontako. Tsinahe thohtentionne Antiokus Egiptke iehawenonne ahareko niatekon tsini hoieren Jerusalemke ne ronkwetaksen Jason wasakokenrenseronni nene ratinakere, etho tioientakwen wahonakwen Antiokus, senha wasakoswen ne Sitaeronon, niate ioriwake oni ioriwanehrakwatanions tsi naawenne, wasakotokaten ne R. Sitaeronon tsi sakohrewatane. 4 niwasontashen tsini kariwes ehneken karonhiake nonkati wahonwatiken akosatens rononkwe etho ratitskwaronnion ienassikwarenha-

we ehneken ratitakhenonties tsiniiot ronaterio, tsiniiot natatken teiotstaratenion nahoten ratihawewiontatienta tehonsikwaratenihons nok rontsikwawioiaks, kentiohkowanen ne Sitaeronon wahotitokense; ne watenientenstakon tsi ronakwenhon ne R. wahonwennitentase asakotenre.

Sonsarawe Antiokus ronontiio, wahataweiate Jerusalemke, rentiohkwenhawewiontiohkwaatsanit ne sotar, wasakonnhanne ahonwanasete oktikawenniio ne Sitaeronon, rotiskenrakehte tsiakothonwisen, eksa okonha oni, onka ki ok eniontatatsenri, tosa tahatiiestasi. 80,000 niionkwetake wahonwatirio nok 40,000 wahonwatiiena wahonwatiwistotarho nahonwatinaskonni; onen nonwa wahataweiate ononsatokentike, wahatatewenniio-ste atekwaratseranoron owistanoron otsinekwariken, ionthaserotakwa ne kowanen owistanoron, nok tsinikon wahatsenri nowista ononsatokentike, ionsahare tsi tkanataien Antioche konwaiats, rahawewiontsinikon tesakokwennihne ne Sitaeronon, irehre: iah onka taionkioletse ok entkennonton tsi nakiere, iahte hotsanis ne R. Iahta tehaiatoretakwe nene ronkwetaksen iahte honnhese ne R. ahanonsaksate raononsatokente, aseken sakonakwase ne Sitaeronon, roriwisonhonne asakohre-

wate, iahte honoronse ne R. ahohrewate oksa ok tsini hohrewatonne Heliodor sahanonsaksate ononsatokenti. Ne tenhnon karihonni tsi iahte thotiriwaieri ne ratinakere, iahte haiatanonstaton raononsatokenti, asakotokaten tsi senha ranonwes ahatiiatatokentihake ne ratinakere tsiniiot akanonsanoronke, akanonsiiohake ne raononsatokenti (A. M. 3827).

Teiotenonhianiton tsini hoierenne Antiokus Jerusalemke, ne ok tenhnon iawet tiotasawe ne thone iononwakte okon tsini iakoiatawensere ne Sitaeronon. Wahatatewenniioste akwekon raonawenk sonha, eso oni wasakorio. Onen tenhnon wahrere : akeriwahtont ne kariwiioston Sitaerononke. Wasakotiawenratse aieriwaierite tsini iakonnhas Moïs raoianerensera. Wahariowanate tsi skariwiiostontserat ok enkariwiiostontseraientakene nene Jupiter ronwaiats enhonwasennaaien. Wahatennhanne aieiatonniseronni Jupiter raiaatare nok aiehnioten ononsatokenlike Jerusalemke, nok wahariwisa enhonwario onka ki ok iahatahatontate ahosennaaien Jupiter: Kennihawennoten ne aoriwake nene roiatonserison kaiatonseratokenti watroriatha tsiniiot wasakokenrenseronni Antiokus ne Sitaeronon, raton : Kheiennitentase

tsini hati enhatiwennahnoton tsini ionkwaiatawenhon tosa ahontatenikonhrotako rononha, tosa ahonnerheke : sakotewenteton onte ken ne R. ne Sitaeronon, raweron ok eken : akheiate-nientense akehrewate. Sakotokatennis ne R. niakoriwanerahakskon raotanitenrasera, tsi iahte sakowis kariwes ok taiennonton tsi nenieiere, ok eken tehosterihen asakohrewate. Iah etho te sonkwaierase ne R. tsini sakoierase nakte tienakere, iahte honwaienteri ; eso ieriwanagerahakhons nok tsiniiot iahtahariwasniene tsini iontierha iahte sakohrewatha nonwentsiake, aseken rotatienni nasakohrewate tsiniiot teiakotentson nonen eniakahewe tensakoiatorete akwekon nonkwe, iawet rorhare ahontienite nakoriwanerahaksera, ethone ensakohrewate nonwentsiake. Nok nii tenhnon, iahte horhare aiakwatienite nonkwariwaneraha-ksera, tiotkon iawet ostonha srehiaras raotanitenrasera nok oni tsi sonkwahrewatha, sonkwaronhiakentha, sonkwanonwareks iah tenhnon akwa te sonkwatewentetha.

Tsini hotihterons ne Sitaeronon eso wahontontate etho nahatiiere tsini sakonnhaskwe ne ronontio Antiokus ; wakonwarihonti raotiriwiiostontsera ; eso tenhnon wahonteraiatakwe, iahta te-

honwatinikonhrakennion, wahatiriwisa onen tsi naiohton enhontsteriste ne kariwiioston saheto ahoniheiate.

Ethoni hoieren saiatat ne rokstenha Eleasar ronwaiatskwe onen 90 tehaoseriiakonhonne ; tsinahe thotehiaron tiotkon thoriwaieri ronwanoronkwakwe ne Sitaeronon, saheto onen tsi hokstenha, sekon ronkwetiiohne. Raonha senha wahonwaronhiakente. Wahonnehre : aonton ne raonha tahnwanikonhrakenni, senha enwatiesenhaske eso taiakinikonhrakenni. Wahonwennonksa, niare wathonwarhoton, ohnaken onen wahonwatetsaniten tsi ronnehron asonkwawennarakwake. Tsi iahte sakotontati wathonwatskarawe iahatita rassakon ne kwiskwis owaronk ne sakotiawenratihe R. ne Sitaeronon ne waharako Eleasar, wenheiontiio ahrenheiate tosa ahariwanerake tsi enhronnheke ; akwa raonha thennontonhon eh iahare tsi ronwariosere. Wahatateriwisahaske karo ahatakastate karonhiakenseraakon nok ahatewentete tsi ronnhe tosa othenon nahaiere nahanoronkwake tsi ronnhe.

Otiake Sitaeronon rontenro sonha rotirihon-tionne kariwiioston, iawet wahonwentenre, wahnwenhase : Nahoten karihonni satewentetha

tsi sonnhe? Aonton se nasehre : skennen akonnheke. Takwatontats ne akwaiatanonstate. Karo entiehawite nowaronk nok eniakwenron : rowennaieriton ne ronontio. Eleasar tenhnon wathaia-torete raonikonhrakon tsi iahte ioianere ahatontate aseken onen eso tehaoseriiakon aseken oni tsinahe thotehiaron iah nonwenton te hoiatoronhon ne kariwaneren, tiotkon ne ok ieken rariwanoronkwa ne tkariwaieri, ioriwakwarision, wahrenron : Iah nonwenton takatontate, senha kenonwes aionkiatehawite tsinon ionkeriosere tsiniiot eh nakiere tsini sewanikonhrotens. Akwa iken tsi iotehat akennowente, onen tsi akekstenha, ikehre : tosa akhenikonrhaten nonkwe. Aonton ken aiairon: Kariwiioston sahorihonti Eleasar onen 9 tewakoserashen, nok akwekon nase tsi iakonnhe akheriwanerahakten, enionkkenronni enionkswenseke oni. Sotsi onen kenniskonnhesha. Nok naonton akateriwateko nonkwe naionkeronhiakente, aonton ken ahihniakense ne iahte honoronse ahakrewate nonwentsiake nok oni nenkatonnhokten? Tewenhei ok ieionkwanikonhrahniironhatie ahotitokense ratinekenterontson tsini tkariwaieri R. raoriwa aiaiheiate akheiatakennhaste R. raoianerensera. Akwa io-

nehtrakwat wahatiriwaswen niahte hotiriwiioston nok oni ne Sitaeronon rotirihoution kariwiioston tsi nahaiere ne Eleasar wahotinakwen ne tiotierenton ronwentenrhakwe, wahonwaientanion. Etho onen iaharawe tsinon enhonwario. Wahonwaiatawitasionko ne rokstenseratokenti, wahonwassatho, wahonwanerenke, akwa tiotkon ronwaientanions. Wahaonsenne ne Eleasar tsi renheiousere nok wahrenron : Sewennio akwekon tsienteri, teskanere nakenikonhrakon, saterientare watiesenhne tosa akiheie, akwa ionehtrakwat wakenikonhranonwaks, iononwakte kowa oni ne kiatakon, tenhnon nakenikonhrakon iawet wakatonnhahere, iahte kennhatens tsi ne wakerakwen akiheie, ok eken wakatsennonni aseken sonhaa kontsanis.

Ethone wahrenheie ne rokstenha Eleazar, raweiennake wasakorihonnien nase tsi iakonnhe, nok oni kanenrakwekon ne Sitaeronon, aontaiakoriwaierike, aiontakatstate oni karonhiakense-rakon, nentsiakehiarane tsini hoiatawenhon sahrenheie.

CHAPITRE LXX.

Martyre des 7 frères Machabées et de leur mère.—Leurs admirables discours.—Réflexions sur la nécessité de donner aux enfants une éducation forte et religieuse.—Le grand prêtre Matathias et ses enfants se réfugient dans les montagnes.—Son discours aux habitants de Modin.—Ils refusent absolument d'adorer les idoles.—Matathias tue un juif apostat.—Plusieurs juifs se laissent tuer plutôt que de violer le repos du Sabbat.—Les autres se proposent de se défendre même le jour du Sabbat. (A. M. 3837)

Iah raonhaa te ken ne rokstenha Eleasar kari-wiioston rawenheiaton, eso Sitaeronon ronwanakerani. Skaiafat ne ionkwe 7 nihati akoien okonha wahatennhanne Antiokus ahonwatinonksa, wasakotenientense enhonneke kwiskwis owaronk ne Moïs raoianerensera iakotiawenratis Sitaeronon nahonneke. Iah enskat te honatontaton. Wahatennhanne ne ronontiio wahonwatiatawitasionko nok wahonwatisokwaweson okwire wahonte nok ataksta. Nene thakowanen ne roienha waha-wenhase : Nahoten onte takwariwanontonnis ? nahoten sarhare akwenhase ? ionkwatateweiennentahon karo aiakwatewentete tsi iakionnhe, iah tenhnon taonton oia taiakwaiere tsi ok ni sakori-

wisahani ne R. iakini okon kenha. Akwa ioneh-rakwat tahonakwen Antiokus tsi rotonte, waha-tennhanne waeristatarihatanion. Tsinahe etho nieierha, wahatennhanne wahouwennasiake ne rohtarakwe, nok wahoiensere nok waeiakon rasitake nok rasnonsake, nok wahatennhanne etho iahonwaiatonti tsi tkaristatarihaton. Tehatika-nere ronistenha nok rontateken okonha, iah ne tewatstarha ronistenha nok oni ne rontatekenha ne ok ne ronnehre : asakwanakeren, tehontaten-ni asonkwentenre ne R. netho naetewatennikonh-riioste, ensakotenre ne ronwaseronniennis ensa-konikonhrahnrirate, tsini watroris Moïs kenha raorennatokenti.

Tsinahe tehontatehretsiarons onen wahrenheie ne thakowanen. Onen irehre Antiokus : ahiron-hiakente ne shononteratie, wathonwanonrakwe, wathonwanatonhase nowaronk nok wathonwen-hase : Iah ken te sehre : Ahiatontats ne Ronon-tiio ? wesatokense tsi senha enkwaronhiakente ne iahta satontatire. Tahenron ne raksaa : Iah taon-ton ahiiatontatse. Ethona honwaronhiakente tsini honwaronhiakenton ne rotsikenha. Tsi onen ren-heionsere, wahawenhase ronontiio : Sonkwetak-senskwa, wahrenron, enskweni naskwario, iah ten-

hnon taskweni ne iahtaonsaiak watonnhete. Neron-
wanontiio karonhiakwekon nonwentsiakwekon oni
ensesonkionnhetakwe iahte kakonte aiakwatsen-
nonni ne eniakwenheiate aiakwaiatakennha raoi-
anerensera. Onen are na ne sahrenheie. Ne 3on
sahonwaronhiakente, ok sa ok wasakowenniioste
ne rawennason rasnonsake oni, wahrenron : Ta-
kawennasiak, takwasnonsiak oni, R. roson ne
kesnonsake nok akennason, wakatsennonni tsi
wakatewentete, iahtaonkenikonhraten tsi waker-
hare enshakon ne R. iahte kakonte, aseken raoia-
nerensera aoriwake tsi wakatewenteton. Wahoti-
nehrako ne ronontiio nok oni ratisennowanens
tsi nene ranekenteron iahta tehariwasnie nahon-
waiesate. Onen wahonwario, 4on wahonwaiena
nok wahonwaronhiakente, wahawenhase ne ro-
nontiio wahrenron : Ise tesennontons tsi kiheion-
sere, saterientarak tenhnon ioriowanen ne tenia-
kwatentsa, entsiakwatonnhete nok eniakwatsen-
nonni, ensesatonnhete oni nise, ne tenhnon ense-
satonnhetakwe asatkaronni iahte kakonte aseron-
hiakenseke.

Wahrenron ne ronontiio : Shonwaiena ne 5on.
Tewatenienten akwekon ken ethoni hotinikonh-
rotens. Ok sa ok etho warete ne raksaa. Tsinahe

ronwaiatotha, wahawenhase ne ronontiio : Ise tesennontons tsi nasiere aseken saterihonte tsi tia-kwanakerenion ; onkwe tenhnon nisiatoten ; katkesonha ensiheie. Tosa serhek : Sakotewenteton ne R. raotiohkwa. Ienkahewe ensatkatho tsi iah othenon te honoronse enhiahrewate, ensakohrewate oni ne sheiatere okonha. Wahrenron ronontiio : Onen ietiwatsirahtont. Oksaok karo tahakwite ne 6on. Iah ostonha te hohteronskwe. Ok sa ok wahonwaronhiakente ; wahawenhase ne Antiokus : Tsiaken senontiio seniakatste kowa, ne ok saiotatenre tsiathonwisen nok raksaa. Ne karihonni ionkwaronhiaken tsi sakwanikonhraksaton ne R. iahte iakwatatennhatha, ne tenhnon kontenre tsini iensaiatawen seriwanonwaks entsiaterio ne R. iah taonton tahontkenni nonkwe ne sakoiatison iahta honwasenni : onen onkenoronse, tionkerhare nakwatateken kenha, thakinonks ne R. skennen takiheie.

Teiakokanerakwe ne rotinistenha tsi ronwattiriosere akoien okonha, iah oni tewatstarhakwe, watatenikonhrahnratsstha tsi roniahesaonhatie ne R. ; teiakokanere sane sewenniserat iaiheionseronserons akwekon akoien okonha, ionikonhkatste, wattokha oni tsi iakohretsiaronskwe ahon-

tewentewentete tsi rononnhe, iakonoronkwa sane tsiniiot kaneka ne kanistenseriio iakonoronkwa nakoien okonha, tenhnon ionikonhratoken, ionikonhratsanit tsiniiot ne roskenrakehte, iakawennis : Iah ii te ken wakiatison sewatonnhetston, iah ii te ken kwattokhatserawi ; iah oni tekionnheton, iahten ii tewakstonteron ne sewaieronke. Ethoni hoieren ne R. ne raonwentsison, sakoiatison nonkwe saennakerate, akwekon sakaonnhetha, etho nenshaiere tensetsisewastonteron, ensetsisewattokhatseron ensetsitsionnhete oni, ne karihonni etho nenhaiere, atsisewakariakse tsi nonwa raoianerenseratokenti aoriwake sewatewentetha, iawet sewakenhronnis tsi tsionnhhe.

Tsinahe iakohretsiarons, teiakonoronkwanions nonen ronwatiriosere, iakawenni : Wasewe nonwa, ensewatsennonni, senha saiakonikonhrahniira. Ne ok sahotatenre ne nihraa. Wahrere Antiokus, ahinikonhrotako, rawenni : Ikehre, konhienha, aonton nenskatontatse ; iah othenon ton-tiatoktake tsi nensatsennonni, ensakwatsehake nensatontate asarihonti tsini hotiiianerenseroten ietsini okon kenha. Iah othenon tatehoriwasniehon ne raksaa, iahta tethotati. Wahrenhase ne ronontiio ronistenha ne raksaa : Enskat ok sron-

nhe n'hetsienha nok onen roieriton nahonwario tsini horiwannhikon, tsiaken kati nahakatontatse. Takenron nokstenha : Enhihretsiaron, wahawenhase ne roienha : Watkonnoronkwanion, onen ikehre : ne iahte kakonte sonhaa ok sesonne, shetenr ne sanistenha, tosa takenikonhraksat tsi ne nensanikonhratsiiohake akarihonni, sasehiarann 9 niwennitake kiatakon siterontakwe, konnonkeraton 3 nioserake, ne tsini wakatewienton tiorihonni tsi ioianere tsi satehiaron. Konniennitentase, takitenr, iasatkatho ne karonhiake, nonwentsiake, nok tsiniiot ne R. netsennaiens akwekon roteweinnison, raowenna roieraton, satatenikonhrahnriratstakwak. Ne ok enhakweni nonwa ronontiio ahiario, iah tenhnon tahakweni iahtaonsasonnheke. Tosa hetsetsanik nene raserohen, enhiaronhiakente, etho natsierh tsini sewatateken kenha, sewahriskon, aesatsennonni sataesewenheie, ensonkwentenre ne R. rotanitenraskonkowa, iahtaionnise ensewakwekonhake tsinonni ionwesen kowa, kennikariweshani nii ienskwarane. Kawenniiio wakarihokten nokstenha, tahati ne roienha, wasakawenhase ne ronwariosere : Karo kasewet, nahoten tisewarhare ? iahta hiiatontatse ronontiio, aseken oia

tsini karihoten sonkwariwisahani ne R. ; nok nise, senontiio, iah onka taietsenri nonwentsiake ne senha aiakonkwetaksenhake tsi nise niio. Niate kariwake tsi seriwarestanions tsi isehre : akeronhiakent, tosa tenhnon satatenikonrhaten, iah taonton asahniakense raonakwensera ne R. akwekon tehakanere, iah oni othenon te hononse. Iahte hiannhese askwaronhiakente nonwa tsi irehre : onsaiontatrewat ; onen nonwa ieiohe tahiaiatorete. Ne iakwatateken okon kenha kenikariweshah rotironhiakenhon, rotiiena nonwa nahoten R. sakorharatstenni, enkheianenhawe, ok takonwenniioste ne kieronke nok tsi konhe, tosa akatkawe tsini sakoriwisahani ne R. iakini okon kenha. Nahoten karihonni tsi saniskwas naskerio ? aontiesenhake ahatkawe ne R. tsi sakohrewatha ne Sitaeronon, kattokas onen tsi rakatontats, onen nonwa shonikonhriiohon.

Tsinahonakwen ronontiio senha akwa wahoronihiakente ne raksaa roniahesaonhatie ne R. sahrenheie.

Aonhaa ok tsionnhe nokstenka, akwa iotsennonni, tekanoronkwaniions ratiieronke kenha nakoien okon kenha waskanekskwe oni naonha akonwario. Etho kati naawen, nok sahahtenti Antiokus, oktihotehenhon.

Tsini ioieren nene ionkwe, iawet iakorihonniennitha iakowiraients tsi naieiere. Iakononkwakwe sane akoien okonha ; iakorihonnienni tenhnon aiakoriwiiostonhake nok aiesatsteke kariwiiostonke. Iah etho te ieierha otiake iakowiraients, sotsi teiontatorhotonnis nontatien okonha iahte ieribasatste tsi iontatehiarons, etho nitewes iakonikonhratsiioha nase tsi iakonnhe, iakonoronse aionteweienton. Iakorihonnienni nennee akoien okonha R. raoianerensera, nok tsi ne aonhaa tei-tonwentsiohon nonwentsiake tsi iiens aiontatonnien nakaonha aiakonaktiiohake neniontonnhokten, iakorihonnienni akoien okonha tosa akonwatsaniseke ne kenheion, ok eken aiakotateweienentaonhake, karo aiontewentete tsi iakonnhe, tosa ahonwatewentete tosa ahonwanikonhraksate ne R. sonkwaiatison nok tensonkwaiatorete.

Tsini sakoiesatonne Antiokus ne Sitaeronon, iahtaiakaweron, enhontorianeron ken enshatikweni ensesakotikwa tsi kanataien Jerusalem, nok ensakotisenni ne iahte iakoriwiioston, tsiewatsirat ok sane iakokwenion kennikentiohkwa ne Sitaeronon.

Sakohrewatonne ne R. Sitaeronon, aseken ro-

tiriwanerenhenne, nok tsinahe shonatatrewaton, wasakoriwawase ne R.: wahonikonhrata ne R. ne Matathias ronwaiatskwe nahaiakenne Jerusalemlake nok tsi ionontenion iahare. Onen tsi hokstenha nethone, 5 nihatihne sakoien okonha, San, Simon, Juda, Eleasar, nok Jonathas ronwatiatskwe, nok ohonte sonha tihonnonnhekonne. Sewatierens tonsahontkaneren tsi tkanataien ne Jerusalem, ratonhakwe Matathias: Wakitent, wakonnheson tsi tekkanere tsini hotiatawens nakwatatekenha, oh nonwa ni skatierha nonwentsiake, ne ok ne tesekkanere ienatakarias kanatatokenti Jerusalem tehonwatiwistotarhoseron Sitaeronon, ronwatirio ne rotiksten okonkenha, niahte hotiriwiioston ronatatewenniioston katsetanorons ononsatokenti aowenk, nahoten karihonni sekon konnhe? Nok tsine ratonhakwe Matathias, raratsionkwaskwe raotiatawit. Etho oni nihatiierhakwe sakoien okonha.

Kennioreha tsi ratiteron tsi tkanataien Modin konwaiats, tontahatsnente Matathias onontoharake, iahataweiate kanatakon, wasakohretsiaron, wasakawenhase: Tewaterio ne iahte hotiriwiioston, iienhre: onsaiakorihonti kariwiioston nok tewanaskwa enwaton. Tkariwaieriken ratinas-

kwa aonton Abraham sakoien okonha? Aonton ken skennen tataetewakanerake aieriwahtonte ne kariwiioston? Skanikonhrat akenhake tsinition, aonton aietiiatetsaniten. Nahoten entewatsaniseke ne Rke aetewatennikonhrontijettake? Iona-tentaon onen ne Jerusalem, sekon ne Modin tkanataien, tokat sonkwanatarakwenni ne R. naonsetewatk watako.

Tohkara nonta tsinahe Modinke iahonnete ronontiiio raotiohkwa, wasakonenhase ne Modinronon: Sewatewentet kariwiioston, nok sewasennaian kaia-tonnik. Otiake Sitaeronon, tsini hoti-teronskwe, wasakonatontatse. Iahte honatontaton Matathias nok ne raowatsire. Saiatat wahoriwantonse Matathias asakohretsiaron ne Sitaeronon ahonwawennarakwe ne ronontiiio, aseken, wahrenron, iesanoronkwa, swatsirowanen, iakorhare ensheiatontatse. Tahenron ne Matathias: Oriwakon tsi sahtare, saheto nonkwe okon nonwentsiakwekon ahonwawennarakwe ne ronontiiio, saheto akwekon ne Sitaeronon ahontewentete ne kariwiioston, iahte tkariwaiieri nakhenakeren. Iah nonwenton etho taiakwaiere ii nok ne kheien okonha, iahtaiakwatewentete raoianerenseratokenti sakoianerenserawi ne R. iakini okon kenha.

Ethone saiatat ne Sitaeronon wahrere: akhesen-
naien kaiatonnik. Tsina honikonhraksen ne Ma-
tathias, wahonakwate kanakwenseratokenti, wa-
thoiasisonkwe, etho iahatiatonti tsi itrate, asikwe
wahoiente, ok sa ok oni asikwe sahoiente nene
ronkwe Ronontiio ronnhaoonhatiene nok wathah-
rite tsi konwasennaienskwe kaiatonnik, nok wa-
thohenrete, wahrenron: Onka ki ok iakotatas-
kennhen R. raoianerensera, karo itient, ionknon-
teratie. Onontoharake warete ratikwekonhatie
sakoien okonha; akwekon wahontontate ne
iakoriwiioston, nok tsi ionontenion wahontasete,
wahontewentete tsinikon rotien kanatakon, wa-
honnete ne rotiniakon nok sakotiien okonha tsi
ionontenion.

Wahonhronke tsi naawen niahte hotiriwiioston
wasakotiiataroroke rotiskenrakehte, etho wahn-
nete tsi thenteron Matathias, wahonnehre, niare
eniawentatokentane eniakiiiente; aseken ne wen-
niserate, iahte hotiote, iah kati tatehontoriane-
ron, wahonwennenhase: Sewaiakenn tsi sewen-
teron, tosa aesewenheie, sekon enietsitenre nen-
sewatontate? Tahoniron ne Sitaeronon: Iahtaia-
kwaiakenne, iahte iawet aiakwatorianeron. Etho
wahonnete ne iahte hotiriwiioston, tehontatennis

ne Sitaeronon : Tewenhei niha, nok nise takwariorio, tenhnon ne karonhiake thatinakere, nok oni nonwentsiake ronnes tehatikanere tsi iahte teionkwatentson netho naskwaierase. 10,000 ne wenniserate wahonwatirio. Sahotokense Matathias tsi etho niawenhon, akwa wahonikonhraksen nok wahrenron : Okti oriwakon etho naiakwaiere : tewaterio niha iahte hotiriwiioston, aetewatatia-takennha aetewaiatakenha oni nonkwariwiiostontsera. Tsinikon kati teniotonwentsionihake nok oni awentatokentike eniakwaterio. Wahatiriwisa etho nahatiiere. Kawenniiio wahotitokense ne Sitaeronon kentiohkowanen wahontkennisa tsi thenteron Matathias, ionitiohkwateriarontie raotiohkwa, sahatirisionko tsi kaia-tonkwe ne kaia-tonnik wasakonatekwate niahte hotiriwiioston, ronatesennionhatie.

CHAPITRE LXXI.

Discours de Matathias à ses enfants.—Il les exhorte à défendre la religion et la patrie.—Valeur guerrière de Juda et ses exploits.—Il défait plusieurs généraux ennemis envoyés par Antiochus.—Rétablissement du culte de Dieu dans le temple.—Echec d'Antiochus, sa fureur contre les juifs : il veut les exterminer.—En chemin il est frappé d'un mal horrible et mystérieux.—Sa fausse pénitence, ses vaines promesses, sa mort. (A. M. 3840).

Sahattoke Matathias tsi onen toha jeiohe ahrenheie, wathononweraton ne R. tsi tiotkon roiata-nonstaton, iasakononke ne sakoien okonha, wasakawenhase : Kwaien okonha, tsinahe tsi konnhe niatekon tsini hotiataawenhon ne Sitaeronon sakohrewaton ne R. aseken iahte honwatontatiha-kwe, tewanaskwa iotonhon, iakonatarision Jerusalemke. Sewatsiaken, sewariwakennha ne R. rariwa,ok iesewenheie sewariwakennhaahatie, akwa nitsionha, iah tenhnon othenon te honoronse ne R. Sasewehiarann tsini ioriwanehrakwattons tsini hotiieren ietini okon kenha, tsini honatatsennowanaton rononha, etho nise sewatatewennowanat. Roronhiakenhon ne Abraham, nok tsi ronikonhrahniiron rotsennonnihon ; Joseph ron-

wakenrenseronnihon rontateken okonha ronwatenhninon, nok tenhnnon iahosennowannhaon Egiptke. Phinees ratsihenstatsi kowa iotonhon, aseken roriwawasenne ne R. Etho oni niawenhon Josuenok Kaleb. Tafit tiotierentonsakononnhakwe ne katsenen, roienawase ne R. ahohniakense Saül resakskwe ahorio, nok raweron ne R. tiotkon ne rawatsirake eniakonontiiohake. Eli ok iehowarare karonhiake iehawenon ne tsi tiotkon rariwakennhaskwe kariwiioston. R. sakoskwekon kenreks kowatson sakonnhese akonwaiatakari ne Daniel. 3 nihati rontenro ratinekenteron iahte honatiatatson aseken iahte honatewenteton R. raoriwa. Ise kati oni hetsisewaniahesen ne R. iah nonwenton te iakothathon kaneka R^{ke} aiakoni-konhratontietton nok asakotewenteton, aiakotkaronnihon. Tosa sewanikonhrakenheie nonwa ne ietsiswens akwa ieriwaneraks. Saheto tsi ienaie nonwa entsiakoteriwahtonse raotiiatanehrakwatsera. Katke sonha osinonwa enkonneke ratiieronke kenha. Sewatatenikonhrahnriratsek kati, kwaien okonha, R. raoteriwa tsi sewateriosere, sewaiatakennha ne kariwiioston, etho nentewe tenietsirensaronnionheke iahte kakonte. Ikehre nonwa tsi ok nitsion enkwarihonten. Tetsisewa-

kanere Simon sewatatekenha, rattokha, wakwa-
tenientense entsisewariwaienniheke othenon nen-
sewaiere, nok hetsisewaniha enwaton nonen en-
wakiheion. Nok ne Juda roiatahniron nok rotsa-
nit, raonha enhanenhrenhawiseke ne rotiskenra-
kehte tsinenwe enhonwakowanenhatieseke, tiot-
kon ensewatesennieseke. Tiotkon skanikonhrat
kenhak, iah taonton aietsisenni ne iahta taesewa-
tatswenseke. Ietsiatarorok tsiniiakon ne tiakori-
waieri ; ietsironhiakent ne iahte iakoriwiioston,
karo tasewatkwit, kwaien okonha, akwateren-
naienhase. Thakinonks ne R. skennen takiheie
tsi ikehre : ensewateweienton tsi entsisewateri-
honten ne wakaterihontakwe.—Kennaheha waha-
rihokten onen wahrenheie ne Matathias nok eh
iahare tsinonni iehonenon sakoni okon kenha.

Juda ne Makabee ronwanatonkwa tonsahatane
raonaktake ne Matathias kenha. Wasakoiataroroke
ne tiakoriwaieri iahte hotirihontion R. raoiane-
rensera. Kennonweha onen ok 6,000 nihatihne.
Wahonwennitentase ne R. asakotkatho raotani-
tenrenserakon raotiohkwa. Wahotitokense tsi iawet
shonikonhriihon ne R. Teiutenonhianiton tsini
hoieranion ne Juda, ronwatsaniskwe niahte hoti-
wiioston. Tsiniiot ne roskenrakehtekowa wahat-

seronniate iontatientha okon; ronwawennarakwakwe ne rontatekenha nok tsini hatihne ne raotiohkwa kenha ne Matathias. Tsini hotsanitonne, tiotkon sakoserenonties ne iahte iakoriwiioston, iahte haweron : naonsahonwaniakense wasakorio ne tsiakorihontion kariwiioston, nok oktiwakwekon wathonwarensaronnion. Ne ronontiio Antioqus tohka iotkararenkwaton wasakotenniete ne ratisennowanens ratinenbrenhawis rotitiohkwatsanit ne sotar, nok Judas Makabee wasakosenni. Tsi ronterioserense ronterennaienskwe nok ronontontiatakwe Sitaeronon, etho nitiawenon, saheto kennihatihne wahontesenni.

Ethone wahoniron ne Judas nok ne rontatekenha : onen waonkwaterioserentane ietisennion ne ionkiswens, R. tsi tionnhe waharihonni. Onen nonwa tetsitewanonweraton satsitewanonsaseronni raononsatokenti. Akwekon wahatiriwanonwene, Jerusalemke wahonnete, wahotinikonhraksen tenhnon tsi wahontkatho tsini hononsaksaton Antiokus ononsatokenti, iahte skaien atekwaratseranoron, tsinonni kanaktanoron iokwirote tsiniiot karhakon nok tsi ionontenion wahatiratSIONKO ne ronatseronniaton, wahontstaronnion, okenra takonati ne ratinontsine, onwentsiake wa-

hontiskwentaren nok oksaok akwekon wahatise-ronni ononsatokentike.

Nonen iakahewe iawentatokenton, orhonketsi wahontsketsko, nok ononsatokentike wahonnete, akwekon ronssikwarenhawe rotiskenrakehte, ronatiataseronni ne ratitsihenstatsi rahente ne Judas. Kawenniio akwekon wahontkennisa wathatinienkarohoke tsi wahontekate ne ratitsihens-tatsi, nok wahonwawenniioste ne R. wathatiri-wakwe nok akwekon wahontsennonni. Satekon niwenniserake etho niohtonne. Iah kati tetsioton-wentsiohon ahontasete otstenrokon nok tsi ionon-tenion tsini hotiierenne. Akwekon oni wahatiri-wisa tsi ienskahewe tsioseratson ne wenniserate tsi skonwanonsaseronnianion ononsatokenti en-honentatokentase.

Ethone tsi rotesennionhaties Judas Makabee Antiokus ronontiio wahatehen tsi iahte iotonhon iahateriwahtentiate nahoten ranientakwe tsi Per-seke iehawenonne. Rerhakwe : akenatakari ka-natowanen Persepolis konwaiats, enkatatewenni-ioste tsinikon tkaien owista tsi thotinonsote iawet ononsatokenti konwatisennaiens ne kaiatonnik. Sahotitokense ne ratinakere wathatiiena ahonta-tiatakennha, wahonterio nok sahonwatekwate.

Wahateko Antiokus eh ionsahare tsinon thohtention. Ohahake wahariwahronke tsi tohka iotkararenkwaton Sitaeronon ronwatisennion raotiohkwa tsi senha rotitsanit ratisatste, tsi tehotihriton kaiatonnik roteninhaonne aiehnioten ononsatokenlike, tsi shotinonsaseronnianion ononsatokeniti, nok tsi rotinatahniraton tsi tkanataien Bethsura konwaiats. Akwa iken wahonakwate, wahariwisa asakohrewate ne Sitaeronon, wahrenon : Jerusalemke iaionkiatenhawe, etho akwekon enkheiawentho ne Sitaeronon, wahatita kaseretakon, nok wasakotenientense enhonne ne raotiohkwa rotiskenrakehte. Tenhnon raonha oni wahosere ne R. akwekon tehakanere, wahohrewate. Tsinaharihokten Antiokus tsi rawen : enkenatarisi Jerusalem, akwekon enkheiawentho ne Sitaeronon, ok sa ok wahononwakten raiatakon, akwa ionehrakwat waharonhiaken. Tkariwaiერი etho nahoiaatawen nene kentiohkowanen nonkwe sakoronhiakentonne. Senha kati wahonakwen, irehre : senha takonrattat nakosatens ; wahaiaienne kati, akwa ionehrakwat wahokarewate raieronkeson, akwa ionehrakwat tsini hanaie, tsini hatatkonnienstha, rerhakwe : ii entkennonton taonsakaweriiake kaniatarake nok oni enko-

tianeronkwas tsi ionontenion akwa ionontowans, enkaswate tsi iotsistokwaronnion karonhiake. Onen nonwa raiationni wahonwentakeren. Tsini hoiatawens wehne ionnis tsi raonha ne R. iah othenon te honoronse; wahoiatatken, otsinonwa tkontiiakens raieronkeson, okti tkawaraniserens, akwa ionehrawat raiaatakeras, iah taonton aiontakatstate raotiohkwa. Etho kati takaientakwe tsi wahonikonhraitane tsi onkwe ni haiatoten, wasakononke ne rontenro nok wasakawenhase, wahrenron : Tkariwaiერი ahonwawennarakwe ne R., tosa onka nonwentsiake ahrrerheke sate iakeniiatoten. Sakehiarane nonwa tsini iawetowanen khekaronnihon Sitaeronon Jerusalemke, wakatennhaon oni ahonwatirio. Wakeriwaienterene tsi ne wakstonton tsi wakenonwaktani, sakatateriwasten wakenikonhrariotha tsi ethoni wakieren. Onen onwatsiok enkiheie inon teiakwatere tsinon tkenakere. Tsiniiot tsi rohtare, aiakaweron ne iakotonte, tokenske onteken sbotatrewaton. Wasakorharatsten tsi eso owista enthatenniete Jerusalemke, ensakaon oni akerat nok katse owiſtanoron, owista enthatenniete Jerusalemke ononsatokentike, ienhatiataren tsini hotiriwiiostontseroten Sitaeronon, nok nonwen-

tsiakwekon enhariowanate tsi iah othenon te honoronse ne R. Tenhnon oktioriwakon nene ronkwetaksen wahonitentase ne R. thonikonhbrakontakwen ne R. iahtahorane raotanitenrasera, aseken raweriasaksen, onen ieiohe tahoiatorete. Sahattoke tsi tiotkon senha roronhiaken, wahnikonhriiake, wasakoiatonse ne Sitaeronon, raton tsi wahaiaton : Ne skennen entsionnheke, nok ensewatsennonni, tehinonweratontha ne R. nok oni akwa ionehrakwat wakeronhiaken, wakeron aktokenstanion tsini wakaterihonte, wakeron : tenshatane Antiokus ne rienha wahihretsiaron atsisewatontatiheke, nok sewarharek entsisewanoronkwake. Kawenniiio wahoiatonserisa Antiookus, wahrenheie. Iah tokenske te ken tsi shotatrewaton, iahte haiatarakwe ne R. tsi shotatrewaton, iah oni tatetsiottenion raweriasa, ne ok ehneken nonkwati.

CHAPITRE LXXII.

Guerre de Judas Machabée contre le général Timothée, puis contre Lysias.—Marques sensibles de la protection divine accordée à Judas.—Sa victoire sur Lysias qui demande la paix.—Nouvelles hostilités.—Soldats Juifs tués.—On trouve sur eux des objets offerts aux idoles.—On fait offrir pour eux des sacri-

fices.—Croyance des Juifs au Purgatoire.—Nicanor, d'abord ami de Judas, reçoit du roi ordre de le prendre.—Menace de Nicanor contre le temple.—Onias et Jérémie apparaissent en songe à Judas Machabée. Victoire de Judas sur Nicanor —Mort de ce dernier. Alliance de Judas Machabée avec les Romains.—Mort de Judas Machabée. (A. M. 3842).

Iahte hatorisenskwe Judas Makabee ahaïatakennha kariwiioston, asakoiatakennha oni ne sate hatinakere, nok tiotkon R. roriwawasehatie. Wahotinehrako iahte hotiriwiioston tsi iatehatikanere 5 nihati rotiiatatsanit rotises owistanoron ionatseronniaton nakosatens, ohenton iehatite tsi ronaterio ne Sitaeronon, tehniase natehonterahneken Judas Makabee nok ratikwekon rotiienen kaienkwire, tsiniiot wahonteseronti niahte hotiriwiioston, towasen tewenniaawe natewenniawetserashen (20,000) wahoniheie. Wahateko ne Timothé, wahonwasere wahonwaiena nok wahonwarrio. Ok sa ok Jerusalemke sahonnete ne Judas Makabee raotiohkwa nok wathonwanonweraton ne R.

Tsi wahariwahronke ne Lisias ne ronwakowanen iahte hotiriwiioston 80,000 wasakotiohkwaroroke rotiskenrakehte, ethone wahrere: iahta hatikweni ne Sitaeronon aionkisenni.

Ne ratikorason tehononwentsianekhaons ne Sitaeronon iotkate wasakotinatakarihato, etho kati takaientakwe sekon sahonterio. Iawetowanen wasakosenni Judas Makabee nok tohka nikana-take wahanatentawe. Tsioriwat tenhnon iakahewe esoha nihati Sitaeronon wahoniheie tsi waterios Judas nok raotiohkwa, wasakotiiataroroke ratiie-ronke kenh naontonseke aiontatitata, nok wa-hatitsenri raotinatatserakon niatekon ratihaw ne iawet konwaterennaiennihne ne ratisennaiens kaiatonnik, iawet kati kaiatonnik aowenk ioton-hon, ne Sitaeronon raotiiannerensera iakotiawen-ratiskwe ahatihawake nothenon ne iawet konwa-wihne ne kaiatonnik, iawet waterennaienni tsini hotiriwiiostontseroten ne ratisennaiens kaiaton-nik. Akwekon wahatiriwaienterene tsi ne rotis-tonton R. sakohrewaton nok ronenheion; wahn-nehre: thennontonhon ne R. tsi ronenheion, tkariwaieri tsi sakohrewaton. Niawen sonkwari-hotasienni nahoten rotiriwisakon ahatiriwasete. Kanekhere iah ioriwatsanit te ken tsi rotiriwann-hikon, iawet kennioriwaa, sakonaktotani oni ne R. tsi ronenheionsere aonsahontatrewate othenon ahotiriwaientak ne ioriwatsanit. Wahonterennaien kati, wahnwennitentase ne R. aonsahoni-

konrhen tsi ronwanikonhraksaton. Judas Makabee wasakohrëtsiaron ne raotiohkwa tosa eh nahatiiere, tosa ahatiiena othenon iawet akowenk iotonhon ne kaiatonnik, wahawistaroroke 2000 drakmes konwaiats owistanoron, wathatenniete Jerusalemne ononsatokentike, ahonwanaterennaiahase ne ronenheion. Tsi ethoni hoieren, wehne ronni tsi thawehtakon entsiontonnhete ne iakawenheion, tokat wahi ahaweron, iahtaonsaiontonnhete ne ronwatiriohne, ahaweron oni : oktioriwakon iahte kasta ahonwanaterennaiahase iakowentaon; ok eken thawehtakon ne Judas, iorharats asakotenre ne R. ne kariwiiostonke ronatonnhoktaon. Oriwiiio kati, wennon-tonniontseratokenti, wennontonniontseriio oni eniontataterennaiahase niakowentaon, etho naontawe aonsaiontiatokewe tsi iakoriwaneren. Ethoni kawennoten kaiatonseratokenti, akwa aowenna. Ne kati ietokatha ethoni hotirihotenhne ne Sitae-ronon tsi nonwa nionkwarihoten, nene kariwiiostonke waiaiheie aonton ne iahtahontkaronni iahte kakonte saheto othenon iakoriwannhikon. 3111

Saiatat ne rasennowanen Nikanor thonwatan-nietonne ahonterio Judas Makabee raotiohkwa, wahosennaiesate ne R. iawet oktahoieron watha-

tenentsakaratate, iawet wehne ronniatha tsi rakenhronnis ononsatokenti nok wahrenron: Iahtaskwaienawasere ahiiena Judas Makabee, akwa enskenonsarisi sewanonsatokenti enkenonwentawe oia entsienonsonnonni elho enhonwasennaaien ne kaiatonnik Bakkus ronwaiats. Sonsahahtenti Nikanor, ratitsihenstatsi okon wahonwennitentase ne R. tehonsenthoserons, rontons tsi ronterenaiens : Sewenniio, senonsarakwen tsinonwe eniesasennaientakwake, hetsrewat Nikanor, sehrewat oni raotiohkwa. Salontekwe tsi iesasennaiesaton, kariwaksen ne hiataiatenni tosa aionnise ahononnheke. Wasakotkennisahate Judas Makabee raotiohkwa, wasakohretsiaron Rke ahontenikonhrontiettake, aonsaiakehiarane tsini iawetowanen R. sakoiatanonstaton, wasakohrori : Ken wasonte, wahrenron, wahiken ne ratsihenstatsi kowa kenha Onias kenha, akwa ionehrakwat thoriwaierikwe tsinahe ronnhekwe, rokonsanehrakwat, ronikonhriiohne, rattokhakwe oni tsi sakotatiskwe, karonhiake iatehotsiate ne tsi sakoteren naienni ne Sitaeronon. Tehnihasehne, saiatatiahte hienterehon, rokstenkowa rokstenseranoron tsi wahiken. Ethone wahakenhase ne Onias, wahrenron : Nene ronkwe tetskanere rotokense ken-

ha Jeremi eso tsi sakonoronkwa ne rontatekenha Sitaeronon, tiotkon sakoterennaiennnihaties Sitaeronon nok ne ratinakere kanatatokentike. Tsinaharihokten ne Onias taesnisonnsattate ne Jeremi tsinonwe itkete, tahakon asikwe owistanoronon, wahakenhase : R. wahiatsikwasseron ne ensatste ne enseriohte iahte hotiriwiioston. Ok sa ok wahonnehre ne Sitaeronon : Tokenske ethoniiot isi wahotetsen ne Judas, wahonskaneke nahonterio. Onen sahahtenti ne Judas, wahatkatho tsi tkanenraien niahte hotiriwiioston, akwa rotitiohkwaatsanit nonkwe, akosatens, onotstakowa oni, nok kennihatiha ne Sitaeronon ; wahaterennaienkati, raton tsi raterennaiens : Sewenniiio, niatekon tsini satieranion ioriwanehrakwatanions, iah othenon te sanoronse, rotitiohkowanen ne ionkiswens, ise tensennonton asheion ahontesenni ne iahte hotitiohkowanen wahonterio;ok sa ok 30,000 wahoniheie niahte hotiriwiioston, nok otiake wahonteko. Wasakotisere ne Sitaeronon, akwekon wasakotirio. Wahrenheie oni Nikanor ne ronwakowanen. Sitaeronon wathonwanonweraton ne R. Judas wahoniariake Nikanor nok wahaiake rasnonsakarati, nok Jerusalemke sarette. Wasakotkennisahate ne Sitaeronon, wasakohrori tsini

sakotenron ne R., wasakonatonhase ne raonontsi kenha ne Nikanor nok shasnonsakarati kenha, aseken sekonsi ronnhewe rotenontsakaratonne ahosenten ne R. rawenhne: Enskensarisisonosatokenti, tsiniiot ne kaneren rasnonsakenha onosatokentitserakta, nok raonontsi kenha tsi watenhenrote wahatihnioten, akaieronnihake tsi R.rohrewaton. Wahatiriwisa ne Sitaeronon tsinikon ienskahewe tsi etho niawenhon enhonatatokentase ne wenniserate.

Kennaheha wahrenheie ne Judas Makabee tsi wahonterio ne raotiohkwa nok ne Sirironon : 800 tsini hati ne raotiohkwa, nok 22,000 tsini niahte hotiriwiioston. Iahte haweron Judas : akateko, enniserakwekon wahonterio, ok are wahonwarane ne Judas kenha, ethone wahonennikonhrii-ake ne Sitaeronon. Wathonnekwe ne Judas kenha raieronke kenha, nok wahonteweienton tsi wahonwaiatata tsi tkanataien Modin, etho ratiitatarion sakoni okon kenha. Tohkara nonta ne Sitaeronon wahonwatstarase, rontonhakwe : Ionikonhraksat kowa tsi onen rawenheion nene rotsanit kowa sakoiatanonstatskwe Israel raotiohkwa !

CHAPITRE LXXIII.

Jonathas succède à Judas Machabée comme chef des Juifs.

—Bacchides fait la paix avec Jonathas qui contracte des alliances.—Pièges tendus à Jonathas par Tryphon.

—Jonathas est fait prisonnier.—Simon relève le courage des Juifs.—Perfidie de Tryphon pour faire mourir Jonathas et ses fils.—Funérailles de Jonathas.

—Monument que lui élève Simon.—Histoire abrégée de la dynastie des rois Asmonéens après Simon.

—Aristobule.—Régence d'Alexandre.—Lutte entre ses deux fils Hircan et Aristobule.—Pompée décide en

faveur de Hircan.—Aristobule prisonnier à Rome s'échappe.—Antipater fait proclamer par les Romains

son fils Hérode roi des Juifs.—Accomplissement de la prophétie de Jacob sur la tribu de Juda.—Le dernier

des Asmonéens Aristobule III installé grand-prêtre.

—Hérode le fait tuer perfidement.

Tsinahe thawenheion Judas Makabée kenha ne Sitaeronon wahonwaiatarako ne rokenha Jonathas ronwaiatskwe taonsahatane raonaktake. Ne rotsiha Simon rorihontakwe sane nahonwaiatarako, akwa wahariwanonwene tsi ronwaiatara-kwen ne rokenha. Jonathas wasakoianenhawe ne rosotha nok rontateken okonha. Ethone si kahawiskwe skennen kowa rononnhekwe Sitaeronon, ratiienthoskwe, tohka nikanatake ratinata-

hniratskwe. Ne ronwakora Sirironon Bakkides ronwaiatskwe wasakonenhrenten, tenhnon ne Sitaeronon wahonwasenni, wahatewennate nok wahrere : skennen aiakwat. Otiake Sitaeronon ratisennowanens ronwanosaskwe Jonathas, wahonteriwakstate. Tsini hotsanit Jonathas, wasakohriste, wasakonnhese etho takaientakwe sate honwakonnienston ne Sitaeronon tsini honwakonnienstakwe nakte nonwe thatinakerenion. Wahrere ne Jonathas : onkwatenro onton ne rotinontioson nok erennonwe thatinakere Romronon nok Lasedemonronon, Alexandre Bales, nok Demetrius ronwatiiats wahiaterio, tetsiaron ronwariwanontonnihne ne Jonathas ahatontate ahontenrowe asakoriwawase wahiatenrowe Alexandre Bales nok tsi wahoriwawase etho takaientakwe Alexandre wahosenni Demetrius. Jonathas Ptolemaïdke iahare tahononweratonna Alexandre ne aoriwake tsi wahotesenni. Alexandre akwa ionehrakwat wahoteweienton Jonathas, wahosennowanate nok tsi tohka nihati Sitaeronon niatekon ronwariwakwennihne, ronwennowentanionnihne ronwatsihenstatsi kowa Jonathas, iah othenon te hotahonsataton Alexandre. Tsinahe Sitaerononke ieshawenontonne Jonathas, sekon tohka

iotkararenkwaton wahaterio, tenhnon ne tsi hoi-
enawase ne R. roienawase oni ne rotsiha Simon
roriwaienniskwe othenon ahoiatawen, wahate-
senni Jonathas. Tsi iotohetston 18 nioserake tsi-
nahe thoterihontakwe Jonathas, wathonikonhra-
kenni saiatat ne Trifon ronwaiatskwe ne ronwa-
kowanen tsi rotiohkwaïen ne sotar Alexandre
roskennhenne ne Trifon Alexandre raonaktake
taonsahatane, nok tsi roterientare Jonathas rori-
wawasehatie Alexandre, wahrere : ahiiena Jona-
thas. Eh warete Trifon tsi thenteron Jona-
thas, wathorhoton, wathorensaronnion tsiniiot
ahonoronkwake, wahohonkaron oni ahotkensera,
wahorharatsten niatekon nahaïere ahotsennonnia-
ten. Wahatontate Jonathas, iahte irehre: ranikonh-
ratha onte ken ? Onen tenhnon tsinahe thotaweia-
ton Jonathas kanatakon tsi nonwe rohrorihne Tri-
fon tenhiatatken, oktontaiawentsi akwekon wa-
ennhotonnion tsinonni iontaweïatakwa kanata-
kon, wahonwatirio ne ronwanonteraties Jonathas
nok raonha wahonwannhoton. Ne ietokatha iah-
tiiekaïeri ahatisatsteke ne kowanen ronateri-
honte, sekon teïotonwentsïohon ahonttokhake
tosa ahonwatinikonrhaten rononkwetaksens.

Kawenniiio wahotitokense Sitaeronon tsi ron-

waiena Jonathas akwa ionehrakwat wahotini-konhraksen; raonha tsini hattokba Matathias kenha sakoien okonha. Sekon sronnhe ne Simon iahte honikonhriiakon Rke wahatennikonhron-tiette, onen eso tehaoseriiakon, wasakotkennisahate Sitaeronon, wasakawenhase: Sewaterientare, wahrenon, tsinikon ionkwaronhiakenhon ii nok iakwatateken kenha aiakwaiatakennha nonkwaianerenseratokenti. Akwekon ne iakwatateken kenha ise sewariwake ronatewenteton tsi rononnhe. Onen iawet akonhaa sekon konnhe, ahakitenre ne R. tosa takatatorhoton tosa taonkenonhianike akwaronhiakense nonwa tsi kawahis ionkwanikonhraksensers; iah wahi senha te tewakeriwaieri tsiniiot iakwatateken okonha. Sahotinikonhrahnrha ne Sitaeronon sahonwawennahronke Simon, wahniron: Ise enkwakowanenhake, nok wahatasawen Simon asakoteriwatsteriste. Tiotierenton wahrere: akkariake aontonseke Trifon ahotkawe Jonathas, tenhnon tsini haserohen ne Trifon, wathotoktase tsi eso wahakariake Simon, sekon wahrere: ahonatkaraientakwe tehniase Jonathas sakotijen okonha. Wahatsanike Simon ne aoriwa, ethoni haierha tsi tehotonwentsioni asakosete Jonathas nok ne

routatien okonha. Wahatontate sane ahonwatiia-tenha Jonathas sakoien okonha tosa onka ahonwariwasten tosa ahoniron; tehononhianihekon, aseken iahte hanonwes aonsahatatewenniio Jonathas. Iah tenhnon ok sewatieren te ken tsi ratsaniskwe Simon; aseken onen tsi honwatiiatenहा Jonathas sakoien okonha, ok sa ok Trifon wasakorio, saheto iah othenon tehotiierenne nok rorharatstennihue Trifon iah othenon tahotiiatawen. Tsinahe thawenheion Jonathas, Simon wahoriwanontonse Trifon aonsahako raieronke kenha ne hiatateken kenha, nok tsi tkanataien Modin wahoiataten tsinon ratiiatatarion Matathias kenha nok sakoien okon kenha. Wahatennhanne aienonsonni akwa kanonsowanen tsinon hatiiatatarion akwa ehneken tiotte inon ioken, iekanihare iontkathoskwe ne kaniatarakowahne tehontstekafwaskwe.

Tsinahe thoterihontakwe Simon, ethone watkatane tsi Sirironon ronwatinontiio sakonateriwatsteriston Sitaeronon. Akwa rattokhakwe Simon, wahariwaierite oni tsi sakoriwakwatakwenis ne Sitaeronon, ne rawennhonsa tenhnon waho-sete taonsahatane raonaktake. Onen 8 nioserake tsinahe thoterihontakwe Simon ratsihenstatsi ko-

wa kenhne tenhnon iawet oni ronwanontiiokwe Sitaeronon. Karistatsihne wahatiiaton tsini iorowanens rotiriwaieriton Simon nok rontateken okon kenha, tsiniiot watesakotinnhe ne Sitaeronon. Ne akte thatinakere rontenrokwe Sitaeronon wahatiriwanonwene, wahatiienhna ononsatoken-tike aontonseke ahotitokense nonkwe enhononnnheke tsinenwe.

Ne roienha Simon kenha San Hirkan ronwaiats tonsahatane raonaktake (A. M. 3870).

Tsinahe thawenheion Simon Makabee nene rosotkenha Asmonee ronwaiatskwe, ne Simon sakoien okonha oni teshonattenionkwen tsi rona-terihontakwe asakonateriwatsteriste Sitaeronon. Ratsihenstatsi kowa nok oni rotinontiiokwe kenhne. Ne kati nonwa rotinontiiokwe Asmoneens ronwatiiats. Iah rononha tethonennontonhon ahontatsennowanate, ne ratisennowanens, ne tehatiiatoretha, ne ratitsihenstatsi nok kentiohkwakwekon Sitaeronon, wathatiiena, wahatiriwisa tsi etho neniohtonhake. Iekanihare ne Sirironon ronwanontiiokwe wahariwahnirate.

San Hirkan Simon kenha roienha tonsahatane raonaktake, nok wahasennowananna tsinahe thoterihontakwe. Onen tsi hotiatison, tsi thatinakere

Sitaeronon, waenitiohkonnai tohka ni kentiohkwake ne kentiohkwaksenskwe okonha, etho wahonteriwakstate, wathariwakaranie oni ne ratiatarakwe. Ethoni kentiohkotenne nene Farisiens nok Sadduseens ronwatiiats. Nene Farisiens ronwatiiatskwe ronatkonwaroroktonne kariwiioston, nok ne Sadduseens ronwatiiatskwe iahta thonehtakonhakwe tsi entsiontonnhete nonkwe ne ok ieken ronnesakskwe ahontonwesen nonwentsiake.

Aristobule tonsahatane Hirkan kenha raonaktake, tetsiaronkon roterihontakwe oni nennearatsihenstatsi; tenhnon ronontio. Wahonikonhrawen tsi ronistenha rosweis, wahannhoton tsini ionnhes. Tsi iontatennhotonkwa wakenheie. Wahatennhanne oni ahonwasete ne rokenha, aseken ratsaniskwe iahtahoriwawase; wahattoke tenhnon ohnaken tsi tehoterientawenriehon tsi ne rennontonnionhakwe, wahonikonhrariohte; tsi-oserat tsinahe thoterihontakwe wahrenheie; ne wahorio kanikonhraksensera. Alexandre Jannes ronwaiatskwe tonsahatane raonaktake. Wahareko ahonterio Egiptonon, wahonwasenni sonsarawe tsi thatinakere Sitaeronon wahonwasenten ne raotiohkwa, etho takaientakwe tsi wahonakwen,

wasakokenrenseronni nok wasakononke nakte thatinakere tosa ahonwario ne ronwaswens, 48 tehaoseriiaikonne sahrenheie (A. M. 3926).

Sahrenheie, ne rone Alexandra konwaiatskwe wakoteriwatsteriste Sitaeronon nok Hirkan II ronwaiats ratsihenstatsi kowa iotonhon. Sakenheie Alexandra nene roienkenha ne kennihraa Aristobule ronwaiats wathiatkenni ne rotsiha Hirkan, onka enhonwakowanenhake. Saiatat rassennowanen Romke kowanen roterihontakwe Pompee ronwaiatskwe wahonwaiatarako tetsiaron asakoriwakwatakwase. Pompee wahoiaatarako ne thakowanen Hirkan. Wahatenienten Aristobule ahateraiatakwe, tenhnon Pompee eh ionsahare Jerusalemke, wahorihonten Hirkan, nok wahariwisa tsioseratson enhakariake owista, enthoten-nietase. Wahaskennhen ahataweiate ononsatokentike tsinon kanaktanoron, rononha ne Sitaeronon rotinaktaientakwe etho ahontaweiate. Iekanihare etho wahataweiate tsinonni raonhatsiwa ne ronwatsihenstatsi kowa ne Sitaeronon ronaktaientakwe ahataweiate enskat ne tsioseratson; iawet kati wahanonsaksate Niio raononsa. Tsi-nahe ethoni hoieren Pompee tiotkon tehoteraswaksenhon. Ne wahohrewatakwe ne R.

Aristobule Romke wahonwenteronna nahonwannahoton tahonwawistotarho. 8 nioserake tsi-nahe rannhoton, wahakweni ahahniakenne, wahateko, tenhnon ohnaken wahatateriohte raonha.

Hirkan oni hariwatoken saiatat Idumeronon Antipater ronwaiats ne tesakorhotonniskwe Romronon wahosarine, wahariwakweni ne ratisenno-wanens Romke rontkennisaskwe wahatiiatonse-ronni tsi Herot nene roienha Antipater Idumeronon enhaterihonten Sitaerononke, enhonwanton-tiiohake Sitaerononke, (A. M. 3966). Onen tsi Sitaeronon ronwanontiiio iotonhon Herot, wahatennhanne ahonwasete Hirkan. Ethone ieioierihon tsi nahoten thotrorihne wahonnise ne roks-tenseratokenti Jakob kenha Abraham kenha ro-tereha, rawenhne Jakob tsi renheionserene : Juda, eniesanoronkwake ne sewatateken okonha, sasiakta enhontiskwentarhaseke, ise eniesanont-iiohake, ensatesennieseke, etho nensatsaniton tsini iotsanit ne kenrekskowa, tiotkon eniontate-nontiioke sheien okonha tsiniiore enhennakerate ne sesakoskontakohe nonkwe, nene kentiohkwa-kwekon nonkwe enhonwaskanekseke, enhonwarhareke. Akwa oriwiiio etho niawenhon: tiotkon-ro-tinontiiiosentaonne ne Sitaeronon ne Juda rao-

watsirataſie. Onen tenhnon ſahonwanontiioste Herot ne raiatarakwe tsini hotiriwiiostontseroten ne Sitaeronon iah ſane ſate hawatsirataſie, Idu-meen ni haiatoten, ethone kati tiotasawe iahte ſhotinontiiosentaon ne Sitaeronon kaneka ne Sitaeronon akenhake, Romronon thonennontonhon onka enhonwakowanenhake. Watkatane kati ethone tſi Sitaeronon rotinontiiosentaon ne Sitae-ronon. Etho kati takaientakwe ethone ne Sitae-ronon iakorharekwe kennonweha enhatotasi non-wentsiake nensesakoskontako nonkwe.

120 nioſerake tsini kariwes rotinontiiosenta-honne ne Asmoneens ronwatiiats aſeken ne roſo-tha ne Simon thotierenton ronwanontiioston Juda rawatsirataſie. Tenhnon tsinahe thawenheion Jannes kenha iah ſahotinikonhſrat te kenhne As-moneens raotiwatsirake. Sekon tenhnon ſaiatat ne ranekenteronha Ariſtobule III ronwaiatskwe ſekon ronnhekwe. Nene roniſtenha iotataſken-nhaonne Herot ahoriſhonten ratsihenſtatsi kowa ahaſon. Sahonentatokentafe ne Sitaeronon wen-tanoron kanennakehne, tiotierenton wahonwaken ononſatokentike ethoni honenoten tſiniiot ne ra-tiſihenſtatsi kowa Sitaeronon hotinenoten, ron-kwetii, rahnenhies. Akwekon wahonwanonwene

sahonwaken, sahonnehiarane wahi tsini hotiieren sakosot okon kenha aiontatiatakennha ne Sitaeronon. Tenhnon sahattoke Herot tsi akwekon ronwanoronkwa, wahonakwen, wahariwisa ahoiatahtonte, wahohonkaron ranekenteronha Aristobule ahatennioten ; sahatikwentane, wahonwaiatenhawite akta tsi kahionhatatie, tohka nihati etho rontawens. Wahonwahonkaron ahatawen. Wahatontate nok tohka nionkwetake ronatkariaki eh nahatiiere kanonwakon wahonwaiatenhawewahonwatonroste kanonwakon. A. M. 3970. Ethoniiot wahrenheie ne raonhaa shotatenre ne Asmoneens ronwatiatskwe. Akwa wahotinikonhraksen ronistenha nok hiatennosenha. Herot rotsennonni raonikonhrakon tsi onen rawenheion, tenhnon wahariwasete, etho nahaiere tsiniiot ahonikonhraksenhake. Wahatennhanne aioianereke tsi enhonwaiatata nok aienonsonni kanonsiio tsi non thaiatat.

Wahrenheie Herot 37 nioserake tsinahe thonwanontiioston, iah wahonnise te ken tsinahe rotennhaonne ahonwatirio eksa okon kenha (A. M. 4001).

CHAPITRE LXXIV.

Développement progressif de la promesse du Sauveur faite aux patriarches et aux prophètes.—But providentiel des voyages des Juifs, et leurs rapports avec les différents peuples.—Accomplissement des prophéties dans l'unité de l'empire romain et la paix générale.—Attente universelle des peuples.—Un Dieu-Homme pouvait seul racheter les hommes.

Onwarh sontahonwawennonti ne R. thonatierenton nonkwe, sakorharatstennihne, katkeka enthotenniete saiatat nensesakoskontako nonkwe. Ok ne saoriwat sakorharatstennihne rotikstenseratokenti okonha Abraham, Isaak, Jakob, tiotkon senha iotehiarontie tsi sakorihotasienni ne aoriwake.

Sahotitiohkwarakwase R. Abraham raowatsire ne sakotere okonha, R. raotiohkwa akenháke, iahte haweron rononhaa akhetenre, iawet sakorihonten ne Sitaeronon asakotakwenniaienneheke ne kariwiioston nok tahariwareniate nonwentsiakwekon tsi saiatat entre nensesakoskontako nonkwe, sakawennihne Isaak nok Jakob : Ne sewatsirake enthaiakenne katkeha^a raonha enharihonni nonkwe okon nonwentsiakwekon enhontsennon-

ni. Ne rotitokensehakwe ok ne saoriwat sako-
tirharatstennihne nonkwe, ronatroration ohen-
ton tsi nenhoiatawen, tsi enhonistensentak niah-
te ienakwaienteri, tsinenhoiatawen nonen enhre-
seke nonwentsiake, nok tsi nenhrenheie, tsi ens-
hatonnhete. Akwa otokenhon ronatrorationne
katke nentkahawiseke nenhennakerate nok tsi
neniawen ioriwanehrakwatanions nonen enhen-
nakerate.

Oktihaweton ne R. thennontonhon tsi Sitaero-
non tehonatstekafwen Egiptke nok erenson non-
we, tsi tehonatieston niate kentiohkwake non-
kwe oia nihatiwennotens. oia oni tsini hatiweien-
notens Assirironon, Grekronon, Romronon, etho
tioientakwen tioteriwareniaton nonwentsiakwe-
kon tsinikon ronatrorationne rotitokensehakwe ne
raoriwake nensesakoskontako nonkwe. Raweron:
Akhetokatenstakwe nonkwe tsi iah rononha te-
ken ne Sitaheronon R. sakoi en okonha, satesa-
koien okonha akwekon nonkwe nok oni niahte
honwaienteri, ka ki ok nonwe ahatinakereke.
Onen kati akwekon ioteweiennentahon nenrawe
nonwentsiake nensesakoskontako nonkwe ron-
warharekwe.

Onen ieioierihonne tsinikon thonatrorationne ro-

titokensehakwe. Onen iahte shotinontiosentakwe Sitaeronon ne Juda raowatsire. Onen toha ieiohe aontenniserokten 69 nioiaiakserake rotro-riatonne Daniel. Onen ieiohe Romronon ronwanontiio toha nonwentsiakwekon ronwennakertonne nok oni inon thatinakere. Onen iawet ronaterioserentahonne nonkwe nonwentsiake, skennen kowa oktiwakwekon. Onen oktiwakwekon iohahatenion aontiesentake nonkwe tahontstekafwa nok tahontatken. Watonskwe ethone nahonwatiwennatrori rotitokensehakwe: Tesannhohonti karonhiake, nok aontahatsnente Thoriwakerikowa; aiawens ahatotasi nensesakoskontako nonkwe.

Tkariwaiერი tsi ronwarharekwe nonkwe asenken raonhatsiwa iahte honoronse ahariwahtonte akoriwanerahaḱsera nonkwe nok asakotonnhotonkwase ne karonhiake. Kannhotonkwe ne karonhiake, tsinahe thoriwanerenhenne thotierenton ronkwe. Iah kaneka ne ronkwe tehokweniatseraientakwe aonsasakoskontako sate iakonkwe, iah oni te watonskwe kaneka ne raronhiakehronon aonsasakoskontako, aonsahonikonhraseronni ne R. saheto onkwe ahotatonni, iah satekenat teken taonsonteriwaserakwate nonkwe akoriwane-

rahaksera. Sotsi inon tehontere ne R. nonkwe nok oni eronhiakehronon. Saiatat ok ne Niio tenhnon Oukwe nihiatoten iahte honoronse raonekwensa ahaierate skennen aonsahonton nonkwe nok ne R. Nene kati ronatroriaton ne rotitokensehakwe, nene nonwentsiakwekon ronwarharekwe, nene Niio hiatatienha ne tekeni ratontha Ashenseratokentike sabniatat tenhnon ne Roniha onkwe rotatonni ahakariakte raonekwensa tsi ionkwariwaneren sasonkwenheias. Ne ronatro-riaton tsini hoiatawenhon ne rotiiatonserisahannhon kaiatonseratokenti kaiatonserase konwaiats.

Onen kati iotokte kaiatonserakaion ne watro-riatha tsini iawenhon arekho onkwe si hotonhon Jesus.



TSINI IORIWAKE KEN KAHATONNION.

CHAPITRE I.—R. raonwentsison, sakoiatison non-
kwe. Orawista.....1

CHAPITRE II.—Rotiriwaneren thonatierenton non-
kwe, rononwentsiaksaton tsi rotiriwane-
ren.—R. sakorharatstennis saiatat entre
aonsasakoskontako.—Kain wahosete Abel.
.....9

CHAPITRE III.—R. tonsahoiatakwe Enok.—Tsi
sotsi kariwanakere kariwaksen nonwen-
tsiake, R. wasakohrewate, onhnoton non-
wentsiakwekon.—Noe nok raowatsire ro-
nonha iahte hotiskohon. A. M. 1656...17

CHAPITRE IV.—Noe sakotere okonha wahatihne-
katonni R. watesakowennateni, wathon-
reni nonkwe nonwentsiake A. M. 1771.—
Eso nonkwe iahte shonwaienteri ne R.—
R. wahoiatarako Abraham. A. M. 2083.
R. wahonnhanne Kanaanke iahare....26

CHAPITRE V.—Abraham Egypte warete.—Wathia-
tekhasi Lot nok Abraham. R. wathotiane-
ronkwen Abraham, wahohrori kariwano-
ronson tsi neniakoiatawen sakotere okon-
ha. Ratsihenstatsi kowa Melkisedek waho-
konnienste Abraham.....32

- CHAPITRE VI.—Abraham wahotiniake Akar.—
R. wahohrori tsi enhowiraientak Isaak.
—Tsini iosatste thawehtakon Abraham.
.....39
- CHAPITRE VII.—Abraham sakoterennaiennis So-
domronon. Waonatateke 5 nikanatake.—
Wahennakerate Isaak.—Abraham sasako-
tekwate Akar nok roienha Ismael.....47
- CHAPITRE VIII.—Abraham rotetewentetennis ne
R. roienha Isaak; wahonnhanne Elieser
ahaiatisakha Rebecca ne wahotiniake
Isaak. A. M. 2148.....53
- CHAPITRE IX.—Wahonennakerate Esau nok Ja-
cob.—Esau wahotewentete tsi thakowa-
nen.—Isaak wahoterennaienhase Jacob.
A. M. 2245.—Jacob wahateko, R. waho-
tianeronkwen.....60
- CHAPITRE X.—Wathiatatken Jacob nok Rakel,
eh sarette Jacob tsi thanakerekwe, Esau
wathoteratana.—Ka nitiawenon R. waho-
natonkwe Israel.—Wahrenheie Isaak (A.
M. 2273) Tsi raksaa Sose Jacob roienha,
R. wahotokaten niatekon tsi wahatetsen.
.....69
- CHAPITRE XI.—Rontateken okonha Sose waho-
watenhninon.—Rone Putifar iahte iokwe-
nion tahonikonhrakenni. Ronwannhoton
Sose.76

CHAPITRE XII.—Sose wahonikonbraientasten Ron-
nontiio Faraon nahoten rotkaton tsi wa-
hatetsen.—Wahonwaiatanoronste Sose (A.
M. 2289) Sose rontateken okonha Egypte
wahonnete.—Sahonhtenti nok sonsahon-
newe wahonwaiatenha Benjamin A. M.
2297.....82

CHAPITRE XIII.—Sekon sathiatatken Sose nok ron-
tateken okonha, wasakohrori tsini haiato-
ten.—Jacob Egypte warette, wahatrori tsi
Juda raowatsire enhotinontiiohake. Watni-
heie Jacob nok Sose.....88

CHAPITRE XIV.—Tsini horonhiakenhon nok ro-
takatstaton rokstenseratokenti Job. — 3
nihat i rontenro wahonwatkensera.....97

CHAPITRE XV.—Job wahatroriate tsi kennikari-
wesha iiens nonkwe nonwentsiake, tsini
kanoron attokhatsera, ohniiotiieren arens
iahte ieronhiakens nonwentsiake iakon-
kwetaksens, tsi entsiontonnhete nonkwe.
R. sahaon ne Job aonsahokwatsehake.
.....104

CHAPITRE XVI.—Wahonwaskoko Moyse.—Fa-
raon tsi rononsote wahonwehiaron. Waha-
tekwashen Madianke, etho R. wahotiane-
ronkwen (A. M. 2513), wahohrori tsi roia-
tarakwen aonsasakonerensi Sitaheronon.
.....113

CHAPITRE XVII.—Iahte hatontats Faraon ahonh-
tenti Sitaheronon. R. wasakohrewate Egyp-
tronon, niatekon tsini iakoiaawens...122

CHAPITRE XVIII.—Tsiniiot Faraon wahatateni-
konhrahnrirate.—R. wasakotenre Egyp-
tronon tsi wasakohrewate.—Wasakohrori
ne R. Sitaheronon tsi nahatiiere tsi enkon-
wario teiotinakarontonha nok nahoten
watenientenstakon.130

CHAPITRE XIX.—Sewasontat akwekon thonatie-
renton ronennakeraton Egypteke iaihei-
onserons. — Sitaheronon sahatiiakenne
Egypteke A. M. 2513. Rawentison ne R.
wentanoron Paska aonsaiakehiaraseke tsi
ethoniawenhon.—Egyptronon wasakoti-
sere Sitaheronon. Watewahnekakhasi ka-
niatarekowa, wahatiskone Egyptronon,
nahoten watenientenstakon.....138

CHAPITRE XX.—R. wasakononten Sitaheronon
tsi ronahtentionhaties karonhiake tewa-
sens kakwanoron.—Moyse raotennits wa-
hatstenraweheste, takahnekinekenne kah-
nekiiio.—Sitaheronon wasakotisenni Ama-
lesit.....148

CHAPITRE XXI.—Wahounnewe Sitaeronon onon-
takta Sinaï. R. onontoharake rarihowa-
natha 10 nihawennake, saiatat raronhia-
kehronon rowennahnoton.....153

- CHAPITRE XXII.—Sitaeronon wakonwasennaaien
teionnhonskwaron owira nakoiatonnisero-
ten owistanoron. R. wasakohrewate..161
- CHAPITRE XXIII.—Wahonwanonsonnien ne R.
kennikanonsaa, karontotseratokenti. Na-
hoten etho itewat. Aaron Ratsihenstatsi
kowa. Nahoten ronaterihontakwe nethone
Ratitsihenstatsi.....170
- CHAPITRE XXIV.—R. rawentison 4 niwentake
wentanoron ne tsioseratson Sitaeronon wa-
hontewennaksatanion teioriwake, sakowis
ne R. ahatiwarake.....178
- CHAPITRE XXV.—Nonkwe sonha wahontonwent-
siakensera ne R. sakorharatstennihne Si-
taeronon. Wasakohrewate ne R. iakoten-
nowentatskon, wahariwisa tsi iah etho tia-
honne.186
- CHAPITRE XXVI.—Kore, Dathan nok Abiron sa-
honwatkarenrako Moïs nonwentsiakon ia-
hatiiatenne. Wahatihnekaioha Sitaeronon
karhakon. Moïs tekeni iotkarenrakwaton
wathatstenrawehestakwe raotennits. R.
wahohrewatakwe. Wahonnhanne R. Moïs
ahaniaraniionten karistatsi ; nahoten wate-
nientenstakon.....192
- CHAPITRE XXVII.—Balaam iahte hatontats ios-
hentenion asakawenhase Sitaeronon. Ne
raotsenen tewahontes watatis. Finees wa-

hosete saiatat Sitaeronon ne rotenakwaiesatonne.....201

CHAPITRE XXVIII.—Moïs tsi renheionsere wasakohretsiaron ne Sitaeronon ahonwawennarakwake ne R.....210

CHAPITRE XXIX.—Wasakohrori Moïs Sitaeronon tsi nahatiiere ahontsennonni. Wahrenheie (A. M. 2550).....218

CHAPITRE XXX.—Sitaeronon wathatinatariiake Jourdain (A. M. 2553). Wathatinatakari Jeriko, Josue ronwakowanen.....224

CHAPITRE XXXI.—Sitaeronon wahontatewenniioسته tohka nikanatake. Tsini ionwentsiio sakowi ne R. Wahrenheie Josue. (A. M. 2570).....233

CHAPITRE XXXII.—Tohka nihati Rotiiianer sakenateriwatsteristha Sitaeronon. Skaiatat ne ionkwe Debora konwaiats wakoiatakenha. Jahel wahosete Sisara. Ruth Moabronon wahotiniake Booz rosotha Tafit.....244

CHAPITRE XXXIII.—Gedeon wahoiiatarako ne R. aontasakonnhe Sitaeronon wasakosenni ne Madianronon.....256

CHAPITRE XXXIV.—Abimelek wahatatkowanate, wahanatakarihatn. Sahatiriwanerake Sitaeronon R. wahorihonten Jefte aontasakonnhe.....265

CHAPITRE XXXV.—Samson wahotiniake ne kaia-
taseha Filistinronon. Tsini hasatstekwe ;
eso wasakorio Filistins ; wahonwaiena,
wahrenheie.....274

CHAPITRE XXXVI.—Heli ronwakowanen Sita-
ronon (A. M. 2848) R. wahohriste aseken
iahte hariwasatste asakohrewate sakoien
okonha. Samuel wahohrori nahoten tho-
tati ne R.....284

CHAPITRE XXXVII.—Filistins wasakotisenni Si-
taeronon, wahontatewenniioste Niio rao-
nonsa. Wahrenheie Heli. Oh niawenhon
karontotseratokenti aoriwake. Samuel wa-
hariwahnirate kariwiioston. Sitaeronon
ronskaneks ahotinontiiosentake.....293

CHAPITRE XXXVIII.—Saül thotierenton ronwa-
nontiiio Sitaeronon, rotesennion tsi waterios,
ohnaken wahowennonti ne R.....302

CHAPITRE XXXIX.—Sitaeronon iahte hontontats
ahonwario Jonathas Saül roienha. Samuel
wahohrori Saül tsi R. wahorihontako ase-
ken rowennontion.....310

CHAPITRE XL.—R. wahoiatarako Tafit taonsaha-
tane raonaktake ne Saül. Tafit wahosete
tsi waterios ne rahnenhieson Koliath. Saül
wahonosa Tafit.....318

CHAPITRE XLI.—Tsiniiot tehiatatenonweskwe Ta-

fit nok Jonathas.—Wahateko Tafit, Saül wahosere, tsini honikonhriiohne Tafit, tsini haserohenne Saül.....326

CHAPITRE XLII.—Saül wahawennisake ne watenhennaras.—Wahonwasenni Saül, wahrenheie.—Tafit wahotstarhase.—Tafit ronwanontio Juda nok Israel raotiohkwa ; wahatatewenniioste tsi tkanataien Jerusalem.—Wahariwisa ahononsonnien ne R...336

CHAPITRE XLIII.—Kowanen wahonnhike Tafit. (A. M. 2967).—Rotokense Nathan wahohriste, R. wahohrewate.—Absalon roienha wahatatenontiioste. Tafit sahateko, onen wahatkweni.—Wahrenheie Absalon.—Kannratarines ionnratsanit.....346

CHAPITRE XLIV.—Tafit wahariwisa tsi Salomon roienha enhonontiohake.—Wahohretsiaron tsi renheionsere.—Tsini hoiatawenhon Tafit teskiatieren tsi nenhoiatawen Jesus, ne oni rotroriaton Tafit tsi nenhoiatawen Jesus.....355

CHAPITRE XLV.—Tsini hattokha nok tsini hotso-kowa Salomon, wahononsonnien ne R. iononsanehrakwat, wakonwaterennaienhase. (A. M. 3000.).....366

CHAPITRE XLVI.—Wahariwanerake Salomon.—Sahrenheie, Sitaeronon tekentiohkwake iotonhon, Juda raotiohkwa, nok Israel

raotiohkwa.—Jeroboam wasakonikonh-
renhawite Sitaeronon ahatissennaien kaia-
tonnik.....377

CHAPITRE XLVII.—Asa, Juda raotiohkwa ronon-
tiio, Akab Israel raotiohkwa ronontiio
(A. M. : 090.) Rotokense Eli ioriwanehra-
kwatenions nihoierenhaties.—Akab wa-
hoiatissake ahosete.....388

CHAPITRE XLVIII.—Eli wasakotēhate ne ratisen-
naiens kaia-tonnik. — R. wahotianeronk-
wen Eli, Akab raonwentsiaskennhen Na-
both.—Wahrenheie Akab.....397

CHAPITRE XLIX.—Josafat ronontiio roriwiioston,
tenhnon wahontenrowe ne iahte hotiriwi-
ioston.....408

CHAPITRE L. — Watnihtaren Eli nok Elise .Wat-
niatariiake Jourdain.-- R. wathoiatakwe
Eli.—Ioriwanehrakwatenions tsini hoieren
Elise rotokense.....415

CHAPITRE LI. — Elise sahaonnhete raksa kenha,
sahotsiente Naaman Sirironon.....426

CHAPITRE LII.—Sirironon wathatinatannhake tsi
tkanataien Samari. — Oktontaiawentsi sa-
honteko Sirironon.—Jehu Israel raotioh-
kwa ronontiio wahawatsirawahtonten
Akab kenha raowatsire.....435

CHAPITRE LIII.—Athalie ionontiio ontennhanne

ahonwanasete iakotere okonha, sahonwa-
hniakente Joas, ohnaken wahonwanon-
tiioste.—Wahrenheie Elise.....446

CHAPITRE LIV.—Tsini hoiatawenhon rotokense
Jonas, thonnahonne R. asakotati Nini-
fronon.....455

CHAPITRE LV.—Rotokense Isaï akwa otokenhon
wahatroriate tsi nenhaiatatokenhake nok
tsi nenhoiatawen nensesakoskontako non-
kwe nok oni kentiohkwatokenti aoriwake.
.....469

CHAPITRE LVI.—Ne Ronwanontiiio Assirironon wa-
hatewenniioste Samari tsi tkanataien, wasa-
konaskonni Israel raotiohkwa.—Tobi wa-
tharonweke.—Wathotenniete ne roienha
inon iahare nahawistakoha.—Raronhia-
kehronon Rafael wahononteratie.....483

CHAPITRE LVII.—Wahotiniake Tobi roienha Sara
Raguel sakoienha.—Raronhiakehronon
wahoiatanonstate.—Sahiahtenti Tobi nok
ne rone.....495

CHAPITRE LVIII.—Sonsarawe Tobi ronineha, ra-
ronhiakehronon sahotsiente ne rokstenha.
Karenniiio waharennisa Tobi.—Wahatrori
Rotokense Nahum tsi Ninifenwatenatarisi.
.....507

CHAPITRE LIX.—Ronontiiio Esekias wahariwah-

tonte tsi Sitaeronon ratisennaienskwe kaia-
tonnik.—Raronhiakehronon wasakowen-
tho ne raosotar Senakerib.....518

CHAPITRE LX.—Tsiniiot shoteriwatewaton nok
shotatrewaton Ronontio Manasses.—Holo-
ferne wathanatannhake tsi tkanataien Be-
tuli.—R. wahanikonhrata ioterehons Ju-
dith aontaiakonnhe Sitaeronon.--Holoferne
wahateweienton.....530

CHAPITRE LXI.—Judith wahoniariake Holoferne.
—Tsini horiwiiostonne Josias ronwanon-
tio Sitaeronon.—Ronwanontio Babilonro-
non wahatennhanne ahonwario Joakim,
ahonwaiatenha Jekonias teshotaon raonok-
take.....543

CHAPITRE LXII. Rotokense Jeremi wahonwaie-
sate. Nabukodonosor wathanatakari Jeru-
salem, iotenonsatson ononsatokenti (A. M.
3405).—Jeremi wahatstarase tsi tkana-
taien.—Nahoten wahatkatho Esekiel tsi
wathotieronnionse.....553

CHAPITRE LXIII.--Daniel Rotokense Babilonke
wahaiatanonstate tioriwaieri Suzann tosa
akonwario, wahohrori Nabukodonosor na-
hoten watenientenstakon tsi wahatetsen.
.....565

CHAPITRE LXIV.—R. wahohrewate ranaie Nabu-
kodonosor 7 nioserake kario roiatontakwen.

—R. wasakoiatanonstate 3 nihati rontenro Daniel iahte honatiiataton tsi otsirake ronwatiiatontion.—Daniel wahonatonhase Nabukodonosor tsi iah othenon te ken ne kaiatonnik.....577

CHAPITRE LXV.—Daniel wahonikonhraiastan Ronontiiio Balthasar nahoten asontake kahiaton.—Sirus wathanatakari Babilon.—R. wahoiatanonstate Daniel tosa kontirio ahonwaiatakari.—Daniel akwa otokenhon wahatrori katke nentkahawiseke entre nonwentsiake nensesakoskontako....590

CHAPITRE LXVI.—Ronontiiio Sirus wasakaon Sitaeronon aonsahonwanonsonnien R. ononsatokenti Jerusalemne.—Nahoten thotiiaton Aggee nok Sakari rotitokense.—Wakonwaterennaienhase ononsatokenti (A. M. 3489) Ronontiiio Assuesus wahotiniake Esther (Sitaeronon).—Rasennowanen Aman wahariwisa ahonwanasete Sitaeronon.....604

CHAPITRE LXVII.—Ionontiiio Esther warete ronontiiioke. — Assuerus wahatontatse, wahatennhanne ahonwario Aman.....615

CHAPITRE LXVIII. — Nehemi ronwawis ahatsteriste taonsaietstenroten kanataktatie Jerusalem nok aonsaienatonni.—Estras wasakohretsiaron Sitaeronon aonsahontatre wate nok taonsahonterahneken ne R.—Malaki rotokense.....627

CHAPITRE LXIX. Ratironhiakehronon wahon-
wasokwaweson Heliodor tsi ratatewennios-
tane owista aowenk ononsatokenti Jerusa-
lemne. — Tiotieronnionhon karonhiake
nonkati. — Ronontiio Antiokus wasakonn-
hanne Sitaeronon tahatiriwiiostontserate-
ni.—Wahonwario rokstenha Eleasar iahte
hatontats (A. M. 3873).....640

CHAPITRE LXX.—Antiokus wahatennhanne a-
honwatironhiakente, ahonwatirio skaiatat
ne ionkwe nok 7 nihati akoien okonha.—
Ratsihenstatsi kowa Matatias nok sakoien
okonha tsi ionontenion wahonteko ahon-
tatiakennha.....652

CHAPITRE LXXI.—Matatias wasakohretsiaron sa-
koien okonha akonwaiatakennha kariwii-
oston.—Wahonterio niahte hotiriwiioston
nok wahontesenni. — Sakonwanonsase-
ronnianion ononsatokenti.—lawenheion-
tatsanit wahrenheiate Antiokus. (A. M.
3840).....664

CHAPITRE LXXII. — Juda Makabee wahatennhan-
ne ahonwanaterennaienhase ne raosotar
kenha ronawentaon tsi waterios.—Onias
nok Jeremi wahonwatianeronkwen.—
Wahrenheie Juda Makabee (A. M. 3842).
.....671


CHAPITRE LXXIII.—Wahonwario Jonathas ron-

wakowanen Sitaeronon. — Onka ne tesho-
nattenionkwenhatie asakonateriwatsteriste
Sitaeronon. — Romronon thonennontons
onka enhonwanontiiohake. — Wahonwa-
rihonten Herot Idumeronon. — Ieioierihon
raotiwenna rotitokensehakwe.....678

CHAPITRE LXXIV. — Nahoten iorihonnihon R.
thennontonhon tahontstekafwa ne Sitaero-
non. — Skennen iotonhon nonwentsiakwe-
kon. — Ronwarharenion nonkwe nensesa-
koskontako Niio tenhnon onkwe nenhaia-
totenhake.....689







Burtin, Pei

9297.



24ColorCard Camera Tray.C